

龙坡



明 宋 濂 等撰

中 華 書

局

卷一三至卷二六(紀)第 二 册

元史卷十三

本紀第十三

世祖十

行省。 **倶降**。 杖必闍赤。」己未,罷雲南都元帥府,所管軍民隸行省。 天述道仁文義武大光孝皇帝,諸王百官朝賀如朔旦儀,赦天下。丁巳,敕「自今凡奏事者, 分道征緬 必先語同列以所奏。 石,得粳糯二萬五千石有奇,乞增新附軍二千。」從之。 二十一年春正月乙卯,帝御大明殿,右丞相和禮霍孫率百官奉玉册玉寶,上尊號曰憲 江浙行省平章忙忽帶進眞珠百斤。 建都先為緬 ·於阿昔、阿禾兩江造船二百艘,順流攻之,拔江頭城,令都元帥袁世安戍之。 所制,欲降未能。 既奏,其所奉旨云何, 時諸王相吾答兒及行省右丞太卜、參知 丙寅、闊闊你敦言:「屯田芍陂兵二千,布種二千 令同列知而後書之簿。 不明以告而輒書簿者, 甲子,罷揚州等處理算官,以其事付 丁卯,建都 王、鳥蒙及金歯一十二處 政事也罕的斤

本

紀

第十三

世祖十

日二 固 境,爲舟人所害。 未,相吾答見遺使 用 一人祠岳瀆后土。 否當 是, 使 卿至 招 然其 取 一彼,當宣明股意,勿求貨財。 聖裁。」從之。 緬 、荆湖、江西、四川行樞密院,治建康、 王,不 進緬國所貢珍珠、珊瑚、異綵及七寶束帶。 應。建都太公城乃其巢穴,遂水陸並進,攻太公城,拔之,故至 御史臺 遣王積翁齎詔使日本,賜錦衣、玉環、 丙子,建寧叛贼黃華自殺。丁丑,雲南諸路按察司官陛辭, 鄂州、撫州、 鞍轡; 成都。 積翁由慶元航海至 立躭 羅國 安撫 是皆降。 詔諭 司

晏順 韶州 虎者 矣。」己卯,馬八兒國遣使貢珍珠、異寶、縑段 征 日本船。丁亥,命翰林學士承旨撒里蠻祀先農于籍田。 淘金五百人還家。丁未,括江南樂工。 、衡州民相挺 等三十二人,幷妻孥送京 月辛已,以福建宣慰使管如德爲泉州行省參知政事,征緬 以別速帶逃軍七百餘人付安西王屯田,給以牛具。 、問豈無罪輕可錄用者。」御史大夫玉速帖木兒對曰:「以各人所犯罪狀明白敷奏, 而起,湖南宣慰使撒里蠻將兵討之。 |臣言:「罪黜之人,久忘其名又復奏用,乞戒約。」帝曰:「卿等所言 師。 罷阿八赤開河之役,以其軍及水手各萬人運海道糧。 名成則貨財隨之,徇財則必失其名,而性命亦不可保 命阿塔海發兵萬五千人、船二百艘助征占城, 甲午,罷 邕州、賓州民黃大成等叛,梧州 壬 辰,以江西叛寇妻子賜鷹坊養 甲戌、造蒙古官及翰林院官各 羣牧所。 浚揚州漕 己亥、瑞州獲叛民 河。 罷 一日本近 高麗 之

本 紀 第 ٦٠ Ξ 世 祖 +

民

不救,儲糧

何

爲

發

萬石賑

之。

命開元等路宣慰司造船百艘,付狗國

田

楊

二家軍

千

從征

緬

籍

江南

飅

徒

軍

藏

匿

者有罪。

火兒

忽等所部

民

戶

告饑,帝

日

饑

西 不 道 定, 命江西省益之。 立法輪竿于大 內萬壽 戊 申,徙江淮行省于杭州 Щ ,高百尺。 漳州盗 ,徙浙西宣慰司 起,命江 浙 行 省 于平江,省黄 調 兵 進 討。 秦州 舸 宣 總管劉 慰司 人

發 有 罪 嘗欲 歸黃華,專 覺伏 誅。 遷故宋宗室及其大臣之仕者 於 內 地

弘範 王 置置 以 等將 至元 三月辛亥, 潮、赣、吉、 八年 新 附軍。 建幕庭于 敕思、 撫、建昌 壬戌,更定虎符。 播管軍 和林 成兵。 北 民官自今勿遷。 野 乙亥,高 里 脈 丙寅,乘輿幸 里之地,留七 麗 國 丁巳, 王(降)[賰]以皇帝 上都。 皇子北 年,至是始 丁卯,太 平王南 歸。 尊號 (北)[木]合 廟 右丞 Ī 殿 禮成,三 相 成 安童 奉 至自 安 繼 神 至。 北邊。二 È 以張 甲

鐵 收 言 以 集占城 木兒 贖 ,以鈔萬錠爲市 過。 征 散軍 緬 己亥,涿 之師 一,復使 爲 州 於 贼 南 巨 別十八 衝潰。 征 馬 月且 河 決, 里及 戊 趣 申 其未行 衝突三十 河西 高 麗 者,許之。 上都。 王 餘 王(腾) 里。 以)[序]及 庚子, 火者赤依 壬寅、江淮行省進 湖 公主 廣 舊揚 行省平 以 其 州 世 鹽運使 章 各翼童 子 阿 訓 里 來 歲市鹽 一男女 海 朝。 开 請 百 敕發 身至 人。 八 --思、 忽都 海 萬 播 濱 石

司

兼

夏

四

月壬午,今軍

民

同

築堤

堰,

以利

五衞

屯

田

乙酉,

省泉府司入戶部。

立

大都留守

遣使來賀。

王

少府監。

<u>寸</u>.

大都路

總管府。

立

西

川、延安、

鳳翔、

興元

宣

認司。

從迷

里火者、

蜜

刺

里等

[戍軍

0

雲南行省為

破緬國江頭城,進童男女八十人,幷銀器幣帛。

等將 伏誅。 南, 鐵。 軍 册 凡 東 敕追烏 或 省 民 計 皆 從 一者皆 還 誀 T 請 戶 蠲 兵 五. 不 之。 月己 馬兒等誥命、虎符及部將所受宣敕,以河西孛魯合答兒等代之,聽阿里海牙節 中 征 丑: 括 江 益 許 撥 南 占 1給之糧,舟楫損者修之,以俟 癸丑 天下 兵。 忽都 俟來歲遣嫡子以方物 用畏吾字,其宣命、劄付並 今 就 城,前鋒舟師至舒眉蓮港 酉〔朔〕,從禿禿合言,立二千戶,總 詔 匠 车 ,樞密院臣 戶三十萬,其無藝業者多, 諭 遺 私 命 虎、 鄂 ·田賦十分之二,其十八年已前 占蠻向導至占 藏 各道提刑按察司 州達魯花 天 鳥馬 文圖讖 兒 言:「唆都潰軍已令李恒收集,江淮、 太乙雷 赤趙 劉 萬戶 城 進。 翥等奉璽書 分司 境, 等率揚州 公式、七曜曆、 繼遣 其國 不知所向,令萬戶 用蒙古書。」己未, 阿里海牙調用。」 事 宜。 其孫 今已選定諸色工匠,餘十 主遣 省 往 庚午, 逋 路 欽察、康里子弟願爲國宣勞者。 阿不蘭以 軍 諭 欠未 司 安南。 二萬赴 推背圖、 理勒蟄等奉表詣 荆湖占城行省以兵進據烏馬境,地 徵者,盡発之。 劉 從之。 荆湖占城行 書降, 君慶 唆 河 都 間 (苗 江西 進 軍前 任丘 戊午, 太監 且言 軍 兩省潰軍, 縣民李 次新州 九萬 省言「忽都 層, 闕。 其 遇 敕 阿 國 風 有 九 魯忽奴言 中書省:「奏目 Z 經 《船散, 移 百餘 私 獲占蠻 唆都 丑: 住 習 别 於 戶 宜 縱 及 謀 取 虎、 壬子 遣 其 軍 | 收匿 叛 高 使招 軍皆潰。 馬虜掠, 룙 麗 始 忽 , 制。 近 令爲 於江 及文 馬 拘 所 事 知 產 征 兒

本紀第十三、世祖十

稅。 安撫 物。 辰,安南國王世子陳日恒遣其中大夫陳謙甫貢玉杯、金瓶、珠條、金領及白猿、綠鳩、幣帛等 北 皇太子。 衞 安王 親 命總 丙午,以侍衞親軍萬人修大都城 軍 司,立總管府。 閨 一螭紐 都 五 丙 帥 指揮使八忽帶征黃華回,進人口百七十一。 月己卯,封法里刺王爲郡王,佩虎符。 金印。 ·戌,行御史臺自揚州遷于杭州。 汪惟正括四川民戶。 罷皮貨所。理算江南諸行省造征日本船隱弊,詔按察司毋得 給西川 蒙古軍鈔,使備鎧仗,耕遂寧沿江曠土以食,四頃 辛巳,加封衛輝路小淸河神日 庚寅、賜歸附洞蠻官十八人衣,遣還。 改思、播二州隸順元路宣撫司。 乙酉,以雲南境內洪城併察罕章, 洪濟威惠王。 以下者発輸 壬午,蒙古侍 沮 罷 癸巳,賜 撓。 西南番 隸 甲 地

鈔二萬一千六百四十三錠,皇子南木合怯薛帶、怯 九十五、羊一萬六十、賜朶魯朶海扎刺伊兒所部貧軍。 合, 屯田五河。 子, 府爲蒙古都萬戶府,砲手元帥府爲砲手萬戶府,砲 錠 浴者量 命也速帶兒所部軍六十人淘金雙城。 六月 看五 (壬子) 遺使分道尋訪測驗晷景、日月交食、曆法。 增官吏俸,以十分爲率,不及一 分。 乙丑, 甲寅,詔封皇子脫歡爲鎭南王,賜塗金銀印,駐 中衞 屯田蝗。 甲戌,賜皇子愛牙赤怯薛帶孛折等及兀 從憨答孫請,移阿刺帶和林屯田軍 憐 手都元帥府爲回回砲手軍匠 口 一萬二百四十六錠。 鄂州。 庚申,改蒙古都 刺 以馬一萬 中與其 萬戶 海 所 所 府。 部民戶 部 元帥 一百 相 甲

英等還其國,日恒遣其中大夫阮道學等以方物來獻。 越、永昌、羅必丹民心攜貳,宜令也速帶兒或汪總帥將兵討之。」制曰「可」。命樞密院差軍修 阿魯渾、玉龍帖木兒等鈔,共七千四百八十錠。 府令其兼之。 所遣太半達連扎赴闕,及其地圖來上。塔刺赤言:「頭輦哥國王出戍高麗,調旺速等所部軍 汰之。」韶軍官勿帶相銜。 乞仍於秦、鞏州置便宜都總帥府,仍用元帥印,卽其兄弟四人擇一人爲總帥,總帥之下總管 千人屯躭羅,其留戍四百人縱之還家,從之。戊子,詔鎮南王脫歡征占城。 遣所留安南使黎 四百以往,今頭輦哥已回,留軍躭羅,去其妻子已久,宜令他軍更戍。」伯顏等議,以高麗軍 大都城。 秋七 月丁 己卯,立行福司。 汪氏二人西川典兵者,亦擇其一爲萬戶,餘皆依例 遷轉。」從之。賜貧乏者 丑朔、敕荆湖、 賜皇子北安王印。復揚州管匠提舉司。丁亥,江淮行省以占城 中書省臣言:「宰相之名,不宜輕授。今占城省臣已及七人,宜 西川兩省合兵討(叉)[又]巴、三散毛洞蠻。雲南省臣言:「騰 總帥汪惟正言:「一門兄弟從仕者衆,

千人討之。定擬軍官格例,以河西、回回、畏吾兒等依各官品充萬戶 人,女直、契丹,同漢人。 人。已酉,御史臺臣言:「無籍之軍願從軍殺掠者,初假之以張渡江兵威,今各持弓矢,剽劫 八月丁未,雲南行省言:「華帖、白水江、鹽井三處土老蠻叛,殺諸王及行省使者。」 若女直、契丹生西北不通漢語者,同蒙古人,女直生長 府達魯花赤,同蒙古 漢 地, 一調兵 同

子繼、詔依漢軍籍之,毋文其手。丁卯,和禮霍孫請設科學,詔中書省議,會和禮霍孫罷,事 收附民爲萬戶。今改建昌路總管,仍佩虎符。」從之。 宜少緩。」從之。 占城國王乞回唆都軍,願以土產歲修職貢,使大盤亞羅日加翳、大巴南等 嵬,而阿里海牙、朶刺帶、玉典三軍皆後期。七月之後,海風方高,糧仗船重,深虞不測,姑 平民,若不分隸各翼,恐生他變。」詔遣之還家。辛亥,征東招討司聶古帶言:「有旨進討骨 收金銀寶器修天衣寺。甲辰、海南貢白虎、獅子、孔雀。 言:「福建行省軍餉絕少,必於揚州轉輸,事多遲誤。若併兩省爲一,分命省臣治泉州 午,車駕至自上都。甲戌,搠完上言:「建都女子沙智治道立站有功,已授虎符,管領其父元 十一人奉表詣闕,獻三象。甲子,放福建畲軍,收其軍器,其部長於近處州郡民官遷轉。庚 政。」壬子,定漣海等處屯田法。辛酉,征東招討司以兵征骨嵬。宋有手記軍,死則以兄弟若 壽庚,參政管如德分省泉州。癸巳,太白犯南斗。丙申,以江南總攝楊璉眞加發宋陵冢所 便。」詔以中書右丞、行省事忙兀台爲江淮等處行中書省平章政事,其行省左丞忽剌出、蒲 二千人討之。己酉,敕:「管軍萬戶爲行省宣慰使者,毋兼管軍事,仍爲萬戶者,毋兼 涖民 冬十月丁未,享于太廟。戊申,四川行省言金齒遺民尚多未附,以要刺海將探馬赤軍 九月甲申,京師地震。併市舶司入鹽運司,立福建等處鹽課市舶都轉運司。中書省

紀第十三

世祖十

二六九

甲戌 篴 寢。 以 諭 招 行 討 中書省, 使張萬 凡 爲 征日本船及長年篙手,並官給 鈔增價募之。 賜貧 乏者押失、忻都

等鈔 萬 四千三錠。

鈔法, 浩及 情。 時所 租 表 大羅 丞,不魯迷失海牙、 罕皆罷 庚子,以范文虎爲左丞,商量 參 稅 以 知 并 方 癸卯 盤 為 用 政 + 定金銀價,禁私 大 物 招 亞 事 ___ 來貢 切雑 福 小官員,例皆奏罷, 前右丞相安童復爲右丞相,前江 羅 討 月 也 吳興等檻送京 甲 的 日 建 つ。以 役。 申,封 加翳等奉表 迷 行 失 江淮 省遣 賜蒙古貧乏者也里古、 撒的 禽獲海盜黎德及 南木里、忙哥赤郡公。 自回易, 使 間 迷失並 自襄陽 人八合魯思 來賀 師。 樞密院 其間 官吏奉行不虔者罪之。 聖 参知 遷轉官員薄 至于 豈無通才? 誕 《招降餘 事。 節 政 東海 招降 事, 獻禮幣及象二。 太陰犯心。 多荒 西維茶運使盧世榮爲 南 薛列海、 前 而 黨 戊子,命北京宣 水 戶 不就者,其令歸農當役。 百三十三人,卽其 宜擇可 田, 里、別 部 命司 尚書拜降參議中書 察吉兒等鈔十二萬四千七百二十二錠。 辛丑,和禮 里 用者仍用之。」詔 農司 刺 壬寅,安童、盧世榮言:「阿合 理倫、 占城 量制可修 立屯 舊州主 右丞,前 霍 地 田法, 大力等 誅黎 孫 灤河道。 省 麥 寶嘉婁 依 募 德 庚寅,占城 术 事 御 所言汰選, 四 人 以徇,以 史 丁、張雄飛 國 開 己丑,江西 中 亦 敕 各遣 耕, 丞 中 奉 発其 一史樞 書省 黎德弟 表 或 其 册 馬 王 入 整治 溫 相 徇 專 爲 行 迪 使

酤賣。 尉院。 使。 湖占城行省遣八番劉繼昌諭降龍昌寧、 日期 軍六千家,廩之京師,以完倉廩。 魚利、皆弛其禁。 王 以 兵 拒 於 盧世榮不可爲相,忤旨罷。 順,集諸路醫學教授增修本草。 馬兒等鈔二千八百八十五錠、銀四十錠。 立宣慰司, **)聽人首實。** 十二月甲辰朔,中書省臣言:「江南官田爲權豪寺觀欺隱者多,宜発其積年收入,限 二十二年春正月戊寅,以命相詔天下。 向之歲課,一月可辨。」從之。 癸亥、盧世榮言:「京師富豪戶 萬叔, 招 踰限為 諸處站赤飲食, 進擊敗之。 撫西南諸蕃等處酋長。 人所告者,徵以其半給告者。」從之。 以丁壯萬人開神山河, 萬戶 是月,鎮南王軍至安南,殺其守兵,分六道以進。 發五衛軍及新附軍濬蒙邨漕渠。 官爲支給。 倪閨戰死於劉邨。 甲子,以高麗提舉司隸工部。 釀 酒,價高而味薄,以致課不時輸,宜 龍延萬等赴闕,奉羊馬、白氊來貢,各授本處安撫 癸酉,命翰林承旨撒里蠻、翰林集賢大學士許 民間買賣金銀、懷孟諸路竹貨、 遣官諸路慮囚, 立萬戶府以總之。 以涇州隸都總帥府。 罪輕者釋之。 立常平鹽局。 乙丑,祀 辛亥, 太一。 一切禁罷,官 江淮 以儀 徙屯衛輝 賜蒙古貧乏者 乙巳,崔 安南 以南 鳳司 丙寅,荆 興道 隸 或 江 國 自 衞 以

毁宋郊天臺。 桑哥言:「楊輦眞加云,會稽有泰寧寺,宋毀之以建寧宗等攢宮,錢唐有龍華 庚辰,立別十八里驛傳。 新附

本 紀 第

+

Ξ

世 釦

+

從之。 移五 行之。」流征占城擅還將帥二十三人於遠方。丙申,帝畋于近郊。陞武備監爲武備寺,尚醫 赤合何如。]帝曰:「此事朕自處之。 常平鹽鐵坑冶都轉運司。甲申、遺使代祀五岳、四瀆、東海、后土。 總兵,以分其務爲便。」帝曰:「行院之事,前日已言,由阿合馬欲其子忽辛兼兵柄而止,今議 立宣慰司,隸江西行中書省。又言:「江南行中書省事繁,恐致壅滯,今隨行省立行樞密院 爲中書省平章政事。 相,中丞撒里蠻爲御史大夫,罷行御史臺,以其所屬按察司隸御史臺,行御史臺大夫撥魯罕 史臺贓罰庫。 王子廣王以誑民,民有信者,真定民劉驢兒有三乳,自以爲異,謀不執,事覺,皆磔裂以徇 江南樂工八百家于京師。封駙馬唆郎哥爲寧昌郡王,賜龜紐銀印。 有旨遣軍二千屯田芍陂,弒土之肥磽,去秋已收米二萬餘石,請增屯士二千人。」從之。徙 條河屯田軍五百於兀失蠻、扎失蠻。辛卯,發諸衞軍六千八百人給護國寺修造。 韶括京師荒地, 令宿衞士耕種。 癸巳,樞密臣言:「舊制四宿衞各選一人參決樞密院事,請以脫列伯爲僉院。」 帝曰:「玉速临木兒朕當思之,撥魯罕寬緩,不可。」安童對曰:「阿必 罷行御史臺者,當如所奏。」盧世榮請罷福建行中書省, 乙未,中書省臣請以御史大夫玉速怗木兒爲左丞 戊子,闊闊你敦言:「先 西川趙和尚自稱宋福 廣御

紀第十三 世祖十

本

酒。 以拒。丙戌、與戰、大破之、日烜遁去。入其城,還屯富良江北。 馬兒領兵與安南興道王遇,擊敗之,兵次富良江北。乙酉,安南世子陳日烜領戰船千餘艘 符。壬寅,造大樽於殿,樽以木爲質,銀內而金外,鏤爲雲龍,高一丈七寸。是月壬午,鳥 監爲太醫院,職俱三品。陞六部爲二品。 南王會。 己亥,分江浙行省所治南康隸江西省。辛丑,以楊兀魯帶爲征骨嵬招討使,佩二珠虎 外國使至,常令翰林院主之,至是改正。 以合必赤合爲中書平章政事。 荆湖占城行省平叛蠻百六十六洞。 唆都、唐古帶等引兵與鎭 命禮部領會同館 韶禁私

萬戶、副萬戶各一人,以隸所在行院。江西盜黎德等餘黨悉平。 弩手、保甲、處州、上都新軍、黃州、安豐、松江、鎭江水軍、建康二十二翼。翼設達魯花赤 戶一常州、鎮江、潁州、廬州、亳州、安慶、江陰水軍、益都新軍、湖州、淮安、壽春、揚州、泰州 都、高郵、沿海七翼,中萬戶:棗陽、十字路、邳州、鄧州、杭州、懷州、孟州、眞州八翼,下萬 舟,舟用四人,故夫數增多。塞渾河堤決,役夫四千人。詔改江淮、江西元帥招討司爲上中 師,海運十萬石,膠、萊六十萬石,而濟之所運三十萬石,水淺舟大,恒不能達,更以百石之 下三萬戶府,蒙古、漢人、新附諸軍相參,作三十七翼。 上萬戶:宿州、蘄縣、眞定、沂鄉、 益 二月乙已,駐蹕柳林。增濟州漕舟三千艘,役夫萬二千人。初,江淮歲漕米百萬石於京 以應放還五衛軍穿河西務

者還, 據, 言言 知 州。 太子 以 姓 用 童 新 民 河 五 貨 萬 者 官 與 河, 副 聽 宿 老 餘 千 高 近 舊 吏 加 使各 車駕幸上都。 以軍 四 前 民 及居 戶 衞 以 臣 中 戶 封 . 月 爲 作室 善 桑乾河 臣 議 書 、提舉, 五 軍 合刺 萬 復 秦龍 · 賈 爲 嘗 職 員。 役 三千六百 衞 人 者爲 從 從征 赤、 隸 軍十人爲率,七人三人,分爲二番,十月放七人者還,正 陞 之, 今浙 之。 神洪 行 更休息之。 江浙 辛亥 御 者 先,仍定制 御史臺,改 阿速、阿塔赤、昔 帝問省臣:「行 勿限 帶 濟 西 壬 行 一十人, 庫 廣東宣 運 戊,太陰犯 公為 用 省習 「爲章 自 司 盧世榮言 身 課 丙 顯 1水戰, 按察 以 佩 人。 程頗 請將 應洪 午, 慰 地八畝 監 使 心心 御史臺 司 以荆湖 帝從之。 寶赤 月 濟 多, 所 萬 爲 回買 徙 獲渠 的 公。 人載 提刑 爲 擬 中書 右 7、貴 迷 何故罷之。」安童曰:「江南 陞 江 行 千 帥 失討 己酉, 江淮 省 分; 轉 轉 南 由 ·戶只 省所 入觐 參 臣盧世 赤等 運副 運 民 潮、 知 其或地 米泛 司, 見海 土 爲 隸 面面 政 嘗從 使。 惠 田 皇孫 八番 事 俾 海 一条請 陳 迷 不魯迷失海 兼錢 過八畝及 由 州 事 征 亦從之。 詔 阿難答 失 利津 宜。 羅 立 天 者,亦皆 盗郭逢貴等四十 分 穀 規 下 甸 地 從 達 拘 措 隸 立行 泉 而 之。 力不 於京 收 詔舊 所, 四 州 牙 糾 賜 盗財 銅]]] 等因 福 丙辰, 韶 之。 經 彈 能 師 錢 城居民之遷京城者, 行 月復役,正月 司 營 Ż 賜 作 o 省。 屢起,行 奏世 錢 職 以 合 室者 辛 五. 職 申 民 穀 廢 刺 酉 ·禁私 寨, 分嵐 罷 四 樂 矣。 秩 八十戶 失 品品 膠 皆不 都 烟黨 御 御史臺鎭 皆 萊 造 五 管爲 請令 兒 史 放 使、 平 酒 三人 賜 得冒 有 臺 所 新 , 麯 牛 降 附 安 臣 数 同 所

紀 第 + = 批 祖十 二七五

爲平章政事。 瓮吉剌帶爲中書左丞相。己巳,復立按察司。 省右丞要東木、參政潘傑、龍興行省左丞伯顏、參政楊居寬、愈省陳文福,專領課程事。 運使司,以治課程,仍立條制。禁諸司不得擅追管課官吏,有敢沮擾者,具姓名以聞。 江西三省之中爲便。」從之。立眞定、濟南、太原、甘肅、江西、江淮、湖廣等處宣慰司兼都轉 遏居多,臣以爲不可罷。 濟州漕運司軍萬二千人。立江西、江淮、湖廣造船提舉司。令江浙行省參政馮珪,湖廣行 罷黜除名。」詔立供膳司,職從五品,達魯花赤、令、丞各一員。罷融州總管府爲州 韶:「各道提刑按察司,能遵奉條畫、蒞事有成者,任滿升職,贓污不稱任者, 然與江浙行中書省並在杭州、地甚遠僻、徙之江州、居江浙、湖南、 撥民二萬七千戶與駙馬唆郎哥。以忽都魯 增

增壞鈔工墨費每貫二分爲三分。 十兩,以折今鈔爲二十貫,商上都者,六十而稅一。增契本爲三錢。 以時至,故請益兵。帝以水行爲危,令遵陸以往。庚子,詔依舊制, 慰司,隸寧夏行中害省。 興道王船千餘艘聚萬劫,阮盏在永平,而官兵遠行久戰,懸處其中, 三月丙子,遺太史監候張公禮、彭質等往占城測候日晷。癸未,罷甘州行中書省,立宣 荆湖占城行省請益兵。時陳日烜所逃天長、長安二處兵力復集, 唆都、唐古帶之兵又不 凡鹽一引四百斤,價銀 立上都規措所回易庫,

夏四月癸卯〔朔〕,立行樞密院都鎭撫司。置畏兀驛六所。丙午,以征日本船運糧江

款服 木兒 用 酉 淮 史臺官各一 字 及 人 以 了, 江 實 参知 躭 無 改 羅 婈 罪 六 民張 政 所 員, 者 部 浩 事 依 股 撒 征 決 舊 妻 自裁決。」癸亥, 的 日 大 [為三品] 本 都 鄧 迷 失等 船 及 氏 諸 百 產 以 艘 路 詔:「 盧 賜 罪 \equiv 男。 高 世 囚 安童 敕 樂 麗 以 所 癸 大都 麥朮 與 招 丑: 壬 諸 戌, 汴 罪 老 詔 T 狀 所 臣 御 梁 追 奏。 史 益 行 議 捕 浩円 中 世 宋 都 阿 潔 樂 丞 廣 刺 所行 阿 廬 王 與 怗 刺刺 州 及 、安童治 木 當當 陳宜 怗 見等與 河間 木 罷 兒、 中 者 省 濟寧 世 郭 事 罷 遣 樂對 之, 佑 中 歸 侍御 更 於 德、 省 者 帝 保定 史白 更之, 前 樞 蝗。 世 禿 院 其所 樂 刺 御 辛

梁、 倉。 江 洞 加 蠻 西 南 掌 五 平 以 所 西川 鄭旱。 部官冗 忻都 拘 月 甲 甲 無省 等處所 申 箭 戌, 爲 、 立 以遠 甚, 兵器 踢 、院、臺者達魯 以 里 **汴梁宣慰** 用 可 御 方 玉 爲三等,下 者京 止 史中 曆 招 以六十 討 日 兆 丞 .使,佩· 取 司 即 郭 給京 花 之。 等 八 佑 依 毁 虎 赤、畏兀 員 安 爲 師 之, 爲 符 詔 西 中 不 額 甘 書 王 中 餘 有 州 以 省參 故 等賜 回回居 時 旨 毎 事 悉 至, 地 知 近 汰 汴 不 荆湖 政 去 居蒙古 梁 頃輸 職者掌之,漢人、新附 可 事. 以 興 等處 詔 南 兵 稅 1 擇 至 遠攻,近 三石。 丑: 其 兀 江 上 行 廉 減 等貯 以 潔 省 壬午,以 上 親 有 |所用 地 都 於 王 幹 有 商 庫 鎭 者 局 不 人 稅 之。 者 服 軍 隆 雖 有 存之。 者討 Ŧ 圃 居 丁亥, 行 戊寅, 印 人 澠 芝。 Ż, 修 無 分 中 加 行 廣 有 合刺 右 漢 失 書 平、 所 巴等 地 省 鹽 預 行 場 及 臣

德、衛輝旱。罷江南造船提舉司。 臺復徙于杭州。 濟南蠶災。增大都諸門尉、副各一人。敕朶兒只招集甘、沙、速等州流徙饑民。四行御史 者、卹死事、捕逃亡十餘事,命中書省議其可者行之。庚寅,眞定、廣平、河間、恩州、大名 明 矢中左膝,至思明,毒發而卒。 兵欲北還思明州,命唆都等還鳥里。 戊子,改昇江、烏定、杂里滅該等府爲路。 /黜陟、罷轉運、給親王、賦豪戶、除重稅、決盜賊、增驛馬、 取質子、 定俸祿、 敎農桑、 優學 丁酉,徙行樞密院於建康。戊戌,汴梁、懷孟、濮州、東昌、廣平、平陽、彰 陳日烜走海港,鎭南王命李恒追襲,敗之。適暑雨疫作, 安南以兵追躡,唆都戰死。 雲南行省臣脫帖木兒言蠲逋賦、徵侵隱、戍叛民、 恒爲後距,以衞鎮南王,藥

稼 姓,無使重困致亂,以爲朕羞。」參知政事張德潤獻其家人四百戶於皇太子。 之,因諭安童曰:「此事汝蒙古人不知,朕左右復無漢人,可否皆自朕決。 物。 遺馬速忽、阿里齎鈔千錠往馬八圖求奇寶,三賜馬速忽虎符,阿里金符。 · 殆盡,其總管祠而祝之,鼠悉赴水死。 庚午,詔減商稅,罷牙行,省市舶司入轉運司。 左丞呂師夔乞假五月,省母江州,帝許 六月庚戌,命女直、水達達造船二百艘及造征日本迎風船。 辛亥,揚州進芝草。丙辰, 高麗遺使來貢方 汝當盡心善治百 馬湖部田鼠食

秋 七月壬申,造溫石浴室及更衣殿。癸酉,詔禁捕獵。甲戌,敕秘書監修地理志。

本紀第十三

批

祖十

未,雲南行省言:「今年未暇征緬、請收穫秋禾、先伐羅北甸等部。」從之。 庚子、改開、達、梁 軍三百人,田于亦集乃之地。己卯,以米千石廩瓮吉剌貧民。壬午,陝西四川行中書省左 亥,安南降者昭國王、武道、文義、彰憲、彰懷四侯赴闕。戊寅,京師蝗。分甘州屯田新附 山三州隸夔州路。(八月庚子)給鈔萬二千四百錠爲本,「六〕取息以贍甘、肅二州屯田貧軍 趾軍還家休憩,韶從脫歡、阿里海牙處之。給諸王阿只吉分地貧民農具牛種,令自耕播。乙 王脫歡、阿里海牙節制,以征交趾。」從之。復以唐兀帶爲荆湖行省左丞。唐兀帶請放征交 東宣慰使月的迷失入觀,以所降渠帥郭逢貴等至京師、言山寨降者百五十餘所。帝問:「戰 良吏往治之。」從之。庚寅,樞密院言:「鎮南王脫歡所總征交趾兵久戰力疲,請於奧魯赤等 而後降邪,招之卽降邪。」月的迷失對曰:「其首拒敵者臣已磔之矣,是皆招降者也。」因言: 丞汪惟正入見。甲申,改闊里吉思等所平大小十谿洞悉爲府、州、縣。 三萬戶分蒙古軍千人,江淮、江西、荆湖三行院分漢軍、新附軍四千人,選良將將之,取鎮南 塔朮兵後未嘗撫治其民,州縣官復無至者,故盜賊各據土地,互相攻殺,人民漸耗,今宜擇 修汴梁城。丁亥,廣

者,所至官給飲食,遺兵防衞,民實厭苦不便,奏罷之。至是,答失蠻復奏立之。(九月)丙 駕至自上都。己未,詔復立泉府司,秩從二品,以答失蠻領之。 [八月]辛丑[朔],[刊]命有司祭斗三日。戊申,分四川鎭守軍萬人屯田成都。丙辰,車 初,和禮霍孫以泉府司商販

城軍 貫。 恐因 寅、四遣蒙古軍三千人屯田淸、滄、靖海。戊辰,罷禁海商。省合刺章、金齒二宣撫司爲 曰:「信如所言,當鳩集與之。如非己有而强欲得之者,豈彼於法不知懼邪。」 五萬錠 一,治永昌。 此動搖者衆。」從之。 敕拘銅錢、餘銅器聽民仍用。令福建黃華會軍有恒產者爲民、無恒產與妻子者編 《立榷酤法,米一石取鈔十貫,增舊十倍。 至是,罷榷酤,聽民自造,增課鈔一貫爲五 汪惟正言鞏昌軍民站戶幷諸人奴婢,因饑歲流入陝西、四川者,彼卽括爲軍站。 立臨安廣西道宣撫司。 罷権酤。 初,民間酒聽自造,米一石官取鈔一貫。 盧世榮以官鈔 中書省臣奏:「近奉旨括江淮水手,江淮人皆能游水, 爲守

總管汝作以蠻軍三百爲助。降西崖門酋長 院所總蒙古兵 敕征交趾諸軍,除留蒙古軍百、漢軍四百爲鎮南王脫歡宿衞,餘悉遣還。別以江淮行樞密 材、鰐魚皮諸物。辛巳,收集工匠之隱匿者。丙戌,速木都刺、馬答二國遣使來朝。庚寅, 敵,敕修之。敕「自今貢物惟地所產,非所產者毋輒上。」丙子,眞蠟、占城貢樂工十人及藥 一行省節制,道途迂遠,請改隸中書,從之。永昌、騰衝二城在緬國、金齒間,摧圮不可禦 、成江西。 癸巳,雲南貢方物。 阿者等百 鳥蒙叛,命四川行院也速帶兒將兵討之,馬湖 I餘戶。

冬十月己亥[朔], 木 紀 第 + \equiv 世 祖 以鈔五千錠和糴于應昌府。 復分河間、 山東鹽課轉運司爲二。遣

塔塔 於女直 饑 置 者 言 淮 長 嶽 合 帖 右 至 院 「, 募 嘉 木 撒 其 行 戶 丞 廟 省 定 兒 計 地 兒 給 郾 以 征 隙 路 帶 膠 民 平 爲 Z 海 答 而 牛 城 伐 工 H Ē, 章 參 矛 少 之。 女直 本。 至 敍 各進 楊 萊 卽 忙 知 使 頭、 留 古 州 干 諸 兀 樞 安南 兀 政 定芝草。 阿 宣 魯帶 密 又復發爲軍,工 廣 賜 不 處 人 帶 事 種 散 完 脫 者 允 院 漕 撫 ', 位 爲 二石, 爲 船 理 司 里察安、答 以 臣言:「脫 成都 遺雪 江 算 以控 癸 萬 郭 Ŧ 高麗、 因 浙 佑 敕諭 戶 積 丑: 人 更給 省左 **雪的斤領畏兀兒戶一千戍合剌章。** 順 立 , 年 制 征骨嵬,因 Ŀ, 百 之三 鋑 之。 脫 慶、 江 丞 征 役繁甚。 鈔 且 卽 人 穀 南 木 重慶、 相。 命之曰:「自今之事、皆責 占 東 爲 事不 見遺 陞 諸 + 行 别 Kāſ 百戶 處 大 散 省 初, 置 授 議 使言 所 理 夔 萬 等印 楊 司 乃顏、勝納 0 西川 造海 寺 以阿 府 於雲南王 署, 六千四百錠, 元 塔 爲 五 阿 魯帶三珠虎符, 海弟六十言:「今百 塔海 都 止 令考 舶, 路,餘悉罷 與省部 沙 頀 立四四 、阿女 括 一也先 合兒 敷 府, 爲 路, 傭 中書省 敵 左 職 江 干干 丞相 兩投下鷹坊、採金等戶獨 帖木兒者, 糴米六萬 去。 呵 淮 從 阿 於 擾 則三部 合馬 二品。 民 汝。」 爲 庚子 後 劉 政務 其 船 征東宣 以 國 濫 姓 制 馬 併 匹 `,享于太廟 備 傑、 欲 Щ 肼 及 用 都 如 法 百石, 叛 谷險 輒 征 官, 三品。 諸 護 陳巖 入省 慰 或 行。 投 日 府言, 使都 入貢。 宜 本。 要, 增 下 中。 遣 爲 並 韶 丽 民, 丙 蠻 左 匹 元 人 合 仍 征 爲 辰, 夷雜 往 甲辰 戊午, 丞 帥 T 月 不 刺 俱 東 敕 九 卯 糧 召 調 禾 以 洪 招 習 賑之。 處, 壬 州 茶 討 參 修 造 泛 敕 以 臺 如 有 船 海 樞 民 復 臣 議 丘 使 不 南

言:「自平江南,十年之間,凡錢糧事八經理算。今答卽古阿散等又復鈎考,宜卽罷去。」帝 旨遣使發其民。 烏蒙蠻夷宣撫使阿蒙叛,詔止征羅必丹兵,同雲南行省出兵討之。 郭佑

嘉納之。

陛下依舊制諭之。」制曰「可」。庚午,賜皇子愛牙赤銀印。 及招宋時販私鹽軍習海道者爲水工,以征日本。 泛海貯於高麗之合浦,仍令東京及高麗各貯米十萬石,備征日本。 發兵萬人、船六百五十艘,助征日本。 仍令於近地多造船。己丑,籍重慶府不花家人百二 行省軍需,遺察忽督遼東行省軍需。甲戌,置合刺章、四川、建都等驛。戊寅,遺使告高麗 總管于躍爲惠州總管,蔚州知州木八刺爲潮州達魯花赤。帝疑其專,不允。御史臺臣言: 十三戶爲民。御史臺臣奏:「昔宋以無室家壯士爲鹽軍,數凡五千,今存者一千一百二十二 「御史臺、按察司以糾察百官爲職,近鈎校錢穀者恐發其奸,私聚羣不逞之徒,欲沮其事,願 而發,八月會於合浦。 人,性習凶暴,民患苦之,宜給以衣糧,使屯田自贍。」詔議行之。 癸巳,敕漕江淮米百萬石, 十一月己已朔,廣東宣慰使月的迷失以英德、循、梅三路民少,請改爲州,又請以管軍 乙未,以秃魯歡爲參知政事。 盧世榮伏誅。丙申,赦囚徒,黥其面 壬申,以討日本,遣阿八剌督江淮 諸軍期於明年三月以次

十二月,[10]敕減天下罪囚。以占城遁還忽都虎、劉九、田二復舊職,從征日本。 第 十 世 祖 +

塔海 章酋長之子入質京師,千戶、百戶子留質雲南王也先怙木兒所。 減合刺章冗官,可歲省俸金九百四十六兩,又屯田課程專 師。 酉,立集賢院,以扎里蠻領之。戊子,罷合刺章打金規(運)[措]所及都元帥[府]。日已敕合刺 太子 家充 遣 江淮 軍 征 ·只必哥等考覈雲南行省。 庚寅,詔毋遷轉工匠官。 日 戊午,以中衞軍四千人伐木五萬八千六百, 行省 本 敕樞 戰 土萬 以戰船千艘習水戰江中。 密院:「向以征 人、回回砲手五十人。 日本故, 遣五衞軍還家治裝, 辛丑, 己亥,從樞密院請,嚴立軍籍條 誅答卽古阿散黨人蔡仲英、李蹊 給萬安寺修造。 人主之,可歲得金五千兩。」皆從 辛卯、江三敕有司祭北斗 今悉選壯士, 中書省臣奏一納速丁言, 己未,丹太 以 例,選壯 正 月一 七五及有 廟楹。 H 到 皇 京 力

及征 八刺 合刺 九匹、衣段百匹、弓千、矢二萬發。 賜皇子脫歡 省重慶等處 等貧乏,給鈔七萬六千五百二錠。 腳、占城等軍,鈔五萬三千五百四十一錠、馬八千一百九十七匹、羊一萬六千六百三十 等及官戶散居河西者,羊馬價鈔三萬七千七百五十七錠、布四千匹、絹二千 是 ",諸王 州 命 江浙轉 縣。 阿魯灰、只吉不花,公主囊家真等, 占城行省參政亦黑迷失等以軍還、駐海外四州、遺使以 運司 通管課程。 賜諸王 集諸路僧四萬 賞諸王 阿只吉、合兒魯、忙兀帶、宋忽兒、阿沙、合丹、別 阿只吉、小厮、汪 於西京普恩寺, 鈔計七千七百三十二錠、馬六百二十 總帥 作資戒會七日夜。 別速帶 聞,敕放其軍 也先等所部 应。 以作 併

安、興教、慶壽等寺,凡一十九會。 九匹、甲千被、弓千張、衣百七十九襲。命帝師也憐八合失甲自羅二思八等遞藏佛事于萬 四、牛十一、米二萬二千一百石、絹帛八萬一千匹、綿五百三十斤、木綿二萬七千二百七十 斷死罪二百七十一人。

校勘記

皇子北平王南(北) [木] 合 從殿本改。 按上文至元三年六月丁卯條有「封皇子南木合爲北平

王」。南木合、卷一〇八諸王表作「那木罕」。

[三] 王(睹)[賰] 見卷九校勘記[六]。下同。

[三](叉)[叉]巴 見卷一二校勘記[三]。

甘沙速等州 本書地理志無「速州」、本證云「速當作肅」。

二年 二 馬八圖 按「馬八圖」本書只此一見,疑卽下文至元二十三年正月庚辰條之馬八國,「圖」爲

「國」之誤。馬八國卽馬八兒國,本書卷二一〇有傳。

[八] (八月庚子)給钞萬二千四百锭 按庚子爲七月三十日、「八月」二字錯簡、「庚子」重出、今删。

【七】〔八月〕辛丑〔朔〕 按是月辛丑朔,原「八月」誤置於七月庚子前,今移補

【八】(九月)丙寅 按丙寅爲八月二十六日,其下之戊辰爲二十八日,「九月」二字錯簡,今删。

本

- [元] [九月]乙亥 按是月庚午朔,乙亥爲初六日,原「九月」誤置於八月丙寅前,今移補。
- (10) 十二月 此處脫干支,以下文「己亥」初二日推,當有「戊戌朔」。
- 罷合刺章打金規(運)[措]所及都元帥[府] 據上文至元十二年正月己亥條及本書卷一二五賽

典赤贍思丁傳附納速刺丁傳改補。

乙酉至戊子至庚寅至辛卯 之後疑爲辛酉二十四、戊子疑爲甲子二十七日、庚寅疑爲丙寅二十九日、辛卯疑爲丁卯三十日之誤。 按是月戊戌朔,無乙酉、戊子、庚寅、辛卯諸日,此乙酉繫己未二十二日

元史卷十四

本紀第十四

世祖十一

本孤遠島夷、重困民力、罷征日本、召阿八赤赴闕、仍散所顧民船。 申,忽都魯言…「所部屯田新軍二百人,鑿河渠於亦集乃之地,役久功大,乞以傍近民、西僧 據者,悉付總統楊璉眞加修寺。 使代祀嶽濱東海。癸未,罷鞏昌二十四城拘権所,以其事入有司。發鈔五千錠糴糧于沙、 右丞告老,許之,任其子爲宣慰使。庚辰,馬八國遣使進銅盾。壬午,太陰犯軒轅太民。遣 餘戶助其力。」從之。 (静)[淨]、隆興。[]從桑哥請,命楊璉眞加遣宋宗戚謝懷孫、全允堅、趙沂、趙太一入質。甲 二十三年春正月戊辰朔,以皇太子故罷朝賀。禁齎金銀銅錢越海互市。甲戌,帝以日 憨答孫遣使言:「軍士疲乏者八百餘人,乞賑贍,宜於朶魯朶海處驗其 己卯,立羅不、怯台、闍鄽、斡端等驛。呂文煥以江淮行省 以江南廢寺土田爲人占

本紀第十四

世祖十

撫 附 虚 縣 海 爲 軍 實。」 司 于 等議 寧州,以分寧隸之。 À 詔 禁沮 屯 征 日 上比 安 田 合思罕關東曠 擾 南 鹽課。 事宜。 遣人往,事已緩矣。 設諸路推官以審刑 癸巳,陞福州長溪縣 地, 官給 其使贍之。」丁亥, 農具牛種 獄, 爲福 上路二員、(中) [下]路一員。 寧州, 7 酉 以福 **敞于近** 焚陰陽偽書顯 安、 、寧德二 郊。 降 明曆。 敍州 一縣隸 爲 \exists 之。 辛 縣, 陞 剪, 丙 龍 隸 申 蠻 命 興 ·, 以 武 夷 河 寧 新

敕 爲 居 千人或二三千,付阿里海牙從征 見 都 千 二、亦里 딞 迷失 中書省:「太府 左 其間,宣慰司 錠 販 諸 王 每歲二月分蒞按治,十月還司。 丞 二月己亥,敕中外,凡漢民 介斂行 降鎭巢府 相,遼東道宣慰使塔出右丞, 一迷失、 小 中 薛 3 書省事。 望輕,罷 監所儲金銀,循先 爲巢州。 所部饑民。 阿里、昝順、樊楫並 山北遼東道、開元等路宣 以阿里海牙仍安南行 丁未,用 甲辰, 持鐵 一交趾,仍具 朝 御 以雪雪的斤為緬中行省左丞相, 尺、手撾及杖之職刃者, 同愈樞密院 例分賜諸王。」復 丙午,三太陰犯井。 史臺臣 一參知政 將 言,立按察司 事。 中 土 書省 一姓名 事楊仁風 慰司, 遣 使諭 左丞相,奥魯赤 以 立 聞。 立東京等處行 一大司 巡行 皇子 宣 戊申 悉輸于官。 乙 農司, ·也先鐵· 郡縣 慰 已, ·,樞密院奏:「前遣蒙古 使 法,除 專掌 亦 廷 阿 平章 木 議 而 中 台 見,回 農 撒 書省 以 辛丑, 使二 董 政 合並 東 事 प्रि 北 員 參知 遣使 都 陞 參 以 諸 調 留 宣 闊 合 元 王 知 司 政 刺章 一徽院 所 帥 以 闊 政 事 軍 鳥 副 你 部 鈔 敦 Í. 正 使 雜

甘州行· 闕。 廣、江西三行省兵六萬人伐交趾。 京師。 豈皆賢邪?江南諸路學田昔皆隸官,詔復給本學,以便教養。封陳益稷爲安南王,陳秀暖 百 京 人 人所諳,宜參用之,便。」帝以語玉速鐵木兒,對曰:「當擇賢者以聞。」帝曰:「汝漢人用事者, E 爲 輔 屯 |授時曆經、曆議,敕藏于翰林國 史院。 師 期以八月會欽、廉州。 新 義 集賢直學士程文海言:「省院諸司皆以南人參用,惟御史臺按察司無之。 田,所獲除歲費之外可糶鈔三千錠,乞分廩諸翼軍士之貧者。」帝悅,令從便行之。 附軍二千立營屯田。 中書省。 公,仍下詔諭安南吏民。 丙寅,以編地理書,召曲阜教授陳嚴、京兆蕭劇、蜀人虞應龍,唯應龍赴 戊午,併江南行樞密院四處入行省。 癸丑,復置隰州大寧縣。 復立岳、鄂、常德、潭州、靜江榷茶提舉司。癸亥,太史院 荆湖行省平章奧魯赤以征交趾事宜請入觀,詔 甲子,復 以平原郡公趙與芮江南田隸東宮。立 丁巳, 命湖廣行省造征交趾海船三 命荆湖占城行省將江浙、湖 江南風俗,南 乘傳赴 調

浚治中興路 (等)[事]程文海與行臺官, 云 博采公潔 水泛溢,冒官民田,發軍民築河堤禦之。 |月己巳,御史臺臣言:「近奉旨按察司參用南人,非臣等所知,宜令侍御史、行御史臺 河渠。 省雲和 署入教坊司。 知名之士,具以名聞。」帝命齎詔 辛未,降梅、循爲下州。 乙亥,以麥朮丁仍中書右丞,與郭佑並領錢穀, 甲戌,雄、覇二州及保定諸 以往。 太陰犯婁。

本

紀第

十四四

世祖

+ -

爲 費 都 議 江 因 恋 寛 西 詔 取 権 典 行 起南 於萬 鈴 茶 御 選。 轉 史 爲運使, 億 臺 運 庫 使。 按 立 欽 察司 後 察衞 置 起 徴 以八 達 南嘗言:「江南 百官俸入以償,最 魯花 親軍都指揮使司。 月巡 赤處 行 郡 其 茶毎 縣。 引 非 中 T 賜諸 丑,徙 便。」 書 價三貫 省臣 詔 王脫忽帖木兒羊二萬。 東京行 言言 在籍 六百文, [In] 者除之勿 中 合 書省于 今宜 馬 時 增每 徴。 諸 咸 王 平府。 引 駉 以 **H**. 榷 丙 馬 貫。」 茶 子, 往 提 來 事 舉 餉 李 歲 下 給 幸上 星 起 中 犯 南

壘

ि

陣

以

臨

江

路為

北

安王

一分邑

書省。 罪 散 寡 惠 遞 令 位 當 銷 從 者 委官 盜 目 息, 死。 征 以 夏 街 四 省 雲 不 南南 人 史員數。 甲辰,行 馹 月 日 屯 必 庚子 省平章納速 騎 同 罷 置 田 治之。」 ۶ 丹當 省。 詔 今復 御 中 議 T 史臺 其宣 站 書 敕 未, 行之。 供 賦民 省 刺 免 秦王 一自杭 江. 慰 臣 雲南 T 東宣 請 金爲飲 司 辛 Ŀ उग 州 如 立 便 從 丑 難 慰 徙 汴 所 宜 征 答 梁行 司 建 陜 食之費; 請 交 數 進芝 所 康。 西 事:一 趾 部 行 中書省及 濟 蒙古軍 四 以 南 省言:「 四 黑答 本。 日 乃勝 Щ 日 南、 弛 屯 聽民伐木貿易,五 思 燕南、 延安置 庚 道 納 田 淮 餇 合見 路之禁,通 戌,制諡 租。 東、 馬 河東、 分地, 及 屯 立 淮 輸 田鷹坊 法。 烏 西三 他 蒙站 Щ 民 太原 賦 來往 道 東宣慰 壬 總管 日 子,樞密院納速 按 乃阿阿 有旨皆 戒 察 江 府 使 南 司。 司 只 一、其 目 臣 隸 諸 罷 吉 禁負 勿 火 路 內 有旨:「 之, 分 擾 臺 失 財 地 民 販 赋 不 之徒, 居,立 刺 南 花 其 增 不 並 悛 令各 京 軍 隸 毋 者 逃 中 戶

歡 路蠶災。辛卯,覇州、漷州蝻生。 湖行省阿里海牙上言:「要束木在鄂省鈎考,豈無貪賄。臣 亦請 鈎考之。」詔遣參知政事禿 還,遣使盡徙北還。仍設脫脫禾孫於黃河、江、淮諸津渡,凡漢民非齎公文適南者止之,爲 等所進擬,令人耻之。其以朕意諭安童。」以漢民就食江南者多,又從官南方者秩滿多不 旨一一要束木小人,事股方五年,授一理算官足矣。脫脫忽人奴之奴,令史、宣使才也。 辰,歲星犯壘壁陣。 魯罕、樞密院判李道、治書侍御史陳天祥偕行。甲戌,汴梁旱。 制,其留務委字欒帶及諸王阿只吉官屬統之爲宜。」從之。己已,熒惑犯太微西垣上將。 事,致盜賊滋衆,故有是言。人命至重,今後非詳讞者,勿輒殺人。」 悉令配役。 商者聽。 己未,遭要束木勾考荆湖行省錢穀。 五 |月丁卯朔,樞密院臣言::「臣等與玉速帖木兒議別十八里軍事,凡軍行並聽伯顏節 中書省臣言:「比奉旨,凡爲盜者毋釋。今竊鈔數貫及佩刀微物,與童幼竊物者, 臣等議,一犯者杖釋,再犯依法配役爲宜。」帝曰:「朕以漢人徇私,用泰和律處 乙酉, 熒惑犯太微右執法。 安南國遣使來貢方物。癸巳,京畿旱。 中書擬要束木平章政事,脫脫忽參知政事。 敕遣躭羅戍兵四百人還家。庚寅,廣平等 徙江東按察司于宣州。

荆

庚

事力未損,卽遣之。」仍諭納速刺丁分阿刺章、蒙古軍千人,以能臣將之,赴交趾助皇子脫

讀卿

有

所統漸丁軍五千人往征打馬國,其力已疲,今諸王復籍此軍征緬,宜取進止。」帝曰:「苟

外。 邦憲妻田氏爲永安郡夫人,領播州安撫司事。 捕盜者持弓矢,各路十副,府、州七副,縣五副。以薛闍干爲中書省平章政事。辛酉,封楊 癸丑,湖廣行省線哥言:「今用兵交趾,分本省戍兵二萬八千七百人,期以七月悉會靜江,今 西等路諸站總管府,從三品。庚申,甘肅新招貧民百一十八戶,敕廪給之。敕路、府、州、縣 已發精銳啓行,餘萬七千八百人,皆羸病、屯田等軍,不可用。」敕今歲姑罷之。丁巳,設陝 目人有馬者三取其二,漢民悉入官,敢匿與互市者罪之。辛亥,以亦馬刺丹忒忽里使交趾。 追逮,遠者宜以上聞。此事自要束木所發,當依其言究行之。」乙巳,以立大司農司詔 鈎考,今阿里海牙雖已死,事之是非,當令暴白。」帝曰:「卿言良是,其連引諸人,近者卽彼 (司所定農桑輯要書頒諸路。命雲南、陝西二行省籍定建都稅賦。戊申,括諸路馬。 皇孫鐵木兒不花駐營亦奚不薛,其糧餉仰於西川,遠且不便,徙駐重慶府。 六月丙 申朔、太白犯御女。辛丑、中書省臣言:「禿魯罕來奏、前要東木、阿里海牙互請 遣鎭西平緬等路招討使怯烈招諭 緬國。 韶以大司 凡色 諭 中

元 路閬中麥秀兩岐。 高麗國遣使來貢

所據, 復北京、咸平等三道宣慰司。 秋七月丙寅朔,遣必刺蠻等使爪哇。己巳,用中書省臣言,以江南隸官之田多爲强豪 立營田總管府,其所據田仍履畝計之。復尚醞監爲光祿寺。 給鐵古思合敦貧民幣帛各二千、布千匹。庚午,江淮行省忙 罷遼陽等處行中書省。

章 饑民 院 圓 雄 幷 兀 知 相 屯 宜 右 易 其 置 帶 政 符。 瓮吉剌 同 事 政 田 丞 六百 、妻子 省 言 並 事 事 ,六部,尙 相 癸巳 三 員, 壬 州 安童 僉行 宿 員, 帶 戶 禽之,皆伏誅。 申 今置省杭 復 重 駐 省 銓定省、院、 平 隸 兵 左、右丞 樞 平陽 書、 八刺 右丞 保定。 鎭 事 密 侍 乏, 並 政 院 饑 麥 州 忽 二員 事 鄎 民 判 並 术 思 且 給 阿 兩 就食隣 1 之 轉 郎 臺 必 和 淮 J 員 員,參 ', 參 地 輸 中 樞 江 一、部官 失合、 林 丑 (); 治給 無 密院,除 員 知 軍 , 郡 東 往 史 斡 外郎 儲, 知 政 米 者 諸路 忽都 認 返之勞。 /臺,御 脫 事 千 政 自京 吉思 所在 諭 樞 事 郭 石 並 財賦 魯皆 密 中 佑 賑 史 師 部 外门中 員。 院 之。 一發倉 員 大 輸米 軍 别 行 楊 民 (),行中 使外 夫 議。 實, 省 居寛, 饑,[t] 賑 壬午, 其 ___ 萬石 徙 ·書省 餘 之。 皆 員, 書省 仍 揚 同 諸 南 總制 諭 並) 遣就 州 知 發 置 H 衙 輸 除 樞 中 仍 便 鈔 平 中 門, 丞 中書 叉 院 密 書 前 章政 食 卽 尙 復 侍 院 並 選 職 使 北京, 從 監 其 北 桑哥 令 御 委 可 事 之。 事 地 上, 中 史、治 外, 代 以 糴 右 其 不 員, 者 鐵 書省斟 具 立 亦 員, 米 水 左 省 以 木 淮 萬 便。 書侍 樞 拜答兒 行者 左、 聞 兒 臣 南 密 右 石。 爲 姓 酌 洪 御 揚 院 右 丞 名 發米賑 給 左 澤 辛 將 州 史 副 相 水 金 减 丞 以 Ė, 兵討 並 使 並 並 地 芍陂 上,帝 齒 · 控 江 八都 之。 僉 國 其 員 員 員 阿 樞 使 左 兩 蒙 **行** 平平 海 丞 兒 以 處 密 參

遣 侍 衞 月 軍 于 丙 人 申 ·, 發 扈 從 鈔 北 征 萬 九千 平陽 錠 路 鹽 歲 比 $\overline{\mathbf{H}}$ 不 萬 登 引 र्ग 発 米 貧 賑 民 諸 稅賦 王 四 只 吉 罷 淮 東 所 部 饑 蘄 黃 民。 宣 慰 己亥,敕 以黄 樞 嘶

本

紀

第

+

四

世

刨

+

卯,太 隸 湖 廣 軒 行省,安慶、六安、光州隸淮西宣慰司。 轅右角。 辛酉,婺州永康縣民陳巽四等謀反,伏誅。 招集宋鹽軍。 甘州饑, 以 市 舶 司 禁酒。 隸泉 府司。 罷德平、 ح

定昌二路,置德昌軍民總管府。

于蒼溪縣 蘇 木都 甲 九 月 申,太陰犯天關。 刺十國,各遣子弟上表來觀,仍貢方物。以太廟 乙丑 一朔,馬八兒、須門那、僧急里、南無力、馬蘭丹、那旺、丁呵兒、來來、急闌亦帶、 壬辰,高麗遣使獻日本俘。 是月,南部縣生嘉禾,一莖九穗。 雨壞,遣瓮吉剌帶致告,奉安神主別

符、陳留、杞、太康、通許、鄢陵、扶溝、洧川、尉氏、陽武、延津、中牟、原武、睢州十五處,調 減 塔兒帶、楊兀魯帶以兵萬人、船千艘征骨嵬。 民 爲 道 星。 提刑: 員 及 沿 合刺和州民牛種,給鈔萬六千二百錠當其價,合迷里民加賜幣帛並千 (數以聞,帝曰:「在禁近者朕自沙汰,餘從卿等議之。」辛亥,太陰犯東井。 己亥、車駕至自上都。壬寅、太白犯左執法。遣兵千人戍畏吾境。乙巳,賜合迷 有績,鄒平縣達魯花赤回回能捕盜理財,進秩有差。 冬十月 飛按察司 甲 判官。 午朔,太白犯右執法。 行御史臺監察御史及按察司官, 以南康路隸江西行省。 中書省具宣徽、大司農、大都、 雖漢人並毋禁弓矢。 丁酉,享于太廟。 徙浙西按察司治杭州。 吃。 戊戌、太陰 襄邑縣 上都 河決開封、祥 己 留守司存 酉,遺塔 尹 里 犯 張 罷 貧 建 玘

甲。 新附軍千人屯田中興、千人屯田亦里黑。高麗遣使來獻日本俘十六人。馬法國進鞍勒、氊 匹,部曲人三匹。 虎符,敖造戰船,將兵六千人以征緬,俾禿滿帶爲都元帥總之。乙卯,給皇子脫歡馬四千 招討使張萬爲征緬副都元帥,也先鐵木兒征緬招討司達魯花赤,千戶張成征緬招討使,並 传衞新附兵千人屯田別十八里,置元帥府卽其地總之。甲寅,太白犯進賢。以征緬功,調 南京民夫二十萬四千三百二十三人,分築隄防。癸丑,諭江南各省所統軍官教練水軍。 興化路仙游縣蟲傷禾。 庚申,濟寧路進芝二莖。 壬戌,改河間鹽運司為都轉運使司。徙戍甘州

己卯、太陰犯井。 月。平灤、太原、汴梁水旱爲災,免民租二萬五千六百石有奇。改廣東轉運市舶提舉司爲 白犯亢。遣蒙古千戶曲出等總新附軍四百人,屯田別十八里。己已,改思明等四州並 戶兼管海道運糧船朱淸,並爲海道運糧萬戶,仍佩虎符。敕禽獸字孕時無畋獵。戊辰,太 數以價,風浪覆舟請免其徵。」從之。遂以昭勇大將軍、沿海招討使張瑄,明威將軍、管軍萬 市舶提舉司。 以阿八赤為征交趾行省右丞。丙子,以涿、易二州,良鄉、寶坻縣饑,免今年租,給糧 十一月乙丑,中書省臣言:「朱淸等海道運糧,以四歲計之,總百一萬石,斗斛耗折願如 辛巳,歲星犯壘壁陣。 丁丑,命塔叉兒、忽難使阿兒渾。戊寅,遣使閱實宣寧縣饑民,周給之。

貲,運致京師。 讀然後纂定。」從之。 太陰犯氐。戊午,翰林承旨撒里蠻言:「國史院纂修太祖累朝實錄,請以畏吾字繙譯,俟奏 內地者設官四員,江南者六員。 丙午、置燕南、河東、山東三道宣慰司。罷大有署。丁未,太陰犯井。 辰,遺蕭昌赤貧民墾甘肅閑田,官給牛、種、農具。賜安南國王陳益稷羊馬鈔百錠。丁巳, 禿不申復鈎考湖廣行省錢穀。 十二月乙未,遼東開元饑,賑糧三月。戊戌,太白犯東咸。 賜諸 王朮伯所部軍五千人銀萬五千兩、鈔三千錠,探馬亦二千人羊七萬 諸路分置六道勸農司。庚申、置尚珍署於濟寧等路,秩從五品 復置泉州市舶提舉司。 以阿里海牙所芘逃民無主者千人屯田。 大都饑,發官米低其價糶貧民。 癸卯,要東木籍阿里海牙家 乙卯,諸道宣慰司,在 遣 中書省斷事 丙

千三百九萬四千六百七十二株。 五萬六千一百三十九錠一十二兩。 木綿三千二百八十八匹,貂裘十四。 大司農司 十五萬一千九百二十三錠,馬七千二百九十匹,羊三萬六千二百六十九口,幣帛、毳段、 是歲,以亦攝思憐〔眞〕爲帝師。〔〕則皇子與魯赤、脫歡、諸王朮伯、也不干等,羊馬鈔 上諸路學校 凡二萬一百六十六所,儲義糧九萬五百三十五石,植桑棗雜菓諸樹二 斷死刑百一十四人。 命西僧遞作佛事于萬壽山、玉塔殿、萬安寺,凡三十會。 又賜皇子脫歡所部憐牙思不花等及欠州諸局工匠,鈔

子,以 辛卯, 渠。 湖廣 房。 受諸 並受鎭南王節 萬石,分道以討交趾。 發新附軍千人從阿八赤討安南。 三省蒙古、漢劵軍, 丙戌,以參政程鵬飛 皇子 王百官朝賀。 二十 以淮 鈔萬錠賑斡端貧民。 奥魯赤 四年春 東、淮西、山南 制 正月乙丑,復雲南石梁縣。 部 癸酉. 曲 一饑,命 置 一,俱 及雲南 征交趾 爲中書 三道按 西邊歲饑民困,賜絹萬 藍國遣使不六溫乃等來朝。 大同路給六 兵, 察司 右丞 行尚書省,奧魯赤平章 她女直、水達達地弓矢之禁。復改江浙省爲 及海外四州黎兵, 隸行 了,阿里爲中書左丞。丁亥,以不顏里 十日 御史臺。 糧。 戊辰,以修築柳林河堤南軍三千, 発唐兀 匹。 立上林署,秩從七品。 命海 政事,烏馬兒、樊楫參 庚寅,遣使代祀嶽 甲戌, 衞 河西 道運糧萬戶張 太陰犯東 地 元籍徭 井。 海牙 、瀆、后土、 賦。 文虎等運糧十七 詔發江淮 知政事,總之, 江淮 乙酉, 爲參知 壬 浚河西務 申 行 、江西 太陰 御 東海 省。戊 政事 ĪĒ. 犯 漕 殿

設勸 孕孳 事。 民 微,發米四千石 真定路 農營田 時 二月壬辰朔,遣使持香幣詣 畋 獵 饑 司 了發沿 六,秩 庚子,太陰 賑之,不足,復給六千石米 河倉粟減 四品,使副各二員,隸行大司農司。 犯天關 價糶 龍虎、層皂、三茅設醮,召天師張宗演赴闕。 艺。 辛丑,太陰 以真定 價。 所牧官馬 犯東井。 甲午,畋于近郊。 四 甲辰,陛江淮行 以范文虎為 萬 餘匹 一分牧 乙未,以麥朮 中 他郡。 書右丞,商議樞密院 大司 農司事秩 禁畏吾 癸巳, 1 爲 雍古 平章 地 二品, 獸 政 部

本

紀

第

+

四

111:

쥂

+

戊午,敕諸王闍里鐵木兒節制諸軍。 等預議。」帝曰:「此朕所常慮。」仍諭玉速鐵木兒、月赤徹兒知之。 書省臣言:「自正旦至二月中旬費鈔五十萬錠,臣等兼總財賦,自今侍臣奏請賜賚,乞令臣 ,封駙馬昌吉爲寧濮郡王。 設都總管府以總皇子北安王民匠、斡端大小財賦。中 以趙與芮子孟桂襲平原郡公。 丙辰,馬八兒國貢方物 乃顏遣使徵東道兵,諭

闍里鐵木兒毋輒發。

京兆提刑按察司、設官六員,省太原提刑按察司,分置西京者入太原。辛未,以復置尚 效,今仍分兩省爲便。」詔從之,各設官六員。 員、參知政事二員。省隴右河西道提刑按察司,分置鞏昌者入甘州,設官五員,以鞏昌改隸 里右丞,葉李左丞,馬紹參知政事,餘一員議選回回人充,中書,宜設丞相二員、平章政 阿魯渾撒里及葉李、程文海、趙孟頫論鈔法。 西京等處管課官馬合謀自言歲以西京、平陽、 減所輸皮布之半。 閏二月癸亥,太陰犯辰星。 按問 除行省與中書議行,餘並聽尚書省從便以聞。 .有跡,伏誅。 乙丑, 畋于近郊。 以宋畲軍將校授管民官, 以女直、水達達部連歲饑荒,移粟賑之,仍盡免今年公賦及 其尚書,以桑哥、鐵木兒平章政事,阿魯渾撒 散之郡邑。敕春秋二仲月上丙日祀堯帝祠 麥朮丁言:「自制國用使司改尚書省,頗有成 太原課程額外羨錢市馬駝千輸官,而實盜官 召麥朮丁、鐵木兒、楊居寬等與集賢大學士 設國子監,立國學監官:祭酒一員, 事二

飲食, 萊路爲般陽路,置錄事司。大都饑,免今歲銀俸鈔,諸路半徵之。罷江南竹木柴薪及岸例 「囚非羣羊、豈可遽殺耶!宜悉配隸淘金。」 南 參知政事。庚寅、大駕幸上都。札魯忽赤合刺合孫等言:「去歲審囚官所錄囚數,南京、濟 丞, 商議樞密院事。 改行中書省爲行尚書省,六部爲尚書六部,以吏部尚書忻都爲尚書省 受宣敕。鎮南王脫歡徙鎮南京。改福建市舶都漕運司爲都轉運鹽使司。范文虎改尚書右 魚牙諧課。停不給之務。敕行省宣慰司勿濫舉官吏。受除官延引歲月不卽之任 者,追所 司業二員,監丞一員,學官博士二員,助敎四員,生員百二十人,蒙古、漢人各半,官給紙劄、 兩路應死者已一百九十人,若總校諸路,爲數必多,宜留札魯忽赤數人分道行刑。」帝曰: 仍隸集賢院。設江南各道儒學提舉司。甲申,太陰犯牽牛。車駕還宮。乙酉,改淄

丙辰, 馬八兒國遣使進奇獸一, 類騾而巨, 毛黑白問錯, 名阿塔必卽。 籍自效軍擾民,仍籍充軍。丙申,太陰犯東井。乙卯,幸凉陘。遼東饑,弛太子河捕魚禁。 五貫文、子母相權、要在新者無冗、舊者無廢。凡歲賜、周乏、餉軍、皆以中統鈔爲准。 命都水監開汶、泗水以達京師。 三月甲午,更造至元寶鈔頒行天下,中統鈔通行如故。 汴梁河水泛溢,役夫七千修完故堤。 以至元寶鈔一貫文當中統交鈔 降重慶路定遠州為

夏四月癸酉,太陰犯氐。甲戌,太陰犯房。甲申,忻都奏發新鈔十一萬六百錠、銀千五

紀第十四

世

祖十

百九十三錠、金百兩,付江南各省與民互市。 是月,諸王乃顏反。

麗王(晦)[賭]請益兵征乃顏,以五百人赴之。 括江南僧道馬匹。 制沙不丁、烏馬兒等海運船。戶、工兩部各增尚書二員。授高麗王(晦)[賰]行尙書省平章 **| 阿等誹訕尚書省政事,誅良駒,籍其家,餘皆斷罪。用桑哥言,置上海、福州兩萬戶府,以維** |名,南京按察司治南陽,太原按察司治西京。復立豐州亦刺眞站。壬寅,以御史臺吏王良 右衞僉事王通副之。[10]甲辰,免北京今歲絲銀,仍以軍旅經行,給鈔三千錠賑之。壬子,高 政事。[元] 罷諸路站脫脫禾孫。括江南諸路匠戶。沙不丁言::「江南各省南官多,每省宜用 一二人。」帝曰:「除陳巖、呂師夔、管如德、范文虎四人,餘從卿議。」帝自將征乃顏,發上都。 庚子,以不魯合罕總探馬赤軍三千人出征。移濟南宣慰司治益都,燕南按察司治大 五月己亥,遣也先傳旨諭北京等處宣慰司,凡隸乃顏所部者禁其往來,毋令乘馬持弓 韶范文虎將衞軍五百鎭平灤,以敛察(爲)[衞]親軍都指揮使也速帶兒、

豪、懿州,守臣以乏軍求援,敕以北京戍軍千人赴之。 括平灤路馬。 諸衞軍萬人、蒙古軍千人戍豪、懿州。諸王失都兒所部鐵哥率其黨取咸平府,渡遼,欲劫取 乃顏黨塔不帶率所部六萬逼行在而陣,遣前軍敗之。乙丑,敕遼陽省督運軍儲。壬申,發 六月庚申朔,百官以職守不得從征乃顏,願獻馬以給衞士。壬戌,至撒兒都魯之地。 北京饑、免絲銀、租稅。

赤,及 寅 官 白 緬 部 建 陰 王 討 元 知弘州 加納,將 犯 赴 行 屯 鹽 ,熒惑犯 宣慰亦兒撒合 公金 司 闕 省參政,將新附軍五千、探馬赤軍一千以行,仍調 田 運 秋 八 勝納 覇州益津縣霖雨傷稼。 怪。 使司, 車駕 ,彼言鄰番 七月癸巳, 月 軍 遊遊道 四 、癸亥, 同 興鬼。]]] 合兒濟南分地所署官。 癸丑, 沙州 駐干大利斡魯脫之地。四一獲乃顏輜重千餘,仍禁秋 戊戌,太陰犯南 路 省兵 依 者張 太白 兩淮等例,爲都 居民修城河西瓜、沙等處。日間立 「數叛、未易卽行、擬遣阿難答刺奉表齎 五 日暈 庚戌,雲南行省愛魯言,金齒角 分兵趣懿州, 乃顏 千赴緬省, 成 犯尤。 及前 連環, 黨 失都兒犯咸平, 占城 斗。 濬州進瑞 以陝西涇、邠、乾及安西屬縣閑田立屯田總管府, 白虹貫之。 其黨悉平。 仍令其省駐1年,以俟進止。 轉運 軍總管劉全,並爲招討使,佩虎符,從征。 樞密院奏:「食征 移北京道 使司。 麥, 宣慰塔出從皇子愛牙(亦)[赤],自己合兵出瀋州進 罷 丁酉、弘州匠官以犬兔毛製如西錦者以獻、授匠 按察 莖 乃顏 以中 九 緬行 穗 闍 ·興府隸甘州行省。 司置豪州。 打奔等兄弟求內附, 所署盆都、平灤, 鄽 省 屯 四川、湖廣行 乙 土貢入 丑,車駕還上都。 田 事合撒 免東京等處軍 戴。」辛丑,太陰犯 見海牙言,比至緬 毫無犯 置江南四省交鈔 省軍五千赴之。 也不干河間分 以 且乞入覲。 河西(管)[愛]牙赤所 以李海 以 民徭賦 脱滿 置官屬,秩 牽牛。 提 刺孫爲 答兒爲都 地達魯花 國,渝 壬子,太 召能通 舉 陞 征 福 壬 其

本

紀

第

十

四

世

廽

+

毋縱軍 以北京伐木三千戶屯田平灤。 各一員。女人國貢海人。置河西務馬站。 太陰犯東井。 田總管忽都魯請疏浚管內河渠,從之。 謫從叛諸王赴江南諸省從軍自效。 士焚掠,毋以交趾小國而易之。 甲申,太白犯房。丁亥,瀋州饑, 立豐贈、昌國、濟民三署,秩五品,設達魯花赤、令、丞、直長 癸酉,朶兒朶海獲叛王阿赤思,赦之。 丙子,塡星南犯壘壁陣。 諭鎭南王脫歡, 又經乃顏叛兵蹂踐,免其今歲絲 禁戢從征諸王及省官奧魯赤等, 己卯,太陰犯天關。 亦集乃路屯 銀、 租赋 辛巳,

禁沮撓江南茶課。 爲災,告饑。 饑,禁酒。乙巳,太陰犯畢。以米二萬石、羊萬口給阿沙所統唐兀軍。 路安撫使陳仲達、南寧軍總管謝有奎、延欄總管苻庇成,以其私船百二十艘、黎兵千七百餘 六夫阮文彦、通侍大夫黎仲謙貢方物。 庚子,太白犯天江。給諸王八八所部窮乏者鈔萬一千錠。禁市 人,助征|| 交趾。」 詔以仲達仍爲安撫使,佩虎符,有奎、 庇成亦仍爲沿海管軍總管,佩 金源、高州、武平、興中等處霜雹傷稼。丁酉,熒惑犯長垣。己亥,湖廣省臣言:「海南瓊州 九月辛卯,東京、(龍)[義]、靜、麟、威遠、婆娑等處大霖雨、日巴江水溢,沒民田。 詔以 海運糧五萬石賑之。 高麗王王(略)[賰]來朝。 戊申,咸平、懿州、北京以乃顏叛,民廢耕作,及霜雹 辛亥,熒惑犯太微西垣上將。 毒藥者。 壬子,太白犯南斗。 丁未,安南國 以匹京、平欒路 一造其 金符。 中

范文 馬紹、 紫光 犯左 南王 江西 代 昭 閣干、閣里帖木兒並行尚書省平章政事,洪茶丘右丞,亦兒撒合左丞,楊仁風、阿老瓦丁並 事例 內 文王 ,其位, 右丞 前 印』爲宜。」皆從之。從總帥汪惟和言,分所部戍四川軍五千人屯田六盤。 禄 、虎言:「豪、懿、東京等處,人心未安,宜立省以撫綏之。」 詔立遼陽等處行尚書省,以薛 執法。 ,乞收之。諸王勝納合兒印文曰『皇姪貴宗之寶』,實非人臣所宜用,因其分地改爲『濟 政 丙子、誅郭佑、楊居寬。戊寅、桑哥言:「北安王王相府無印,而安西王相獨有印,實非 十一月壬辰,太白犯壘壁陣,月暈金、土二星。雲南省右丞愛魯兵次交趾木兀門,其將 冬十月戊午朔,日有食之。 阿合馬移置於北,請仍舊爲宜。」從之。癸酉,江西行院月的迷失言:「廣東窮邊險遠, 不忽木、高翥等鈔,詔賜李鈔百五十錠,不忽木、紹、翥各百錠。 福建諸寇出沒之窟,乞於江南諸省分軍一萬益臣。」詔江西忽都帖木兒以軍五千付 事 大 以 、夫、尚書右丞相,兼(統)[總]制院使,三三領功德使司事。 四萬人守之,愛魯擊破之,獲其將黎石、何英。 立陝西寶鈔提舉司。 阿刺渾撒里陞平章政事,葉李陞右丞,參知政事馬紹陞左丞。 壬戌,太陰犯牽牛大星。甲子,享于太廟。 羅北甸土官火者、阿禾及維摩合刺孫之子並內附。丙戌, 弛太原、保德河魚禁。 以桑哥爲金 從桑哥請,以平章帖木兒 又言:「中書省舊在大 桑哥請賜葉李、 陞集賢院秩正 乙酉,熒惑

本紀第十四 世祖十一

赤徹 馬兒 合迷 王傅 盜。 萬 别 州 寧 難 縣 人 用 之吏, 秦王 桑哥 兒 兒 爲 玉 弭 兩 樊楫 而 元秃秃 速 漕 濟 息 前 可, 寧 鋒。 曲 運 玉速 及 其 不 之地 司 郡 宜令各處鎭守軍 其下 合領 程 王 玉。 庚子,太白晝 分 鵬 帖 即 能者黜之。」葉李言:「 0 掌 木 之。 飛 ' 復以王 漕 己亥,鎭 壬 按 等逐 兒言:「江南 子 事 攤 丙 午,鎭 過一一 不 傅印 以 鎭 花 見。 南 江 官,例 南 所署 Ŧ 行, 西 南 干 一所向 大都 次 歸附十年, 行省平章忽都 一次萬 E 王傅罷 以三年 思 一次界河 藩 路 明 臣 克捷。 劫 而 水, 在漳 三王 程 之。 轉徙, 諸 盗賊迄 ,交趾發兵拒 鵬 賜 軍 州 一、恐 改 今 戊 飛 畢 帖木 + 衞 庶革 年 戌, 與 於 會。 年 尉院 今未靖者,宜降 田 奥魯赤等從 制 ٠, 見督 以 斯弊。」帝皆 租 詳 非 獲 爲太僕寺, 別十八里漢軍 守, 十二萬 宜 知 福建首 捕 其 廣 前鋒 詔 事 東 鎭 九 0 以 賊 等處盜 從 千一 南 皆擊破之。 旨立 張 37 大 秩三品, 其 E 難 治 抵 及新附 百八 分 議 答嗣 限 軍 子 賊。 道 官嗜 招 詔 其 十石。 並 说捕,而 爲 仍 甲 、黨皆 行 軍五 己 進, 安西王 利 隸 寅 之。 酉, 宣徽 賏 百 平。 阿 以 辛 賊 命京畿 詔 封 安集責 人 丑 仍 以以 通 赤 屯 議 諭 月 鳥 弭 以 田 江

帖木 濟 尤 馬

南 四 省 招 捕 盜 賊 丙 辰 熒惑犯 進賢

月癸亥、立尚乘 寺。 順元宣慰 使秃魯古言,金竹 案主 |搔驢等以所部百二十五寨內

都等所駐之地,雨土七晝夜,羊畜死不可勝計,以鈔暨幣帛綿布雜給之,其直計鈔萬四百六 位諸匠都總管府。陞萬億庫官秩四品。癸酉,鎮南王次茅羅港,攻浮山寨,破之。諸王薛徹 發河西、甘肅等處富民千人往闍鄽地,與漢軍、新附軍雜居耕植。從安西王阿難答請,設本 趾城下,敗其守兵。日烜與其子棄城走敢喃堡。 十七錠。 丁卯,減揚州省歲額米十五萬石,以鹽引五十萬易糧。 免浙西魚課三千錠,聽民自漁。 甲子、皇子北安王置王傅、凡軍需及本位諸事並以王傅領之。丙寅、太陰犯畢、太白晝 丁丑,以朱清、張瑄海漕有勞,遙授宣慰使。乙酉,鎭南王以諸軍渡富良江,次交

分賜皇子、諸王、駙馬、怯薛帶等羊馬鈔,總二十五萬三千五百餘錠,又賜諸王、怯薛帶等軍 稼,太原尤甚,屋壞壓死者衆。平陽春旱,二麥枯死,秋種不入土。鞏昌雨雹,虸蚄爲災。 灤、南陽、懷孟等路風雹害稼。 保定、太原、河間、般陽、順德、南京、 真定、河南等路霖雨害 十三會。斷天下死刑百二十一人。浙西諸路水,免今年田租十之二。西京、北京、隆興、平 人,馬一萬二千二百、羊二萬二千六百、駝百餘。 賑貧乏者合刺忽答等鈔四萬八千二百五 是歲,命西僧監臧宛卜卜思哥等作佛事坐靜于大殿、寢殿、萬壽山、五臺山等寺,凡三

校勘記

- [一]沙(静)[淨]隆興 見卷一校勘記[三]。
- 上路二員(中)(下)路一員 據本書卷九一百官志改。 按本書百官志及事林廣記前集卷四郡邑

類,路僅分上、下,無中路。

- 亦里迷失 當卽本書卷一三一之「亦黑迷失」、「里」、「黑」形近致誤。 蒙史已校。
- 24 皇子 ,也先鐵 木兒 按本書卷一〇七宗室世系表, 營王也先帖木兒爲元世祖第五子雲南王忽哥

赤之子,此處「子」當作「孫」。 本證已校。

- 万五 丙 午 上文丁未爲初十日,此 丙午爲初九日,兩日倒舛。
- ベン 行御史臺(等)[事]程文海 從南監本天啓三年補刊頁改。
- -斡脫吉思部民 古」之誤。 「斡脫古思」,蒙古語,意爲「耆老」,指功臣世 按上文至元十七年三月辛未條有「給月脫古思八部屯田牛具」,疑此處「吉」爲 勳。
- 亦攝思憐〔眞〕 按本書卷二〇二釋老傳作「亦攝思連 眞」,據補。 此名藏語,意爲「智寶」。
- [元] 王(睹)[賭] 見卷九校勘記[元]。下同
- 以欽察(為)[衞]親軍都指揮使也速帶兒右衞僉事王通副之 也速帶兒卽康里也速解兒,爲欽察親軍指揮使, 有}得。 此欽察非人名也。 本證云:「繼培案,爲蓋衞字之誤, 右衞, 通傳作左衛。」

- 車駕駐干大利斡魯脫之地 按本書卷一五四洪福源傳附洪萬傳記同一事作「失剌斡耳朶」,此
- 處「干」疑爲「于」之誤,「大利」疑爲「失剌」之誤。

皇子愛牙(亦)[赤]

據上文至元九年四月辛卯條及本書卷一○七宗室世系表改。

- (管)[愛]牙赤 據下文至元二十五年十一月丙申條及本書卷一〇七宗室世系表改。
- 東京(館)[義]靜麟威遠婆娑 據本書卷五九地理志東寧路條改。
- 二色 (統) [總] 制院 七百志志、總制院立于至元初、二十五年改宣政院。 據前文至元二十三年七月壬午、後文二十五年十一月甲辰條改。按本書卷八

元史卷十五

本紀第十五

世祖士二

將水兵迎脹文虎等糧船,又發兵攻其諸寨,破之。己丑,詔江淮省管內並聽忙兀帶節制。 孫, 帶所統,地廣事繁,乞依前爲丞相。」詔以忙兀帶爲(右)〔左〕丞相。〔〕以蘄、黃二州、壽昌軍 衣一襲。辛卯,尚書省臣言:「初以行省置丞相與內省無別,罷之。今江淮省平章政事忙兀 庚寅、祭日于司天臺。 賜諸王火你赤銀五百兩、珠一索、錦衣一襲,玉都銀千兩、珠一索、錦 隸湖廣省。 將吏陞散官一階,軍士鈔人二錠,死事者,給其家十錠。凡爲鈔四萬一千四百二十五 二十五年春正月,日烜復走入海,鎭南王以諸軍追之,不及,引兵還交趾城。命鳥馬兒 丁酉,遣使代祀岳、瀆、東海、后土。戊戌,大赦。 毁中統鈔板。 乙未, 賞征東功:從乘輿, 將吏陞散官二階, 軍士鈔人三錠, 從皇 敕弛遼陽漁獵之禁,惟毋殺孕獸。

本紀

第十五

世祖

+ =

寅 究治 鈔千 農營 實 府。 沮 歲 亦憐 都 淮 也 大 迹 高高 土 壞 速 犯 曠 癸 水 邊。 歲 不 眞 田 五. 麗 以 | 募民 課。 司 民 丑: 百 花 部 遣 賑 爲 謀 督 錠 寡, 敕 曲 使來貢 其尤貧者。 韶:「行 殿 叛, 駙 能 發海運米十萬石,賑 有 鈔三萬 使耕 兼幷 合市米 最。 耕 馬 逮捕 江 昌吉,諸 (方物。 大司 之。」制 路 之家皆 南曠 錠。 至京師 經 賑之。 農司、 戊申、太陰犯房。 歷官、 土及 掌吉舉 賀州賊七百餘人焚掠封州諸郡。 王 曰「可」。 示 也 輸 各道 誅 公田 丙 縣尹 只烈,察乞兒、 稅。 午, 之。 兵叛, 遼陽省軍 者,発其 勸農營 以下 畋于近郊。 叉, 乙巳, 諸王 並 管內 己酉 田司, 一聽裁 、差役三年 民之饑者。 太陰 一拜答罕遣 合丹 七十餘城,止屯 门。韶 決。 巡 犯 以 兩 中興、西涼 行 角。 平江 或怙 ,其輸租 謝課, 千戶、皆發 將追之,至八立渾, 辛亥, 蠻洞十八族 鹽兵 勢作 循州 舉察勤惰,歲 省器 無得 田 屯田于淮東、 **発三分之一。** 威 兩所,宜增置淮 兵從諸王 侵官害 賊萬餘人掠梅 i 盒 局 沮 饑 壞 餓, 加 入諸路 農者,從提 渠, 具府、州、 死 不 西。 江 者二 及 兩 金玉 淮 北 杭、蘇 東 孙 淮 而 行 征 一百餘 還 縣 西 省言:「 刑 兩 人 癸卯 勸 匠 按 浙 兩 賜諸王 甲辰, 人,以 察司 州 農 總管 無得 道 海 官官 勸 兩 連

之。戊午,命李庭整漢兵五千東征 引兵還 月 1 萬规。 已, 改濟州 鳥 馬兒迎 漕 運司 張文虎等糧船 爲都 一。賜葉李平江、嘉興田 漕運司,併領濟之南北 不 至, 諸將 以 一四頃。 糧 .漕。 盡 師老, 京畿都漕運司 庚申,司徒撒里蠻 宜全師而 惟 還,鎭 治京 等進讀 南 E 鎭 {祖 從

富不均,命有司料簡,合戶稅至七十石當馬一匹,並免雜徭,獨戶稅逾七十石願入站者聽。 塔一,爲寺五,已成,詔以水陸地百五十頃養之。詔徵葛洪山隱士劉彥深。 職,降詔申飭之。 兒、樊楫將水兵先還,程鵬飛、塔出將兵護送之。以御史臺監察御史、提刑按察司多不舉 合戶稅不得過十戶,獨戶稅無上百石。辛巳,以杭州西湖爲放生池。 懿州饑,以米十五萬石賑之。 民饑,獨其租四千七百石。己卯,以高麗國王王(睹)[賭]復為征東行尚書省左丞相。[三豪、 路,北京路爲武平路,西京路爲大同路,東京路爲遼陽路,中興路爲寧夏府路。改江西茶運 荐饑、賜米五百石。 壬戌、省遼東海西道提刑按察司入北京、江南湖北道提刑按察司入(京) 武平等處饑,除今年租賦及歲課貂皮。浚滄州鹽運渠。 宗實錄,帝曰:「太宗事則然,睿宗少有可易者,定宗固日不暇給,憲宗汝獨不能憶之耶?猶 荆]南。[三 敕江淮勿捕天鵝。弛魚濼禁。丙寅,賜雲南王塗金駝鈕印。改南京路爲汴梁 爲 詢 《都轉運使司,幷權酒醋稅。改河渠提舉司為轉運司。 江淮總攝楊璉眞加言以宋宮室爲 諸 知者。」徵大都南諸路所放扈從馬赴京,官給芻粟價,令自糴之,無擾諸縣民。遼陽 命皇孫雲南王也先鐵木兒帥兵鎭大理等處 禁遼陽酒。京師水,發官米,下其價糶貧民。 辛酉,忙兀帶、忽都忽言其軍三年 壬午,鎭南王命鳥馬 以江南站戶貧 甲戌,蓋州旱,

司

當

三月丙戌,諸王昌童部曲饑,給糧三月。丁亥,熒惑犯太微東垣上相。戊子,太陰犯 三〇九

等。」 壬寅 申 以 多 歸 兀 百 賊 以 其 去 正 魯 兵 六衛 禄 諸 或 師 四 改 台、爪 十 船 帝 里 軍 品 山東轉運使司爲都轉運使司, 禮 賜 鎭 將 人、 北 程 三十艘, 漢 日 米 南 漢 燙。 籍 兵千二百、 敕 船十 忽兒 兵以行。 言:「會 7 王 遼 父兄雖 遂 石。 而 陽省 日 銀 文虎 錄 由 ___ 炬 之, 同 單 Ŧi. 艘、糧萬 T 遣 死 亦乞列思 巳縣 舘 新附 千 擊之,所 酉 江 使來 實 事, 蕃 淮 , 兩 駐 行省忙 趨 、幣 子弟 夷 軍 代之盛 謝, 四 蹕 盝 使 四 吾 殺略 帛 千 野 刚 者 不 百 $\dot{\equiv}$ 進 各 1時至, 狐 魯兀 勝 兀 事。」 間 白 屯 金 領 相 帶 任 百。 當 道 兼濟南路酒稅醋 石 田 人 言言 者 |從之。 兵四 命 宜 代 以 有 札剌 安可 世。 令 奇。 己罪 阳 甲午,禁捕 費 宜除了 有 束、 拱 百 見探馬赤 癸巳, 乙未, 用 鎭 辰、徐慶 造 司 軍 塔 倣 尙 之? 南 乙 官 不 書省。 Ē, 王 古 以往 鹿羔。 更 賜 帶總京 課。 |職 茍 次 自 調 以 諸 賢 思 貢 懿州 詔 法,死 歲 風 王 圖 鎭南 矣, 己 明 江 不得 北 鎭. 术 師 酉 西管內 州 則 東 繪 邊大 南 伯 城 事者 徐、邓屯田 王 病故者· 征 命 進,皆至 王 而 銀 守 以諸 次 愛 風 五 爲 諸 1增散 並 李庭 魯 圖、及 雪, 內傍關 萬 軍 軍 聽 亦 引 兩、幣 官, 還。 瓊 拔突古倫 行 遙 兵還 不 詢 州 及 尙 授尚 可 一靈壁 張文虎 其 書 賊 雲南, 帛 降 病 省 兵 凡亡 風 書 也。 太陰 節 俗 故 大 所部 左 者降 集 制 奥魯赤 士卒二 糧 萬匹, 丞, 辛 掩 牛馬 以 船 角 卯 遏 戊 遇 食

寧二屯 雨雹如雞卵,為害麥。甲寅,循州賊萬餘人寇漳浦,泉州賊二千人寇長泰、汀、贛,

畲賊千餘人寇龍溪,皆討平之。

午,立弘吉剌站。 賢舉等七人皆稱大老,聚衆反,剽掠吉、贛、瑞、撫、龍興、南安、韶、雄、汀諸郡,連歲擊之不 之。」帝是其言。甲戌、萬安寺成、佛像及窗壁皆金飾之、凡費金五百四十兩有奇、水銀二百 及於貧者。今杭、蘇、湖、秀四州復大水、民鬻妻女易食、請輟上供米二十萬石、審其貧者賑 詔江淮省分萬戶一軍詣江西,俟賊平還翼。戊辰,浚怯烈河以溉口溫腦兒黃土山民田。庚 桑哥言:「自至元丙子置應昌和糴所,其間必多盜詐,宜加鈎考。 扈從之臣,種地極多,宜依 四十斤。 能平, 軍站例,除四頃之外,驗畝征租。」並從之。癸亥,渾河決,發軍築堤捍之。乙丑,廣東賊董 司、海船千戶所、市舶提舉司。省平陽投下總管府入平陽路,雜造提舉司入雜造總管府。 路荐 命征交趾諸軍還家休息一歲。敕緬中行省,比到緬中,一禀雲南王節制。 夏 經寇亂,免今年酒稅課及前歲逋租。辛酉,從行泉府司沙不丁、鳥馬兒請,置鎭撫 四四 江西行樞密院副使月的米失請益兵,江西行省平章忽都鐵木兒亦以地廣兵寡為言, 月丙辰,萊縣、蒲臺旱饑,出米下其直賑之。戊午,太陰犯井。庚申,以武岡、寶慶 遼陽省新附軍逃還各衞者,令助造尚書省,仍命分道招集之。 癸酉,尚書省臣言:「近以江淮饑,命行省賑之,吏與富民因緣爲姦,多不 增立直沽海運米 庚辰,安南

本

紀

第十五

世祖

辛巳, 省發新附軍三百人屯田亦集乃,陝西省督鞏昌兵五千人屯田六盤山。 魯上言:「自發中慶,經羅羅、白衣入交趾,往返三十八戰,斬首不可勝計,將士自都元帥以 國 陳 賜諸王阿赤吉金二百兩、銀二萬二千五百兩、鈔九千錠及紗羅絹布有差。 日烜遣中大夫陳克用來貢方物。賜諸王小薛金百兩、銀萬兩、鈔千錠及幣帛有差。 癸未,雲南省右丞愛 命甘肅行

下獲功者四百七十四人。」甲申,詔皇孫撫諸軍討叛王火魯火孫、合丹禿魯干

師。 安神主于太廟。戊申,太白犯畢。賜拔都不倫金百五十兩、銀萬五千兩及幣帛紗羅等萬 罕章宣撫司,金沙江東永寧等處五城宜廢,以北勝施州爲北勝府。」從之。壬寅,渾天儀成。 汴 運米十五萬石詣懿州餉軍及賑饑民。乙巳,罷興州採蜜提舉司。 王家奴、火魯忽帶、察罕復舉兵反。己亥,雲南行省言:「金沙江西通安等五城,宜依舊隸察 五 一百、紗羅絹布等四千五百。 鈔,宜差官分道置局鈎考中統鈔本。」從之。丙申,賜諸王八八金百兩、銀萬兩、金素段 |衞|漢兵五千人北征。乙未,桑哥言:「中統鈔行垂三十年,省官皆不知其數,今已更用 大霖雨,河決襄邑,漂麥禾。以左右怯薛衞士及漢軍五千三百人從皇孫北征。 改雲南烏撒宣撫司爲宣慰司, 五 月丙戌、敕武平路括馬千匹。戊子、諸王察合子闆闆帶叛、床兀兒執之以來。 兀馬兒來獻璞玉。丁酉,平江水,発所負酒課。減米價,脈京 **兼管軍萬戶府。戊戌,復蘆臺、越支、三叉沽三鹽使司。** 營上都城內倉。 丁未,奉 甲午, 己丑,

治盜 天妃。 木節 匹。 王怯 干腦 寸. Z 辛 尙 田 縣 司 大 丑, 、拱 成 魔水等縣,浙東道宣慰 書省節 酉, 之責。 水 游 平 辛亥, 見,管軍元帥阿里帶戰却之。 制。 六 衞 詔蒙古人總漢 禁上 至建州 及 甲戌,太白 口及扈從 月甲寅〔朔〕, 司, 制 河溢沒民田,蠲其租萬五 遷 盂州烏河川雨雹五寸,大者如拳。癸丑,詔湖廣省管內並聽平章政事禿滿、 都、 四川省治 丁 皆毋隸宣徽院。 Ξ; 四驛。 河 桓州、 決汴梁,太康、通許、杞三縣,陳、潁二州皆被害。 臣,轉米以饋將士之從皇孫者。 I犯井。 太陰 軍,閱習水戰。 應昌、隆興酒。 以新附軍 以 重慶, 犯歲 延安屯田 改西南番總管府爲永寧路。 副 星。 使史耀 復遷宣慰司 罷敎 修尚 發兵千五百 總管府復 功司入拱衛司。 壬申,睢陽 食局。 千三百石。 討平之。 丁卯, 壬戌, 於成 又賜諸王朮伯銀二萬 賜諸王朮伯金銀皆二百五十兩、幣帛 隸安西省。 庚申,赈諸王答兒伯部曲之饑者及桂陽路饑民 人詣 資 霖雨,河溢害稼,免其租千六十石 都。 丙子, 給兵五 國 漢北 富昌等一 太醫院、光祿寺、儀鳳(寺)[司]、[云]侍儀 高麗遣使來貢方物。 癸酉,詔加封南海明著天妃為廣祐 乙亥,以考城、陳留、通許、杞、太康 戊辰,海都將暗伯、著暖 浚 井。日及未,處州賊 十六屯雨 十人衞 五千兩、幣帛紗羅萬 浙西宣慰使史驹,使任 水、蝗 詔 四川 害稼 L有奇。 以兵犯 柳世英寇青 管內並 紗羅萬 匹。 業 明 命 要束 匹。 著 諸 五 里 復

士轉米輸之,

秋

月甲

中朔,

復葺興、靈二州倉,始命昔寶赤、合刺赤、貴由赤、左右衞

本

紀

第

+

五

##:

祖

+

__

器。 之。 木合兒爲達路花赤,佩 省兵萬 泥 息 路 以 委省官督運 總管府。 食濟南。 栗賑 南安 百 牙 歲。 爾、第二州 之地 流民。 人令臣 瑞、贛三路 保定路唐 己亥,熒惑犯 壬辰 以 將 ,遣必闍 保定路霖雨 同 霖 備 知江 之討 雨 賑 縣 連 給。 害稼、発 野蠶 西行 歲 賊 虎符 赤以 氏。 盜 丙 起,民 害稼, 醐 臣 樞密院 戌, 庚子,太白 ·。」詔許 鈔五千錠往應昌和 一願萬 絲 其 真定、汴梁路 今 可 (多失業, 発逋稅萬 蠲 今歲田 年 事 爲 人內得蒙古軍三百,幷臣所籍降戶萬 之。 帛 田 月的迷失 犯 租 以(流)[沐]川 鬼。 **王** 子, 租。 乙巳,太陰 蝗。 膠州 上言:「近以盜起廣東, 糴 改儲 命斡端戍兵三百一十人屯田 軍儲。 運 連歲 二千六 大同、太原 等五 偫 掩 大水、民 所為提舉 畢。 改會 寨割隸嘉定者,[公還 白 石 諸王 同 諸 有 採橡 館爲 倉米 司。 奇 也眞 四賓 而 分江西、 敕 弛 至 部 食,命減 人, 寧 征 新 庫。 曲 交趾 置 夏 城 饑 酒 萬 戊戌 江淮 爲邊 隸 兵官 禁。 價 命六衞造 分 戶府 馬湖 五 糶 地 駐 還 千 米 發 福 之儲 戶 以 蠻 以 蹕 家 大 建 同 兵 就 休 脤

亥 安童 歲 賦 尚書省成。 銀 以 八 本部 , 使 易 米 月癸丑(怯 薛蒙古 而 朔 壬申,安西省管內大饑 食。 (1),諸 軍三百 詔 Ŧ 遼陽 也眞 人 省給 言:「臣 北 征 米 萬 近 己未, 將 石 盆 賑 濟 其 之。 寧投下蒙古 太 田 白 租二萬 丙辰、熒惑犯房。 犯 軒 一千五百 轅 軍 大 東 星。 征, 石 辛 其家皆乏食, 1有奇 袁 酉 之萍 元,死 仍貸 江 鄉 孙 縣 |栗脈 學 願 進 嘉 田 賜 之。 濟南 租 禾 癸 癸 詔

本紀第十五 世祖十二

孛羅海腦兒。以咸平荐經兵亂,發瀋州倉賑之。分萬億庫爲寶源、賦源、綺源、廣源 民。趙、晉、冀三州蝗。丁丑,嘉祥、魚臺、金鄕三縣霖雨害稼,蠲其租五千石。庚辰,車駕次 酉,以河間等路鹽運司兼管順德、廣平、綦陽三鐵冶。丙子,發米三千石賑滅吉兒帶所部饑 四庫。

檀州淘金戶。都哇犯邊。庚子,太陰犯畢。鬼國、建都皆遣使來貢方物。從桑哥請,營五庫 汀、梅二州驛。己丑、獻、莫二州霖雨害稼,発田租八百餘石。壬辰,大駕至大都。 禁中以貯幣帛。癸卯,熒惑犯南斗。命忽都忽民戶履地輸稅。尚書省臣言:「自立尚書省, 烈羊呵、僉省吳誠並爲徵理使。」從之。陞寶鈔總庫、永盈庫並爲從五品。改八作司爲提舉 凡倉庫諸司無不鈎考,宜置徵理司,秩正三品,專治合追財穀,以甘肅等處行尚書省參政禿 八作司,秩正六品。增元寶、永豐及八作司官吏俸。庚戌,太醫院新編本草成。 九月癸未朔,熒惑犯天江。大駕次野狐嶺。甘州旱饑,免逋稅四千四百石。 丙戌,置 乙未,罷

六十,而所調官畏憚瘴癘,多不敢赴,請以漢人爲達魯花赤,軍官爲民職,雜土人用之。」就 桑哥請賞之,賜銀二千五百兩。甲子,置虎賁司,復改爲武衞司。丙寅,賜瀛國公趙㬎鈔百 四川、甘肅、安西六省錢穀,給兵使以爲衞。鳥思藏宣慰使軟奴汪朮嘗賑其管內兵站饑戶, 以甘州轉運司隸都省。湖廣省言:「左、右江口溪洞蠻獠,置四總管府,統州、縣、洞百 冬十月己未、享于太廟。庚申、從桑哥請、以省、院、臺官十二人理算江淮、江西、福建、

來春 寇 臣 民 犯 擬 開浚 .請令集賢 邊。 夾谷三合等七 其賦 不 浚 都 之。 之, 桑哥 入及芻粟 馬失 爲工三百萬, 院 請 制 引 諸 明 可。 兵 干 司 年 之估 奮擊之。 四人以聞,從之。 海 分道鈎 丙 道 子, 爲 漕 當 鈔二萬 運江南米 始 考 用 塔不帶反, 造 江 鈔三萬錠、 鐵 南 八千錠, 羅 郡 須及百萬石。 大同民李伯祥、蘇永福八人,以謀 學 卷 忽刺 田 甲。 費 米四 所 略 忽、 入 相當, 瀛 「萬石、 羡餘 阿塔海 國 又言:「 公 然渠成亦萬世之利。 貯 鹽 趙㬎學佛 等戰 五. 之集賢院,以給多才 一萬斤。 安山 却 之。 法于 至 臨清 其 土番。 陸 韶 発儒. 運夫萬三千戶復罷 ,爲渠二百六十五 逆伏誅。 請以今冬備 己 戶 藝者,從 雑徭 卵, 庚 也不 (午,海 之。 尚書省 糧 干 里。 給 入 爲

管領 伏 遣 鈔 倉 官官 月 誅 有 使 錠 糧 分 貢 廿 + 俸 地 方 肅 庚 幣帛紗羅等二千匹。 寅 月 臣 物 陜 高 壬 一辰,罷 私 西 \pm 麗 床 午[朔] I 等處 遣 役富室為柴米戶 以 哥 使來貢方物 Щ 建 里 屯 東 昌路 一合引 東 田 一。鞏昌路荐 西 等戶達魯花 兵犯 屯 道 田 提 建州, 總管府。 也速帶兒、 及. 刑 饑, 赋 按 赤,督 外 殺三百餘 **免田** 察 雜 癸巳,賜諸王 使 牙林海刺孫 徭 租 何 自斡端、 之半,仍以 樂祖 柳 人,咸平大震。 州 미 爲 民 失合兒工匠 中書省參 、黄德清叛,潮 執捏坤、 也里(千)[干]金五 鈔三千錠賑 知 辛 忽都答兒 卯 政 千五十月 州 事 其貧者。 兀 民 良 蔡猛 十 兩叛王 修 合饑 兩 屯 國 、(元) 等 田。 子 以忽撒馬 以 民 拒 監 多 歸。 銀 7 殺 以 殍 官 居 亥, 五 死, 甲午, 青子。 千 軍 金齒 1 ·, 並 爲

南、韶諭陳日烜親身入朝、否則必再加兵。 屯 哥無宣政使。 慰使司、兼便宜都總帥府。 北 八兒國遣使來朝。 田餘糧給之。己亥,命李思衍爲禮部侍郎,充國信使,以萬奴爲兵部郎中副之, 兵犯邊。 詔福建省管內並聽行尚書省節制。 庚戌,益咸平府戍兵三百。 帖列滅入寇。甲辰,以鞏昌便宜都總帥府統五十餘城兵民事繁,改爲宣 改釋教總制院爲宣政院,秩從一品,印用三臺,以尚書右丞相桑 大都民史吉等請立桑哥德政碑、從之。 丙申,合迷裏民饑,種不入土, 命愛牙赤以 辛丑,馬 同使安

軍。 皆沒。至是八隣來歸,從者凡三百九十人,賜鈔萬二千五百一十三錠。 氎布二萬三千六百六十六匹。 難答來告兵士饑,且闕橐駝,詔給米六千石及橐駝百。 亥,置大都等路打捕民匠等戶總管府。甲子,太陰犯井。辛未,桑哥言:「有分地之臣,例以 今歲田租。 不當給者汝卽畫之,當給者宜覆奏,朕自處之。」甲戌,太陰犯亢,熒惑犯壘壁陣。 貧乏爲辭,希凱賜與。 。丁巳,海都兵犯邊,拔都也孫脫迎擊,死之。先是,安童將兵臨邊,爲失里吉所執,一軍 十二月乙卯,賜按答兒禿等金千二百五十兩、銀十二萬五千兩、鈔二萬五千錠、幣帛布 丙子,也速不花以昔列門叛。 財非天墜地出,皆取於民,苟不愼其出入,恐國用不足。」帝曰:「自今 。命上都募人運米萬石赴和林,應昌府運米三萬石給弘吉剌 甘肅行省官約諸王八八、拜答罕、駙馬昌吉、合兵 乙亥,湖頭賊張治囝掠泉州,免泉州 辛酉、太陰犯畢。癸 安西王阿

本紀

第

十五

世

祖十

羊十萬 百石。 以 會。 十二、牛三十。 償以羊馬諸物供軍者,鈔千六百七十四錠、馬四千三百二十五、羊三萬四千百九十九、駝七 羊 討之,皆自縛請罪。 九十八匹。 金千兩、 三千五 滄州 六衛 萬 命天師 百 之軍營城爲滄溟縣,以 二千八百五十七、牛四十。 命亦思麻等七百餘 二百一十、駝八、牛九百。 銀 市田饑,給更休三千人六十日糧。 七十頃。 一萬八千三百六十兩、絲萬兩、綿八萬三千二百兩、金素幣一千二百匹、絹五千 張宗演設醮三日。 賜皇子愛牙赤部曲等,羊馬鈔二十九萬百四十七錠、馬二萬六千九百 賞自寇中拔歸者,鈔四千七十八錠。 立學校二萬 獨昔列門以其屬西走,追至朶郞不帶之地,邀而獲之,以歸于京師。 人作佛事坐靜于玉塔殿、寢殿、萬壽山、護國仁王等寺凡五十 .四千四百餘所。 以光祿寺直 施州之清江縣 賙諸王貧乏者,鈔二十一萬六百錠、馬六千七百二十五、 賜妻子家貲沒于寇者,鈔三萬二千八百八十錠、馬羊百。 隸都省。 高麗國王遣使來貢方物。 隸夔路總管府。 積義糧三十一 置醴 因 雨雹、河溢害稼,除民租二萬二千八 源倉,分 萬五千五百餘石。 罷安和署。 太倉之麴米藥物隸焉。 賜諸王愛牙合赤等, 大司農言耕曠 斷 一十四 死 罪九 庚 地 匹

一十六年春正月丙戌,地震。 詔江淮省忙兀帶與不魯迷失海牙及月的迷失合兵進討 十五

人。

二月辛亥朔,詔籍江南戶口,凡北方諸色人寓居者亦就籍之。 祀 第 + Ŧī. 世 袓 + 濬滄州御河。 癸丑,愛 李天英使高麗,督助征日本糧

牙合赤 之, 蠻 嘗 孫 恣 路 右 江 防 戶 置 人 行泉 品。 鈎 鐭 西西 爲 甘 治 北 賊 水 延 帝 考萬 海 河槽 征 相 軍 不 凡 中 府所 從 因 大都 伯 道 徙 請 刺 四 兀 司 之。 以進 自 令過劇受命。 顏 億 江 所 百 顏 以 泉州 爲 統 秩 路 所部 淮省治杭州。 部 庫 餘 牙 知 便。」 以 取 海 正三品。 總管府 處, 軍乏食, 兀 樞密院事,將北 交趾。 至杭 船 伯答兒 有追錢之能, 格 軍 一從之。 宜選 萬 戰 屯田咸平、 州立海站 五. 判官蕭儀嘗爲桑哥掾,坐受財 連日 樞密院 一千艘, 將 爲 壬戌, 發大同路権 乙亥,省屯田六署爲營田提舉司。 討之。 中 命 r,破之。 改浙 書 福 合木里 足贖 以新 建行 千五 **平章** 邊諸 請 懿州 四道宣慰司為淮 帝 立. 其死, 附人駕之,緩急殊不 場糧 軍。 省拜降、江西行院月的迷失、江淮行省忙兀帶, ,站置船五艘、水軍二百,專運番 己 日 政 元 ,以省糧餉。 一饑,命甘肅 巨, 事。 帥 一月的 府, 赈 成都管軍萬戶劉德祿 立左右翼屯田 宜 之。 紹 解 以藥刺罕及德祿 迷 興 職杖遣之,帝曲 大水, 失 甲 省發米千石賑之。 東道宣 屢以 戌, 己 專覺,帝貸其死,欲徙爲 未, 命鞏昌便宜都總帥汪惟和將所部軍 発 捷聞, ·可用。 一慰司, 萬戶府,秩從三品。 未 發和林糧千石賑諸王 輸 忙兀帶已往,卿無 田 並 從之。 上言,願以兵五 治揚州。 宜 租。 爲都元 招集乃顏及勝納 癸亥, 合丹兵 夷貢物及商 丁卯,幸上都。 帥, 丙寅, 詔立 分 寇胡魯口, 淘 玉 四 千人招 一崇福 金。 呂魯奏,江 尚書省臣言: 火你赤部曲 اال 以 販 爲 桑哥 合兵 軍 奇貨, 合兒流散 司, 慮。」 降 萬 以 爲從 開 八 中 以 撃 人 萬 皇 南 番 賊 隸 書 儀 且.

癸巳, 震。 安西 穀事,當令監察御史即省部 十萬 饑 諸王瓮吉帶時 三月 一千戶有奇來歸,仍進象三。 東流縣獻芝。 減估糶米二萬石。 庚辰 朔,日 調婺州,帥兵討平之。 甲午, 有食之。 太陰犯亢。 稽照, 書姓名於卷末, 甘州 台州城楊鎮龍聚衆 饑 發鈔萬錠賑之。 乙未, 鑄渾天儀成。 立雲南 屯田田 寧海,僭 仍命侍御史堅童視之, 门以 己丑 供供 稱 大 癸巳,[10]金齒人塞完以其民一 軍 賜陝西 興國, 儲。 桑哥言:「省部成 屯田 寇東陽 失則 總管府農器種粒 義鳥, 連坐。」從之。 浙 案皆財 恵 大

所。 所, 已, 站北 子,孛羅帶上別十八里 酉 來貢方物。 建 打 以高 存者徐 遣官驗視諸王按灰 甲子 **浦鷹坊** 以禦寇。 夏四月己酉〔朔〕,復立營田 麗 ,池州貴池 或 己已, 邳 總管府, 多產銀,造工 海州 寶慶路饑,下其估糶米萬 乞見乞思戶居和 、揚州 縣 福 民王 建 招集戶數,令甘肅省賑之。 、貧民, 轉運 刨 兩淮 勉進紫芝十二本。 其地,發旁近民治以輸官。 給以 司 、淮安、高郵、昭信、 司于寧夏府。 及管軍 糧。 林,驗其貧者賑之。 一千石。 戊午,禁江南民挾弓矢, 總管言其非宜、詔罷 戊辰,安南 遼陽省管內饑,貸高麗米六萬石以 丙辰,命甘肅行省給合的 癸丑 安豐、鎭巢、 一,命塔海發忽都不花等所部軍,屯 庚午,沙河決,發民築堤 以萊蕪鐵冶提舉司隸山東鹽運司 國 王 之。 陳 蘄黃、 省江淮 犯者籍 日 烜 遣其 魚網、 屯 而 中 田 所部饑者栗。 爲 大夫陳 石湫 打 兵。 辺 捕提 赈之。 障 置 之。 猶 舉 江 克用等 司 -|-西 T 狗 壬 淈

本

紀

第

十五

世

袓

+

書省臣 慶 證 江 參 甲 事 多等路 斷斷 西 知 別 事官 立 湖廣、 言 散 州 二万顏 也先, 縣 府 福 調 丁 建 官分治。」從之。 仍 木 以 丑 收 反 綿 其印。 陞 謎 提舉司,責民 其 市令司 尙 人戶月給米萬 書省 爲從五 立 諸 臣言:「鞏昌 輸 王 品。 愛牙赤投 木 綿 七千五 改大 + 萬 便 都路 宜 下 匹 百二十 都 人匠提 甲匠總管府為 總 都 三石,父母 帥 舉 府 舉 司 已 司 陞 於 總之。 益都。 爲宣 軍器 妻子 慰使司, 罷 人匠)俱在 併省 孫 都 北 雲南 按攤 乞以 總管府。 方, 大理 恐生它 舊 不 兼 花 府 尙 中 所

發大同 志 尙 提 五. Ŧ 出 書 刑 百 , 請 徙 置 省 七十 季 伯 按 五 察 陽 月庚辰, 事 合班 宣德等路民 三人 益 張 司 江南 天 徙 都 等,二二 祐 來 蘇 發武 充 淄 爲 州 降 萊 沙 中 築 Ī. 衞 ·書參 三萬 不 江 以 供 倉於 親 淮 丁 參 饋 軍 知 所 戸軍 知 福 昴 千 有 清海船 政 政 建 勞, 人濬 兀 事 事 久 刺 戍 忻 江 命 河 水軍。」 廣 己 都 西 有 西務 壬辰 東 爲 \equiv 司 尙 一省所 設回回 疫 如 至 從之。 書 太白 死 數 通 左丞,中 抽 償 者 州 軍 之,復 衆 或 犯 漕 各還 鬼。 子 其 學。 書 賞銀 令二年 本 參 軟 癸未, 翼。 陞 知 奴(玉)[王]朮 五. 利 政 萬 行 移 用 事 更。 兩、幣帛各二千匹。 御 監 諸 何 史臺 爲從三品 樂 \pm 賊 祖 小薛饑民 私 鍾 復 爲 明 以 徙 參 亮率衆萬 金銀器 於 知 揚 就食 遼陽 政 州 事 \prod 路饑 汴 丙 給諸 八八千 浙 申 西

都 **発往歲未輸田** :、濟南 諸道, 亦宜 租。 尚書省臣言:「括大同、平陽、太原無籍民及人奴爲良戶,略見成效。 如之。」詔以農時民不可擾,俟秋冬行之。 罷 水盈 庫,以所貯 上供幣帛入

西省。 太府監及萬億庫。 省流 江縣入渠州。 辛丑, 御河溢 泰安寺屯田大水,発今歲租。 入會通渠, 漂東昌民廬舍。 青山猫蠻以不莫臺、卑包等三十三 以莊浪路 去甘肅省遠,改隸安

寨相繼內附。

蠻帶 桂陽路 乃滿 器,臣管內已禁絕,自今臣 遼陽等路饑,免今歲差賦。移八八部曲饑者就食甘州。 理算雲南。 判官, 丘應祥等十八人爲縣尹、巡尉, 帝不允, 令明亮、應祥並赴都。 汝禁也,任汝執之。」辛亥,詔以雲南行省地遠,州縣官多闕,六品以下, 夷 敗合丹兵於托吾兒河。 **六月戊申朔**, 中 寇亂 副使八黑鐵兒皆反應之。 下爛土等處洞長忽帶等以洞三百、寨百一十來歸,得戶二千餘。乙亥,金剛奴寇 |水旱,下其估糶米八千七百二十石以賑之。 復立雲南提刑按察 發侍衛軍二千人濬口溫腦兒河渠。 凡用兵器,乞取之安西官庫。」帝曰:「汝家不與它漢 丙 司。 寅, 合刺赤饑,出 要忽兒犯邊。日日辛日,日日記韶遣尚書省斷 月的迷失請以降城鍾明亮為循 粟四千三百二十八石有奇以賑之。 己酉, 己未,西番進黑豹。 海都 犯邊, 鞏昌汪惟和言:「近括漢 州 大都 和林宣慰使怯怕、同知 知 州 許本省選辟以聞 增設倒鈔庫三所。 宋士賢爲 事官禿烈羊呵 庚申,諸王乃 人比,弓矢不 甲戌, 梅州 人兵

本

紀

第

+

五

世祖

+

九

紫芝。 折 連怯 濟 見 寧、 立江 東平、汴梁、濟南、棣州、順德、平灤、眞定霖雨害稼,免田 |淮等處財賦總管府,掌所籍宋謝太后貲產, 隸中宮。 租十萬五 丁丑 汲縣民朱良進 于 百 几

忽兒 亥,發至元 渠,通江 河 征 遼 溢 南 匹 之。 五. 十五 溢 陽 搜 部 訪 百五 開 行 秋 129 東平、濟寧、東昌 辛 省 曲 安 鐵 術 日 七 .雅之運,古所未 一十戶內附。 饑 燈 藝之士。 月戊寅朔 Щ 丑: 盆 鈔萬錠,市馬于燕南、山 ", 賑之。 一,發侍 、渠成, 兵戍 杆堤決。 庚寅,黃兀兒月良等驛乏食, 咸平 衞 河渠官禮部尚書張孔孫、 發和 海都兵犯邊,帝親征。 親 辛巳,兩淮 丙戌, 、盆都、真定、 懿州 軍 不有。」詔 林 萬 所屯乞兒乞思 人 命百官市 赴上 戊戌, 賜 屯田 名會通 廣平、 都 東、河南、 雨雹 誅信州 馬 泂 害稼, 等軍 河, 助 歸德、汴梁、懷 以 間 邊。 尚珍署屯田大水,從征者給其家。 鈔賑 兵部 太原、平陽、 大水害稼 叛 置提 北 賊 蠲 征。 敕 之。 鮑 郎 學司 今歲 以 中李 惠 禿魯花及侍衛 癸巳,平灤屯 辛 日等三十三人。 田 孟 卯, 保定、 職 處選、員外 壬寅, 租 蝗。 河 0 太陰 .渠事。 河間 विश 賦百官家,製戰襖。 乙未,太陰 壞都城, 犯 田 、平灤。 牛。 郎馬之貞言:「開 兵百人 甲申 霖 (右)[左]丞 雨損 詔 , 發兵、民各 犯 遣 爲桑哥導從。 四 戊子, 稼 歲 牙)[[己卯 星 矛 山 甲 太 李庭等北 住 齊 癸卯, 分駙 午, 1 白 萬 僧 蠻 魏 酉 御 詣 經 民 博 馬 人 完 天 命 河 江 几 之 爪 丁

権茶 饑,發河西務米二千石,減其價賑糶之。 遼陽省發粟赈之。 保定、新城、定興 甸宣慰使 所掠,免今歲田 怨於衆,乞如要束木例,撥戍兵三百人爲衞。」從之。 丙申,熒惑犯太微西垣 東 都 山西道 九月戊寅、歲星犯井。 丁亥,罷斡端宣慰使元帥府。 冬十月癸丑,營田提舉司水害稼。 (月壬子) 覇州大水,民乏食,下其估糶直沽倉米五千石。 轉 司 運 提刑按察司治太原,宣慰司治大同 隸四川省。 司諸人,毋 租 (屯田糧賑其戶饑貧者。 甲子,月的迷失以鍾明亮貢物來獻。 辛 上將。 得沮辦課。 酉,大都路霖雨害稼,発今歲租賦, 台、婺二州饑,免今歲田租。 己卯,置高麗國儒學提舉司,從五品。 增浙東道宣慰使一 癸巳,以京師糴貴,禁有司拘顧商車。 改四川金竹寨爲金竹府。 太陰犯牛宿距星。 癸亥,諸王鐵失、孛羅帶所部皆饑,敕上都留守司、 乙巳, 詔福建省及諸司毋沮 員。 平灤、昌國等屯田霖雨害稼。 甲戌,詔 江淮省平章沙不丁言:「提調錢穀,積 辛未,歲星晝見。癸酉,以八番羅 仍減 甲寅,熒惑犯 徙浙東道提刑按察司治婺州 兩淮、兩浙都轉運使司及江西 價糶諸路倉糧。 乙卯,郴之宜章縣爲廣東寇 丙戌、罷濟州泗汶漕運使 擾魏天祐銀 右執法。 乙未,太陰犯畢。 壬戌 以 課 甲辰,以 駝 / 漷州 運

司。

河

都米五百石有奇給皇子北安王等部曲。 受人饋酒食者,沒其家貲之半。 甲子,享于太廟。 乙卯,以八番、羅甸隸湖廣省。 己巳,赤那主里合花 山城置站一所。 丙辰, 禁內 外百官

本

紀

第

+

五

世

祖

酉,尚書省臣言:「沙不丁以便宜增置浙東二鹽司,合浙東、西舊所立者爲七,乞官知鹽法者 五十六人。」從之。 平灤水害稼。 以平灤、河間、保定等路饑,弛河泊之禁。

例,請至元鈔千錠爲行泉府司,歲輸珍異物爲息,從之。 之。」丁亥,安南國王陳日烜遣使來貢方物。左、右衞屯田新附軍以大水傷稼乏食,發米 旨月的迷失:「鍾明亮旣降,朕令汝遣之赴闕,而汝玩常不發,致有是變。自今降賊,其卽遣 部、雄諸賊二十餘處皆舉兵應之,聲勢張甚。詔月的迷失復與福建、江西省合兵討之,且諭 計千二百六十戶內附。 尚 書 省。 賢舉歸于京師。 商 大卿、行泉府司事。 四百石賑之。辰星犯房。己丑,太陰犯畢,熒惑犯進賢。庚寅,江西宣慰使胡頤孫援沙不丁 鈔,故令天下鹽課以中統、至元鈔相半輸官。今中統鈔尚未可急斂,宜令稅賦並輸至元鈔, 百斤,莫若先貯鹽於席,來則授之,爲便。」從之。 庚辰,桑哥言:「初改至元鈔,欲盡收中統 販有中統料鈔, 十月戊寅、車駕還大都。 通州 河西務饑,民有鬻子、去之他州者,發米賑之。丙戌,西南夷生番心楼等八族 癸未,命遼陽行省給諸王乃蠻帶民戶乏食者。 聽易至元鈔以行,然後中統鈔可盡。」從之。 部籍江南及四川戶口。丙申,寶坻屯田大水害稼。河南宣慰司請給管 廣東賊鍾明亮復反,以衆萬人寇梅州,江羅等以八千人寇漳州, 尚書省臣言:「南北鹽均以四百斤爲引、今權豪家多取至七 以胡頤孫遙授行尚書省參政、泉府 月的迷失以首賊丘應祥、董 乙酉,命自今所授宣敕並付

千石。 泗濱 八百九十石賑之。 慰使史啊請討浙 戶一人,江淮省平章不鄰吉帶將兵討之。 內 「近招降寶州賊胡海等,令將其衆屯田自給,今過耕時,不恤之, 河間、真定等路流民六十日 爲聲,以補宮縣之樂。 賑保定等屯田戶饑,給九十日糧。 東賊,以爲浙東道宣慰使,位合刺帶上。 丙午,日三緬國遣委馬剌菩提班的等來貢方物。 辛丑、羅斛、女人二國遣使來貢方物。 糧,遺還其土,從之。 遣使鈎考大同錢穀 檀州饑民劉德成犯獵禁, 婺州 賊葉萬 甲辰,武平路饑,發常平倉米萬 及 五. 园 恐生變。」命贛州路發米千 別給 癸卯,禁殺羔羊。 以衆萬 詔釋之。 糧 人寇 戶 湖廣省臣言: 武 庚子 義 縣 浙 ,取石 殺千 西

順等以其黨降,行省請斬之以警衆,事 八十七石給昔寶 南、北權要之家毋沮 何 人寇龍(嚴)[巖]、[[公執千戶張武義, 以示信? 十一月丙午朔, 改播 甲寅、瓜、沙二 孙 宜 爲 播 |並遣赴闕。」從之。 癸丑 赤 南 州城 五. 鹽法。 回回、昔寶赤百八十六戶居汴梁者, 白 壞,詔發軍民修完之。丙辰,罷阿 七十八人之乏食者。 T 卯, 戊申, 詔 山東東路毋得沮淘金。 敕尚書省發倉賑大都饑民。 與楓林賊合。 一,建寧城黃華弟福,結陸廣、 下樞密院議。 丁巳,平灤、昌 福建行省兵大破之。 范文虎曰:「賊固當斬,然既降乃殺之, 賑文安縣饑民。 你哥所領采石提 申命宣慰司 國 屯戶 壬子,漳州賊陳機察等八千 饑 馬勝復謀 給其田。 陳機察、丘大老、張 賑 陝西 舉司。 米千六百 亂 鳳翔 丁未,禁江 發米 事覺皆論 屯 五. 田大 十六 五. 百

本紀

第

+

Ŧī.

世

袓

+

田租。 戊辰,太陰犯亢。己巳,發米千石賑平灤饑民。改平恩鎭爲丘縣。 桓州等驛饑,以鈔給之。 武平路饑,免今歲

良站人戶。 午,以官軍萬戶汪惟能爲征西都元帥,自即將所部軍入漠,其先戍漠兵無令還翼。 寧遠王。 書省舍人,從之。給玉呂魯所招集戶五百人九十日糧。徙瓮吉刺民戶貧乏者就食六盤。 巳,韶括天下馬。 一品、二品官許乘五匹,三品三匹,四品、五品二匹,六品以下皆一匹。 平 大名、清豐逋租八百四十石。命甘肅行省賑千戶也先所部人戶之饑者。給鈔賑黃兀兒月 乙酉,命四川蒙古都萬戶也速帶選所部軍萬人西征。太白犯南斗。丁亥,封皇子闊闊出爲 「宋趙氏族人散居江南,百姓敬之不衰,久而非便,宜悉徙京師。」桑哥以聞,請擢絜矩爲尙 使取魚自給。 命回回司天臺祭熒惑。庚寅,禿木合之地霜殺稼,禿魯花之地饑,給九十日糧。 十二月丁丑、蠡州饑、發義倉糧賑之。戊寅、罷平州望都、榛子二驛,放其戶爲民。 河間、保定二路饑,發義倉糧賑之,仍免今歲田租。木鄰站經亂乏食,給九十日 庚子,武平饑,以糧二萬三千六百石賑之。伯顏遣使來言邊民乏食,詔賜 拔都 昔 刺所部 阿速戶 饑,出 粟七千四百七十石 賑之。 癸卯,發 麥 賬 廣濟署 乙未, 蠲 網器, 甲

饑民。

會。 免災傷田租:真定三萬五千石,濟寧二千一百五十四石,東平一百四十七石,大名九百 銀二十五萬二千六百三十兩、鈔一十一萬二百九十錠、幣十二萬二千八百匹。 斷死罪五十 誦,仍給所費,俾爲歲例。幸大聖壽萬安寺,置旃檀佛像,命帝師及西僧作佛事坐靜二十 二十二石,汴梁萬三千九十七石,冠州二十七石。賜諸王、公主、駙馬如歲例,爲金二千兩、 是歲,馬八兒國進花驢二。寧州民張世安進嘉禾二本。詔天下梵寺所貯藏經,集僧看

校勘記

九人。

詔以忙兀帶爲(右) [左] 丞相 按上文至元二十二年十月戊午條及下文至元二十六年四月甲戌

條皆作「左丞相」,據改。續編已校。

(二)(京)(荆)南 按元無「京南」之稱,下文至元二十六年正月戊申條有「荆南按察司」,據改。

本已校。

三) 王(降)[賭] 見卷九校勘記[凸]。

死事者增散官 「增」疑誤,續通鑑改「增」爲「贈」,於文義爲長。

(五)(離)(睢)寧 據本書卷五九地理志改。

本紀第十五 校勘記

- 儀鳳(寺)[司] 按上文中統元年十二月乙巳、至元二十一年十二月辛亥條及本書祭祀志、
- 志、百官志皆作「儀鳳司」,據改。本證已校。
- 詣漢北浚井 按「漠北」一名本書屢見、「漢北」則無此稱、蒙史改「漢」作「漠」、疑是。
- [八](流)[沐]川 從北監本改。
- [元] 也里(千)[干] 據上文至元二十年正月己巳條及本書卷一〇七宗室世系表改。
- 癸巳 爲癸卯二十四日或乙巳二十六日之誤。 按是月庚辰朔,癸已爲十四日,已見於己丑初十日與甲午十五日間。 此重出之「癸巳」,疑
- 軟奴(玉)(王)术 據上文至元二十五年十月庚申條所見「軟奴汪朮」語音改。 藏語「軟奴王朮」,
- 要忽兒 蒙史云:「要忽兒犯邊,卽藥不忽兒犯邊之誤脫。 蓋海都之前鋒軍。」

意爲「自在童子」。

- 辛巳 辛未二十四日之誤 按是月戊申朔,無辛巳日。此「辛巳」在丙寅十九日與甲戌二十七日間,疑爲己巳二十二日或
- [四](右)[左]丞李庭 按上文至元二十五年三月庚寅條及本書卷一六二本傳均作「左丞」,據改。
- 本證已校。
- 丙午 按是月丁丑朔,小盡,無丙午日。丙午爲次月十一月朔日,此誤。

CI+D 官軍萬戶 按「管軍萬戶」本書屢見,疑此處「官」爲「管」之誤。

元史卷十六

本紀第十六

世祖十三

兒术答兒、移剌四十、石抹蠻忒四人,以謀不執伏誅。丙寅,合丹餘寇未平,命高麗國發射 滕竭兒回回屯田三千戶牛、種。 午,遼陽自乃顏之叛,民甚疲敝,發鈔五千八十錠賑之。己未,賜鎭遠王牙忽都、靖遠王合帶 爲軍儲所、秩從三品。 塗金銀印各一。 章吉寇甘木里,諸王朮伯、拜答寒、亦憐眞擊走之。 庚申,賑馬站戶饑。 給 陰犯井。 祀天幄殿。 二十七年春正月戊申、改大都路總管府爲都總管府。庚戌、太白犯牛。 敕從臣子弟入國子學。 高麗國王王(唐)[賰]遣使來貢方物。[1]丁巳,遣使代祀岳、瀆、海神、后土。 以河東山西道宣慰使阿里火者爲尚書右丞,宣慰使如故。 辛酉,營懿州倉。 安南國王陳日烜遣其中大夫陳克用來貢方物。 壬戌,造長甲給北征軍。 乙丑,伸思、八 改儲侍提舉司 乙卯, 癸丑,太

本紀

第

十六

世

祖十三

昔宿 羅 給六十 戍 兵千 府 衞 己巳,改 京 爲 日 肝 師 討 胎 西 遭林 之。 無 縣 南 為路路 番總管府 隸 行之叛, 賜 泗州。 大水,免 河 西 復立 或 爲 子軍五 內 今 永 寧 興 年 大 文署 亂 田 百 租 人馬。 高 ,掌經籍板及江南學 麗 癸酉, 未 民 賜 Ţ 居 也速 忻都 卯,熒惑犯 大同 帶 者皆籍之, 所 見所部萬 部 别 房。 田 笳 錢 兒 高 穀。 臣 人鈔 田 麗 願 戶 國 道萬錠 合丹 復 饑 王 以還高麗爲民 王(晦)[賰]言 寇遼 。豐閨 給 九 十 東 署 海 H 田 陽 糧 。」從 饑 降

間路 亢。 震。 黄 使 僕 明亮等復 大大老 寺毋 九 楊 H 漢 糧 十 任 辛 乙 月 等掠樂昌諸郡,行 丘 英 隸宣徽 卯 酉 H 饑 降, 一,赈 乙亥朔 進 戊寅、太陰 復 雨 給 詔 新 立 遭千, 院。 庚辰,伯答罕民戶饑,給六十 九 徙 附 南 ,立全羅 十日 爲首 民 康 丙子,新 居 犯 駙 興國 畢。 糧。 昌平者。 者至京 馬 州道 樞密院討平之。 鐵 榷 癸巳 開 附 別赤 茶提 萬 師 元 屯 , 而 丙戌, 路 田 戶 淮 晉陵、 舉 府。 寧遠等縣饑,民、站戶 戶 羅 給 司 饑,給六十日 羅 其 改奉 江西諸郡盜未 無 斯 秩 餘 闍 錫 雨氊六十、 日糧。 從 黨 先 兀所部闌遺戶饑,給六十日糧 糧 五. 縣 縣 品 爲房 霖 糧。 辛 浙 雨 東 Ė 發 刀 平,韶 Щ 害稼, (虎賁 順州 諸 五 逃徙,發鈔二千錠賑之。 括 郡 十、弓二十。 河 更休· 饑 僧、道士四 江淮行省 泉 間 並 給 孙 一
発
其 昔寶赤 土 地 糧 震。 一千人 田 九 1分兵 + 戶 租 百九十一人饑,給 己 己丑 Ė 口 卯 赴 千益 上都 常寧州民遭 癸未 庚寅, 西 興 江西 賊 州 播州 之。 修 華大老、 泉州 太陰 命 盜 太 犯 地 加 鍾

盜之亂,免其田租。己亥,保定路定興饑,發粟五千二百六十四石賑之。辛丑,唆骸禾稼不

登,給九十日糧。

路廣昌縣經鍾明亮之亂,免其田租九千四百四十七石。辛未,太平縣賊葉大五集衆百餘人 總兵官討賊者,多俘掠良民,敕行御史臺分揀之,凡爲民者千六百九十五人。 庚午,以建昌 大老,集衆千餘人掠南豐諸郡,建昌副萬戶擒斬之。甲子,楊(震)[鎭]龍餘衆剽浙東。[三] 憲之選仍歸御史臺,如舊制。置金竹府大隘等四十二寨蠻夷長官。癸亥,建昌賊丘元等稱 十九戶爲民,撤江南戍兵代之。凡工匠隸呂合剌、阿尼哥、段貞無役者,皆區別爲民。詔 給,韶復徙治成都。立江南營田提舉司,秩從五品,掌僧寺貲產。放壽、潁屯田軍千九百五 道勸農營田司,增提刑按察司僉事二員,總勸農事。四川行省舊移重慶,成都之民苦於供 陸御史臺侍御史正四品,治書侍御史正五品,增蒙古經歷一員,從五品。罷行司農司及各 甚衆,命甘肅省贖還,給米賑之。併福、泉二州人匠提舉司為一,仍放無役者爲民。 戶、沙魚皮戶爲民,以其事付有司總之。發雲州民夫鑿銀洞。永昌站戶饑,賣子及奴產者 屬四百二十人。己未,改雲南蒙憐甸爲蒙憐路軍民總管府,蒙萊甸爲蒙萊路。 壬子,熒惑犯鈎鈴。薊州漁陽等處稻戶饑,給三十日糧。戊午,出忙安倉米,賑燕八撒兒所 三月乙巳,中山畋戶饑,給六十日糧。戊申,廣濟署饑,給粟二千二百五十石以爲種 放罷福建獵 庚申, 風

紀第十

六

世租十三

寇寧國、皆擒斬之。

租 給 賑 刺失等詣馬八兒國訪求方伎士。 溢, 命考大都路貧病之民在籍者,二千八百三十七人,發粟二百石賑之。 小 大都、保定、河間、平灤者萬一百八十錠,在遼陽省者千三百四十八錠有奇。丙戌,遣桑吉 饑,給六十 賑 課、料民、括馬之苦,宜俟它日行之。」從之。 朝廷遣白絜矩 其食。」 之。 闊 之。 害稼二萬二千四百八十畝有奇, 命大都路 1 闊 夏 改利津 酉, 所 四 太傅 部 敕 月 ·日糧。 以鈔二千五百錠賑昌平至上都站戶貧乏者。 遼陽 民 玉 癸酉朔, 以粟六萬二千五百六十四石賑 及喜魯、不別等民戶並饑、敕河東諸郡量賑之。千戶也不干所部乏食、敕發粟 呂魯言:「招集斡者所屬亦乞烈,今已得六百二十一人,令與高麗民屯田,宜 來,與沙不丁議,令發棄幷戶偕宋宗族赴京,人心必致動搖,江南之民方患增 海 行省驗實給之。 道運糧萬戶府爲臨淸御河運糧上萬戶府。 發六衛漢軍萬 大駕幸上都。 婺州螟害稼, 雷雨大作, 螟盡死。 人伐木爲修城具。甲申,以荐饑免今歲銀俸鈔,其在上都、 壬辰, 熒惑守氐十餘日。 癸巳, 河北十七郡蝗。千戶也先、 平山、真定、棗强三縣旱,靈壽、元氏二縣大雨雹,並免其 発 其 租。 阿速敦等二百九十五人乏食,命驗其實,給糧 通州、 癸未,罷海道運糧萬戶府。 河西務等處流民。 定興站戶饑,給三十日糧。己亥, 諸王小薛部曲萬二千六十一戶 庚子,合丹復寇海陽。 丙子, 芍陂屯田以霖 江淮行省言:「近 太陰犯井。 阿 河 辛

復立安和署,從六品。

千石。 四 輸 乃奏文璨陞 書省參政楊 立 戊午,移江西行省於吉州,以便捕盜。 者 庚 西 有 **遭**,明亮 尉 成,陝西南市屯田隕霜殺稼,免其租。 行 地 一級,王傅與所置監郡同治,無監郡者王傅聽之。」平灤民萬五千四百六十五戶饑,賬粟五 一銀場官, 秩從七品。 Ŧ. 兵持 石, 税外,並発他徭。 省管如德、 五 徽州 尚珍署廣備等屯大水, **觅其租**。 月 復率衆寇贛州。 二人一從者七石五斗。 **,弓矢。」從之。 己巳,立雲南行御史臺。** 乙巳,罷秦王典藏司,收其印。 右丞。 文璨爲左丞,文璨踰 績溪賊胡發、饒必成伏誅。 江西行院月的迷失合兵討反寇鍾明亮, 江西行省言:「吉、贛、湖南、廣東、福建,以禁弓矢,賊益發,乞依內郡例, 江陰大水,免田 出魯等千一百一十五 樞密院以如德等遠詔縱賊,請詰之,從之。 歲不之官,韶以外刺帶代之。外刺帶至,文璨復署事,桑哥 丙辰,發栗賑御河船戶。 敍州等處諸部蠻夷進雨氊八百。 租萬七百九十石。 尚書省遺人行視雲南銀洞,獲銀四千四十八兩。 乙丑,太陰犯塡星。丙寅,罷奉宸庫。 伯要民乏食,命撒的迷失以車五百輛運米千石賑 壬子,賜諸王鐵木兒等軍一萬七百人糧,一人一從 括江南闌遺人雜畜、錢帛。 一戶饑,給六十日糧。 命徹里鐵木兒所部女直、高麗、契丹、漢軍 明亮降,詔縛致闕下,如德等留不 庚午,復置諸王也只里 癸亥,敕:「諸王分地之民 合丹寇開元。 詔罷江西行 遷江西行尚 王傅、秩正 樞 戊申,江 密院。 奏

本

紀

第

+

六

世

祖

十 三

賊 陳 婺州 七 師 永 反 討 康、東陽、處州縉雲賊呂重二、楊元六等反,浙東宣慰使史弼 军 之。 括天下陰陽戶口,仍立各路教官,有精于藝者,歲貢 禽斬之。 泉州南安

發各 承旨 省平 楚通 桑州 以 大 丑 一、熒惑 白 便 分省討 蠲 省 四 章 兀 等三百 總管黃 一萬 六 沙 戍 十 月 魯帶進定宗實錄。 心犯房。 田 九千八 壬 兵討 不 四四 租 布蓬、 丁言,以參政王巨濟鈎考錢穀有能, 四 一中朔 贼。 兩。 八千八百二十八石 賊。 十一戶爲民。 辛卯,敕應昌府以米千二百石給諸王亦只里部曲。 泉州 廣州 一、」、
関
関 百餘畝 那州長羅光寨、 辛丑,免河間、保定、平灤歲賦絲之半。 大水。 增城、韶 鹽州爲柏 • · 発其租· 己亥、棣州厭次、濟陽 丙 庚辰、從江淮行省請, 州樂昌以遭畲賊之亂,並免其田租。 申,發侍衞兵萬 興府、降普樂州 八千九百二十八石。 安郡州長閉光過率蠻民萬餘戶內附。 人完都城。 爲閏 賞鈔五 大 風雹害稼, 陞廣 鹽縣, 納鄰等站 一百錠。 濟庫爲提舉司, 懷孟路武陟縣、汴梁路祥符 金州爲金縣。 丁酉, 発其 繕寫 戶饑,給九十日糧。 大司 租。 杭州 壬辰、別給 金字藏經, 徒撒 庚子,從 賊唐珍等伏 秩從五 丙子,放保定工 河溢太康,沒民田 里蠻、翰林學士 江 凡糜 品。 西行省印, 江 西省請, 用 金三千 甲戌, 縣 江 匠 皆 淮 己

死。 戊申,江西霖雨,贛、吉、遠、瑞、建昌、撫水皆溢,龍興城幾沒。 秋 戸, 終南等屯霖 雨害稼萬九千六百餘畝,免其租。丙午,禁平地、忙安倉釀酒,犯者 癸丑,罷緬中行尚書省。

萬三百五十六石。江夏水溢,害稼六千四百七十餘畝,觅其租。 哥言,

詔遣慶元路總管毛文豹搜括宋時民間金銀諸物,

已而罷之。滄州樂陵旱,

兔田租三 霖雨害稼,発其租。 江淮省平章沙不丁,以倉庫官盜欺錢糧,請依宋法黥而斷其腕,帝曰:「此回回法也。」不允。 百餘畝,免其租百七十五石。 丑: 吏,其衆遂盛。 免大都路歲賦絲。戊午,貴州猫蠻三十餘人作亂,劫順元路,入其城。遂攻阿牙寨,殺傷官 了<u>無湖賊徐汝安、孫惟俊等伏誅。</u>丙寅,雲南闍力白衣甸酋長凡十一甸內附。丁卯,用桑 湖廣省檄八番蔡州、均州二萬戶府及八番羅甸宣慰司合兵討之。鳳翗屯田 建平賊王靜照伏誅。辛酉,熒惑犯天江。 壬申, [三] 駐蹕老鼠山西。 魏縣御河溢,害稼五千八

其租。 帝聞武平地震,慮乃顏黨入寇,遣平章政事鐵木兒、樞密院官塔魯忽帶引兵五百人往視。 **灤、河間、保定四路流民租賦及酒醋課。** 司官及總管府官王連等及民七千二百二十人,壞倉庫局四百八十間,民居不可勝計。己亥, **籲、建昌、[南]豐州嘗罹鍾明亮之亂,[四]悉免其田租。癸巳,地大震,武平尤甚,壓死按察** 八月辛未朔,日有食之。併廣東道眞陽、含光二縣爲英德州。沁水溢,害冀氏民田,免 禁諸人毋沮平陽、太原、大同宣課。丁丑,廣州淸遠大水,免其租。庚辰,免大都、平 丁亥,復徙四川南道宣慰司于重慶府。以南安、

申嚴漢人

九月壬寅,河東山西道饑,敕宣慰使阿里火者炒米賑之。癸卯,歲星犯鬼。

本紀

第十六

世祖

十 三

萬錠, 戍兵, 知 便 唐 海 等三十餘 檢 田 府掃 宜 獵 廣 司 沒民 蠲 之禁。 德 于 糴 命江 宿 閭 王 租 田 米 遷之北。 廟。 寨, 貢 賦 淮 賑 乙巳, 馬及 罷 命 、饑民。 省調 乞立 有司塞之。 丙辰、赦天下。 商稅,弛酒禁, (雨 1) 下萬戶一軍赴之。 縣,設長官、 以所 禁諸王遣僧建寺擾民。 平章 且言:「 罷陸 政事闍里鐵木兒帥 戊申、武 運夫爲兵,護送會通 、總把, 丁卯, 斬爲盜 金竹 平地震, 府雖 命江 參 發蒙古都萬戶府 者,發 用土人。」從之。 淮行 內附, 敕河東山西道宣慰使阿里火者發 盜 鈔八百 師與合丹戰于瓦法, 省鈎考行敎坊司 賊 **蠻民** 乘隙剽劫, 河 四十錠, 多未服。 上 供之物,禁發民 探馬赤 己酉,福 轉 民愈憂恐。 軍五 近 所 海運米萬石 建省 與趙堅招降竹古弄、古 總江 大破之。 白 人戍鄂 以管內 挽 南樂工租 平 舟 以賑 章 1 州 盜 大同 政 未, 一
財
蜂 賦。 之。 事 辛 鈔本二十 鐵 御 亥, 起, 置 金竹 木 河 修 魯花 請益 兒 決 四 巡 高 東 府 以

路 萬 通 以 九 一酸酒。 戍 八八千 汶 其 泗 冬 十 境。 己卯 四 河 百 貞 道 Z ",增上 四四 提 七十八戶。」帝曰:「此 1: 辛巳,太白 舉 申、封皇孫甘麻 門答占自行御史臺 ·司,從 都 留守 「犯斗。 四品 前 副 刺 只 留守、判官 1 深 為梁王,賜 丑 亦 所部八魯刺思等饑 入 , 何 尙 難。 待 書省臣言:「江陰、 上聞, 各一員。 梁洞 金印、出 梁宮朝 當 從 速 鎭 甘 賑之!凡出 雲南。 命 、吳曲洞吳湯暖等凡二十洞, 肅 寧夏路給米三千石 行 寧國等路 省請 癸酉, 粟五 簽管內民千三百 大水, 享于太 十八萬二千八百 民 廟。 · 賑之。 流 移 甲 者 戌, 人爲兵, 匹 立 八十 + 五 會

餘戶內附。丁亥,賜北邊幣帛十萬匹。己丑,新作太廟登歌、宮懸樂。以昔寶赤歲取鸕鷀

成都擾民,罷之。

其租。隆興苦鹽濼等驛饑,發鈔七千錠賑之。丁未,大同路蒙古多冒名支糧,置千戶、百戶 戰船二十艘,故海賊時出,奪船殺人,今增置戰船百艘、海船二十艘,故盜賊不敢發。」從 鎮江三城,跨據大江,人民繁會,置七萬戶府。杭州行省諸司府庫所在,置四萬戶府。水戰 婺。其寧國、徽,初用土兵,後皆與賊通,今以高郵、泰兩萬戶漢軍易地而戍。 揚州、建康、 穴。復還三萬戶,以合刺帶一軍戍沿海明、台,亦怯烈一軍戍溫、處,札忽帶一軍戍紹興、 帝復允其壽。江淮行省平章不憐吉帶言:「福建盗賊已平,惟浙東一道,地極邊惡,賊所巢 奉詔,內外官受命不赴及受代官居五年不赴銓者,罷不復敍。臣謂苟無大故,不可終棄。」 十員,以達魯花赤總之,食糧戶以富爲貧者,籍家貲之半。戊申,太陰掩鎭星。桑哥言:「向 酉,太陰掩左執法。隆興路隕霜殺稼,觅其田租五千七百二十三石。壬戌,大司徒撒里蠻、 賑之。己未,禁山後釀酒。 庚申,賜伯顏所將兵,幣帛各萬三千四百匹、綿三千四百斤。 辛 之。庚戌,罷雲南會川路采碧甸子。甲寅,禁上都釀酒。乙卯,貴赤三百三十戶乏食,發栗 之法,舊止十所,今擇瀕海沿江要害二十二所,分兵閱習,伺察諸盜。錢塘控扼海口,舊置 十一月辛丑、廣濟署洪濟屯大水、免租萬三千一百四十一石。興、松二州隕霜殺禾、免

本

紀第十六

世

超十三

易水 翰 者給 林 闍 溢 甲 學 徙 土 子 里 河 雄、莫、任丘 鐵 一承旨 北 御御 木兒所部軍。 部州為 河 史 南道 兀魯帶進太宗實錄。 ⟨臺言:「江南盜起,討賊官利其 提 曲 新安田 刑按察司治許州。 江 縣。 1 卯,立 廬漂沒無遺, 新 癸亥,河決祥符義唐灣, 城 権 罷 場、 命 大都 平地脫脫禾孫。 剽掠,復 有 東 司 築堤障之。 西二驛脫脫禾孫,以通 以生口 太康、 充贈遺,請給還其家。」 遣使鈎考延安屯田。 丙寅、括遼陽馬六千匹,擇肥 通許, 政院 陳、 潁二州大被 總之。 降南 帝嘉納 乙丑; 其

保昌

縣

辛卯 州為 歲詔 千二 不耳 以掌 青山 二十六年 答 一百八 十· 二 之。 萬 太陰 摘蒙古軍萬 失 甲 戶 十丁 月 所部 大同 逋 申 犯元。 李 、辛未 ·', 遣 租 綱 十三萬五百六十二石。 滅乞里饑,給 路民多流移 討平之。 兵部侍 樞密院 乙未,初, 以衞尉院爲太僕寺。 人分戍雙城及婆娑府諸城,以防合丹兵。 欲 郎靳榮等閱實安西、 京兆省 以爲兵,桑哥不可 分萬 九十 趸 其 億爲 上屯 日 囲 糧。 租 四庫 田 二萬 己卯,命樞密院括江南民間 所出羊價 戊寅、免大都、平灤、保定、 詔 諸 ,以金銀 一千五百 鳳翔、延安三道軍戶,元籍 ,帝從之。 王乃蠻帶、 一鈔六百九錠,敕 輸 八石。 內府,至是,立提 丙戌,興化路仙游 遼陽 洪贊、 己亥,省溧陽路爲縣, 行省 以賜 平章政事 兵器及將士 **灤陽驛饑** 河間自至元二十四年 札散 舉富寧庫,秩 四千外, 賊朱三十五 、暗伯民貧乏者 ,薛闍 一習武, 給六十 復 干、 得 從 入建康 右 集衆寇 三萬三 如 日 五 丞洪 戊 品, 子 至

本紀第十六 世祖十三

湖廣省上二年宣課珠九萬五百一十五兩。處州青田城劉甲乙等集衆萬餘入寇溫州平陽。

載門、茶罕腦兒、聖壽萬安寺、桓州南屏庵、雙泉等所,凡七十二會。斷死罪七十二人。 是歲、賜諸王、公主、駙馬金、銀、鈔、幣如歲例。命帝師西僧遞作佛事坐靜于萬壽山厚

等以罪罷。 散、秃秃合總兵于甕古之地,命有司供其軍需。敕大同路發米賑甕古饑民。尚書省臣桑哥 懷遠入濠州,並隸安豐路。升各處行省理問所爲四品。免江淮貧民至元十二年至二十五 路、大安軍爲州、巢州爲縣,入無爲,並隸廬州路。升安豐府爲路,降壽春府、懷遠軍爲縣, 萬戶府,由海道漕運。併浙西金玉人匠提舉司入浙西道金玉人匠總管府。降無爲、和州二 癸丑,高麗國遣使來貢方物。丁巳,遣貴由赤四百人北征。辛酉,罷江淮漕運司,併於海船 留守木八刺沙總其事。辛亥,罷汴梁至正陽、杞縣、雕州、中牟、鄭、唐、鄧十二站站戶爲民。 留孫置醮祠星三日。上都民仰食于官者衆,詔傭民運米十萬石致上都,官價石四十兩,命 五千四百斤、綿千四百三十餘斤。罷淘金提舉司。立江東兩渐都轉運使司。壬戌,以札 年所逋田租二百九十七萬六千餘石,及二十六年未輸田租十三萬石、鈔千一百五十錠、絲 二十八年春正月壬寅,太白、熒惑、鎭星聚奎。癸卯,給諸王愛牙赤印。命玄敎宗師張

路 千 軍 溺 官。 宣 官 書 立 次 抑 田 隸 大 大口 慰 宜 冮 臺 官 持 右 達 勿 五 五 同 西 從 站 香 魯 輸 綱 百 司 丞 給 自 仰 花 詣 餘 之。 月 相 行 葉稍 復 又 牛 食于官者 管 從之。 赤 省 辛 中 石。 丙子 翰 召 具農 箠 軍 唆羅 嶽 癸 監 御 林 水 萬 酉 遣 , 詔: 「 史臺 器 學 察 罷 站 南 戶 也 賜 兀 使 士承 徴 出 1 以 御 府 海 速 也速 思 同 用 行 史命 萬 及 陸 理 雕 一帶兒 以 按 鈔二 御 旨不 # 淮 司 西 鎭 一帶 遣官 察 史 經 ŏ 書、 瀆 几 之。 見所部 萬 御 司 歲 中 臺 忽木 致 汪]]] 上 錠。 覆 賑 尙 史 慶 勿 用 都 總 總 禱。 辛 驗 大 書 大 ?聽行 米 攝 平 帥 巳 兵 夫 义 水達達、 同 兩 以 八 太 章 輦 言 立 經 大太 省官 月 雲 十萬 縣馬萬 省 原 以 眞 金 政 鹽井 南 兒 饑 近制 節 事 原 湖 术 鹵 辨論 度。 魯 曲 石, 咸平 等處宣 , 饑 納 廣 **靖路 趸**至 辨 匹。 詔 民, , 思 行 土 遣 之。 告天下。 桑哥 和 省 雲南 老 貧 爲 宣 使 元 徙 雇 慰司 口 諸 民, 八番 之罪。 癸未 萬 必 覆 撫 -|-給 和 行 路 撒 驗 億 司 買不 賑 糧 都 羅 省言:「 釋 年至 諸 庫 所 之。 以 兩 太 教 元 甸 不 蠻,至 金銀 轄 復 列 及 月 都 陰 司 帥 當 三十 以 地 或 軍 兀 7 犯 復 敍 總 府 給 闌 廣 入 三月。 難 家 丑: 左 敍 州 統 隸 者萬三千 、禁中 六 遺監隸 , ٠, 粳 執 民 州 以 四 年 以 今一 烏蒙 米 上 法]]] 1 慶 改 民 富 太子 賑 以 符 都 未 省 福 切 宣 間 꺨 大 水 給 桑 安 建 虎 一徽院 五 駕 右 所 庫 與 哥 貧 可 路 行 賁 壬午 百 o 幸 詹 改立 逋 民 治 民 黨 險 省 士二 人, 事 尙 同 田 與, 惡 爲 爲 完 曲 都 租 一驛路 以 書 詔 己 宣 千 乞 靖 澤 舟 册 桑 罷 _ 詔 卯 省 一慰司 徴 萬 沮 是 哥 等 爲 揚 自 Ý, ٠, 還 屯 遣 尙 破 擾 沮 州 八 今 凡 日

第十六 世祖十三

本紀

汀州 貲,金凡四千兩。 省遣蒙古軍五百、漢兵千人,從皇子鎭南王鎭揚州。執河間都轉運使張庸,仍遣官鈎考其 遷神主別殿。癸巳,籍桑哥家貲。遣行省、行臺官發粟,賑徽之績溪,杭之臨安、餘杭、於 其 以總制一道,餘六人分臨所部,如民事、錢穀、官吏奸弊,一切委之。俟歲終,省、臺遣官考 酉,立江淮、湖廣、江西、四川等處行樞密院、詔諭中外,江淮治廣德軍,湖廣治岳州,江西治 Щ 封號,各遣官詣祠致告。 ·功效。」以集賢大學士何榮祖爲尚書右丞,集賢學士質勝爲尚書省參知政事。 東轉運使司課程。 、昌化、新城等縣饑民。 丁亥、營建宮城南面周廬、以居宿衞之士。執湖廣要東木詣京師。 四川治嘉定。 辛卯,封諸王鐵木兒不花爲肅遠王,賜之印。 丙戌、詔:「改提刑按察司為肅政廉訪司、每道仍設官八員、除二使留 甲申, 命江淮行省參政燕公楠整治鹽法之弊。丁酉,詔加嶽、瀆、四海 太白犯昴。 命江淮行省鈎考沙不丁所總詹事院江南錢穀。 **壬辰**,雨壞太廟第一室,奉 戊子,籍要束木家 韶江淮行

太原饑,嚴酒禁。 甲寅、常德路水,発田租二萬三千九百石。乙卯,太白犯五車。 而 死者三百七十一人。桑哥妻弟八吉由為燕南宣慰使,以受賂積贓伏誅。仆桑哥輔政碑。 三月己亥朔,眞定、河間、保定、平灤饑,平陽、太原尤甚,民流移就食者六萬七千戶,饑 丁未,太陰犯御女。己酉,太陰犯右執法。 庚戌, 太陰犯太微東垣上相 乃顏所屬牙兒馬兀等同女

民, 權 租 平 國 直 貴 兵五 麟 徽 173 安 發 凡 弛 爲 州 撫 州 侍 百 捕 府 郡 廣 使 人 衞 獵 縣 兵營紫 德、 追 田 之禁。 卒 = 嘗被 殺 史, 鎭江 珠 內 虎 檀殿。 災 附民餘千人,遣塔海將千人平之。 容庇 符。 五. 者悉発其 路 門戶, 小が饑, 杭州、 壬 戌, 遇 租, 平江 賑 以 有 之如杭 甘肅 :差賦, 不被災者 等 五 行省 州。 路饑, 惟及貧民,詔江 右 **発十之五**。 武 丞 發粟賑之,仍 崔彧為 平路饑, 辛酉 \oplus 罷 百 淮行省嚴禁之。 7 書 甘州 呂連站 姓 弛 右 困 湖泊蒲、 丞 轉 於 運司。 盜 木赤五十戶饑, 南 賊 丹 軍 魚 州 江淮 、之禁。 旅, 莫國 賑 遼 豪家 発 陽、 麟 其 溧 入觀,授 販三月 去年 武 多 陽、 行 平饑 賄 田 太

故 鬼 驰 故 杭 召 発侍 E 州 葉 以 四 四 李還京. 衞 沙 月己已, 湖 兵籍武 禽 不 Ţ 魚禁,聽民 師。 等米賑江南 平者今歲徭役。 禁屠 乙未, 宰 網 牝 徙 罟。 羊。 饑 湖 民。 廣 丙戌, 甲戌, 行 增置 召 樞密院治鄂 朱清、張瑄 詔 欽察 **部各路府、州、司、** 凡負斡 衞 經 州 脫銀者, 詣 歷一員,用漢 闕。 丙 申,以米三千石 庚寅、併總制院入宣政院。 入還皆以鈔為 縣長次官兼管諸軍 人爲之,餘不得爲 則。 賑 闊 里吉 乙未,歲 奥魯。 思饑 例。 以 星 以 庚辰, 犯 鈔 地 輿 震 法

行 人 海 北 追 五. 海 究 月 南 僧 戊 道 戌, 官 宣慰使都 江 召 淮 江 總攝 西行 元 楊璉眞 樞密院副 帥 , 伽等盜 瓊州 使阿 安撫使陳仲達海北海南道宣慰使都元帥, 用 里 官 詣 物。 闕。 以參 升 章佩 知 政 監秩 事 廉希 公三品。 恕 爲 遣 湖 脫 廣 脫 等 處 塔剌 湖廣行省左 行 省 海、 右 忽辛

錢穀。 從之。 將二千二百人以征黎蠻,僚屬皆從仲達辟置。 省左 亥,以太原及杭州饑,免今歲田 **贊善,以繼母病去,至是母亡,以集賢學士徵之,不起。** 以賄進,親舊皆授要官,唯以欺蔽 少民。徙江淮 癸丑,罷尚書省事皆入中書。改尚 誅其黨要東木、八吉等。 思爲使,桑哥敗,懼誅自殺,至是復總帥府。增置異珍、御帶二庫,秩從五品,並設提點、使、 勝、高翥並 副各一員。 丞相。 郞 中不 要東木以桑哥妻黨爲湖廣行省平章,至是坐不法者數十事,詔械致湖廣 罷江南六提舉司歲輸木綿。 一中書平章政事,尚書右丞何榮祖 一参知 ·顏于思、別十八里副元帥王信並同知海北海南道宣慰司 能大都 減中外冗官三十七員。 行樞密院治建康。 中 書 燒鈔 政 庫,仍舊制,各路昏鈔令行省官監燒。 事; 發兵塞晃火兒月連地河渠,修城堡,令蒙古戍兵屯田 征 東 租。 行尚書省左丞相、駙馬 甲辰,中書省臣麥朮丁、崔彧言:「桑哥當國 九重、朘削百姓爲 書右丞相、右詹事完澤爲中書右丞相,平章 宮城中建蒲萄酒室及女工室。詔以桑哥 鞏昌舊惟總帥府,桑哥特升爲宣慰司,以其弟答麻 增河東道宣慰使一員。 中書右丞,尚書左丞馬紹中書左丞,參知 立左右兩江宣慰司都元 事。 高 宜令兩省嚴加考覈,並除名爲民。」 罷脫脫、塔刺海、 麗 徵太子贊善劉因。 國王王(廢)[賰]爲征 增置戶部司計、工部司程,正 事 帥 副 府。 元 忽辛等理算僧官 帥, 罪 四年,諸 政事麥朮 惡繫獄按問, 壬寅、太陰犯 Ш 因前 省誅之。 中 並 東行 以 佩 為太子 政 樂寇。 虎符っ 事賀 刺答 臣 中書 多 辛

本

削 史臺 竇氏 各 2 七 書, 高 卯 品品 事 言 以政 丈一 名日至元新格 秉忠 甲 寅 高 事 尺,以居 嘗鞠猶子 麗 恋 太 國 委 陰 Ŧ. 中 犯 王 呪 書, 牛。 蘭章 一時乞以 師 命 仍遺使布 杂 刻 赈 爲嗣 版 四 上 其子 都 頒 的 行, 性吉等七 告中 恒州 敕 源 以 爲 使 地 外。 楡 百司 世: 子 百 人。 林 頃 韶 ٠, 遵 (還之。 詔 昌 禁 守。 何 失陷 立 平 樂祖 式 源 桑哥 己未 錢糧 爲 平 以公 高 嘗 麗 者託 寬 以劉 規 王 以 河 、治民、禦盜 門答占 世 故詣 宣德、 秉忠 子 , 京 無 復 四站 授 師 子, 特 爲 收 御 進 理 1 女直 已, 史 其 財 Ŀ 柱 等 大 田 等 建 夫, 國 土 站 事 饑 賜 其 緝 行 民 銀 御 妻

男女 慰 民恃 辛 ती Ė, 備 總 配 什 六月丁 洞 統 偶 王 蠻 弟 璉 成 鎭遠 阗 家 同 卯 朔, 來 加 。給農具 立黄 力不 朝 禁蒙古人往 益江淮 輸 耕 租 種 者 乙 行院 , 丙戌, 依 回 酉 例 回 兵 以 徵 地 敕二 雲南 輸 爲商 萬 摩郴州 屯 諸路 質者。 辛 田官 卯, 行 以三歲 桂 太陰 省 陽 參 湖廣 犯 知 寶 爲 畢. 政 饑 慶、 滿 事 敇 兀 癸巳, 武 耳 難 以 於 岡 刺里海 爲 各 匹 以 梁 路 ĪŪ 漣、 E 內 盜 傅 牙 海 城。 調 米 二州 用 七 洗 以 萬 國 宣 隸 汴 \pm 石 山 諭 梁 洞 脤 逃人 東 江 淮

從之。 秋 七月丙 己亥, 太白 申 朔 犯 雲南 井。 省參 詔 諭 尚州 政 怯 刺言:「 等 處 諸洞蠻 建 都 地多 夷 產 庚 金, 子 ٠, 徙江 可 置 冶 西行樞密院治贛州 令旁近 民 煉 之以 輸官。

府司、大都甲匠總管府、廣州

輿

鬼。

己已,置中

·書省檢校二員,秩正

七品,俾考覈戶、工部文案疏緩者。

能江西等處行泉

八

月乙

丑:

一朔,平陽地震,壞民廬舍萬有八百二十六區,壓死者百

五十人。

丙寅、太白

犯

洞安撫 萬 耕 桑哥 江府隸行 米二萬石 舊 制 |李 江 人築之。 以蒙古、漢人、宋人參爲萬戶、千戶、百戶領之。 南 一,而 卒, ,降江陰路爲州,宜興府爲縣,並隸常州路。 聞 誣 · 饑,出米二十五萬四千八百石賑之。 曠 司 奏處決。」罷江南諸省買銀提舉司。 以 除淦江 不 省。 賑之。己酉,召<u>交趾王弟陳益稷、右丞陳巖、鄭鼎子那懷</u> 他 土,戶不過五頃,官授之券,俾爲永業,三年後徵租。遣愍散總兵討平江南 知 師壁鎮撫所、師羅千戶所印,安撫司從三品,餘皆五品。 增置各衛經歷一員,俾漢 一罪,流祚于憨答孫,妻子家貲入官,及是還之。禁屠宰馬牛。 尚 罷 ·書右丞葉李妄舉桑哥之罪, 宜斬葉李以 陰路教授,以旌直言。 ·淘金提舉司、<

江淮人匠提舉司凡五,以其事 人爲之。 給還行臺監察御史周祚妻子。 戊申,揚州路學正李淦上言:「人皆知桑哥用羣小 遣官招 壬 戌, 移揚子縣治新城, 集宋時湼手軍可充兵者八 遼陽諸路連歲荒,加以軍旅,民苦饑,發 弛畿內秋耕禁。 謝 天下。」有旨驛召淦詣京 並隸有司。 並詣京師。 丁巳, 分華亭之上海爲縣,松 祚 雨壞都城,發兵二 嘗劾 敕:「江南 桑哥伏誅。 萬 行 癸丑,賜師 \equiv 尙 師, 書省官, 重 千六百 囚、依 盗 募民 淦至 贼 壁

而

人匠提舉司、廣德路錄事司。

罷泉州至杭州海

中

水站十五所。

撫州 諭 水,冤田租四萬一千六百五十石。 犯軒轅大星,幷犯歲星。 太陰犯牽牛。 [路]。[4] 癸未,歲星犯軒轅大星。 思州提省溪洞官楊都要招安叛蠻,悔過 路 **免去歲未輸田租四千五百石。** 大名之情河、南樂諸縣霖雨害稼, 咀喃番邦遣馬不刺罕丁進金書、寶塔及黑獅子、番布、藥物。 辛卯,命工部造飛車五輛。 乙酉,遣麻速忽、阿散乘傳詣雲南, 來歸 馬八兒國遣使進花牛二、水牛土彪各一。 者, **免田租萬六千六百六十九石。** 與発本罪。 癸巳,太陰掩熒惑。 罷雲南四州,立東川(府) 捕黑虎。 戊子, 己卯,詔

妻黄 求。 平, 発二十七年田租。 州 乃以祥爲宣撫使,佩虎符,阮監兵部 里(台)[吉]思至外刺等六驛。[記] 一,設安西、延安、鳳翔三路屯田總管府。 一样、阮監果不能達瑠求而還,誌斗死于行,時人疑爲祥所殺, 河間等縣霖雨害稼, 置左右 九 產三男。[5] 月辛丑,以平章政事麥朮丁商議中書省事,復以咱喜魯丁平章政事代之。 兩萬戶府,官屬皆從祥選辟。 辛亥,安南王陳日恒遣使上表貢方物,且謝不朝之罪。 禁宣德府田獵。 **免田**租五萬六千五百九十五石。 命海船副萬戶楊祥、 員外郎, 壬子,酒醋課不兼隸茶鹽運司,仍隸各府縣。 庚戌,太白犯右執法。 旣又用 誌斗禮部員外郎,並銀符,齎韶往瑠求。 福建吳誌斗言「祥不可信, 合迷、張文虎並爲都元帥,將兵征瑠 丙午, 韶福建行省按問,會赦,不 立行宣政院,治杭州。 襄陽南(障)[漳]縣民李氏 徽州績溪縣賊未 宜先招諭之」, 乙巳,景 明年, 立一

兵復隸蒙古都萬戶府。庚申,以鐵里爲禮部尚書,佩虎符,阿老瓦丁、不刺並爲侍郎,遣使 午,太白犯熒惑。徙四川行樞密院治成都。以八忽答兒、禿魯歡、唆不闌、脫兒赤四翼蒙古 成者半之。以別鐵木兒、亦列失金爲禮部侍郎使馬八兒國,陝西脫西爲禮部侍郎,佩金符, 乙卯,以歲荒, 兔平灤屯田二十七年田租三萬六千石有奇。 丙辰, 熒惑犯左執法。 辛酉、歲星犯少民。免大都今歲田租。保定、河間、平灤三路大水,被災者全免,收 戊

使于馬都。

尙衣局織無縫衣。

賑 大同 申,以前緬中行尚書省平章政事雪雪的斤爲中書省平章政事。癸酉,享太廟。遣使發倉 蠻爛土立定雲府,改陳蒙洞為陳蒙州,合江爲合江州。嚴山後酒禁。 院,事入行省。割八番洞蠻自四川隸湖廣行省。丙戌,太陰犯軒轅大星幷御女。丁亥,洞 千巡捕。」從之。 歲 頂鶴、五色鸚鵡、翠毛、犀角、篤縟、龍腦等物。 高麗國饑,給以米二十萬斛。 罷各處行樞密 [賭]、公主忽都魯揭里迷失詣闕。癸未,羅斛國王遣使上表,以金書字,仍貢黃金、象齒、丹 《進馬五十匹、雨氊五十被、刀五十握,丹砂、雌雄黃等物,率二歲一上。」有詔從其所爲。 冬十月乙丑朔,賜薛徹溫都兒等九驛貧民三月糧。 屯田兵及教化的所部軍士之饑者。江淮行省言:「鹽課不足,由私鬻者多,乞付兵五 塔刺海、張忽辛、崔同知並坐理算錢穀受賦論誅。 辛巳,召高麗國王王(曆) 己巳,修太廟在眞定傾壞者。 中書省臣言:「洞蠻請 壬

紀

第十

六

世組

十三

都 己 租 司 顏 官 **H**: 般 赴京 以 陽 合 武 户 陰 泰安、 平 師 相繼 犯 路 集 太 總管 寧海 叛 議 微 東 冶 張 詔 賦 垣 東平 立 給 上相。 法 道 蒙 爲 古 齊 辛 禮 人 寧 卯 敕 部 內 沒 败 諸 尙 附 獵 入 書 王 者 、璉眞 之禁, 使使 出 及開元 伯 交 加 犯 部 趾 者 沙 曲 南京 沒其 饑,給 不 発衛 1 家貲 水 鳥 輝 米 達 賑 種 馬 八之半。 達 之。 仙 兒妻,並 等三 茅 癸巳 戶 萬 徭 遣 役。 詣 牛 武 京 畜 平 從 師 遼陽 路 田 饑 器 召行 行 発 省 詔 今 省 嚴 歲 轉 益 以 田 運

亭 能 及 甲 滅 使 禁 議 里 江 沮 1 海 求 辰 淮 售 太 修 在 櫌 道 增 淶 之民 者還之, 中 益 祀 運 獄 刺 月 外官 都 事 糧 [犯房。 1 污 愁 淘 鎭 滅 書 怨 金。 撫 申 吏 唯 里 留 俸 載 夜 沙 司 減 其 以 鳥 路 Z 不 太 廿 估 卯 甲 戊 Ţ (里)[馬]兒、(10]王 丙 人午, 府 肅 以 寅, 午 股 新 或 監 濟 曠 姑 繫 熒惑犯亢。 金 添 冗 貧 上 太陰 釋 葛蠻 齒 獄 員三十 者 賜 之耳。」 國 告 或 犯 宋安 遣 塔 寶 歲 釋 一 人。 [50] 叉兒、 赤 武平 芝 星。 肥 巨 撫 1 合散 濟、璉 未 此 入 率 郴 一太陰 平 觐 塔帶 洞官 罷器 臣 等, 州 下 眞 路 俾 所未 庚 誻 Sn 民 備 加 達 犯 汾、 耕 饑 FF 行 州 魯花 畢 饑 之。 能 沙 青貴 內 發 熒 的 喻 藏 赤 躭 惑 米 驰 三庫 壬 羅 敎 來 曲 賑 犯 獵 帝 寅, 化 貢 列 遣 之。 氏 禁 日 的 方 有 使 遣 物 其 皆桑哥 罪 貢 詔 辛 桑哥 給 左 孕字 論 東 酉 按答見 吉奉使 紵 ء 誅 回 已誅, 之時 黨 升宣 察 百 口 匹。 與 御 復 以 新 民 () 受賕 答納 德 納 史言 置 勿 合 戶 龍 「速」 太 捕 會 四 刺 珠 沙沙 史院 門 肆虐, 同 的音 月糧 釿 充 諭 刺 舘 靈 獻 爲 FH 不

望雲縣,割隸雲州。置望雲銀冶。

時諸 院臣 告中 甲戌 蠻、老 未,以 切未 賄 臣 遣 驛 借 行 ~,經 官官 賂 中 高 書省 外。 記記 徴 言:「宋全太后、瀛國公母子以爲僧、尼,有地三百六十頃,乞如例 麗 名 招 + 鐵滅為 壽 乃顏 民 集畏兀 栗 鈎 征 一龍 並 不 今分 赈 月 庚辰, ,考錢穀,自中統初至今餘三十年,更 賦 堪 爲 反,掠其馬畜,給以牛各四十。 治 ※給之。 ػ 盡輸之。」何榮祖言:「宜召 命,不 大司 鈎 隸 兵部尚書,佩虎符,明思昔答失爲兵部侍 杭 丑, 氏。 諸 考錢穀,應 州 太陰 王 徒,領太常 復都 改辰、沅、靖州 如 籍 城邑,歲賜之物 賑 飛之。」 犯 探 水監 居 御 馬赤 居 女。 昔 出 年 寺。 有旨:「議擬 八 秩從三品。 饑民 逋負錢 江 忽帶兒等 北 轉 中書省 米。 運司 仰 州 那割 穀 給 各省官 闍 以聞 文卷 京 臣言:「江南 爲湖北湖南道 六萬 大都饑, 遣官迓雲南鳴 里帶言「乃顏餘黨竄女直之地, 隸 師 、聚置 任 阿 (미) 戶成丁 叉中 上錢穀 合馬、 南 壬申、立河南 江 下 外官 者詣 北 在 ·者爲 室,非 其價糶米二十萬 桑哥當國,設法 郎, 行 宋時,差徭 轉運司。 池所遣使。 吏俸少,似宜量添, 中 京 兵。 佩金符, ·書省。 般 師、集議 江北 命 丁卯, 立 而 行 爲名七十 改 視 使于羅孛 葛蠻軍 科 中書省,治汴梁。 遼陽洪寬女直部民饑 之者 免徴 江 高 已極 石脈 取之法 淮 麗 行省為江浙等處 有 民 其 國 , 之。 臣 有餘,歸附 罪。」 可令 丽 **卜**兒。 (安撫) 鳴 租 以聞 與月兒魯議 共 綠 己巳, 仍 江 餘 從 司。 江 。」從之。 南 遺 黨 御 之。 旭 使 依 史 後 + 撒 公取 宣 詔 宋 臺 布 辛 里 政 罷 九

本

紀

第

+

六

世

齟

+

Ξ

統領 尼二十一萬三千一百四十八人。 千七百餘株,義糧 路所設學校二萬一千三百餘,墾地千九百八十三頃有奇,植桑棗諸樹二千二百五十二萬七 部上天下戶數, 靜于聖壽萬安、 田提 闕貢方物。 肯仕,命仍爲中書左丞。丙戌,八番洞官吳金叔等以所部二百五十寨民二萬有奇內附,詣 乞益兵千五百人,可平之。」從之。 癸未,太陰犯東垣上相。 廣濟署大昌等屯水,免田租萬 八,口五千九百八十四萬八千九百六十四,游食者四十二萬九千一百一十八。司 九千五百石。 諸 舉 國 司爲規運提點所,正四品。辛卯,濬運糧壩河,築隄防。 僧 尼釋教事。 戊子、詔釋天下囚非殺人抵罪者。 平灤路及豐贈、濟民二署饑,出米萬五千石賑之。 内郡百九十九萬九千四百四十四,江淮 涿州寺等所, 九萬九千九百六十石。 賜親王、公主、駙馬金、銀、鈔、幣如歲例。 凡五十度。遺眞人張志仙持香詣東北海嶽、 斷死刑五十五人。 宣政院上天下寺字四萬二千三百一十八區,僧、 己丑,熒惑犯房。 、四川一千一百四十三萬 授吃剌思八斡節兒爲帝師, 別都兒丁前以桑哥專恣 **庚寅,熒惑犯鈎鈴。** 令僧羅藏等遞作佛事坐 濟瀆致禱。 農司 八百七十 升營 上諸 不 戶

校勘記

[1] 王(晦)[賰] 見卷九校勘記[h]。下同。

- 楊(震) [鎭]龍 按上文至元二十六年三月庚辰條及本書卷一六二史碗傳、 元文類卷四一經世
- 大, (序錄招捕均作「楊鎭龍」,據改。 續通鑑已校
- . = 壬申 按是月壬寅朔,無壬申日。 此「壬申」在辛酉二十日、乙丑二十四日間,疑爲壬戌二十一日之
- (南)豐州 據本書卷六二地理志補。 按此處史文言江西南安、赣州 、建昌、南豐田租事、與腹裏

大同

路

豐州

無涉。

誤。

- . 五 山 乙未歲星犯 寅二十三日前 一錯簡 興鬼 此條亦見本書卷四八天文志。是月戊辰朔,乙未爲二十八日,此處誤置於庚
- ハベン 六月丁卯朔禁蒙古人往回回地爲商賈者 裏、忻都田地裏將去 十八年六月初一日, 欽奉聖旨: 的有壓道聽得來。 泉州那裏每海船裏, 如今行文書禁約者,休教將去者,將去人有罪過者麽道 按通制條格卷二七「蒙古男女過海」條有 蒙古男子婦女人每做買賣的往 至元二 回回 田地
- 人口販入番邦博易,若有違犯者嚴罪」。此處史文有脫誤,原意全乖,「蒙古人」應作「將蒙古人

聖旨了也」。元典章卷五十七「禁下番人口等物」條有「體

知得一等不畏公法之人,往往將蒙古

口

本 立東川(府)[路] 紀 第 + 六 校 據本書卷六一地理志改。 勘 記 按東川路,至元二十八年立,東川府則爲順慶路至

元十五年前舊稱。 本證已校。

襄陽南(障)〔漳〕縣 據本書卷五十九地理志襄陽路條改。道光本已校。

〔九〕 乞里(台)[吉]思 按「乞里吉思」一名本書屢見,此處「吉」誤爲「台」,今改。蒙史已校。

[10] 鳥(里)[馬]兒 據上文至元二十四年五月壬寅、二十五年四月辛酉、二十八年十月己丑諸條及

本書卷一三〇徹里傳、卷二〇五桑哥傳改。本證已校。

納〔速〕剌丁滅里 據上文補。按本書卷一三〇不忽木傳、卷一七三崔彧傳均作「納速剌丁滅

里。

元史卷十七

本紀第十七

世祖十四

賑之。己亥,命太史令郭守敬兼領都水監事,仍置都水監少監、丞、經歷、知事凡八員。八 中書省言:「羅甸歸附後改普定府,隸雲南省三十餘年。 司,今若設提舉司專領鹽課,其酒稅課悉歸有司爲便。福建銀鐵又各立提舉司,亦爲冗濫, 汀、障諸處連年盜起,百姓入山以避,乞降旨招諭復業。福建鹽課旣設運司,又設四鹽使 作司官舊制六員,今分爲左右二司,增官二員。庚子,江西行省左丞高興言:「江西、福建 不便,乞罷之,仍以其地隸雲南省。」制曰「可」。戊戌,清州饑,就陵州發粟四萬七千八百石 請罷去。」詔皆從之。 二十九年春正月甲午朔,以日食兔朝賀。日食時,左右有珥,上有抱氣。 禁商賈私以金銀航海。 壬寅、以武平地震、全免去年稅四千五百三十 今創羅甸宣慰安撫司,隸湖南省, 丙申,雲南行

本紀第十七

世祖十四

播 懷 至 詔 其 割 入官 南 今 語 輕 . 西行 赤 疑 民 番 諭 荆 湖 諭 州 軍 城 縣 都 未 邏 竄 力 湖 廣 河 軍民宣撫使、 興州 省伯 省 南 附 匿 站 學 思 元 北 日 。 降 之德安、 漢 道 田 平 明 困 帥 戶 之興安、宜 、告饑, 宣 伐、 顏 劉 州 輸 詔 毎 語 賜 其 德祿 慰 招 阿 大甕眼、紫江、皮陵、潭溪、 窳 諸 歲 兩 司 以二 、漢陽、 播 老 入 集 擬 給鈔 王 福 舊 言:「新附 止 嗣」漢 州等處管軍 免 失 聽 之。 瓦 建 領 徵二千五 興 都 丁言: 其自掌,春秋 信陽 計 辰 兩 石。 兒 以行 罷 沅 口 縣 天 金千 河 賑 饑、赈 洞 師 隸 蒙 南 播 帝 之。 量十五· 澧 白 荆 張 萬 宣 兩。 州 日 Щ 宗演 六十 沏 卢 米五千 靖、 -; 慰 歲 重 癸 釋奠外,以廪 北 广,仍 丙午,河南、 民 司 重 課 丑; 歸 道, 寨, 男 九 安撫 困 銀 錠。 佩 與 常德 以汴 九堡 二萬 石。 吾 罷 請置 蘄 虎符。 棣 民民民 健 四 黃 癸卯 嗣 楊 一等處 罷 梁 五 賓 官 隸 直 其 漢 干 南 師 庫 府 福 淮 襄陽 敎 壬戌, 何 隸 英 諸 雄 建 生 兩 命 以 西道 湖廣 0 以 \subseteq 玉 爲 復 洞 行 及 統 韶 生 貓 1: 典 石嗣 紹 之。 會 河 中 初 陞 ! __ ! 州 省。從葛蠻 赤 蠻 幷 南 之 制 同 書 慶 從 利 館。 惠州 省臣 無告者。 淮 阿 漢 珍 詔 之。 戊 南 錬 用 東道 里 天 州 設 中, 陽、 銀 監 .請 置 初 ŔII 南 陳 正 丙 置 張 路 太 軍 歸 詔 平 蒙、 三 司 兩 辰 良 宣 德 邕 賏 貢 等 織 錄 陰 用 品 州 皆 爛 棣 處 觅 造 犯 安 慰 漢 士 事 播 赴 莊 沿 役 眇 歲 以 撫 司 隸 土 司 語,有旨 州 甲 闕 邊 PL 及 便 夫 軍 使 咸 加 田 洞 宣 糧 民 提 軒 宋 隸 南 田 壬子 則 蠻 慰 安 轅 餉 租 舉 子 河 行 詔 以 因 令 使、行 垣便 省 贀 南 左 五. 撫 司 蒙 而 角 斗, 請 五. FI 州 復 江 戶 以

古 新 部民十一萬九千三百二十六戶,詣闕貢獻。 州 所, 所 州 魯等言:「納 付 仍錫功臣 船 失、鄧州舊軍萬戶更朔、福建行省右丞高興並爲福建行中書省平章政事,將兵征爪哇,用海 戶府達魯花赤四、萬戶皆四、副萬戶八、鎭撫四,各佩虎符。詔加高麗王王(時)[賭]太保,曰 附黑蠻衣襖、遣回、命進所產朱砂、雄黃之精善者、無則止。遣使代祀嶽、瀆、后上、四海。 獻嘉禾。 、實坻縣饑民。 軍以艱食受糧者,宣徽院仍領之。 月的迷失,合麥以付亦黑迷失,使從軍自效。 大小五百艘、軍士二萬人。戊寅、立征行左、右軍都元帥府、都元帥四、副都元帥二。上萬 **聶**怯來之合刺合孫答刺罕所,阿禿之雲南王所, 深列禿之阿里所, 八里帶之月的迷失 幹里羅、忽里帶之東海。 給輝 月 一之號。 甲子朔,金竹酋長騷驢貢馬、氊各二十有七,從其請減所部貢馬,降詔招諭之。 州龍山、 速刺丁滅里、忻都、王巨濟黨比桑哥,恣爲不法,楮幣、銓選、鹽課、酒稅,無不更 乙亥,立總管高麗女直漢軍萬戶府,頒銀印,總軍六千人。以泉府太卿亦黑迷 韶從諸王阿禿作亂者,朶羅帶以付闊里吉思,脫迭出以付阿里,抄兒赤以 申禁鞭背。庚午,斡羅思招附桑州生貓、羅甸國古州等峒酋長三十一,所 里州和中等縣饑民糧一月。三丁卯,畋于近郊。 發義倉官倉糧,賑德州、齊河、清平、泰安州饑民。 己已,太陰犯畢。 壬申, 敕遣使分行諸路, 釋死罪以下輕囚。 又詔諸王從合丹作亂者,訥答兒之鎮南王 發通州、河西務粟、賑東安、固安、薊 命宿衛受月廪及蒙 庚辰,月兒 賜

本

紀

桑哥 葉,乞賑衈。」敕依東平例,發附近官廪,計口 農具,官爲屋居之。 壬辰,山東廉訪司申:「 思爲太中大夫、土蕃等處宣慰使都元帥。 子,禁杭州放鷹。 和爲鞏昌等二十四處便宜都總帥,兼鞏昌府尹,仍佩虎符。 臣暗伯等請,就襄陽給曲先塔林合刺魯六百三十七戶田器種粟,俾耕而食。 下。」從之。牙亦迷失招無籍民千四百三十六戶,請隸東宮,詔命之耕田 乞台不花等使緬國,詔令遙授左丞。廷議以尚書行使事,其副以郎中處之。 極者,實桑哥及其凶黨之爲,莫不願食其肉。 ?輔政碑者,廉訪使閻復近已觅官,餘請聖裁。」帝曰:「死者勿論,其存者罰不可恕也。」 ·、劉道元指陳桑哥同列罪惡,詔令省臺臣及董文用、留夢炎等議。 己丑,歲星犯軒轅大星。庚寅,宣政院臣言,授諸路釋教都總統輦眞朮納 敕畸零拔都兒三百四十七戶佃益都閉田,給牛種 「以給。 棣州境內春旱且霜,夏復霖澇,饑民啖藜藿木 臣等議,此三人旣已伏辜,乞依條論坐以謝天 御史臺月兒魯、崔彧等言:「馮 其一言:翰林諸臣撰 辛巳,從樞密院 制曰「可」。戊 丁亥,以汪惟

亥,樞密院臣言:「出征女直納里哥,議於合思罕三千新附軍內選撥千人。」 詔先調五百人, 三月甲午,詔遣脫忽思、儂獨赤昔烈門至合敦奴孫界,與駙馬闊里吉思議行屯田。

政事。 昔任 不枉法者八, 甚,宜免今歲公賦。 程文海、 行 隸雲南,以八番羅 居其任,乞令冤署,惟食其祿,與議 眞,並爲 酉,以大司農、同知宣徽院事兼領尚饍監事鐵哥,翰林學 未,納速刺 中書省臣言:「京畿荐饑,宜発今歲田 官府多,宜合二司帥府爲 王巨濟雖 陳益稷遙授湖廣 中書省具舟給 詞 中書省臣言:「亦奚不薛及八番 垣 陳嚴、趙居信十人,宜召置翰林, 中書平章政事,兼領舊職。 無臟, 風憲,時望所屬而 丁滅里以盜取官民鈔一 罪入死者以聞。 帝以與 糧, 甸宣慰使斡羅思等並為八番順元等處宣慰 等處行中書省平章政事,佩虎符,居鄂州。 漢地河泊隸宣徽院, 仍設征 忻都同 一。」詔從之,且命「亦」奚不薛與思、 在外者,如胡 東 招 惡, 幷誅之。 制曰「可」。戊申,以威寧、昌等州民饑,給鈔二千錠賑之。 討 十三萬餘錠,忻都以徵理逋負迫殺五百二十人,皆伏誅。 中書省事。」從之。 可。 中書省臣言:「右丞何榮祖以疾,平章 租 羅甸旣各設宣慰司, 壬寅, 底適、姚燧、王惲、雷膺、陳天祥、楊恭懿、高道、[B] 除入太官外,宜弛其禁,便民取食。」並從之。 備顧問。」帝曰:「朕未深 上都、隆興、平灤、河間、保定五路 中書省與御史臺共定贓罪十三等,枉法者五, 御 史 大 以阿里為 夫月兒魯等奏:「比監察御 士承旨、通政院使兼 又復立都元 使都元 播州同隸湖廣省,至 庚戌 心中書 知,俟召至以聞。」丙午, 帥 右丞,梁暗 車駕幸上都。 佩 帥 虎符。 一政事 府, 供億視 知 其地 尙 都 麥朮丁 史商 乘寺 刺 以安南國 賜速哥 羅 甚 爲 他路為 事|刺 甸 班舉 以久 參 狹 己 1 知

本

紀

斡羅 路饑,給鈔二千錠,復發粟以賑之。 珠玉、寶器稱是。省臺諸臣乞正典刑以示天下,帝猶貸之死,而給還其人口、土田。 發冢一百有一所, 戕人命四, 攘盜詐掠諸贓爲鈔十一萬六千二百錠, 田二萬三千畝, 金銀、 戌,給還楊璉眞加土田、人口之隸僧坊者。 都水監分視黃河堤堰,罷河渡司。 奏:「延安、鳳翔、京兆三路籍軍三千人,桑哥皆罷爲民,今復其軍籍,屯田六盤。」從之。 思、賽因不花蠻夷之長五十六人金紋綾絹各七十九匹及弓矢、鞍轡。壬子,樞密院 庚申,免寶慶路邵陽縣田租萬三千七百九十三斛。 初,璉眞加重賂桑哥,擅發宋諸陵,取其寶玉,凡 隆興府 臣 敕

禁,仍権酤。 夏四月丙子,太陰犯氐。己卯,復典瑞監三品。 辛卯、設雲南諸路學校,其教官以蜀士充。 弛甘肅酒禁,権其酤。 辛旦、弛太原酒

涉大言,及桑哥敗,卽告詞臣撰碑引諭失當,國史院編修官陳子發其姦狀,乞兔所坐遣還 戶驚逃者,各使安業。 居寬、郭佑死非其罪,給還其家資。 家。」帝曰:「詞臣 非初附者不聽乘傳,所進馬不給獨豆。」丁未,中書省臣言:「妄人馮子振嘗爲詩譽桑哥,且 五月甲午,遼陽水達達、女直饑、詔忽都不花趣海運給之。 何罪!使以譽桑哥爲罪,則在廷諸臣,誰不譽之!股亦嘗譽之矣。」詔以楊 以陝西鹽運司酒稅等課已入州縣,罷諸子鹽司。 改思州安撫司爲軍民宣撫司,隸湖廣省,詔諭 丙午, 敕二雲南邊徼 併罷東平路河道提 其民 入朝, 因 題

月,眞定之中山新樂、平山、獲鹿、元氏、靈壽,河間之滄州無棣,景之阜城、東光,益都之潍 舉司事入都水監。 己未,龍興路南昌、 新建、進賢三縣水,免田 租四千四百六十八石。

州北海縣,有蟲食桑葉盡,無蠶。

從五 付捏古帶、闊闊,俾以賑之。 星。 鎮江、揚州、寧國、太平七路大水,発田租百二十五萬七千八百八十三石。己丑,太白犯歲 四州洞寨五百一十九、民二萬餘戶,置會同、定安二縣,隸瓊州,免其田租二年。癸未,以征 死者五百人、詔給鈔二千錠及糧一月賑之、仍遣使責遼陽省臣阿散。 復隸廣東。」從之。 萬四千九百二十八石。戊辰、詔聽僧食鹽不輸課。 爪哇,暫禁兩浙、廣東、福建商賈航海者,俟舟師已發後,從其便。丁亥,湖州、平江、嘉興、 慶元路。 鐵木塔兒、薛闍禿、捏古帶、闊闊所部民饑、詔給米四千石付鐵木塔兒、薛闍禿,一千石 一品,隸太府監,儲物之籍入者。丙子,(太)[大]寧路惠州連年旱澇,(K]加以役繁,民餓 六月甲子,平江、湖州,常州、鎮江、嘉興、松江、紹興等路水,免至元二十八年田租 壬申,江西省臣言:「肇慶、德慶二路,封、連二州,宋時隸廣東,今隸廣西不便,請 鐵旗城後察昔折乙烈率其族類部曲三千餘戶來附。 己巳,日本來互市,風壞三舟,惟一舟達 壬午,敕以海南新附 甲戌,設司籍庫,秩

聞六月辛卯朔、 陸上都兵馬司四品,如大都。 紀 第 + 七 妣 袓 + 四 丁酉,遼陽、瀋州、 廣寧、開元等路雹害

歲江南 賽甫 常、湖六路民艱食、發粟賑之。 萬人、土兵三千人,命劉 帝以 下吏 江岑從毅降,從毅老疾,詔以其子斗榮襲,佩虎符,爲鎭安路軍民總管。 悉隸其省。 畢,罷提舉司。 歪 頭 発田 如法。 無用却之。 使安南 丁等誹謗朝政,沙不丁復資給之,以風 海運糧至京師者一百五萬石、至遼陽者十三萬石、比往 租 以(東安)[安東]、海寧改隸淮安路 七萬七千九百八十八石。 詔漢陽 回,以其 乙卯,濟南、般陽蝗。 罷 辛亥, 福 隸湖 使臣阮代乏、何維岩至闕。 建歲造象齒鞶帶。 河西務水, 國 廣省。 傑討之。 高麗饑,其王遣使來請粟,詔賜 左江總管黃堅言三其管內黃勝許聚衆二萬,據忠州,乞調軍 是月詔諭 給米賑饑民。 臣願 岳州華容縣水,觅田 戊申,熒惑犯 調 廉訪司 聞三十餘事,妄告省官, 軍民萬人以從。」詔許之。 0 印記大都事繁、課稅改隸轉運司。 陳日燇 (江北)河南[江北]省既立, [公] 韶江 巡行 狗 國。 拜表牋,修歲貢 勸課農桑。 租 庚戌, 四萬 歲無耗折不足者。」甲寅,右 米十萬石。 回回回 九百六十二石。 帝 醴 太平、寧國、平江、饒 部 以 人忽不木思 廣南 有 尙 中 書張 傷 書省臣言三今 西路安撫副 政 立 體 通 道 售大 北諸 捕 州 東 造 昌 郎 惡 使 中 黨

沙嘗簽僧、道、儒、也里可溫、答赤蠻爲軍, 覈 竄 名 秋 七 月 坊受 庚 糧 申 者。 朔,韶以 辛酉 史啊 河北 代也黑 河 南 道 迷失、高 亷 訪司 韶令止隸軍籍。 興,將萬 還治 汴梁。 人征 癸亥, 甲子, 爪哇,仍召三人者 完大都城 降詔申嚴牛馬踐稼之禁。 至 也 闕。 里 鬼里、沙 逪 使 檢

赤。 黎 **黄聖許**,劉國傑駐馬 旣 以 以五方色土。 虎符 政 守敬言,沒通州至大都漕河十有四,役軍匠二萬人,又鑿六渠灌昌平諸水。以廣濟署屯田 孟總把等賊,敕諸軍之駐福建者,聽平章政事闍里節度。乙巳,歲星犯右執法。丙午,用郭 戶 百一十一石。 *均*. 一姓名聞,隨給授宣敕, 事 兵百戶鄧志願謀叛、伏誅。庚辰、敕雲南省擬所轄州縣官如福建、二廣例、省臺委官銓選 迷失惟熟海道,海中事當付之,其兵事則委之史酮可也。」以史酮爲福建等處行中省平章 蝗復水, 免今年田租九千二百十八石。丁未, 也黑迷失乞與高興等同征爪哇, 帝曰:「 ,統領出征軍馬。 輸賦。丁酉,辰星犯右執法。己亥,太白犯房。 ·,仍蠲阿里父布伯所負斡脫鈔三千錠。 壬寅、括唐兀秃魯花所部闊象赤及河西逃人入蠻地者。 ,阿里願自備船,同張存從征爪哇軍,往招占城、甘不察,詔授阿里三珠虎符,張存一珠 八月己丑朔,賽甫丁處死,餘黨杖而徒之,仍籍其家產。 壇南植松一株,北墉瘞坎壝垣,悉倣古制,別爲齋廬,門廡三十三楹。戊寅, 辛未、太陰犯牛。壬申、建社稷和義門內、壇各方五丈、高五尺、白石爲主、飾 軍戍守。戊午,福建行省參政魏天祐獻計,發民一萬鑿山鍊銀,歲得萬 庚戌, 高苑縣高希允以非所宜言, 伏誅。 丙寅、罷徽州路錄事司。 辛丑,寧夏府屯田成功,升其官脫兒 甲辰,車駕至自上都。討断 壬辰, 壬子,韶塔刺赤、程鵬飛討 敕禮樂戶仍與軍站、民 **発屯田租一萬二千八** 也 東

本

燕 五. 南 千 河 兩 北 廉 天 訪 祐 司 賦 還 民 鈔市 治 真定。 銀 輸 高麗 官 而 私 女 直 其 界首 百 雙城 七 十錠, 告 饑 臺 敕 臣 請 高 麗 追 其 王 於 贓 海 而 運 罷 錬 內 以 銀 粟 事 , 賑 從之。 之。 弛 改 平

孙 酒 禁。 詔 不 敦 、忙兀[秃]魯迷 失 以 軍 征 八 百 媳 婦 國

設管軍 羅 訪 + 沙 臺 民 知 百 而 全院遣 戶 府 州 思 八 土 司 佩三珠 石。 + 劾:「宣慰使 招 由 田 九 瓜 同 官雜 錠, 月己 反 半 附 民 州 知 地 辛 蓻 光 司 、虎符, 民徙 樂實 判官 未 問 驅 已 紅 蘭 以 朔,治 花 之。 出 州 甘 其 宜 太白 樂實 者 翰 洞 州 土 解 詔 制 辛酉,韶 蠻 林 書侍 認認 押 犯 令 人 職 つ 宜置 盜 曰「可」。癸酉 國 一蒙意 。一從 口 盡 南 史院編 於甘 庫 御 本地,分置萬夫、千夫、百夫內屯 斗。 種 鈔百二十錠,買 之。丁 穀 定遠府 蒙世 諭 史 裴 安 麥, 罷 肅 修官陳孚 居安言 南 雲 兩 以補 卯, 、莫仲文爲長 南 界, 國 徙 就 陳 中 行 書 沔 用 民 日 書 臺,徙置 授 其 食。 地 州 省臣 庫 燇 月 治 所 使 禮 的 銀 使 舉 耕 鐸 丁 言: 官, 部 九 親 迷 水縣, 禿 一, 無 西 丑 百 郎 失 入 以以 千、 ĴΠ 以 茆 力 朝 遇 五. 中 呂天佑、 高 設 者 魏 ٠, 盜 平 十 廢 佩 守文、黄 起 兩 則 選 欒 新 十圍 田 金符, 南 路 湖 不 給 得 官局 卽 以 南 廉 大 州 塔不 安化等新 甲 加 道宣慰副 訪 水 牛 置 同 世 私造弓勒 申 兵,盗去乃延誅 具 司 且. 通 帶 曾 使安南。 ', 農 霜 江 鳥 為達魯花 器。 燕只 縣, 王 思藏宣慰司言 発 附洞 使 田 等物, 梁曾 哥 寧夏 復 租 Щ 為達 蠻 漢 水達達、 赤。 東 戶 州 凡 受屯 萬 授 東 平 八萬 口 綿 魯花赤 八番 民 匹 西 吏 繁多 竹 女 千 田 渞 部 儿 斡 詔 由 宜 鈔 廉 尙

軍七百三十六戶,戶銀百五十兩。丁亥,從宣政院言,置烏思臟納里速古兒孫等三路宣慰 必 里公反後,站驛遂絕,民貧無可供億。」命給烏思藏五驛各馬百、牛二百、羊五百,皆以銀,

使司都元帥。[10]

韶浚浙西河道,導水入海。庚寅,兩淮運使納速剌丁坐受商賈賄,多給之鹽,事覺,詔嚴加 本舟至四明,求互市,舟中甲仗皆具,恐有異圖,詔立都元帥府,令哈剌帶將之,以防海道。 麥朮丁、何榮祖、馬(紀)[紹]、四燕公楠等與師道同區別之。數月,授師道翰林直學士。 銳。」詔施行之。詔擇囚徒罪輕者釋之。癸丑,完澤等言:「凡賜諸人物,有二十萬錠者,爲 車三輛,其三千戶,惟習戰鬭,不他役之。 六千戶外,則供 以備車馬者二千五百戶,每甲令備馬十五匹、牛車二輛,力足以備車者五百戶,每甲令備牛 信合納帖音國遣使入覲。廣東道宣慰司遣人以暹國主所上金册詣京師。 **瑄請,授高德誠管領海船萬戶,佩雙珠虎符,復以殷實、陶大明副之,令將出征水手。 甲辰,** 歲舉刺之數。」制曰「可」。丙申,四川行省以洞蠻酋長向思聰等七人入朝。 鞫問。 丁未,太陰犯鬼。己酉,樞密院臣言::「六衞內領|漢軍萬戶,見存者六千戶, 撥分爲三: 力足 冬十月戊子朔、詔福建廉訪司知事張師道赴闕、師道至、乞汰內外官府之冗濫者。 癸巳,弛上都酒禁。 燕公楠言:「歲終,各行省臣赴闕奏事,亦宜令行臺臣赴闕,奏一 他役。 庶能各勤乃事,而兵亦精 壬寅、從朱清、張 乙巳,太陰犯井。 日

本紀

十七七

世祖

十四四

懷孟 數旣 春至今,凡出三百六十三萬八千五百四十三錠,出數已逾入數六十六萬二百三十八錠矣。 萬三千九百九十三錠,其中有未至京師而在道者,有就給軍旅及織造物料館傳俸祿 德澤、吳榮領逃奴無主者二百四十戶,淘銀耕田於廣寧、瀋州。 刺赤,凡近 無不均之失矣。 竹課,歲辦千九十三錠,尚書省分賦於民,人實苦之,宜停其稅。」帝皆嘉納其言。 多,先賜 者盡得之,及後將賜,或無可給,不均爲甚。 一歲天下所入,凡二百九十七萬八千三百五錠,今歲已辦者纔一百八十九 今計怯薜帶、 乙卯,太陰犯氐 怯憐口、 昔博· 加 賞 者,自 賜, 命趙 則

州、銅人等洞酋長楊秀朝等六人入見,進方物。 之。 寅, 己卯,太陰犯太微東垣上相。 樞密院奏:「一 月庚 申、岳州華容縣水、發米二千一百二十五石賑饑民。 **衞萬人,嘗調二千屯田,木八刺沙** 癸未,禁所在私渡,命關津譏察姦宄。 上都屯田二年有成,擬增軍千人。」從 壬戌,太陰犯壘壁陣 丙戌,提省溪、錦 戊

帶糧 王印。 爲司 五 馬 十二月庚寅,中書省臣言:「皇孫晉王甘麻剌昔鎭雲南,給梁王印,今進封晉王,請給 百石,以賑饑民。 北安王府(慰)[尉]也里古帶、自己司馬荒兀,並爲晉王中尉,仍命不只答魯帶 金齒 適當忙兀禿兒迷失出 癸巳,中書省臣言:「寧國路民六百戶鑿山冶銀,歲額二千四百兩 征軍馬之衝,資其芻糧,立爲木來府。」敕應昌府 狄琮 給乞答 並

布八、趙昇諭之、從之。壬子、敕中書省用鳥思嚴站例、給合里、忽必二站馬牛羊,凡爲銀九 男阿魯來入見,貢方物。阿魯言其地東南隣境未附者約二十萬民,慕化願附,請頒詔旨,命 皆市銀以輸官,未嘗採之山,乞罷之。」制曰「可」。庚子,太陰犯井。甲辰,太陰犯太微西 千五百兩。丁巳,敕都水監修治保定府沙塘河堤堰。 己酉,故麓川路軍民總管達魯花赤阿散男布八同趙昇等,招木忽魯甸金齒土官忽魯馬

軍士畸零口糧五千五百二十三石、赈其乏者爲鈔三十六萬八千四百二十八錠。命國師、諸 僧、呪師修佛事七十二會。斷死獄七十四。 是歲、賜皇子、皇孫、諸王、藩戚、禁衞、邊庭將士等,鈔四十六萬六千七百十三錠。給

午,驗洞酋長楊總國等來朝。捏怯烈女直二百人以漁自給,有旨:「與其漁於水,曷若力田, 百二十六石以給之,計傭直爲鈔萬二千八百五十二錠。」詔邊境無事,令本軍屯耕以食。 庚 軍四百、留百人、餘令耕屯杭海。丙寅、太陰犯畢。命中書汰冗員、凡省內外官府二百五十 五所,總六百六十九員。丁卯,安西王請仍舊設常侍,不允。罷雲南延慶司,以洛波、卜兒 二蠻酋遙授知州,各賜璽書。戊辰,樞密院臣奏:「兀渾察部兀末魯罕軍,每歲運米六千四 三十年春正月壬戌、詔遣使招諭漆頭、金齒蠻。乙丑、敕福建毋進鶻。戊戌、日己和林漢

陽 萬 舊 西 合]兒 軍 興 食 光州 民官 京 或 路 女 兆 隸 直 隸 鹽 之。 仍 一,以 戶 湖 以 四 廣 招 水 白 行 詔 陸 諭 省。 皆從 難 人 張 易 乙亥、 虚 其 道 計之,莫 議。 縻廪食, 明 諡 爲 陞 皇 達 若 廣 魯花 太子 令 州 改 屯 食 爲 田 赤 日 揚 上 明孝 揚 路 州 州 1 鹽 總管府 o 丑: 一,太陰 庚 丙子 蔡州 辰 ٠, 歲 犯 罷 去 西 氏。 納 汴 星 番 犯 速 梁 左 戊 刺 地 甸 寅, 遠, 執 Ţ 蠻 法 滅 宜 詔 里 屋散府、 \equiv 舊 所 立 人來觀,各 隸 豪、 立 乃顏 魚 懿州 以 鹽 潁 局 勝納 七 授 驛 息、 割 以 0 (答) 辛 蠻 信 陽 江

錠, 石。 (審)[以木八剌沙 磨」 上 中 都 月己 書 請 管倉 省 易 田: 添 名 庫 堂之。 設 從 日 者 檢校 阿老 1000 無 其 資 瓦丁、 詔 一般議 딞 員 以只速滅 俸 府 秩 燕 冤 請陞 公楠 故 大 里 都 爲 愈 之請, 今歲 盜 與 議 鬼蠻 詐 司 公 宜 以 之 賦 降 於六 楊 民 璉眞 練詹 益 品即 品品 上 七 加 事 都 , 子 院 品 從 屯 宣 之。 田 內 政院 軍 委 壬辰, 于 減 用 使暗普 人, 河 以俸給 南 太陰犯 給 江 農 爲 之。 浙 具、 畢 江 海 浙行省 0 高 牛 運 丙 價 米 麗 申 鈔 四 國 左 却 五. 王 + 丞 江 千 萬 E

見,

斂

軍

鈔

子

百

錠

銀

四

百

五

+

兩、

馬

三匹,

敕省

臺

及

扎魯

火赤.

鞫

問

1

亥,

遣

使代

祀

嶽

東

海

及

后

士:

置

遼

陽

路

慶雲

至合

里賓二

一十

八

驛,

驛給.

牛三

十

頭、

車

七

輛

壬午,

淮

西

道

宣

慰

使

昂吉

0

臺。 陰犯牛。辛亥、詔發總帥汪惟和所部軍三千征土番,又發陝西、四川兵萬人,以行樞密官明 京,經費浩繁,自今賞賜悉宜姑止。」從之。乙巳,熒惑犯天街。丁未,車駕幸上都。以新附 言:「侍臣傳旨予官者,先後七十人,臣今欲加汰擇,不可用者不敢奉詔。」帝曰:「率非朕言。 馬合謀沙等獻大珠,邀價鈔數萬錠,帝曰:「珠何爲!當留是錢以賙貧者。」敕海運米十萬石 西行院官月的迷失言:「江南豪右多庇匿盜賊,宜誅爲首者,餘徙內縣。」從之。 申嚴江南兵 安答兒統之,征西番。敕以韶、赣相去地遠,分赣州行院官一員鎭韶州。復立雲南行御史 洞蠻吳動鰲爲潭溪等處軍民官,佩金符。給新附軍三百人,人鈔十錠,屯田眞定。庚戌,太 凡來奏者朕祇令諭卿等,可用與否,卿等自處之。」又言:「今歲給餉上都、大都及甘州、西 給遼陽戍兵,仍諭其省官薛闍干,令伯鐵木部飲察等耕漁自養,糧不須給。甲辰,中書省臣 淮 一行樞密院官不憐吉帶進鷹,仍敕自今禁戢軍官無從禽擾民,違者論罪。 韶沿海置水驛,自耽羅至鴨淥江口凡十一所,令洪君祥董之。癸丑,太白犯壘壁陣。江 丁酉,回回孛可

甲子、括天下馬十萬匹。己巳、立行大司農司。洪澤、芍陂屯田舊委四處萬戶、詔存其二、 政 事李庭率諸軍扈從上都。 三月庚申,以同知樞密院事扎散知樞密院事。 雨壞都城,詔發侍衞軍三萬人完之,仍命中書省給其傭直。 以平章政事范文虎董疏漕河之役。平

第十七

此

租十四

立民屯二十。辛未、太陰犯氐。

馬麟 寅,詔 農 從 天尊 赋 各部 元 非其 外, 之。 事 廣 文移 去 等 o 夏四 祠 遣使招 東、 人不 歲 年 省 仍 師 輸 十六人、 征 泉 併 八 相 月己亥 壁散毛 行 鈔三千錠, 爪 關 番 溫 孙 諭 哇 重設 孙 置 沙 暹 一行 軍 耀昌 舶 त्ते 朕 大龍 洞 國 二萬,各給鈔二錠,其後祇 州 司 舶 中 大司 勾 縣官。 入 二十四城, 司 止 不允。 斡羅思 答 番 慶元、杭州 之耳, 凡七所,唯 農 禿盧 什 王 燕公楠、翰林學士承旨留夢 罷 徽 一等四 忽等 請 光州 勿徵。」癸丑 依舊 以 州錄事 八八番 泉州 舶 人, 五. 蠻 司 + 例於總帥 人 各 物貨 見戶 入稅務。 四 光 司 授蠻 龍 人、 等 合思、播之民氣管,徙宣 三十 太白 以五 皇孫晉王 一夷官, 永 汪氏弟兄子姪內選用二人。 順 十二人及邦崖 江南 取 犯塡星。 千人往, 路 賜 彭世 > 行 以璽 位立內史府。 炎言:「杭州、 餘皆 1大司 一彊等九 宜徴 書 廣 干五 農 遣 東 元給 司自 王 肅 歸。 抽 十人、 文 政 平江徙 慰司 顯 鈔三萬錠入官 廉訪 詔諸 敇 , 等二十八人、金竹府 海、 乞以泉州 安化州吳再榮等 江 治辰、沅 南毁諸 司 二品官 揚 壬寅 澉 復治 州 浦 樞 靖州 廣州 府 爲 道 兼 溫州 i。」 帝 管 定 自 觀 密院臣 今 制 兩 慶 淮 甲 與 祖

附。 癸亥 五 月 丙辰 括 思、播等處亡宋湼手 (朔,)給 四 部 更番 衞 士馬 軍。 萬匹,又給 丙 寅 詔 其必闍 泛委官 與行 赤 省 匹 官閱覈蠻夷軍 白 匹。 壬 一戌, 定雲 民官 洞 蠻 以 江 脋 南 長 民 來

道。 九百九十九戶,歲縻官糧萬五千二百餘石,宜擇其不切於用者,俾就食大都。」從之。甲申, 怨楊璉真珈,罷其子江浙行省左丞暗普。詔以浙西大水冒田爲災,令富家募佃人疏決水 辛未、敕僧寺之邸店、商賈舍止、其物貨依例收稅。 丁丑、中書省臣言:「上都工匠二千

真定路深州靜安縣大水,民饑,發義倉糧二千五百七十四石賑之。

湖。 南江北行省。丙申,太陰犯斗。乙巳,以皇太子寶授皇孫鐵穆耳,總兵北邊。己酉,詔濬太 出征。己丑,歲星犯左執法。庚寅,詔雲南旦當仍屬西番宣慰司。改淮西蘄、黄等路隸河 壬子,大興縣蝗。易州雨雹,大如鷄卵。 六月丙戌,敕選河西質子軍精銳者八百,給以鎧仗鞍勒、狐貉衣裘,遣赴皇孫阿難答所

申了以只見合忽所汰乞兒吉思戶七百,屯田合思合之地。辛巳,太陰犯鬼。 南屯田軍逋租萬石。 未附蠻寨。甲子,太陰犯建星。己巳,命劉國傑從諸王亦吉里〔台〕督諸軍征交趾。〔三克雲 印賜之。詔冤福建歲輸皮貨及泉州織作紵絲。 秋七月丁巳,敕中書省官一員監修國史。己未,詔皇曾孫松山出鎭雲南,以皇孫梁王 壬申,以月失察兒知樞密院事。 庚申,命知鶴慶府昔寶赤齎璽書招諭農順 丁丑,賜新 開漕河名曰通惠。

学以安南使人陶子奇、梁文藻偕來。敕福建行省放爪哇出征軍歸其家。甲午,辰星犯太微 八月丙戌,括所在荒田無主名者,令放良、漏籍等戶屯田。 庚寅,奉使安南國 梁會、陳

本

紀第十

七

世

狙十

四

西 舉 多曠 司 垣 所 土,可 Ŀ 轄 將。 屯 立屯田、詔設鎮守黎蠻海北 田 戊戌、給安西王府斷事官印。 百七十七頃爲水所沒,免其租四千七百七十二石。 海南 甲辰,太陰犯畢。 屯田 萬 戶府 以董 之。 丁未, 戊 湖 申, 廣 行省臣言海南 太陰犯鬼。 營田 海 北

錠,給衞士之貧者。 軍萬 司,稅依市 人 九 征 月癸丑 土蕃 舶 司 朔、大駕至自上都。 例。 近遣使來言,乞引茂州先附寨官赴闕,不允。 辛巳,登州蝗,恩州水,百姓闕 丙寅,遺金齒人還歸。 戊午,敕各路達魯花赤、總管董驛事。 丁卯,太陰 食、賑 犯畢。 以 義 倉米 癸酉、敕 乙丑, 五千九百餘石 以御史臺贓罰 立海北海 己未,明安答兒 南 博 易提 鈔 率 舉

南安置 王等軍 糶京 良家 之。 許,凡一 三國 子 餇 以段貞 冬十月癸未朔,以侍衞親軍千戶張 轉相販鬻,及强將平民略賣者。 共 饑民,其鰥寡 月乃 戊子,詔修汴堤。 爲萬 董開河 滅。 人,西征。 丙申, 熒惑犯亢。 修修 孤 倉之役,加平章 獨不能自存者給之。 賜冠 己丑, 城 疏 遣兵部侍郎忽魯禿花等使閣藍、 河 己亥,太陰犯天 董役軍官衣各 政事。 邦瑞 庚寅, 饗于太廟。 平灤水, 甲辰, 爲萬戶, 庚戌,造 発田 赦天 關 佩虎符, 襲。 租萬一千九百七十七石。 象蹄掌甲。 下。 辛丑 彗 賜 戊申, 交趾 ,太陰犯井。 星入紫微垣 將六盤山 陶子奇等十七人冬衣 辛亥,禁江南 僧官總統 可 兒納答、信合納帖 軍千人及皇子 , 抵斗 壬寅、敕減 以 下 州郡 魁, 廣濟署水, 有妻者罷 光芒尺 以 米直, 西 判 晋 平

損屯田百六十五頃,免田租六千二百一十三石。

都留 苛, 軍, 增, 子,熒惑犯鈎鈴。 至 帖哥、刺真、不忽木上。 一湖廣, 立下路總管府,給其爲長 毋以 乞以民官復檢責廉訪司文卷。」 守司 + 和 如澤所訴窮治之。 事, 月壬子朔,改德安府隸黃州路。 顧 和 又受財滅諸從 買煩其家。 戊寅、歲星犯亢。 臣糧,詔籍其家貲、 立海北海南道肅政 乙丑,太陰犯畢。 者雙珠虎符。 從之。 己卯,河南江北行省平章伯顏入爲中書省平章政事,位 Ţ 庚午, 真定路達魯花赤合散言:「廉訪司官檢責民官太 已,孫民獻嘗附桑哥,助要東木爲惡,及同知上 乙卯, 廉訪司, 妻奴。 太陰犯鬼。 太陰犯井。 復因潭州 治雷州。 免江南都作院軍匠出 戊辰,以金齒木朶甸 呂澤訴 庚 申, 敕 其 刻 中書省, 虐, 械送 征。 凡 足獻 出 戶 丙 征 口

軍八千 定,賊一人入境,百姓離散。 丙午,以鐵赤、脫脫木兒、鹼住、拜延四人,並安西王傅。 其家貲三之一。 馬紹疾,以詹事 十二月丁亥,禁漢軍更番者毋鬻軍器。 人,從征 安南。 丞張九思代之。 癸卯,敕以 庚子,平章 桑哥沒入官田三百九十一 臣願往安集之。」韶以塔海 乙未,太陰犯井。 政事亦黑迷失、史弱、高興等無功而還,各杖 辛卯,武平路達魯花赤塔海言:「女直 遣使督思、播二州及鎭遠、黃平, 頃八十餘畝,給阿合兀闌所司匠戶。 爲遼東道宣慰使。 壬辰, 而耻 中 地 之,仍沒 發 書 至今未 宋 左 舊 派

本

紀

第

+

七

世

祖十

79

官司 千五 例。 千四百二十五,随朝千六百八十四。戶一千四百萬二千七百六十。賜皇后、親王、公主如 死罪四 百六十五,宣撫司十五,安撫司一,寨十一,鎭撫所一,堡一,各甸部管軍民官七十三,長 五十一 百二十錠。 是歲,天下路、府、州、縣等二千三十八:路一百六十九,府四十三,州三百九十八,縣千 賜 干一。 諸臣 , 錄 .羊馬價,鈔四十三萬四千五百錠、幣五萬五千四百一十錠。 事 作佛事祈福五十一。 司百三,巡院三。 官府大小二千七百三十三處,隨朝二百二十一,員萬六 眞定、 寧晉等處,被水、旱、蝗、雹爲災者二十九。 周 貧乏, 鈔三萬 斷 七 歲

大漸。 亥,靈駕發引。 三十一年春正月壬子朔,帝不豫,発朝賀。 癸酉,帝崩于紫檀殿。 葬起輦谷,從諸帝陵 在位三十五 年,壽八十。 癸亥,知樞密院事伯顏至自軍中。 親王、諸大臣發使告哀于皇孫。 庚午,帝

諡。 壬寅、始爲壇于都城南 夏四月,皇孫至上都。 七里。 甲午,卽皇帝位。 甲辰、遣司徒兀都帶、平章政事不忽木、左丞張九思,率 丙午,[12]中書右丞相完澤及文武百官議 上尊

百官請諡 于南郊。

五 |月戊午,遺攝太尉臣兀都帶奉册上尊諡曰聖德神功文武皇帝, 廟號世祖, 國語尊稱

日嶭禪皇帝。 是日,完澤等議同上先皇后弘吉刺氏尊諡曰昭睿順聖皇后。

世祖度量弘廣,知人善任使,信用儒術,用能以夏變夷,立經陳紀,所以爲一代之制者,

校勘記

規模宏遠矣。

(1) [嗣]漢天師 按上文至元十二年四月庚午、十三年四月壬午、 十四年正月丙申及下文本月壬

戌條均作「嗣漢天師」、據補。

給輝州龍山里州和中等縣饑民糧一月 本證云:「繼培案:地理志輝州中書省無龍山縣,里州雲南

省無和中縣。 里州疑是利州,和中疑是和衆,與龍山並屬大寧路。」又按大寧路屬州有惠州, 疑

此處「輝州」爲「惠州」之誤。

[] 王(睶)[賰] 見卷九校勘記[h]。下同。

高道 按本書卷一七二程鉅夫傳作「高凝」,高凝字道凝,疑此處史文有誤。

〔五〕〔亦〕奚不薛 據上文補。本證已校。

へない (太)[大]寧路 據本書卷五九地理志改。 道光本已校。

てもし 以(東安)[安東]海寧改隸淮安路 按本書卷五八地理志有東安州,隸大都路。 此處所指則為卷

本

紀

五 九 地 理 走淮安路所屬之安東州,今改正。本證已校。

^ (江北)河南[江北]省 據上文至元二十八年十二月壬甲、庚辰條及本書卷五九地理志改正。

, . 火 し 忙兀 (禿) 魯迷失 按下文十二月庚寅條、本書卷六一地理志作「忙兀秃兒迷失」,卷一七六劉

正傳作「忙兀突魯迷失」,卷二一〇緬國傳作「忙完禿魯迷失」。 此處有脫文,今補「禿」字。

置鳥思藏 納里速古兒孫等三路宣慰使司都元帥 按本書卷八七百官志有「鳥思藏納里速古魯

孫等三路宣慰使司都元帥府,宣慰使五員」,疑此處「都元帥」下脫「府」字或員數。

府(慰)[尉] 從北監本改

馬(紀)[紹]

據本書卷一七三本傳改。

續通鑑

已校。

二言 戊戌 按是月戊午朔,無戊戌日。 此「戊戌」在乙丑初八日、丙寅初九日間、當係行文。

勝納(答)[合]兒 按勝 納合兒一名本書屢見,其異譯有一勝納哈兒」、「勝剌哈」、「聲刺哈兒」等。

此 處 「答」誤,今改。

二吾 亦吉里〔台〕 列歹」,至正集卷四 本書卷一六二劉國傑傳作「亦吉列台」,黃金華文集卷二五劉國傑神道碑作「亦吉 八 劉國傑神道碑作「亦乞刺歹」。 此處有脫文,今補「台」字。 此 名蒙古語,意

爲「亦乞列思部 人。

壬申 按是月乙卯朔,壬申爲十八日,已見於己巳+五甲、丁丑二十三日間,此重出之「壬申」當爲 記

[1七] 丙午 按是月辛巳朔,丙午爲二十六日。此「丙午」在甲午十四日、壬寅二十二日間,疑爲丙申十六

日之誤。

三七九

元史卷十八

本紀第十八

成宗一

叛,命帝往征之,合丹敗亡。三十年[六月]乙巳, [] 受皇太子寶, 撫軍於北邊。三十一年 吉烈氏。至元二年九月庚子生。二十四年,諸王乃顏反,世祖自將討平之。 成宗欽明廣孝皇帝、諱鐵穆耳、世祖之孫、裕宗眞金第三子也。 母日徽仁裕聖皇后,弘 其後 合丹 復

春正月,世祖崩,親王、諸大臣遣使告哀軍中。

文曰「受命于天,既壽永昌」,上之徽仁裕聖皇后。 夏四月壬午,帝至上都,左右部諸王畢會。 先是,御史中丞崔彧得玉璽于故臣之家,其 至是手授於帝。 甲午,卽皇帝位,受諸王

宗親、文武百官朝於大安閣,詔曰:

本紀

第十八

成

宗一

朕惟太祖聖武皇帝受天明命,肇造區夏,聖聖相承,光熙前緒。 迨我先皇帝體元

居 正 以來,然後典章文物大備。臨御三十五年,薄海內外,罔不臣屬,宏規遠略,厚澤

深仁,有以衍皇元萬世無疆之祚。

賢,戚畹官僚之舊,謂祖訓不可以違,神器不可以曠,體承先皇帝夙昔付託之意,合辭 推 往 戴,誠切意堅。 一歲之夏,親授皇太子寶,付以撫軍之任。 我昭考早正儲位,德盛功隆,天不假年,四海缺望。 **股勉**徇所請,於四月十四日卽皇帝位,可大赦天下。 今春宮車遠馭,奄棄臣民,乃有宗蕃昆弟之 顧惟眇質, 仰荷先皇帝殊眷,

乃誠 尚念先朝庶政,悉有成規,惟慎奉行,罔敢失墜。 以輔台德。 布告遠邇、咸使聞知。 更賴祖親勳戚,左右忠良,各盡

賦,初 貫,從 亡者,差稅皆除之。追尊皇考曰皇帝,尊太母元妃曰皇太后。庚子,遣攝太尉兀都帶等請 部除大都、上都 百五十兩,高麗王王昛三萬兩。丁未,湖廣行省所屬,寇盜竊發,復令劉國傑討之。戊申, 諸王、駙馬賜與、宜依往年大會之例、賜金一者加四爲五、銀一者加二爲三。又江南分土之 諡于南郊。 今歲官給之。」從之。 止 驗 其版籍,令戶出鈔五百文,今亦當有所加,然不宜增賦於民,請因五百文加至二 遣禮部侍郎李衎、兵部郎中蕭泰登齎詔使安南。 兩路差稅一年,其餘減丁地稅糧十分之三。係官逋欠,一切蠲免。民戶逃 乙巳,賜駙馬蠻子帶銀七萬六千五百兩,闊里吉思一萬五千四 中書省臣言:「陛下新卽大位,

太白晝見,又犯 上路二,下路十一,下州四十九,中縣一,下縣五十。 鬼。 詔存恤征黎蠻、爪哇等軍。 己酉 ,雲南行省以所定路、府、 以金齒歸附官阿魯爲孟定路總管,佩 州 縣來上:

虎符。是月,卽墨縣雹。

臺。 私鹽 臺。雲南部長適習、四川散毛洞主草順等來貢方物,陞其洞爲府。 皇后尊諡日昭睿順聖皇后,皇考尊諡 思犯法,爲人所訟,懼罪逃還京師。 多,在京食祿者萬人,在外尤衆,理宜減併。」命與中書議之。 訟者,聽廉訪司卽時追問,其案牘仍舊例於歲終檢之。 府爲隆福宮,詹事院爲徽政院,司議曰中議,府正曰宮正,家令曰內宰,典醫署曰掌醫,典寶 兩,月兒魯百五十兩,伯顏、月赤察而各五十兩,銀、鈔、錦各有差。 也速帶而 日掌謁,典設日掌儀,典饍日掌饍,仍增控鶴至三百人。 戊午, 遺攝太尉兀都帶奉玉册玉寶, 上大行皇帝尊諡曰聖德神功文武皇帝, 廟號世祖, 人賞格。 五. 月庚戌朔、太白犯輿鬼。壬子、始開醮祠於壽寧宮。祭太陽、太歲、火、土等星於司天 、汪惟正 庚午, 諸王亦里不花來朝, 以**瘠馬**輸官, 官酬 兩軍將士糧 五. 萬石。 賜安西王阿難答鈔萬錠。 日文惠明孝皇帝,廟號裕宗。 餉北 征軍。 壬申, 陞福建鹽提舉司 詔各處轉運司官,欺隱姦詐爲 御史臺臣言:「內外官府 其直,爲鈔十有一萬五千錠。 用崔彧言,肅政廉訪司案牘 己巳,改皇太后所居舊 丁卯, 賜國王 庚申,祭紫微星於雲仙 爲鹽轉運司, 八番宣慰使斡羅 和童金二百五十 增 1置愈 增捕 太子 人所 賜

本紀

第十

八

成宗

元

史

帥 勿 而 + 樞 之軍 令 爲 密 兩 太 、銀七 院 總管府 保。 事 多 千五 庇 禁諸 戊寅, 檢 其富實、 劾。 百 司 對皇姑 兩, 詔議 豪 **多奪鹽船** 而 合迷 令貧 增官吏禄。 高麗王王 里的 弱 遞運官物, 者 斤 應役。」命 帖 匪 以也速帶而所統將士貧乏,給鈔萬錠。 林 妃忽都魯揭 金五 僧 道 更易 干 權 ·兩、銀 艺。 勢 里迷失爲安平公主。 之家 四百 以月兒魯爲 私 Ħ. 匿 十兩。 盜 販。 太師,伯顏 西平王奥魯赤言:「 是 賜亦 月, 都護 乙亥,以 爲太傅,月赤 密州 金 (路) 五. 扎珊 白 諸 汪 知 城 總 五. 察

縣、 吕 路

議,宣 史府。 之。 議。 當 各 例, 錢 之, 糧 四 金 庚寅, 百 者, Z 六 一授者 各 不 大都 復以光 兩 月 酉 乞量 五 可 庚 雲南 銀 必察 L 百 輕 辰 四千 給之。」定 聞。 兩、 授。 禄 武 朔 金齒 不 清 寺 銀五 兩 里 其 日 廉 縣雹,峽 隸宣徽院。 城 路 本 有食之。 訪 千 鈔一千六百錠、 西 敢 進 司 司 兩 平王 木丁 馴 聲 官歲以 、鈔二千錠、 象三。 州 跡 奥魯赤、 遣 辛 路 不 中書省臣言:「朝 Ė, 大水。 使來貢。 佳 五. 者代之,受賂者依舊例 丙 一月分 御 戌 幣帛各一百六十匹。 史臺 幣帛 寧遠王 按 以雲南歲貢馬二千五百匹給梁王,數 詔 所屬, 臣 各 罷 言:「名分之重,無踰宰相,惟事業顯著者可以 三百 闊 功 會賜 闊 刀德使司 次年正月還司。 匹; 出 與之外,餘 鎭南 諸王 及泉府司官冗員。 比諸人加重。」帝曰:「其 帖 以 王 木而 帖 脫 鈔止有二十七 木而 歡 職官犯贓,敕授 不花、 及 復爲平章政事。 也先帖木而 也只 壬 里不 太太多 辰, 萬 錠。 者 立 與 大會賞 花等, 一,命 晉 中 聽 諸王 凡 量 總 E 書 請 賜 内 金 滅 司 同

|赤禿出征軍士鈔各千戶千錠。丙午,太陰犯井。 思爲「高」唐王,四給金印。甲辰,詔翰林國史院修世祖實錄,以完澤監修國史。乙巳,給困 爲河西隴北道肅政廉訪使。 錢,多取其息,命依世祖定制。辛丑,浙西道提刑按察使弘吉烈帶阿魯灰受賂,遇赦免,復以 稅之半。(乙)[己]亥,[邑以乳保勞,封完顏伯顏爲冀國公,妻何氏爲冀國夫人。 完澤貸民 乙未,以世祖、皇后、裕宗諡號播告天下。 阿只吉部玉速福屢叛,伏誅。 衞候司。 **真、赤里、由柔伯牙伯剌麻、闊怯倫、忙哥真各金五十兩,銀、鈔、幣有差。** 爲帝師,賜玉印。 餘匹,命給還其直。戊申,詔宗藩內外官吏人等,咸聽丞相完澤約束。以合刺思八斡節而 如舊制。」不允。 秋七月壬子、韶御史大夫月兒魯振臺綱。 癸丑,詔軍民各隸所司,無相侵越。 |宋使家鼓翁安置河間,年踰八十,賜衣服,遣還其家。 賜雪雪的斤公主鈔千錠,諸王伯答罕、末察合而部貧乏者三千錠,伯牙兀 御史臺臣言:「先朝決獄、隨罪輕重,笞杖異施。 以甘肅等處米價踴貴、詔禁釀酒。 **免所在本年包銀,俸鈔,及內郡地稅、江淮以南夏** 乙卯,以諸王出伯所部四百餘戶乏食,徙其家 禁內外諸司減官吏俸爲宴飲 以昔寶赤從征諸軍自備馬一千一百九十 命月赤察而提調羣 癸卯,封駙馬闊里吉 是月,東安州蝗。 費。 今止用杖,乞 置隆福宮 牧

本 紀 第 + 八 成 宗

爲東昌路達魯花赤,中書省臣言其嘗官是郡,犯法五百餘款,今不宜復官

給瓜、沙之民徙甘州屯田者牛價鈔二千六百

錠。

以也的迷失

屬就食內

. 郡,仍賜以奧魯軍年例鈔三千錠。

從之。 月,棣州陽信縣雹,大風拔木發屋,眞定路之南宮、新河,易州之淶水等縣雹。 幣三萬匹、鈔三萬六千六百錠。 暹國王敢木丁來朝,或有故,則令其子弟及陪臣入質。扎魯花赤言:「諸王之下有罪者,不 忽木爲中書平章政事。甲戌,立隨路民匠、打捕、鷹房、納綿等戶總管府,秩正三品。詔招諭 聞于朝,輒自決遣。」詔禁治之。 惡,論罪抵死,幸得原免,不當任以執政。臣謂阿里得罪之後,能自警省,乞令執政 戶,故減之。行樞密院月的迷失、程鵬飛各加平章政事,中書省臣言:「樞密之臣不宜重與 相衡。」帝命以軍職尊崇者授之。辛未,中書省臣言:「向御史臺劾右丞阿里嘗與阿合馬 之。壬戌、詔中外崇奉孔子。癸亥、罷肇州宣慰司、併入遼東道。戊辰、滅八番等處所設官 出伯奧魯軍、也速帶而紅襖軍,幣帛各六萬匹。庚申,改侍衞都指揮使司爲隆福宮左都威 帝曰:「姑試之。」己未,復立平陽路之庸、武鄉、保定路之博野、泰安州之新泰等縣。 衞使〔司〕、右都威衞使〔司〕。[三以陝西道廉訪司沒入贓罰錢舊給安西王者,令行 二百一十六員。八番稱新附九十萬戶,設官四百二十四員,及遣官覈實,止十六萬五千餘 以軍戶所棄田產歲入及管軍官吏贖罪等鈔,復輸樞密院。癸酉,以陝西行省平章不 詔月兒魯守北邊,賜其所統軍士幣帛各萬匹,及西征軍士 賜不魯花眞公主及諸王阿只吉女弟伯禿銀、鈔有差。 如 省別貯 賜諸王 同

八月庚辰,太白晝見。癸未,平灤路遷安等縣水,蠲其田租。戊子,初祀社禝,用堂上

等縣。 月,德州之安德縣 復濬 九 百 歳以 五 浙 辛 + 西 爲常。 卯,以 太湖 兩、除 澱 忙哥撒 己丑 留 干 大 Ш 一,以 風 九萬二千四百五 湖 溝 雨雹。 而 大都 妻子 港,立新 留守段貞、 爲 敵 河 所 運糧 十兩 掠, 平章政事范文虎監浚通惠河,給 干戶 賜 爲鈔母 鈔八千錠。 所。 `, 詔諸路平準交鈔 餘悉運至京師。 戊戌, 太陰犯畢。 庫 復立 所貯 平陽 二品銀印 太白 銀 九十三萬六千 之芮城、 犯軒轅。 令 陵 軍 间 土

黨七百 事 之家。 冬十 九 太白犯 然 餘 月 甲寅二 月戊 壬子,聖 冮 人 南 隸 右 寅 同 與 П 執 知 江 授 車駕還大都。 誕 法。 . 北 樞密院事 諸 節 異、貧者佃富 王傅阿黑不花爲 ,帝駐蹕三部落,受諸 太陰犯平道。 不憐吉帶, 辛巳,江浙行省臣 人之田,歲輸其租, 遣禿古鐵木 丞相。 習水戰。 王、百官賀。 丁巳, 丙寅) nî [言:「陛下卽位之初,詔蠲 等使閣藍。 太白 今所蠲特及田主, 太陰掩 經 癸丑, 天。 塡星。 是月, 韶有司 庚申 ٠, 趙州 辛未, 存恤征 以合魯刺 其佃 之寧晉等縣 今歲田 太陰 民輸 爪哇 及 犯 租如故, 軍 租十分 乃顏之 軒轅 上 水 死

數,民不能堪。」 屬 則是恩及富室而 掩塡星。 (九處大水,民饑,或起爲盜賊, 乙未 命自今從實 太陰犯 不 被於貧民也。 井。 辦之,不爲 金. 齒新附孟愛甸酋長遣其子 命赈 宜令 恤之。 佃 額。 民當輸田 壬午, 江西 太白 行省臣 主者 犯 亦如 言言 左 來朝, 執 所蠲之數。」從之。 法。 銀場歲 卽其 有 辦 地 事 立軍 萬 于 太 千 民 廟 兩,而 總管 遼陽 癸巳,太陰 府。 未 行 省所 嘗 及

本

紀

第

+

八

淸、張瑄從海道歲運糧百萬石,以京畿所儲充足,詔止運三十萬石。 附,以禁商泛海留京師,至是弛商禁,故皆遣之。 參政梁德珪曰:「中書職務,卿等皆懷怠心。 金銀符,金、幣、衣服有差。 皆至今未行。 乙巳, 卿等其約束曹屬,有不事事者笞之。 遣南巫里、速木答刺、繼沒刺(矛)[予]、毯陽使者各還其國,CKI賜以三珠虎符及 又不約束吏曹,使選人留滯。 初,也黑迷失征爪哇時,嘗招其瀕海諸國,於是南巫里等遺人來 仍以朕意諭右丞相完澤。」壬寅,緬國遣使貢馴象 股在上都,令還也的迷沙已沒財產,任明里不 桑哥雖姦邪,然僚屬憚其威,政事無不立 辛丑,帝諭右丞阿里、

嘗曰:『凡賜與,雖有朕命,中書其斟酌之。』由是歲務節約,常有贏餘。 官自鬻鹽,民復不售。 所定十三等例決之。 酌量定擬以聞。」從之。壬子,詔以軍民不相統壹,罷湖廣、江西行樞密院,併入行省。 辰 錠,諸王 重,餘鈔止一百十六萬二千餘錠。上都、隆興、西京、 州 一賊,詔選州民刀弩手助其軍,他不 十一月丁未朔,帝朝皇太后于隆福宮,上玉 |五戶絲造作顏料鈔計用十餘萬錠,而來會諸王尙多,恐無以給。 己酉,太陰犯亢。庚戌,廣西鹽先給引於民,而徵其直,私鹽日横,及 韶先以鹽與民,而後徵之。辛亥,中書省臣言:「國賦歲有常數,先帝 爲例。 京師犯贓罪者三百人,帝命事無疑者,准世 册、 玉寶。庚戌,「P」行樞密院臣劉國傑計 應昌、甘肅等處糴糧鈔計用二十餘萬 今諸王藩 乞俟其還部,臣等 戚費 紅毛繁 祖

宣慰使何(偉)[瑋]爲中書參知政事。[公罷海北海南市舶提舉司。壬申,立覆實司。 卯,令河西僧人依舊助役。丁巳,以伯顏察而參議中書省事,其兄伯顏言曰「臣叨平章政 事,兄弟宜相嫌避。」帝曰:「卿勿復言。兄平章於上,弟參議於下,何所嫌也。」 罷貴赤屯田 立 總管府。 一諸色戶計諸總管府,秩四品。癸酉,太白犯房。詔改明年爲元貞元年。 罷宣政院所刻河西藏經板。 庚申,太陰犯畢。 甲子,詔禁作姦犯科者。 以湖南道 濟寧路

百錠。 牛遞戶貧乏,賜鈔三千餘錠。 賜諸鰥寡貧民鈔三百錠。曲(靜)[淸]、[10]澂江、普安等路夷官各以方物來貢。以東勝等處 將之,成和林,聽太師月兒魯節度,三年而更。用帝師奏,釋京師大辟三十人,杖以下百人, 鬼。戊戌,禁侵擾農桑者。庚子,太陰犯房,又犯歲星。選各衞精兵千人,命孛羅曷答而等 勒、弓矢、衣服各有差。乙未,以伯遙帶忽刺出所隸一千戶饑,賜鈔萬錠。壬辰,至太陰犯 副達魯花赤。丁亥,歲星犯鈎鈴。甲午,以諸王晃兀而、駙馬阿失等皆在軍,加賜金銀、鞍 十二月辛巳、賜諸王亦思麻殷金五十兩。癸未、歲星犯房。丙戌、罷遼河等處人匠正 是月、常德、岳、鄂、漢陽四州水、発其田租。 ト阿里使麻八而還都。 阿思民爲海都所虜,賜鈔三萬九千九

是歲,斷大辟三十一人。

覺,昔 飭 齊 蒧 虎 浙 浙 以 只 王 干 太 亦 諸 寧 陰 符 行 Ш 鱪 行 m 甲 主 道 省 省 後 奚 闊 犯 合 元 戌 班 貞 鹽 塡 郞 民 饒 右 平 不 Ш 諡 自 皆 星 運 兿 米 有 . |-|-丞 章 爲 元 忠武 殺 飛 撒 御 年 司 路 BI 復 言 叉 萬 史 書 老 所 春 杖 達 里 隸 犯 安言 封 部 魯 曫 雲 大 季 瓦 石 IE 畢。 讓 花 南 貧 夫。 皇 爲 月戊申,諸 1 朱清 (乏)賜 姑 爲 赤 副 詔 行 **£** 除 囊 甲寅 省。 阳 參 都 道 皮 家 名 家 知 刺 元 張瑄 安西王 以 眞 紅 削 政 以 復 仍 以 王 國 公 省 事。 行 行 阿 從 有 沒 忌 治 主 金籙 樞 失罕來朝,賜金五 其 鈔二 世 異 佩 H 爲 密 £ 刨 虎符 圖 祖 財 趙 魯 申 院旣罷 大 渻 {科 + 狩 產 良 立 國 聖 萬 杭 奴 範 不 大 一壽萬 詔 錠、 婢之半。 立 北 海 法 長 中 賜 功 以 曲 庭 公主, 安寺 寧 外 僉江 雲 一,赐 先 都 行 慰 遠 塔 南 元 中 十兩、 諸 勉之。 飯 王六萬錠。 ·書省 駲 罷 東 林 行 帥 Œ 僧 馬 瓜 廉 都 府 省 忽 七 長官 左 銀 蠻 訪 元 刺 乙 沙 以 萬 子台 丞 四 帥 司 出 亥, 平章 等 虎 楊 自 府 事 癸亥 金 州 叉 符 昔 炎 爲 五. 追 五. 屯 以 政 以 十 龍 濟寧王, 班 十兩 封 隕 釁 田 事 領 安西 爲 兩。 皇國 季 都 合伯 霜 其 中 癸 讓 察 軍 殺 癸 書 王 珠 舅 仍 禾, 酉 受 爲 爲 左 四 丑: 賜 按 金 都 都 庚 難答 一,以 串 丞 金 只 歲 復 午 縦 元 元 太僕 EIJ 那 星 賑 之, 帥 帥 乙 2 寧遠 演 安 以 犯 卯 丑 卿 詔 爲 事 佩 江 儿 東

司 沒 入 贓 月 罰 丙 鈔 子 與之。 朔 安 四 7 王 丑: 相 翰 鐵 赤等請 林 學 士承旨留夢炎告老 復 立 王 相 府, 不 許。 帝 以其在先朝言無所隱,厚賜遣之。 令陝 西 「省臣 給 其 所 需 仍 以 廉訪

帶梅混冬等來見。 管府達魯花赤呂天麟爲中書參知政事。立雲州銀場都提舉司, 秩四品。中書省臣言:「近 太陰犯歲星。以諸王亦憐眞部馬牛驛人貧乏,賜鈔千錠。以工部尚書雜諸路金玉人匠總 韶除軍民官夷所乘,凡有馬者盡括之。壬辰,三三太陰犯平道。丁酉,車駕幸上都。癸卯, 烈人貧乏,賜鈔一十八萬錠。 戊子,思州田曷剌不花、雲南夷卜木、四川洞主查閭王、金齒 乞調兵六千鎭撫金齒,置驛入緬。」從之。復以拱衞司爲正三品。以濟寧王蠻子台所部弘吉 未,熒惑犯太陰。丁亥、雲南行省平章也先不花言:「敢麻魯有兩夷未附、金齒亦叛服不常, 命曷伯、撒里蠻、字來將探馬赤軍萬人出征,聽諸王出伯節度。 軍,聽各還其所屬。 聞,省臺選官覈實,定其殿最,以明黜陟。 者阿合馬、桑哥怙勢賣官,不別能否,止憑解由遷調,由是選法大壞。宜令廉訪司體覆以 三千錠添入江西榷茶都轉運司歲額。詔貸斡脫錢而逃隱者罪之,仍以其錢賞首告者。癸 、張志僊等十三人玉圭各一。 緬國阿剌扎高微班的來獻舍利、寶玩。甲午,以探馬赤軍出征,馬不足, 賜駙馬那懷鈔萬五千錠。以醮延春閣,賜天師張與棣、宗師張留孫、眞 製寶玉五方佛冠賜帝師 其廉訪司官,亦令省臺同選爲宜。」從之。 壬午,罷江南茶稅,以其數 罷河西

密刺章以鈔五萬錠授征西元帥,令市馬萬匹,分賜二十四城貧乏軍校。 庚戌,太陰犯塡星。 三月乙巳朔,安南世子陳日烽遣使上表慰國哀,又上書謝寬貴恩,幷獻方物。丙午,遣

以各道肅政廉訪司領之。 所賜本部貧民鈔三百五十錠,命臺臣遣人按問以愧之。 殷,罷諸不急營造,惟帝師塔及張法師宮不罷。 奏舉官屬,其餘諸司不宜奏請,今皆請之,非便。」詔自今已後,專令中書擬奏。 之。戊午,罷福建銀場提舉司,其歲額銀以有司領之。 禁來朝官斂所屬俸。 丙辰,給月兒魯、禿禿軍炒米萬石。 壬戌,地震。 中書省臣言:「樞密院、御史臺例應 韶免醫工門徭。 太陰犯房。 金齒 夷洞蠻來見, 丙寅、國王和童隱 增置蒙古學正, 以東作方 賜衣遣

之平山、靈壽等縣 千九百餘錠。丙戌,諸王也只里以兵五千人戍兀魯思界,遣使來求馬,帝不允。 庚寅,太陰 得游於諸王、駙馬之門。 諸王出伯所統探馬赤、紅襖軍各千人,隸西平王奧魯赤。 司,掌皇太后寶,秩四品,以宦者爲之。 兵部尚書,佩虎符,使馬答兒的陰。 犯東咸。 夏四月辛已,妖人蒙蟲僭擬,及其黨十三人伏誅。 封乳母楊氏爲趙國安翼夫人。 癸巳,以同知烏撒烏蒙等處宣慰使司事牙那木假 有蟲食桑。 以貴赤萬戶忽禿不花等所部爲敵所掠,賜鈔有差。 戊戌、給扈從採馬赤軍市馬鈔十二萬錠。庚子、立掌謁 賜貴赤親軍貧乏戶鈔四萬一千五百餘錠。 賜章河至苦鹽貧乏驛戶,鈔一萬二 設各路陰陽教授,仍禁陰陽人不 是月,真定路 癸卯,以

里 四月丙午,爲皇太后建佛寺于五臺山,以前工部尚書涅只爲將作院使,領工部事, 燕

間 南 思葛等增羨鹽鈔四千餘錠,各賜 往鞫實,命隨其罪之輕重治之。 府,及司籍、周用、薄斂等庫,及徽州路銀場。 司,以答而 南國王陳益 辰, 遺愛牙赤覈實高麗 壬戌,塔卽古阿散以不法伏誅。 今歲田 、大名、順德、 河 北道 租。 肅 忽帶 弛甘州酒禁。 稷 政廉訪使宋德柔爲工部尚書,董其役,以大都、保定、眞定、平陽、 鈔千錠。 爲使、佩虎符。 廣平十路,應其所需。 國儲糧。 是月,蘭 庚申, 乙卯,太陰犯亢。丁巳,太陰掩房。 衣以 河 州上下三百餘里河清三日 陝西行省增羨鹽鈔一萬二千五百餘錠, 詔禁行省、行泉府司 平陽民訴諸王小薛、曲列失伯部曲恣橫,遣官鞫之。 南 旌 行省虧 癸丑,歲星犯房。 其能。 '各處鹽使司鹽場,改設司令、司 兩淮歲辦鹽十萬引、鈔五千錠, 南人洪幼學上封事,妄言 抽 分市舶 甲寅、太陰犯平道。 船貨,而同匿 己未,罷 五. 山東都 運 丞 其 遣 打 太原、大同 立梭釐招討使 答而 扎 捕 珍 轉 鷹 細 運 剌 仍免大都 使司 房總管 Mi 遣之。 戊 別 河

連州路 者爲 司 釐 一,餘悉罷之。 正 遊法。 中州。 五月戊寅,以魯國大長公主建 爲 連 下州 己卯、竄忙兀部別闍于江西,俾從月底迷失討 州。 官 增重挑補 陞江南平陽 五. 員,中州 鈔人罪,告捕者仍優其賞,令犯人給之。 二六員。 等縣 爲 佛寺于應昌,給鈔千錠、金五十兩。 凡爲 州 一中州者二十八,下州者十五 以戶爲差,戶至 一四萬 賊。 庚辰, 詔各省止存儒 五萬者爲 辛巳,罷行大司 命麥朮丁、 叉以 下州, 戶 不及 五萬至十萬 何榮祖 學提舉 農司 額,降

本

紀

第

--

八

甲午 常 故 以 與 加 伯 中 平 有 是 章 書 顏 以 之子 命。 省 政 諸 車 事 王 麥朮 買的 [||] 詔 阳 以 ,只吉部 農 爲 丁爲平章 甲 桑水 愈書樞密院 申, 貧乏,賜 利 詔 軍國 諭 自元 中外。 貞元 事。 重事,中書(左)[右]丞、護中書省事何榮祖 鈔二十萬錠。 年五 鞏 太 昌 后言 府 月 金州 其 以 父盡 江浙 前 逋 四 欠錢糧 心 行 和 省臣 王室, 州 會州 鐵 者, 欲令 木 皆 mi 雨 代其父官, 罷 雹, 不 徴 聽 無 詔 一麥禾 ", 遣官 1 爲昭 亥, 帝 太陰 文館 責 以 其 之。 州 年 犯 大 學 鎭 尙 丙 南 小, 申, 斗。

之,仍 旨董 帥 不 毎 ()佩 驛 納 沧 孙 江 文 給 租 以下官。 虎符。 弛 湖 万月戊 华六 爲 稅 用 以 州 江 治 等 近 河 邊役 癸亥 所 進 頭, 平 中,濟南路之歷城 湖 河西隴北道 江 了二言仍 併 世 泊之禁, 使者食米五石,鷹食羊五 煩及 左 祖 ,立蒙古 、建康、太平、常德、 右 實錄。 水災,発咸 分 兩 百 江 聽民 康訪 軍 邕州 宣 乙卯 ·都元 慰 採 縣 司鞫張萬 江 司 取。 平府民 大清 帥府 敕二凡 都 西行 澧 元 陞沅 于 泂 帥府、宣 孙 省所 八百 戶 兀 水 皆 口。 <u>_</u> 州 不 jij 溢 封 水 爲 徑 轄郡 一、壞民居。 法,西平王 戶今年 叉狗 事 路 撫 者, 隸 大水 司 以 遞十二驛,每 樞 賦 命 密院, 靖 爲 無禾, 税。 中 奥魯赤沮 廣 州 壬子,高 書 隸 兀 省 以 詔 之。 兩 民 發 KIT 遼 江 、乏食, 陽 緘 卢 麗王王 刺 道 撓其事,帝命諭之。 遣 給 省 鐵 視 宣 使 Ż, 木 進海 鈔 慰 令 與 1 1111 各 然 司 有司 乞爲 錠。 東 1省官就 岳 後 都 青 樂罕 以 元 與 甲 鴨 太 聞 削 廉 寅 __<u>`</u> 師 並 府 訪 遷 + H 繑 詔 調 司 翰 甲子, 匹 書 以 官 邊 林 711 **令**, 驛, (靖) 西 遠 承 賑

以安西王所部出征軍妻孥乏食,給糧二千石。昭、賀、藤、邕、澧、全、衡、柳、吉、赣、南安等 都指揮使。是月,汴梁路蝗,利州、蓋州螟,泰安、曹州、濟寧路水,鞏昌、環州、慶陽、延安、 史臺臣言其專擅,有旨諭蠻子台令知之。庚午,立西域衞親軍都指揮使司,以迷而的斤爲 處蠻寇竊發,以軍民官備禦不嚴,撫字不至,皆責而降之。駙馬濟寧王蠻子台私殺罪人,御

劉國傑玉帶錦衣,旌其戰功。 言:「內地盜賊竊發者衆,皆由國家赦宥所致。 乞命中書立爲條格,督責所屬,期至盡滅。」 問已原逋欠。普顏怯里迷失公主等,俱以其部貧乏來告,賜鈔計四十九萬餘錠。御史臺臣 府,以遼陽行省左丞阿散領其事。甲申,歲星犯房。給塞下貧民鈔二萬四千錠。己丑,賜 護軍百人。減海南屯田軍之半,還其元翼。詔增給諸軍藥餌價直。壬午,立肇州屯田萬戶 十貫加半年,二百四十貫徒三年,滿三百貫者死。計贓以至元鈔爲則。」給江南行御史臺守 省臺委官立法考試,中程者用之,所貢不公,罪其舉者。職官坐贓論斷,再犯者加二等。倉 制曰「可」。(乙)[己]卯、[四]詔申飭中外:「有儒吏兼通者、各路舉之、廉訪司每道歲貢二人、 庫官更盜所守錢糧,一貫以下笞之,至十貫杖之,二十貫加一等,一百二十貫徒一年,每三 秋七月乙亥,徙甘、涼御匠五百餘戶于襄陽。詔江南地稅輸鈔。丁丑,太陰犯亢。罷追 辛卯,以秃秃合所部貧乏,賜鈔十萬錠。戊戌,朱永福、邊珍

本

觀,毀所奉宋太祖神主。 裕以妖言伏誅。 札魯忽赤文移舊 大都、遼東、東平、常德、 用國語,敕改從漢字。 湖州武衛屯田大水,隆興路雹, 壬寅,詔易江南諸路天慶觀 太原、 爲玄妙

陽、安豐、河間等路旱。

遼陽民被水者糧兩月。己巳,以駙馬|那懷知樞密院事。 八月(元)[己]酉,(三太陰犯牛。 壬子,太陰犯壘壁陣。 金、 辛酉,緬國 復州屯田有蟲食禾, 進馴象三。 汴梁、安 癸亥,賑

西、真定等路旱,平江、安豐等路大水

撒 乏食、給糧兩月。 事,仁不從,行臺以聞。 臺 甲匠糧千石。 庚辰,罷寧夏路行中書省,以其事併入甘肅行省。 令合伯鎭之,犯者罪其主將。(云)[己]卯,CIKD罷四川淘金戶四千,還其元籍, 杖其所犯重者,餘聽小薛責之。甲午,太陰犯軒轅。戊戌,太陰犯平道。 一令監察御史楊仁往鞫,而江浙行省平章鐵木而逮孝思至省訊問,又令其屬官與仁同鞫玘 而治私第,給鹽萬引。 九月甲戌,帝至自上都。 壬辰,湖州司獄郭玘訴浙西 武衛萬盈屯及延安路隕霜殺禾,高郵府、 詔省臺遣官鞫問,旣引服,皆杖之。 詔輸米十萬石于權場故廪,以備北塞。 乙亥,用帝 ·師奏,釋大辟三人、杖以下四十七人。 廉訪司 **僉事張孝思多取廪餼,孝思繫玘于** 丁亥,爪哇遣使來獻 泗州、 諸王小薛部衆擾民,遣官 賀州旱,平江、廬州等路 以探馬赤軍 方物。 宣德府 罪初獻言者 己丑,給恒州 士所至擾民, 戊寅,以八 大水,軍民 獄。行 按問,

大水。

卯,以博而赤、答剌赤等貧乏,賜鈔二萬九千餘錠。戊辰,太白晝見。太陰犯房。遣安南朝 既隸軍籍者,毋奪回本部。己未,賜各衞士貧乏者鈔二萬九千三百餘錠。辛酉,辰星犯房。 縣官與本路同鞫,路官與宣慰司同鞫,宣慰司官與行省同鞫。」制曰「可」。詔諸王、駙馬部民 言:「江浙行省平章明里不花陳臺憲非便事,臣等議,乞自今監察御史廉訪司有所按覈,州 獻官迎導入廟。給江浙、河南巡邏私鹽南軍兵仗。癸丑,以西北叛王將入自土蕃,命平章 貢使陳利用等還其國,降詔諭陳日燇。 壬戌,辰星犯鍵別。 軍國重事答失蠻往征之,仍敕便宜總帥發兵千人從行,聽其節度。甲寅,中書省、御史臺臣 玉册、玉寶成、請納諸各室。」帝曰:「親享之禮、祖宗未嘗行之。 其奉册以來、朕躬祝之。」命 冬十月癸卯,有事于太廟。 癸亥,賜諸王巴撒而、火而忽答孫、禿剌三部鈔四萬八千五百餘錠。丁 中書省臣言:「去歲世祖、皇后、裕宗祔廟,以綾代玉册。今

賜安西王甲冑、槍撾、弓矢、櫜鞬等十五萬八千二百餘事。戊戌,陞贛州路之寧都、會昌二 魯酋長之弟脫杭忽先等,各奉金表來覲。丁亥,太陰犯鬼。戊子,賜阿魯酋長虎符。癸巳, 轉運使司。乙酉,太陰犯井。丙戌,毯陽酋長之兄脫杭捧于、法而刺酋長之弟密刺八都、阿 十一月甲戌,太白經天及犯壘壁陣。辛巳,置江浙行省檢校官二員。立江浙金銀洞冶

本紀第十

縣 爲州, 以石城縣隸寧都,瑞金縣隸會昌。 詔江浙行省括隱漏官田及檢劾富强避役之戶。

給之。 役, 脚價 歲 太陰犯天江。 錠、幣帛各二百匹,其幼王減五分之一。以各道廉訪司官八員,員一印, 犯 **貧**,賜鈔萬錠。 和輔蒙。 人成業,爭訟不已。 以諸 一鈔一貫,計每石六貫五百文,著爲令。 十二月庚子朔,遣集賢院使阿里渾撒里等祭星于司天臺。癸卯,以駙馬阿不花所部民 丁卯,禁諸王輒召有司官吏。 色戶與民均當。 荆南僧晉昭等偽撰佛書,有不道語,伏誅。己未,詔大都路,凡和顧和買及一切差 賜帝師雙龍紐玉印。 賜諸王押忽秃、忽剌出、阿失罕等金各二百五十兩、鈔五 命別以境內荒田給之,正軍五頃,餘丁二頃,已滿數者不給。 賜諸王不顏鐵木而、阿八也不干金各五百兩、銀五千兩、鈔二千 也速帶而之軍因李璮亂去山東,其元駐之地爲人所墾, 己已,詔冤軍器匠門徭。 徙縉山所居乞里乞思等民于山東,以田與牛、種 一百錠。 命收其三。甲子, 丙辰,太陰 減海運

是歲、斷大辟三十人。

校勘記

三十年八六月〕乙巳 據本書卷一七世祖紀至元三十年六月乙巳條補。 考異已校

密州(路)諸城縣 按本書卷五八地理志、密州隸益都路、此「路」字行、今删。 本證已校。

- (三)(元)(己)亥 按是月庚辰朔,無乙亥日。此「乙亥」在乙未十六日、辛丑二十二日間,爲己亥二十日之
- 誤,今改。續通鑑已校。
- 封駙馬閥 里吉思爲(高) 唐王 據本書卷一一八阿剌兀思剔吉忽里傳附闊里吉思傳補。 | 考異
- 已校
- 五五 改侍衛都指揮使司爲隆福宮左都成衛使〔司〕右都成衛使〔司〕 據本書卷八九百官志補。 按此
- 處指官署,應有「司」字。蒙史已校。
- <u>へ</u> 六 し 改。「繼」字當係衍文或「及」字之誤。 遣南巫里速木答刺繼沒刺(矛)[予]毯陽使者各還其國 年正月癸未條作「沒刺由」、此國本書尚有「木剌由」、「馬來忽」、「麻里予兒」等異譯。「矛」誤,今 按「繼木刺矛」無此國名。下文大德三
- 庚戌 按是月丁未朔,庚戌爲初四日。 此庚戌在己酉初三日前,疑爲戊申初二日之誤,或應移併
- 於己酉後重見之庚戌條。
- 「⟨□ 何(@)(違) 據本書卷一五○本傳改。類編已校。
- ハ た し 壬辰 按是月丙子朔、壬辰爲十七日、應在丁亥十二日後、甲午十九日前。
- 10〕曲(帶)〔靖〕 據本書卷六一地理志改。道光本已校。
- 壬辰 本 紀 第 按是月丙子朔,壬辰爲十七日,應在戊子十三日後、甲午十九日前 十 八 校 勘 記

- 中書(左)[右]丞議中書省事何榮祖 九年三月己酉條及卷一一二突相表、卷一六八本傳均作「右丞」、據改。、本證已校。 按本書卷一六、一七世祖紀至元二十八年五月癸丑、二十
- [1] (南)[静]江 據本書卷六三地理志改。蒙史已校。
- (三)(三)卯 誤,今改。道光本已校。 按是月癸酉朔,無乙卯日。此「乙卯」在丁丑初五日、壬午初十日間,爲己卯初七日之
- 二吾(乞)(己)酉 按是月癸卯朔, 無乙酉日。此「乙酉」在壬子初十日前,爲己酉初七日之誤,今改。

道光本已校。

[1六] (乙)[己]卯 按是月壬申朔,無乙卯日。此「乙卯」在戊寅初七日、庚辰初九日間,爲己卯初八日之 誤,今改。續通鑑已校。

元史卷十九

本紀第十九

成宗二

速古而赤中,擇人用之。」帝曰:「安用此曹。 己丑,御史臺臣言:「漢人爲同寮者,嘗爲姦人捃摭其罪,由是不敢盡言。 有耶?赋税、軍站、皆朝廷所司、今姑從汝請、置王相府、惟行王傅事。」丁亥、太陰犯平道。 府,帝曰:「去歲阿難答已嘗面陳,朕以世祖定制諭之。今復奏請,豈欲以四川、京兆悉爲彼 其黨黃法安等,賊遁入上牙六羅。壬午,太陰犯輿鬼。 部屯夫貧乏、兔其所輸租。 命西平王奥魯赤今夏居上都。丙戌,太白晝見。安西王傅鐵赤、脫鐵木而等復請立王相 二年春正月丙子,詔蠲兩都站戶和雇和市。 上思州叛賊黃勝許攻剽水口 其選漢人識達事體者爲之。」以御史中丞禿赤 己卯、詔江南毋補天鵝。 詔凡戶隸貴赤者,諸人毋爭。 思光寨,湖廣行省調兵擊破之,獲 請於近侍昔寶赤、 以忽剌出千戶所 甲申,

本紀第十九

成 宗

糧,口給其行費。甲午,授嗣漢三十八代天師張與材太素凝神廣道眞人,管領江南諸路道 爲御史大夫。庚寅、太陰犯鈎針。辛卯,令月赤察而也可〔怯薛〕及合刺赤所部衞士自運軍 乙未、詔諸王、公主、駙馬、非奉旨毋罪官吏。賜諸王合班妃鈔千二百錠、雜幣帛千匹,

逃歸 敢 擅易侍衞軍、蒙古軍,以家奴代役者罪之,仍令其奴別入兵籍,以其主資產之半畀之,軍將 向 千石,以賑饑民。 札 佩 分江浙行省軍萬人戍湖廣。給稱海屯田軍農具。 有縱 !之所儲,散之殆盡。 今繼請者尙多,臣等乞甄別貧匱及赴邊者賜之,其餘宜悉止。」從之。 金銀符歸于官,違者罪之。辛丑,立中御府,以脫忽伯、唐兀並爲中御卿。 刺而忽都虎所部戶居于奉聖、雲州者,與民均供徭役。 丙寅,以大都留守司達魯花赤段貞爲中書平章政事。 者死。 之者,罷其職。括蒙古戶漸丁,以充行伍。丁未,太陰犯井。庚戌,詔軍卒擅更代及 月己亥朔,中書省臣言:「陛下自御極以來,所賜諸王、公主、駙馬、勳臣,為數不輕, 給禿禿合所部屯田農器。丙辰,詔江南道士貿易、田者,輸田、商稅。庚申,命 詔奉使及軍官歿而子弟未襲職 自六盤山至黃河立屯田,置軍 造使代祀嶽瀆。 賜安西王米三 丙午,禁軍將 者,其所

三月壬申,以中書平章政事不忽木爲昭文舘大學士,平章軍國事。 能太原、

平陽路釀

受財, 黄勝 卯,賜 丁 代 進蒲 里慳、 軍 刺,朶兒帶言月兒魯,皆有 有 以 疾,以 自效。 以 旌 劉 萄酒, 其 强 許黨魯萬 遼陽 季安妄議 甕吉 命 戦 壯,從之。 其子也里不花代之。 御 詔雲南 功。 行省糧 其蒲萄園民恃爲業者,皆還之。 刺帶 史臺與宣 以 丑、王獻于京師。[三] 朝 並 行臺 合伯及塔塔刺 仍 政,杖之,徒 三萬石。 駐 命 政院使答失蠻雜 夏于晉王 檢劾亦乞不 出 伯 異 壬辰, 非 圖 賜八撒 奉旨 二年,籍其家財之半。 · 怯魯刺 所部民饑,賑 薛宣慰司 詔 詔駙馬亦都護括流散畏吾而戶。 毋擅徵發。 賜諸王鐵木兒金二百 樞 之地。 治之。 密院鞫 火 一而 案牘。 忽答孫、 諸王出伯言所部探馬赤軍懦弱者三千餘人,乞 米 丙子, 之,無驗。 癸 各千石。 以 酉, 怯 甲戌) 車駕幸 「魯剌駐夏民饑,戶給糧六月。 禿刺 增駐夏軍爲四萬 甲 中, 五 遣諸王 帝 三人鈔各千錠。 + 上都 次 命言晉王者死 、大口。 兩、銀二千五 亦 丁 只 癸巳, 丑; 里、八不沙、亦憐眞、也 Z 人。 酉,太陰 以完顏 湖廣 言月兒 忻 百 治書侍 一兩、鈔 都 言晉王 行省以叛賊 犯 邦義、 郡王 魯者謫 御史萬 鈎 五千錠, 鈐。 一甘麻 慶童 納 速 辛 從 僧

也 眞 所部 夏 四 月己亥朔,命撒的迷失招集其祖忙兀 六萬錠。 平陽之絳州、台州路之黃巖州饑,杭 臺 所部流散 州 火, 人戶。 並 賑 賜諸王 之。 八卜沙鈔 四萬錠,

嘗 有 聖 五 月 戊辰 四 難答 朔 觅 亦 知 兩 之矣。 都 徭役。 若言貧乏,豈獨汝耶? 辛未 安西 王遣使 來告貧乏,帝語之曰:「世 去歲賜鈔二十萬錠,又給 祖 以 以 糧。 分贅之難, 今與,

本

紀

羊,百取 需。 則 四 于合亦 殺掠階州軍民,遣脫脫會諸王鐵木而不花、只列等合兵討之。 檀,回賜 $\overline{\Pi}$ 馬 王 而 以 酉,命諮行省非奉旨毋擅 湖 其一,羊不滿 之地。 鈔四千錠。 進獨本葱。 爲 不 均; 禁諸王、公主、駙馬招戶。 不與,則汝言人多饑死。 是月,野蠶 韶諸王、駙馬及有分地功臣 百者亦取之,惟色目人及數 成 調 繭。 軍 安南國 泂 中府之猗氏雹。 己丑,詔諸徒役者,限 其給糧萬石, 遣 **万取。** 戶,居上都、 人招誘叛賊黃勝許。 丁丑,太陰犯平道。 擇貧者賑 太原之平晉、獻州之交河、樂壽 3 大都、 甲申,命也眞、薛闍罕駐 一年釋之,毋杖。 之。」甲戌, 隆興者, 也黑(迭)[迷]失進紫 庚辰,土蕃 與 詔民 民 庚寅,罷 均 間 納 夏

年。 是月,大都、真定、保定、太平、常州、鎭江、紹興、建康、澧州、岳州、 給瓜州 莫州之茣亭、任丘,及湖南醴陵州皆水。 銀二百五十兩、鈔六千錠,所部六萬錠, 令異辭者,乞加等論罪。」從之**。** 丙午,叛賊黃 癸亥,太陰犯 六月己亥,給出伯軍馬 沙州站 戶牛種田具。 井。 勝許遁入交趾。 丙寅, 詔行省、 七千二百餘匹。 御史臺臣言:「官吏受賂、 乙巳,太白犯天 甲寅,降官吏受赇條格,凡 行臺,凡朱淸 諸王 濟寧之濟州 亦 詔晉王所部 **憐眞所部二十萬錠,** 關。 有 螟。 以調兵妨農, 所 初既辭伏,繼以審覈,而有司 陳列,毋 衣糧,糧以歲給, 十有 輒 |廬||州 三等。 **免廣西容州等處** 止之。 兀魯 汝寧 思駐冬軍 賜 丁巳, 衣則三年賜之。 西平王 龍陽州、 太白 三萬錠。 奥魯赤 田 徇情致 犯 租 漢 塡

關為儀同三司、領都僉議司事。乙酉, 遺雲南省逃軍戍亦乞不薛。 白犯輿鬼。括伯顏、阿朮、阿里海牙等所據江南田及權豪匿隱者,令輸租。 運糧漕運司官,仍舊以三年爲代,雲南、福建官吏滿任者,給驛以歸。壬午,塡星犯井。太 陽、濟寧、東平、大名、滑州、德州蝗。 太原、懷孟雹。福建、廣西兩江道饑,赈栗有差。 千餘錠。是月,平陽、大名、歸德、眞定蝗。彰德、眞定、曹州、濱州水。 藍青、謝發寇昭、悟、藤、容等州,湖廣左丞八都馬辛擊平之。辛巳,賜貴由赤戍軍鈔三萬九 以虎賁三百人戍應昌。諸提調錢正官,其部凡有逋欠者勿遷敍。 乙巳、詔諸人告捕盜賊者、强盜一名賞鈔五十貫、竊盜半之,應捕者又半之,皆徵諮犯 八月丁酉朔,禁舶商毋以金銀過海,諸使海外國者不得爲商。 庚子,太陰犯亢。太白 秋七月庚午,肇州萬戶府立屯田,給以農具、種、食。辛未,以鈔十一萬八千錠治西蕃 甘、膩兩州驛戶饑,給糧有差。賜諸王完澤印。癸酉,詔茶鹽轉運司、印鈔提舉司、 壬寅,命江浙行省以船五十艘、水工千三百人,沿海巡禁私鹽。癸卯,太陰犯天 丙戌, 遺岳樂也奴等使馬八兒國。 己丑, 命行臺監察御史鈎校隨省理問所案 增江西、河南省參政一員,以朱清、張瑄爲之。授特進上柱國高麗王世子王 大同、隆興、順德、太原雹。 海南民饑,發粟赈之。 命湖廣、江西兩省擇駐 懷孟、大名、河間旱。 廣西賊陳飛、雷通 河泊官歲入五

牍

夏軍牧地。

百錠者敕授。

諸驛。

江。

犯軒轅。

州 彰德、 無 徵者官給。 太原 蝗。 咸寧縣,金、復州,隆興路隕霜殺禾。 乙卯,太陰犯天街。 太白犯上將。 寧海州 給諸王亦憐眞軍糧三月。 大雨。 大名路水 是月,德

河間 其久戍,命留五千駐冬,餘悉遣還,至明年四月赴軍。 地 申,雲南省臣也先不花征乞藍,拔瓦農、開陽兩寨, 捕人員。 建、湖廣 掩 | 為雲遠路軍民總管府。己丑,太陰犯 南 之莫州、獻州旱。 更戍 斗。 九月 夏稅。 海都兀魯思不花部給出伯所部軍米萬石。 丁丑,太陰犯壘壁陣。 甲戌,增鹽價鈔一引爲六十五貫,鹽戶造鹽錢爲十貫,獨廣西 戊辰,太白犯左執法。辛未,聖誕節, 罷民間 . 鹽鐵爐竈。 給襄陽府 河決河南杞、封丘、群符、寧陵、襄邑五 戊寅、元江賊拾資殺掠邊境、梁王命怯薛丹等討降之。 引軒轅。 合刺魯軍未賜田者糧 辛卯, 帝駐蹕安同泊,受諸王 其黨答刺率諸蠻來降。 諸王出伯言汪總帥等部軍貧乏,帝以 甲午,令廣海、左右兩江戍軍,以二年 是月,常德之沅江縣水,発其田租。 縣 一兩月。 百官賀。 如故。 罷淮西諸 乞藍悉平,以 徴浙 壬 巡禁 申,太陰 東、福 打 其 甲

三等。 處牧宿衞馬。 冬十月丁 **贛州賊劉六十攻掠吉州**, 甲辰, 西,有事于太廟。 修大都城。 壬寅、發米十萬石賑糶京師。 壬子, 車駕至自上都。 江西行省左丞董士選討平之。是月,廣備屯及寧海之文 職官坐贓,經 以宣德、奉聖、懷來、 斷 再 犯者, 加 | 縉山等 本罪

澄水。

亥,公 昌 以 以 泉 主? 漢 淮 刺 有 警急, 洪澤 聞。 府 軍 所 (t) o 1 順 本王 譯 司 太陰 太宗、 賜 聖太后崩 增 芍陂 皆 易 壬辰 月丁 遣 太常 海 小 於 英 犯 運 憲宗、 事 屯 微發。」 '卯,以 子 ,太陰犯天江。 明 禮樂戶鈔五千餘錠。 上 ·,何足書耶 田 進 時,裕宗已還自軍 相。 年糧爲六十萬石。 軍萬 象 {世 蠻洞將領彭安國父子討田知州 詔行 千六。 Z 祖實錄, 人修大都城。 酉,樞密院臣言:「 省圖 "。」辛未, 戊辰,以廣 |緬 王 1地形、 帝 日一 遺 中, 徙江 是月, 丁 丑: 其子 遣 覈 忽都 所 樞 西戍軍 浙 軍 江南 象 僧 紀月日先後差錯。 密院官整飭 行 實 太陰犯月 魯迷失非 食 伽 省拔 以 巴 近邊 悉隸 屯 聞。 叔撒 水 都 免 有 州 兩 昭睿順 軍萬 戊子 星, 縣 江南 功, 邦 江宣慰 其 巴 ٠, 叉 人 宜 賜安國 田)來 太陰 諸鎭 戊潭 犯天 、聖太后 擇 租 貢 又 司 | 險要 都元 犯 戍軍 別馬里 方 街。 州 一金符, 平道。 之地 物。 所 潭州 ٠, 帥 庚辰, 凡 生, 思 府。 子 竉 將 (贈)[增]大都 合羣 丹 以 雲南柏 E 爲 梭 炮 南 己 太陰 一蠻夷官。 勤 何 Ē, 戍為 軍 手 怠 亦 爲 移 犯井。 **兀都** 興府 者, 戍 思 亦 屯, 郴州 馬因 入德 巡防 日 帶等 列 公 實 卒 T

會賜 夷 大 倩 徹 狀 與 里 者 翃 太祖 念已降 月戊 爲 之帥 位,金 戊戌,立 招 小 千兩、銀七萬 徹 徹 其 一來附 里軍民總管府。 里 復 占 以 扼 爲 五 地 千兩 進 利, 取 之地。」 多相 雲南 世 祖 殺 行省 位, 詔 掠。 復 臣言「大徹 金各五百 胡念遣 <u>1</u> 一蒙様 [] 其 兩、 等 弟 里 胡 甸 地 銀二 軍 倫 與 民官。 乞別 八八百 一萬五 置 媳 千兩 癸卯 婦 司 犬 牙 餘各有差 定諸 擇 相錯,今 通 習蠻 王朝

本

紀

第

十

九

成

宗

四〇八

犯 井。 詔諸行省徵補逃亡軍。 復司天 臺 一觀星戶。 乙卯, 太陰犯進賢。 癸亥,

在京囚百人。 增置侍御史二員。 賜 金齒、羅 斛 來 朝 人 衣

南、芍陂旱、蠲其田租。 是(月)[歲],(公大都、保定、 是歲,斷大辟二十四人。 汴梁、江陵、沔陽、淮安水, 金、復州風損禾,太原、開元

河

具。 所掠,仰食於官,賜以農具牛種,俾耕種自給。 太原,河東之民困於供億,詔詰問之,仍歲給鈔三萬錠、 置屯田 **筹**,給出伯 王亦憐眞來朝,薨于道,賜 厂耕牛。 建五福太乙神壇時。 大德元年春正月庚午,增諸王要木忽而、兀魯(而)[思]不花歲賜各鈔千錠。[五]辛未,諸 於五條 征行 河, 馬粟四月。 以歲入之租資之。 汴梁、歸德水。 幣帛五百匹。 丙戌,以鈔十二萬錠、鹽引三萬給甘肅行省。 辛卯,以張斯立為中書省參知政事 。乙亥,給月兒魯匠者田,人百畝。 木隣等九站饑,以米六百餘石賑 己丑,以藥木忽而等所部貧乏, 糧萬石。 給晉王所部 ်ဝ 之。 昔寶赤等為 乙酉,以邊地 諸 摘 給 屯 王 田 和 可 阿 溫 農 只 林 器 古古 漢 叛 種 駐 宼 乏 田 軍

遣其弟阿不刺等來獻方物,且請歲貢銀千兩及置驛傳,詔卽其地立通西軍民府,秩正 月 甲 午朔,賜晉王甘麻剌鈔 --萬錠,安西王阿難答 三萬錠。 丙申,蒙陽 甸 酋長 四品。 納款,

德州。 邦巴一 或招或取,易得 諸軍民相訟者,命軍民官同聽之。 卯,徙揚州萬 申,陞寧都、 衲服二百,其車渠帶工別立提舉司掌之。 己未,改福建省爲福建平海等處行中書省,徙治泉州。 子,錫以虎符。 示含弘,特加恩渥。今封的立普哇拿阿迪提牙為緬國王,賜之銀印;子信合八的為緬國 允其請。 國家自祖宗肇造以來,萬邦黎獻,莫不畏威懷德。 戊戌,陞全州爲全寧府。 珠虎符,酋領阿散三珠虎符,從者金符及金幣,遣之。 安豐路設錄事司。 爾乃遽食前言,是以我帥閫之臣加兵於彼。 會昌縣爲州、並隸贛州路; 戶鄧新軍屯蘄、 仍戒飭雲南等處邊將, 其情,故徙之。減福建提舉司歲織段三千匹,其所織者加文綉,增其 以行徽政院副使王慶端爲中書右丞。 庚子, 詔東部諸王分地蒙古戍軍, 死者補之, 不勝役者易之。 黄。 。丁未,省打捕鷹房府入東京路。 以闍里台所隸新附高麗、 寧陽鎮爲縣,隸濟寧路, 毋擅興兵甲。 封的立普哇拿阿迪提牙為緬 嚮先朝臨御之日,爾國使人稟命入觀,詔 爾國官民,各宜安業。」又賜緬王弟撒 比者, 平章政事高興言泉州與瑠求 女直、漢軍 爾遣子信合八的奉表來朝,宜 以新附軍三千屯田漳州。 隩州巡檢司 詔改元赦天下。 戊午,羅羅斯 國王,且詔之曰:「我 居瀋 爲河曲 刚 甲申,[10] 縣,隸保 発上都 相近, 來朝。 、歲輸 庚 世

三月戊辰,熒惑犯井。 本 紀 第 + 九 成 宗 己巳,完澤等奏定銓調選法。 庚午, 以陝西行省平章也先鐵木 四〇九

大都、隆興差稅三年。

給也只所部六千戶糧三月。

省 都 木 र्ग 十 林 思 庚 留 元 而 忽 不 寅, 禮 所 左 軍 -6 爲 花 部 而 発 F 乙 丞 所 五. 中 立江 八都 酉, 及 封 貧 百 武 書 母 兀 戶 當 事 阳 丙 人 巫 淮 遣 魯 萬 馬辛爲 章 子 戍 11: 不 山 等 हिम् 思不 . 錠, 察等金 之。 之。 新 政 處 里 車 附 事 別吉韂 財 以 駕 花 歸 中書左丞。 軍 詔各省合 鈔 幸 赋 中書省 Ē. 德 所 徭 總管府 上 八 部 、徐、邳、汴 百 賦 都。 萬錠 匠 民 兩 萬 左丞 併鎭 饑 甲 銀 1, 九 及 糴 庚辰, 戌, 梁暗都 以 提 糧 百 鈔 丑 守軍 西蕃 梁 , 乳 餘 舉 和 有 封 林。 諸 錠。 札 牛 差 司 福 諸 ([|]) 寇 刺爲中書省右丞。 牡 縣 魯 王 階州 忽赤脫 馬 水 賜 建 丁亥,禁正 五. 鐵木 濟之。 臺 賜 稱 所 趸 Щ 諸 置 海 陝西 其 而 | 者合為五十三所 佛 王 匠 而速受路, 田 不花爲鎭 一岳木· 寺 戶 行 月至七 租 त्ते 成, 省平章脫列 忽而 農 道 皇太后 癸酉 具 州 月捕獵,大都 西武 鈔 爲 及 旱,遼陽饑, 其 、太陰掩 兀魯思不花 二萬二千 將 靖 江浙 奴所告, 伯 親往 王, 以 賜 兵 軒 所置 祈 八百 九 轅 進 毒 駝 並發粟賑 视, 百餘錠,及 金 者 討 大星。 紐 殺 各百 里內 監察 即。 ,其黨悉平, 合為二百二 其 奴, 亦 兩 **败于**柳 御 以 如之。 兀 史李 牙忽 江 岳 魯 西

人。 史臺自 事 臣 夏 又合剌赤 一等議 選。 四 月 癸 乞 各 依 E 道 阿速 朔 廉 舊 訪 例 各舉 日 司 有 必 御 食之。 ·監察御 擇 史 蒙 臺 古 不 丙 史非 人 立 申 爲 選 > 便, 使, 其 #1 或 用 書 亦宜 「省、御 闕 人 則於常 止於常選擇人。 則 以 史臺臣言:「阿老瓦丁及崔彧條陳臺 色目 調 官選 世 臣子 之, 各省文案,行臺差官檢覈 孫 惟 爲之,其次參 監 一察御 史首 領官, 以 色目、漢 一憲諸 令 御

兀 憲 之職,經 臺,或呈中書省遷調,廉訪司亦如之,其不稱職者,省、臺擇人代之。 宿 魯 !衞近侍,奉特旨令臺憲擢用者,必須明奏,然後任之。 司官,毋得 思 不花圓符。 省、臺同選者,聽御史臺自調。 輒入體察。 以米二千石賑應昌府 賜暹國、 今擬除轉運鹽使司外,其餘官府悉依舊例。」制曰「可」。 羅斛來朝者衣服有差。 中書省或用臺察之人,亦宜 賜牙忽都部鈔萬錠。 行臺御史秩滿而有效績者,或遷內 與御史臺同議, 未歷 有司者,授 給岳木忽而所部 壬寅,賜 各官府 以牧民

和

林

屯田田

種。

來降。 十石。 軍戶 悉誅 者 捕 有 制 力 灣鷹鶴。 任福 者爲 書、驛券。 "不傷事主,止誅爲首者,從者刺配,再犯亦誅。 五 漳河 月丙寅,河決汴梁,發民三萬餘人塞之。戊辰,安南國遣使來朝。 副,命自 妻 溢,損 庚寅,平伐**酋領內附**,乞隸於**亦乞不**薛,從之。 一產三男,給復三歲。癸酉,太白犯鬼積尸氣。 命回回人在內郡輸商 1今以 民禾稼。 常調官爲之,隸行省者從行省署用。 饒州 鄱陽、 税。 樂平及隆 給鈔千錠建臨洮佛寺。 |興路水。[三亦乞列等三站饑] 賑米 給葛蠻安撫 各路平準行用庫,舊制 上思州叛賊黃勝許遣其子志寶 乙亥,太陰犯房。 司驛劵一。 韶强盜姦傷事主者,首從 追收諸位下爲商 辛未,遂寧州 丁丑 選部民富 一、禁民 百百 間 五

六月甲午,諸王 一也里干遣使乘驛祀五嶽、四瀆,命追其驛券,仍切責之。 以湖廣行省參

本

紀

第

+

九

成

宗

徐、邓 政崔良 寨來降,立長官司 諸王也里干等從者鈔二萬錠,朶思麻一十三站貧民五 以糧四千餘石 產非宜。 不薛歲貢馬及氊衣。 州 知廉貧 蝗。 又買僧寺水碾 太原風、雹。 **脈廣平路饑民**, 特賜 己酉, 鹽課鈔千錠。 丙辰, 監察御史斡羅 違制。」帝以其妄言,笞之。 河間 令各部 萬五千石賑江 大名路旱。 宿 給和 衞 土 林 輸 軍 失刺言 上都、隆 需 西被 和 鈔 州 十萬錠。 歷陽縣江 水之家, 中 詔僧 興 丞崔 千餘錠。 糧 各 道 犯姦 乙未, 萬 彧 漲 二百九十餘石賑 兄在 五. 是月 盜 干 漂沒廬舍萬八千五百 太白 石干 重罪者, 先朝嘗 、平欒路 晝 北 見。 「有罪 地。 聽 鐵里干 有 蟲 戊 ",還其 甲寅, 食桑。 司 戌, 鞫 平伐 · 等 四 間 所 罷 餘家 籍 歸 亦 站 德 賜 家 奚 九

饑戶。 餘錠. 弟 石 糧 招 王所部屯田 伯 賑 隸 ,撒都 眞 使、副; 秋七月庚午,太陰 孛 都 羅 河決杞縣 留 失里千錠,所部二萬 守 諸 戶 鈔 四 0 司 取 千 藥 甲 中, 蒲口。 錠,所部 招 物 者,授 籍宋 犯房。 增中 郴州路、耒陽州、 兩 八萬 以會同館使、副,但降旨差遣, 御 江 辛未、賜諸王 府官 鎭守軍。 餘錠 四 干 八 員。 罷 百餘錠, 丁亥,免上都 蒙古軍 賜馬 脫脫、幸羅赤、 衡州 之酃縣 八兒國塔喜 仍給 萬 戶 府 糧 酒課 大水山崩 入 不給制 沙秃 年。 曲 先塔林 年。 珠 寧海 而 虎符。 鈔二千錠,所 命。 賜 溺 都 州 死三百餘 諸 饑 丙 元 詔 Ŧ: 戍, 帥 不 以 出 府 以 米 使 顏 部 八 九 鐵 招 癸未 諭 于 木 兒 八萬 者 懷 思 四 m 州 增晉 四千 秃 白 及 授 |武 其 倉 以

獵,悉自供具,毋傷民力。丁巳,祆星出奎。 八月庚子,詔合伯留軍五千屯守, 令字來統其餘衆以歸。 揚州、 淮安、 寧海州旱。 丁未, 真定、順德、 命諸王阿 只吉自今出 河間旱、

疫。池州、南康、寧國、太平水。

花將兵討之。丙寅,詔恤諸郡水旱疾疫之家。 **饒州、臨江等路,溫之平陽、瑞安二州大水。 鎭江之丹陽、金壇旱。** 馬外郡者糧,令毋仰食於民。以札魯忽赤所追贓物輸中書省。 他事不赴者,奪其所陞官。平珠、六洞蠻及十部洞蠻皆來降,命以蠻夷官授之。 冗員。 至,其屯駐舊軍逃亡者衆,仍命湖廣行省遣軍代之。甲子,八百媳婦叛,寇徹里,遣也先不 九月辛酉朔,祆星復犯奎。壬戌, 罷南丹州安撫司,立慶遠南丹溪洞等處軍民安撫司。 丁卯,命平章伯顏專領給賜孤老衣糧。 八番、順元等處初隸湖廣,後改隸雲南,雲南戍 罷括|兩潍民田。 汰諸王來大都者及宿衛 壬午, 車駕還大都。己丑, 增海漕爲六十五 韶邊遠官已嘗優陞品 衛輝路旱、疫。 並以糧給之。 澧州 給衛士牧 級 兵不 而 託

千錠。 刺班直 冬十月甲午,詔諸遷轉官注闕二年。丁酉,有事于太廟。 木達 温州 奉表來降。戊午,太白經天。 陳空崖等以妖言伏誅。 癸丑,免陜西 增吏部尚書一員。 「鹽戶差稅,罷其所給米。 以朶甘思十九站貧乏,賜馬牛 辛丑,減上都商稅 乙卯, 爪哇 歲額 遣 爲三 失

本

紀第

十九

成宗

秋 羊 不 有 差 丽 廬 揚 孙 沙난 路 淮 無 安 爲 路 州江潮 饑 韶 泛溢,漂沒廬 州 南 雄 建 舍。 德 温州皆 歷 陽、 大水 合肥、 梁縣及 並 赈 安豐· 之蒙 城 霍丘 自 |春及

之。 與 都 莖 近 兩 王 高 自 司 中 今 路 九 司 員 麗 百 鈔萬錠。 立 總 書 總 穗 X 田 + 增 國 真定 都 省 管 鳥 帥 獵 賜 以 王 提 薬木 撒 始 臣 沙 汪 歸 月 T 鐵 仍 舉 o 戒 的 惟 <u></u> 壬: 烏蒙等處宣慰使 自 冶隸 徙 加 司 記 忽而金一千二百五 戊辰, 戌, 之, 坐 和 九 大 授 <u>=</u>; 月。 贓 以 若後 以 同 王 禁 順 當 所 路 | 距爲推 增太 德都 權 高 陞 高麗 罷 部 軍 復然 豪、 麗 正 軍 儲所 帝 王 廟 提 四 屯田田 僧、 王王 ·忠宣· . 品 , 則 世 舉 以 牲 故 道 于 子 用 司 置 員, 昛 沙 設官四 臣子 力 及 0 紅 謜 馬 十兩 例 告 爾 各位 城 定遠保節 爲 罷 以 [老, 乞 死 瓜州 保定 開 庚午,籍 字羅 特 地 員, 以 府 下 銀 矣。」 減 紫荆 擅 以爵 加 儀 歡 給 直 其 南 功臣、 據 同 萬五 爲 戊 罪 中 唐 隸 三司、 行省 關 鑛 與 之。 統 小,俾 中書 兀 子,太白 其子 鐵冶 炭 干 軍 鈔二萬三千二百餘 開 經 仍 山 兩 賜 府 征 入 戶 舊 提 場。 用 謜 諸 樞 部 東 儀 職 不 舉 經 魦 王 密院。 行 同 足,命 司 天 罷 福 兀 三司 衞 中書省左丞 萬 崔 , 順 建 魯 還其戶 輝 德、 增 行 彧言不 二千錠。 思 路提 江浙 辛未 、太尉、 省遣 晉 不 彰德、 王 花金 **一錠置** 學司 行 八百為 內 可 曹州 人覘 省運 駙 相 常德路大水,常州 史一員,尚 復任,帝 千兩、 種、牛、 隸 馬、 廣平等路 瑠 禹 駙 廣 米二十 民 上柱 城 求 馬、 平 銀 國 進 田 日 彰 高禾 或 上 ,俘其傍 萬 德都 萬 五. 乘 具 一、逸壽 柱 五. 提 寺 卿 石 國 卿 提 給 干 大 舉

路及宜興州旱,並賑之。

官,始給度牒,今不定制,僥倖必多。無爲礬課,初歲入爲鈔止一百六錠,續增至二千四百 差稅冒爲僧道,且僧道作商賈有妻子與編氓無異,請汰爲民。 錠,大率斂富民、刻吏俸、停竈戶工本以足之,亦宜減其數。」帝曰:「礬課遣人覈實。 汰僧道 己錢貸之,徵其倍息。逃亡者各處鎭守官及萬戶府並遣人追捕。 江上下置戍兵三十一翼,今無一二,懼有不虞。 之制,卿等議擬以聞。 田 卯,免上都至大都幷宣德等十三站戶和 ||州招討司知事闞文興妻||王氏。戊申,增給雲南廉訪司驛券四十二。 **駙馬幷權豪**,毋奪民田,其獻田者有刑。 復立芍陂、洪澤屯田。 蹂踐禾稼,帝命詰之,走歸其部。 餘錠,諸王阿朮、速哥鐵木而所部二萬八千九百餘錠。 司二,命楊漢英領之。甲辰,太白經天,又犯東咸。 百五十畝,給種、牛、田具。 十二月癸巳,令也速帶而 軍政與樞密院議之。」諸王也只里部忽刺帶於濟南商 、藥樂罕將兵出征。 戊戌,中書省臣同河南平章孛羅歡等言:「世祖撫定江南,沿 帝曰:「彼宗戚也,有是理耶。其令也只里罪之。」禁諸王、 雇和買。 外郡戍卒封樁錢,軍官遷延不以時取,而以 賜諸王忽剌出鈔千錠,所部四萬四千五百 丙申, 徙襄陽屯田合刺魯軍于南陽, 戶受 丙午,太陰犯軒轅。丁未,旌表烈婦障 宋時爲僧道者,必先輸錢縣 壬寅,朝洞蠻內附,立長官 皆非所 甲寅,太陰犯 宜。 河縣侵擾居民, 叉富 心。乙 戶規避

紀第十

未附, 錠,所部一萬一千餘錠,藥樂罕等所部七萬錠,暗都刺火者所部四萬餘錠。 糧 淮 賜忽剌出所部鈔萬錠。癸酉至丙子,太白犯建星。己卯,賜不思塔伯千戶等鈔約九萬錠。 則可,勞民勿取。」壬申,徙乃顏民戶于內地。 兩月。 東饑 命減一千, 甲子,福建平章高興言:「漳州漳浦縣大梁山產水晶,乞割民百戶采之。」帝曰:「不勞民 閨 十二月壬戌,太陰犯壘壁陣。命也速帶而等出征。 遺參議中書省事于(章)[璋]發廪賑之。[三弛湖泊之禁,仍聽正月捕獵。 州宣撫使楊漢英請以己力討之,命湖廣省答刺罕從宜收撫。 以張萬戶所領兵補之。 甲申,增兩淮屯田軍爲二萬人。 定燕禿忽思所隸戶差稅,以三分之一輸官。 詔諸軍戶賣田者,由 瓜州屯田 賜諸王阿牙赤鈔千 般陽路饑疫,給 所隸官給文 軍萬 平伐等蠻

名、平陽旱。 是歲,濟南及金、復州水、旱。大都之檀州、順州, 河間之樂壽、交河疫,死六千五百餘人。 斷大辟百七十五人。 遼陽,瀋陽,廣寧水。 順德、河間、大

酉,置汀州屯田。 年春正月壬辰,詔以水旱減郡縣田租十分之三,傷甚者盡免之, 禁諸王、公主、駙馬受諸人呈獻公私田地及擅招戶者。 辛丑,御史臺臣言:「諸轉運司案牘,例以歲終檢覆。 丙申, 遣使閱諸省 老病單弱者差稅並 金穀事繁,稽照難 兵。

德舊 仍 附 盡 司 票」、口豆王之綱、楊文郁 弛 貧 奸 改 臣,清貧守職 鈔十二萬錠, 民 爲 僞 梁 無從 硼 之禁, 己 門魚通 四 知 之。 建 聽民 黎雅 康 戍 ,特賜鈔二千 其未 和 漁 龍 長 林 采。 興 終 高 (沙)[河]西寧遠 王德淵 者, 臨 麗、 遣所 江 女直 宜聽 俘瑠求 集賢 寧國 百餘錠。 憲 漢 司於明年檢覆。」從之。 太平 軍 王 人歸 軍民宣 顒 三萬錠 給西平 宋渤 諭 廣 其國 德、 撫 主 司 盧摯、 饒池 奥魯赤 。[三]以 使之效順。 等處 耶 部 律 翰 水, 民 林 有 乙巳, 糧 尚、李泰、 王煇、閻 發 併 三月,晉王秫 臨 1: 以 蕃 江 糧十萬石赈 復 路 郝采、楊 碉 糧三 王構、 門 安 萬 米 撫 Ŧi. 鹏 趙 石 11: 司 百石, 與 以 邊內 (票) 運

所

部

中外 子 爲 田 戌 建 丁、太陰犯 泉寧府。 司, 所 徙 一錠,然 土木之役。 Ш 專主 重 幾 月 一慶宣 何 戊 猶 心。 水 午朔 己已, • 利。 其 慰 不 帝 司 足 會 癸未 都 於用 詔 以 計 諭 败 中 樞 以 中 于 元 密院 叉 聞 書 書 削 漷 詔 省臣 右 府 諸 孙 於 右 合併 於 丞 王、 至 成都。 日二 丞 辛未, 徽 元 駲 貧 相 鈔本 政 難 馬毋 完澤 毎 院副 歲 太陰 軍 立 中 天 軍 戶 擅祀嶽鎭海瀆。 言:「歲 使張 ·借二十 下 犯 民宣慰 辛酉 左 金 九思爲 入 銀 執 萬 之數, 一,歲 鈔 法。 司 錠。 都 幣 平章 屋、熒惑、太白聚危,熒惑犯歲 併 元 所 金 自 入 江 帥 申禁諸路軍 政 今 西省元 府於 幾 萬 敢 事 何, ,與 九千 以 福 節 諸 分置 建。 中 用 兩,銀六萬 王、駙 書 及豪右 爲請 軍爲 省 2 事 丑 馬 立 六 人等,毋縱畜牧 一帝嘉 賜 兩,鈔 -1 與 浙 卯 兀 納 及 西 三百六 所 改 都 星。 切 泉 水 丙 罷 州 庸 壬

.4.

紀

第

-1-

九

成

宗

州 損 司 詔 雨 木 政 農 勸 雹 水 而 事 廉 等市 課 訪 早, 楊 歸 不 司 Z 德等處 炎 作 馬 至 西 並 龍 價 者 成 赈 車 爲 人 恤 命各 駕 中 萬 蝗 材 之。 書 幸 兀 道 上 以 右 千 湖 備 都 廉 丞 四 廣 訪 選 百 省 賜 司 舉 餘 罷 漢陽 治 爪 建 錠, 之。 禁諸 忽 康 鎭 m 金 漢 南 滅 所 銀銅 王 JII 王 從 部 行 水 脫 者假 鈔三 省平 冶 歡 轉 冤 六萬 + 章 控 運 其 萬錠, 爲 鶴 司 田 錠 佩 , 租 員 帶 還 0 近 浙 淘 擾 甘 侍 西 民。 金戶 肅 丙子 嘉 伯 省 興、 顏 於一 ,二〇以 沙 詔 鐵木而 元籍, 州 江 諸 陰、江東 鼠 郡 傷禾 梁德 凡民 等三 歲 辨 稼 珪 播 萬 建 金悉責 爲 種 錠 康 中 怠 大 溧陽 都 也 書 惰 有 先 檀 平 及 孙 池 鐵 有

順 首 赦 軍 庚 o 演 者 應 宥 王 不 壬 宜 命 子 月丁 得 各萬 西 降 ٠, 輒 御 鎭 職 亥朔 受。 史 吳 戶 臺 等。 Щ 出 戊 罷 臣言:「 爲 征 子, 大名路故 從 者 成 之。 德 詔 道 其 永 僧 即 孙 靖 人犯奸 **壬** 路 河 令 堤堰 副 達 [41] 魯 旗掌 北 盜 花 歲 鎭 詐 詔 入隆 之, 齧 赤 偽 加 KI 巫 封 不 林 閭 聽 福 得 東 宮 Щ 不 有 鎭 付 花、 爲 租 司 其子 沂 鈔七 貞 專 、總管周 Щ 德 决 弟, 爲 百五五 廣 輕 元 寧 克 違 者 德 主, 十錠。 敬 法 與 東 僧 虚 行 安王 歲 官 申 事 時 申禁官 麥 約 , 與 熟 南 斷 以 嶽 不不 鎭 兩 約 吏 瀆 會 淮 受 賑 不 稽 閑 同 饑 至 賂 Щ 田 祀 民 者 詣 給 爲 罪 著 蒙 諸 昭 雖 德 古 經 司

夏 四 月戊午, 遣征 不剌壇 軍 一還本 部。 庚 申, 以 也速帶而擅調甘州戍軍 遣伯顏等答之。

大都守門合刺赤等鈔九萬錠,織工四萬四千錠。 發慶元糧五萬石,減其直以賑饑民。 江

南、山東、江浙、兩淮、燕南屬縣百五十處蝗。

賜

州之崇仁星隕爲石。 麻 並爲宣慰使都元帥,佩虎符。 忽赤同王府官追之。(南)[衞]輝、日〇順德旱,大風損麥,免其田租一年。 石,減其直賑之。已酉,諸王念不列妃扎忽眞詐增所部貧戶,冒支鈔一萬六百餘錠,遣扎魯 海南、廣西 中書右丞。 二十四城,有安西王、諸王等幷朶思麻來寓者,與編戶均當賦役。 林酒稅羨餘。 五月辛卯,罷海南黎兵萬戶府及黎蠻屯田 兩江、廣東、福建等處六品以下選。戊戌,太陰犯心。壬寅,平灤路旱,發米五百 淮西諸郡饑,漕江西米二十萬石以備賑貸。 壬辰,以中書右丞何榮祖爲平章政事,與中書省事,湖廣左丞八都馬辛爲 復致用院。 給 兩都八刺合赤鈔各三萬錠。 置和林宣慰司都元帥府,以忽刺出、 萬戶府,以其事入瓊州路軍民安撫司。 命中書省遺使監雲南、四川、海北 耽羅 耶律希周、 國以方物來貢。 記總帥汪惟正所轄 納鄰合刺 龍蕁 撫

開 禁權豪 今宣慰張國紀請復科夏稅,與門攤 讀者,併所遣使拘 六月庚申,御史臺臣言:「江南宋時行兩稅法,自阿里海牙改爲門攤,增課錢至五萬錠。 、斡脫括大都 漕 執以聞。 河 '舟楫。 壬戌,太陰犯角。 西臺侍御史脫歡以受賂不法罷。 併徵, 以圖 陞進。 韶陝西諸色戶與民均當徭役。 湖、湘重罹 其害。」帝命中書趣罷之。 禁諸王擅行令旨,其越例 中嚴陝西運

本紀

第

+

九

成

宗

銀、鈔有差。 司 私鹽之禁。 山東、河南、燕南、山北五十處蝗。 置奉宸庫。賜諸王岳木忽而金一千二百五十兩,兀魯思不花幷其母一千兩, 山北遼東道大寧路金源縣 蝗。

丞楊 田 馬及諸近侍,自今奏事不經中書,輒傳旨付外者,罪之。 租 炎龍、僉樞密院事洪君祥召其入侍,以其父眶仍統國政。 · 年。 江西、江浙 秋 七月癸巳,太陰犯心。 遣尚 水,賑饑民二萬四千九百有奇。 ·書那懷、御史劉廣等塞之,自蒲口首事,凡築九十六所。 汴梁等處大雨,河決壞隄防,漂沒歸德數縣禾稼、廬舍, 高麗王王謜擅命妄殺,詔遣中書右 賜諸王亦憐眞等金、銀、鈔有 壬寅, 韶諸王、駙 **觅**其

八月壬戌、太陰犯箕。 癸未,給四川出征蒙古軍馬萬匹。

和林 己酉,太陰犯左執法。 制以二年或三年更代。癸卯,太陰犯五諸侯。 更戍軍 九 月己 牛、車。 王, 聖誕節,駐蹕阻嬀之地,受諸王百官賀。交趾、爪哇、金齒國各貢方物。 丙申,車駕還大都。 庚戌,吉、贛立屯田。 辛丑,太陰犯五車南星。 减 中外冗員。 樞密副使塔刺忽帶犯贓罪, 命廣海、左右江 命御史臺鞫之。 戍軍依舊 給

院案牘。 立平珠、六洞蠻夷長官司二,設土官四十四員。戊寅,太陰犯角距星。 冬十月甲寅朔,增海漕米爲七十萬石。 賜諸王岳木忽而、兀魯(忽)[思]不花所部糧五萬石,控鶴七百人,賜鈔五百錠 壬戌,太白犯牽牛。置蒙古都萬戶府於鳳翔。 令御史臺檢劾樞密

從之。罷雲南行御史臺,置肅政廉訪司。 爐冶所進息錢。壬寅,太陰犯右執法。 十一月庚寅,安南貢方物。丙申,知樞密院那懷言:「常例文移,乞令副樞以下署行。」 以中書右丞王慶端爲平章政事。 己亥,太陰犯輿鬼。辛丑,辰星犯牽牛。 賜和林軍校幣六 罷徐、邳

千匹,衣帽等物有差。

奧鬼。太陰犯上將。辛未,增置各路推官,專掌刑獄,上路二員,下路一員。 者免役三年。江浙行省平章政事答剌罕陞左丞相。甲戌、彗出子孫星下。己卯、太陰犯南 路馬,除牝孕攜駒者,齒三歲以上並拘之。賜朶而朶海所部鈔八十五萬錠。 斗。辛巳,命廉訪司歲舉所部廉幹者各二人。 詔和市價直隨給其主,遠者罪之。 **免內郡賦稅**。 三十取一,歲額之上勿增。 十二月戊午,太白經天。己未,塡星犯輿鬼。乙丑,太白犯歲星。 諸王小薛所部三百餘戶散處鳳翔,以潞州田二千八百頃賜之。釋在京囚二 揚州、淮安兩路旱、蝗,以糧十萬石賑之。給陣亡軍妻子衣糧 太陰犯熒惑。 詔諸逃軍復業 庚午,鎭星入 定諸稅錢 括諸

校勘記

百一十九人。

也可(怯薛) * 紀 新 + 九 據本書卷九九兵志及卷一一九博爾忽傳補。 校 勘 記 按蒙古語「也可」言「大」,「也可怯

薛」即「 第 一怯薛」。 月赤察而至元十七年長第一怯碎。

湖廣行 省以 叛敗黃 勝許黨魯萬 丑王獻于京師 按魯萬 丑」一名又見本書卷一四九移剌捏兒傳

附 移刺元 }臣 傳 卷一 六二劉國傑傳。 此處「王」下當有脫文。

= 只 列 本 ·害卷 五世祖紀至元二十 五年正月癸卯條有「諸王也只烈」。 蒙史補「也」字,作「也

只 烈」 ,疑是。

껃멐 也黑(迭)[迷]失 按也黑迷失亦作「亦黑迷失」,本書卷一三一有傳。「迭」誤,今改。

77 忽 都 魯迷失 疑 此即本書卷八、一六世祖紀至元十一年五月丙申、二十八年十月辛巳、卷一八

成宗紀至元三十一年五月戊寅條、 卷二〇八高麗傳所見「忽都魯揭里迷失」, 卷一〇九踏公主

表作「忽都魯堅迷失」,高麗史卷八九有傳。 此處疑脫「揭里」二字。

完監本改。

-**Ŀ** (贈)[增]大都巡防漢軍 從北

. プ

丁亥

按是月丙寅朔

,丁亥爲二十二日,應

在乙酉二十日後。

/\ へ し 是(月)[歲] 按 此 處總敍全年水旱風災, 此「月」字顯係「歲」字之誤, 下文重見之「是歲」

實 爲衍文。 續通鑑 已校。

. ∱i 兀魯(而)[思]不花 之子,其名本書屢見。 據本書卷一〇七宗室世系表改。 下同。 按兀魯思不花為蒙哥四子河平王昔里吉

- 甲申 十一日,疑是。 按是月甲午朔,無甲申日。 此「甲申」在癸卯初十日、丁未十四日間,續通鑑改作「甲辰」,即
- 立江淮等處財赋總管府及提舉司 本證云:「案立總管府已書于至元二十六年,此乃立提舉司
- 饒州鄱陽樂平及隆興路水 本證云:「案五行志作龍興、南康、澧州、南雄、饒州五郡水。 據 }地

也,及字誤行。」

理志,隆興當作龍興。」

于(章)[璋] 據本書卷二二武宗紀大德十一年九月丁丑條、卷一一二字相年表及元文類卷一

二元明善中丞于璋贈諡制改。

- 長(沙)[河]西 據本書卷八七百官志改。 按長河西一名本書屢見。本證已校。
- 〇三 趙與(票)〔票〕 見卷九校勘記〔刊〕。
- 丙子 改作「丙戌」、卽二十九日、疑是。 按是月戊午朔,丙子爲十九日,已見上文。此重出之「丙子」,在乙酉二十八日後,道光本
- 按是月丁亥朔,壬子爲二十六日,已見上文。此處重出。二「壬子」中當有一爲衎誤之
- 本紀第十九 校勘記 本紀第十九 校勘記 ○五行志改。本證已校。

文。

元史卷二十

本紀第二十

成宗三

俸鈔。 者,戒飭之。 爲定遠王,賜金印。 王謜擅命妄殺之罪。 御史臺鞫治之。 所說耳,

豈可一一聽從耶!卿但擇可者任之。」

庚寅,

詔遣使問民疾苦。除本年內郡包銀、 戌、太陰犯太白。己丑,中書省臣言:「天變屢見,大臣宜依故事引咎避位。」帝曰:「此漢人 三年春正月癸未朔,暹番、沒刺由、羅斛諸國,各以方物來貢。 発江南夏稅十分之三。增給小吏俸米。 辛卯,詔諸行省謹視各翼病軍。 壬辰,安置高麗陪臣趙仁規於安西、崔冲紹於鞏昌,並笞而遣之,以正 命中書省:自今后妃、諸王所需,非奉旨勿給,各位擅置官府,紊亂選法 復以王旺爲高麗王,造工部尚書也先鐵木而、翰林待制賈汝舟齎詔往 浙西肅政廉訪使王遇犯臟罪、託權幸規免、命 置各路惠民局,擇良醫主之。 賜暹番世子虎符。 封藥木忽而 其附 丙

本紀第

= +

成

宗三

諭之。 哈剌哈孫爲中書左丞相。丁酉,太陰犯西垣上將。 之數,不支半歲,自餘皆借及鈔本。 隸蒙古軍籍者免之。 而等自今一切賜與皆勿奏。癸巳,以江南軍數多闕, 追收別鐵木而、脫脫合兒魯行軍印。 乙巳,太白經天 臣恐理財失宜, 中書省臣言:「比年公帑所費, 戊戌、太陰犯右執法。 鈔法亦壞。」帝嘉納之。 官吏因而作弊, 詔禁飭之。 辛丑,括諸路馬, 動 仍令諭 輒 以答刺罕 月赤察 歲入

部官曰:「汝等事多稽誤,朕昔未知其人爲誰。 民 熒惑犯 縉 道宣慰司。 膱 來貢方物。 明著 山縣民戶爲勢家所蔽者,悉還縣定籍。 復蹈前失,罪不汝貸。」罷四川、福建等處行中書省, 月癸丑朔,車駕幸柳林。 天妃",浙 五諸侯。言 置四川、福建宣慰司都元帥府及陝西漢中道肅政廉 庚辰,車駕幸上都 西 |鹽官州海神日靈處弘祐公,吳大夫伍員日忠孝威惠顯聖王。 壬申, 加解州鹽池神惠康王曰廣濟,資寶王曰永澤, 丁巳、完澤等奏銓定省部官,以次引見、帝皆允之。 壬戌,詔諭江浙、河南[江]北 今既閱視,且知姓名,其洗心滌慮, 陝西行御史臺、江東、荆南、淮西三 談訪司 兩省軍民。二乙巳, 廣和林、甘州 泉州海神日護國庇 金齒國 仍諭六 城。 各欽乃

補陀僧一山齎詔使日本, 詔曰:「有司奏陳:向者世祖皇帝嘗遣補陀禪僧如智及王積翁等兩 三月癸巳, 緬國世子信合八的 奉表來謝賜衣, 遺還。 命妙慈弘濟大師、江浙 釋教 入總統

戊戌, 諸 問。 達。 禁阿 儿 花 林 塡 敎 等更定律令。 戍軍 化 爲 番 星 之。 而 以虎 復言平章的里不花領財賦時盜鈔三十萬錠,及行臺中丞張閻受李元善鈔百錠,敕俱勿 朕特從其請,蓋欲成先帝遺意耳。 中 夏 犯 戊申,減江南諸道行臺御史大夫一員。賜和林軍鈔十萬錠 五 熒惑犯輿鬼。 月 書 四 竄 輿 刺部,毋於廣平牧馬。 象及桫羅木舟來貢。 鬼。 壬午,罷江 左 名 月辛亥朔、駙馬蠻子台所部匱乏,以糧十三萬石賑之。己未,太陰犯上將。 遼東開元、咸平蒙古、女直等人乏食,以糧二萬五百石、布三千九百 T他籍。 丞。 太陰 詔軍官受贓罪,重者罷職,輕者降其散官,或決罰就職停俸,期年 賜和林軍鈔五 犯心。 自通州至兩淮漕河、置巡防捕盜司凡十九所。 南諸路釋教總統所。丙申,太陰犯南斗。 陞御史臺殿中司 庚午,申嚴江浙、兩淮私鹽之禁,巡捕官驗所獲遷賞。 庚子,自復征東行中書省,以福建平海省平章 己亥,· 十萬錠、帛四十萬匹、糧二萬石,仍命和林宣慰 太白犯畢。 秩五品。 至於惇好息民之事,王其審圖之。」甲午, 乙巳,行御史臺劾平章教化受財 庚子,免山東也速帶而牧地歲輸 海南速古臺、速龍探、奔奚里 己卯,以禮部尚書月古不 远賑 ·政事闊里吉思 司市 許 辛未,禁和 三萬餘錠,

日

本

之好

,宜復通問。今如智已老,補陀寧一山道行素高,可令往諭,附商舶以行,庶可必

命

何榮祖

令自效。

爰自股臨御以來,綏懷諸國,薄海內外,靡有遐遺,

壐

書通好日本,咸以中途有阻而還。

之。

馬五千

丙寅,

粟之半。

本

紀

第

成 宗 \equiv

其酒課、 爲平章 、夏稅;江陵路旱、蝗,弛其湖泊之禁;仍並以糧賑之。 政 是月、鄂、岳、漢陽、興國、常、澧、潭、衡、辰、沅、寶慶、常寧、桂陽、 茶陵旱,発

黄河 犯 右執法。 命自今以漢人參用。 故道田 六月辛亥,兀魯兀敦慶童擅殺所部軍之逃亡者, 壬申,歲星晝見。賜和林戍軍鈔一百四十萬錠,鷹師五十萬一千餘錠。 輸租。戊午,申禁海商以人馬兵仗往諸蕃貿易者。 禁福建民冒稱權豪佃戶,規免門役。 命樞密院戒之。癸丑,罷大名路所獻 庚申,太陰掩房。丁卯,熒惑 以福建州縣官類多色目、南

楊 總攝冒入寺籍,宜加釐正。」從之。丙申,揚州、淮安屬縣蝗,在地者爲鶩啄食,飛者以翅 秋 詔禁捕鶩。 七月己卯朔,太白犯井。庚辰,中書省臣言:「江南諸寺佃戶五十餘萬,本皆編民,自 丁未,太陰犯輿鬼。

星。 賜定遠王藥木忽而所部鈔萬五千錠。 八月己酉朔,日有食之。丁巳,太陰犯箕。 是月、汴梁、大都、河間水、隆興、平灤、大同、 戊辰,太白犯軒轅大星。己已,太陰犯五車 宣

德等路雨雹。

流 星 一色赤,尾長 乙未,太陰犯昴距星。 九 月癸未、聖誕節、駐蹕古栅、受諸王百官賀。 丈餘,其光燭地,起自河鼓,沒於牽牛之西,有聲如雷。 丁酉,太白犯左執法。 己亥,車駕還大都。 庚寅,置河東山西鐵冶提舉司。 揚州、淮安旱,発其 癸巳,罷括宋手號 壬辰,

冬十月戊申朔, 有事于太廟。 **黄旱,汴梁、歸德水,隴、陝蝗,並免其田** Щ 不花等所部戶鈔三萬七千餘錠,橐駝戶十萬二千餘錠。 東 轉運使阿里沙等增課鈔四萬一千八百錠,賜錦 壬子, 册伯岳吾氏為皇后。 租。 衣人一襲。 甲寅,復立海北海南道肅政 以淮安、江陵、沔陽、揚、 丙子, 太陰犯房。

部 子,釋囚二十人。 十萬錠、雲南王也先鐵木而及所部三萬八千錠、和林戍軍一百四十萬餘錠、幣帛 杭州火、江 月庚辰, .陵路蝗,並發粟賑之。 丁酉,浚太湖及澱山湖。 置浙 西平江 河渠閘堰凡七十八所。禁和林釀酒。 己亥,賜隆福宮牧駝者鈔十萬二千錠,諸王合帶 乙酉, 太白 「犯房。 二萬九 戊

所部四萬錠。 章 中書省貨 賜 政 事。 十二月己酉,徙鎭巢萬戶府戍沅、靖,毗陽萬戶府戍辰州,均州萬戶府戍常德、 賜諸 財 忽難銀印。 出 一納,自今無券記者勿與。 淮安、揚州饑、甘肅亦集乃路屯田旱,並賑以糧。 王六十、脫脫等鈔一萬三千餘錠,四怯薛衛士五萬二千餘錠,千戶撒而 丙寅,詔各省戍軍輪次放還二年供役。 以守司徒、集賢院使、領太史院事阿魯渾撒里爲平 陞宣徽院爲從一品。 癸酉,詔 澧州 兀魯

渠。 元 帥 賜諸 也 四 速 年 答 王塔 春 IE. 而 失 非 月 鐵 奉 丙申、申嚴京師惡少不法之禁、犯者黥刺、杖 木 旨 1勿擅決 而 金印。 重 刑。 賜 翰 命 林 承旨僧家 和 林 戍軍 借斡脫 鈔 五 百 錢者, 錠, 以養其 七十, 止償 母。 其本。 拘役。 賜 癸卯, 諸王木忽難 辛 丑,詔蒙古都 復 淮 所 東 部 漕

萬二千餘錠,

八魯刺思

等部六萬錠。

十條, 摩州 車駕 太陰犯 石 賑 湖 幸 二月 計載。 丙子 上 北 條有該三四 都 丁未朔,日 饑民,仍弛 ,,命李庭訓練各衞軍士。 置 壬 一戌、帝 西京大和嶺屯田 事 山澤之禁。 有食之。 諭 者。」帝曰:「古今異宜,不 何榮 乙卯,遣使祠東嶽。 祖 罷 曰:「律令良法也、宜早定之。」榮祖對 稱海 立鳥撒、 賜晉王 屯田 所部 改置 烏蒙等郡縣。 必 鈔 於呵 丙辰,皇太后崩,明日祔葬先陵。 相 「四萬錠。 沿。 札 之地,以農具、種實給之。 但取 併會 宜於 理 泗 今者。」甲戌,]]] 曰:「臣 四 州 爲一。至 「所擇者 發 栗十萬 三百八 乙亥, 戊午, 置維

三月乙未,寧國、太平兩路旱,以糧二萬石賑之。

F 復 初 鋈 新 年。 金 夏 淦富 訂 四 月丙 丙辰,置五 人胡制機養子,後制機自 緬 午朔, 國 「遺使 條河 韶雲南行省釐革 進白象。 屯 田。 戊午,參政張頤孫及 1 旦,强今年上都 生子 積弊。 而死 壬子, ,頤孫利其貲, 其弟珪等伏誅于(隆)[龍] 隆 高 興絲 郵府寶應縣民孫奕妻朱一 銀 ,大都差稅 與珪謀殺之, 地租。 賂郡縣吏獲免。 興市。「台 賜 產三男,蠲 諸 王 頤孫 也 滅

其 (僕 胡 忠訴主之冤于官,乃誅之,其貲悉還胡氏。 以 中書省斷事官不蘭奚爲平章政事。 賜

姪 海 Щ 所 統 諸王戍軍馬二萬二千九百 餘 匹。

州 符 者 者, 王 型之, 四、驛 也 南陽、 毋輒 只 五 里 月 入聞。 券二十。 勿令輒 八癸未, 部 順德、東昌、歸德、濟寧、徐、豫、芍陂旱、蝗。 鈔二萬錠,八憐 帝諭 去。 左 甲午, 丞 集賢大學士 或 |相答刺罕遣使來言:「橫費不節,府庫漸虛。」詔自今諸位下事關錢穀 有去者, 太陰犯壘壁陣。 脱列 罪將及 一阿魯渾撒 思所隸 汝。 戶六萬 辛 里等日:「集賢、 丑,太白犯與鬼。 其 諭 五. 中書 干餘錠。 真定、保定、大都通、薊二 知之。」增雲南至緬 翰林乃養老之地, 是月, 太陰犯昴。 同州、平灤、隆 國 復延慶司。 一十五驛,驛 自 州 一个諸 興 水 老 給 滿 賜 揚 秩 圓

卒, 都 辰, 元 以太傅月赤 貧 帥 六月己 無 府 以 兼 葬, 行 酉,詔立 宣慰司 賜 察而 鈔 Ħ. 緬 爲 事。 太師 國王子窟 百錠。 吊吉而、爪哇 ,完澤爲太傅,皆賜之印 甲子 麻 ,置耽羅總管府。 刺哥撒 暹 八為 國 薩八 緬 國王,賜以 等國二十二人來朝,賜 詔各省 丁巳,太白 銀印 自今非 犯塡 及金銀器皿 奉 一命毋 星。 衣 擅 御 遺 役 史 衣 服 之。 軍。 中 等物。 丞 不忽木 以 和 丙 林

夫人 九 + 韓氏爲 秋 人 七 各 月 燕冀國 奉 甲 方 戌 物 朔,右丞 順 來 朝, 育 夫人,石抹氏爲冀國夫人。杭州路貧民乏食,以糧萬石減其直 相完 詔 命 澤請 餘 人 上徽仁裕聖 留安慶,遣者蘇 皇后 來 謚 上都。 寶 册。 辛 乙 剪, 酉 一; |緬 熒惑 或 犯 別 散 井。 哥也 加 弟 乳 者蘇 母 冀 國 等

本

紀

第

赴闕,自言殺主之罪;罷征極兵。甲子,辰星犯靈臺上星。 古、色目人特優一級。置廣東鹽課提舉司。癸丑,太陰犯井。庚申, 八月癸卯朔,更定蔭敍格,正一品子為正五,從五品子爲從九, 大名之白馬縣旱。 中間正從以是爲差,蒙 緬國阿散吉牙等昆弟

閨 八月庚辰,熒惑犯興鬼。 庚子,車駕還大都。 以中書右丞賀仁傑爲平章政事。 賜晉

王所部糧七萬石。

王 鄰 近官田 |萬九千三百九十餘石。 出 縣,以脫歡察而爲達魯花赤兼萬戶以鎭之。 伯 九 月 所部鈔萬五千四百餘錠。 如敷給之。 、戊午,太白犯斗。 壬戌, 廣東英德州達魯花赤脫歡察而招降羣盜二千餘戶,陞英德州爲路,立 建康、常州、江陵饑民八十四萬九千六十餘人,給糧二十 太陰犯輿鬼。曹州探馬赤軍與民訟地百二十頃、詔別以 甲子、太白犯斗。 改中御府爲中政院。 賜諸

冬十月癸酉朔,有事于太廟。

発 元 税糧 擬第三年收稅,今並展限一年,著爲定例。 命省、臺差官同昔寳赤鞫和林運糧稽遲未至者。 一十分之三,其餘免十分之一,徒罪各滅一半,杖罪以下釋之,江北荒田許人耕種者, 月壬寅朔、詔頒寬令、免上都、大都、隆興大德五年絲銀、稅糧,附近秣養馬駝之郡 併遼陽省所轄狗站、牛站為一,仍給鈔以賙其 真定路平棘縣旱。

本紀第二十 成宗三

則補 太陰 不敍 有 二萬 改 之以 犯房距星。 (作)輒令監察御史同往,非宜,自今非奉旨勿遣。」皆從之。 八千餘錠。 遣劉深、合刺帶、鄭祐將兵二萬 二月癸酉,御史臺臣言:「所糾官吏與有司同審,所以事沮難行,乞依舊制。 牛。 賜諸王忻都部鈔五萬錠,兀魯思不花等四部二十一萬九千餘錠,西都守城軍 賬建康、<u>平江、浙東等處饑民糧二十二萬九千三百餘石</u>。 晉州達魯花赤捏古伯給稱母喪,歸迎其 人征 八百媳婦,仍敕雲南省每軍十人給馬五匹,不足 妻。 事 聞,詔以其斁傷彝倫 庚寅, 熒惑犯 軒轅。 中 ", 癸巳, · 書凡 職

太陰 同獄 冶提 員 分司 成。 舉 犯 五. 上江 興鬼積尸氣。 |年春正月己酉,太陰犯五車。 庚戌,給征八百媳婦軍鈔,總計九萬二千餘錠。 司,任 雖 經原 以整治之,仍預印 以其事入都提舉司。 発 ,亦加降點,庶奸僞 奉安昭睿順聖皇后御容于護國仁王寺。 及驛券。 御史臺臣言:「官吏犯贓及盜官錢,事覺避罪逃匿者,宜 可革。」從之。 辛酉,公 太陰犯心。 丙寅,以兩淮鹽法澀滯,命轉運司官 能<u>檀</u>、 景兩 州(探) [採] 金鐵 壬子, 兩

分雲南諸路 罷 福 月己卯,太陰犯輿 建 行 織 绣提 中書省 舉 司 事 鬼。 仍置 增河間轉運司鹽爲二十八萬引,罷其所屬淸、 以劉深、合剌帶 理問官二員, 郎中、員外郎、都事 並爲 中書右丞,鄭祐爲參知 各一 員,給圓符四、驛券二 滄、深三鹽司。丁 政事,皆佩虎符。

部馬 鈔皆 浙 亥,立征 喪遷葬及 成兵。 萬匹。 人奸盜者,令軍民官同鞫。 如興教之數,萬安寺地六百頃, 八百媳婦萬戶府二,設萬戶四員,發四川、雲南囚徒從軍。乙未,詔廉訪司官非親 戊戌,賜昭應宮、興敎寺地各百頃,興敎仍賜鈔萬五千錠,上都乾元寺地九十頃, 以病給告者,不得離職;或以地遠職卑受任不赴者,臺憲勿復用。 丁酉,車駕幸上都。 永寧路總管雄挫來朝,獻馬三十餘匹,賜幣帛有差。 詔飭雲南行中書省滅內外諸司官千五百一十四員。 增江 鈔萬錠,南寺地百二十頃,鈔如萬安之數。己亥,凡軍 丙申,給脫脫等

匹,官給其直。 巳,熒惑、塡星相合。 韶戒飭中外官吏。命遼陽行省平章沙藍將萬人駐夏山後,人備馬二 貧乏軍 王也孫等鈔一萬八千五百錠。戊午,馬來忽等海島遣使來朝,賜金素幣有差。 三月甲辰,收故軍官金銀符。戊申,太陰犯御女。己酉,罷陝西路拘權課稅所。 ·鈔二十萬錠,諸王藥(忽木)[木忽]而所部萬五千九百餘錠。[f]丁卯,熒惑犯塡星。己 給和林 壬子,

飲,不得沾賣。 部貧乏,賜鈔四十萬錠。 夏四月壬申,太陰犯東井。癸酉,遣禿刺鐵木而等犒和林軍。壬午,以晉王甘麻刺所 是月、大都、彰德、廣平、眞定、順德、大名、濮州蟲食桑。 調雲南軍征八百媳婦。 癸巳,禁和林釀酒,其諸王、駙馬許自釀

五月,商州隕霜殺麥。河南妖賊醜斯等伏誅。[10]己酉,給月裏可里軍駐夏山後者市

第二十 成宗三

本

等,將盡剪髮黥面爲兵,身死行陣,妻子爲虜。」衆惑其言,遂叛。丙寅,詔雲南行省自願征 熒惑犯右執法。丙辰,曲靖等路宣慰使兼管軍萬戶忽林失來朝。壬戌,雲南土官宋隆濟 馬鈔八萬八千七百餘錠。 八百媳婦者二千人,人給貝子六十索。丁卯,太白犯井。 時劉深將兵由順元入雲南,雲南右丞月忽難調民供飽,隆濟因給其衆曰:「官軍徵發汝 辛亥、遣怯列亦帶脫脫帥師征四川。 癸丑,太陰犯南斗。 乙卯,

衞輝、大名、濮州旱。 犯井。甲午,太白犯輿鬼。賜諸王念不烈妃札忽而眞所部鈔二十萬錠。是月,汴梁、南陽、 省平章幢兀兒、參政不蘭溪將兵禦之,殺賊酋撒月,斬首五百級。癸巳,太白犯輿鬼。歲星 (酉)[丑]、日日緬王遣使獻馴象九。壬辰,宋隆濟攻貴州,知州張懷德戰死。梁王遣雲南行 甲申,歲星犯司怪。丙戌,宋隆濟率猫、佬、紫江諸蠻四千人攻楊黃寨,殺掠甚衆。 六月乙亥,平江等十有四路大水,以糧二十萬石隨各處時直賑糶。 大都路水。順德、懷孟蝗。 開中慶路昆陽州海

路水,以糧千石賑之。丙午,歲星犯井。丁未,命御史大夫禿忽赤整飭臺事。 所侵占田、站等四百餘戶爲民。賜寧遠王闆闆出所部鈔二萬三千餘錠。乙巳,遼陽省大寧 民被災死者不可勝計,以米八萬七千餘石賑之。己亥,增階、沙二州戍軍。庚子,籍安西王 秋七月戊戌朔、晝晦、暴風起東北、雨雹兼發、江湖泛溢、東起通、泰、崇明、西盡眞州、 韶軍官受贓

海至北境十二站大雪,馬牛多死,賜鈔 從之。 王妃 児僧、陰陽、巫覡、道人、呪師,自今有大祠禱必請而行,違者罪之。 陞太醫院爲二品,以平章政事、大都護、 有司不與,遂致淹滯。 田,詔役民夫二千人疏導河道,俾復其故。 申,立耽羅軍民 者與民官同 犯太白。 二十一萬七千四百錠。 札忽 犯壘壁陣。 以暗伯、 癸亥,合丹之孫脫歡自北境來歸,其父母妻子皆遭殺虜, 而真及諸王出伯軍鈔四十萬錠。 例,量罪 萬戶府。 阿忽台並知樞密院事。 賜諸王出伯等部鈔六萬錠,又給市馬直三十八萬四千錠。 大大小 自今輕罪乞令有司決遣,重者從宗正府聽斷,庶不留獄,且民不冤。」 大都、保定、河間、濟寧、大名水。 殿 諸王也滅干薨,以其子八八刺嗣。 黜。 命監察御史審覆札魯忽赤罪囚,檢照蒙古翰林院案牘。 一萬一千餘錠。 禁富豪之家役軍。 提點太醫事 中書省臣言:「舊制京師州縣捕盜、止從兵 命雲南省分蒙古射士征 脱因 命御史臺檢照宣政院幷僧司案牘。 廣平、真定 納爲太醫院使。 己酉,詔諸司嚴禁盜 詔封贈非中書省無輒 賜鈔一千四 浙四積 八百 媳婦。 賜上都諸匠等鈔 雨泛溢,大傷 癸丑,詔禁畏吾 一百錠。 賊。 庚申,辰 辛亥, (馬司 給諸 戊 星 民 稱

言:「和林屯田宜令軍官廣其墾闢,量給農具,倉官宜任選人,可革侵盜之弊。」從之。 汝河 八月戊辰,給軍人羊馬價及定遠王所部鈔十四萬三千錠。 溢 民 死者衆, 発其今年田租, 仍賑粟三萬石。 庚午,禿刺鐵木而 己巳,平灤路 等自 霖 和 林 **犒軍** 灤、 甲戌,

象六。壬辰,太陰犯軒轅御女。乙未,塡是犯太微上將。順德路水,免其田租 貧乏之家、計口賑恤, 尤甚者優給之。 小吏犯贓者, 並罷不敍。」征緬萬戶曳剌福山等進馴 **蠻**,相效不輸稅賦,賊殺官吏,故皆征之。 庚辰,詔:「遣官分道賑恤。 凡獄囚禁繫累年,疑 遣薛超兀而等將兵征金齒諸國。時征緬師還,爲金齒所遮,士多戰死。 不能決者,令廉訪司具其疑狀,申呈省、臺詳讞,仍爲定例。各路被災重者,覓其差稅一 又接連八百媳婦諸

貢。戊寅、雲南武定路土官

羣則獻方物。癸未、太陰犯東井。 壬午、

「巴車駕還大都。丙戌、 攤、酒醋課。乙(酉)[丑],〔三自八月庚辰彗出井,歷紫微垣至天市垣,凡四十六日而滅 被差事畢不卽還者,准民官例,違限六月選人代之。被代者期年始敍。」改鄂州路爲武昌 籍畏吾而戶,俾耕以自贍,仍給糧三月。丁亥,詔:「軍官旣受命而不時赴者、病故不行者、 罰者,已有定例,獲功當賞者,乞或加散官,或授金、銀符。」皆從之。撥南陽府屯田地給新 與軍務,遇有盜竊,惟行交移,比迴,已不及事。今乞以其長二人領軍務。又鎮守官慢功當 以歲饑禁釀酒,弛山澤之禁,聽民捕獵。 遺使就調雲南、四川、福建、廣東、廣西官。諭百司凡事關中書省者,毋得輒奏。 冬十月丙(辰)[寅]朔,自己以畿內歲饑,增明年海運糧爲百二十萬石。已已,緬王遣使入 九月癸丑,放稱海守倉庫軍還,令以次更代。丙辰,江陵、常德、澧州皆旱,並発其門 湖廣行省臣言:「海南海北道宣慰司都元帥府,不

本紀

戍宗

戶 要 也 之家 不 主 等將 佃 戶 貸糧 之。 辛卯 者,聽於來歲秋成還之。 5万三百夜 有流 足大如 杯,光 癸巳,分碉門、黎、 燭 地,自 北 起 近東分爲二星,沒於 雅軍戍蠻夷,命陝西 危宿 屯 田 萬

先忽都 平灤 以下 十六所 無 爲 融 釀 金 册 具 州 十 令私 者 魯 懷 丹 其 月己 遠 將 提 勿 老幼 代, 兵萬 問 縣 舉 亥, 簿、尉。 司 單弱 犯 人,八 爲管勾。 罷 歲星犯 者 湖 斷 不能 南 立長 刺及阿塔赤 罪 轉 東井。 有 陞昭 自存者, 運司 信寺, 差。 弘州 州爲平樂府。 韶 戊 秩三品 廩給 將 諭 申 種 兵五 中書,近 田 太 五. 提 月。 千人, 陰 舉 犯 省 司 因 昴。 選六(御)[衞]扈 征宋隆 「禁酒」 以以 泌[陽] 其 徭 聞 事 人 濟。 縣入唐州。公公丁未, 藍 文 年 、有司。 賴 老需酒之人有 减 率丹陽 從漢 直 糶 降容、 軍 米,賑 三十 習武 象、 六洞 京師貧民、設 預 事,江北仍 市 横 遣 來降,以 而 賓 劉 儲 國 路 之者,其 傑 禁 爲 建三 賴 萬 及 州 也 戶

犯 南 斗。 月甲 征 杖之。 東 行 戌, 省平 歲 星犯司 章 闊 里吉思 怪。 給安西王所部軍 以 不 能 和 輯 高 麗 士食,令各還其家,候春調遣。 定强 竊 盜 條格,凡 盜 人孳 畜 辛 ·卯,太 取 陰

償

九

然後

蘭 隨 陽、 州 是歲, 安陵 中牟 -、延津,河南 、自己剃 汴 梁、 歸德、南陽、鄧州 門、 泰州、光州、 澠池 「蘄州之蘄 揚州、 、唐州、陳州、和州、襄陽、汝寧、高 春、 滁 廣濟 孙 高 蘄 郵 水旱。 、安豐霖 大名、宣德、 汴 梁 之封 郵 奉聖、 丘、(武陽)[陽 揚 州、常州 歸德、 蝗。 寧海、 武」、口む 峽 州 濟

寧、般陽、登州、萊州、益都、濰州、博興、東平、濟南、濱州、保定、河間、眞定、大寧水。

斷大辟六十一人。

雜幣百匹。 政院同鞫。 不能詰治,宜悉追收爲便。」命卽行之,毋越三日。 以致貧者流離轉徙,卿等嘗聞之否。」臺臣言曰:「富民多乞護持璽書,依倚以欺貧民,官府 石祖進告朱清、張瑄不法十事,命御史臺詰問之。 經赦宥者,仍從覈問。 職,徙其諸子官江南者于京。丁未,命江浙平章阿里專領其省財賦。庚戌,詔官吏犯罪已 民釀酒。 薨,命封其王印及內史府印。丙午,京畿二十一站闕食,賜鈔萬二千七百餘錠。 劾其私置兵仗、擅殺土寇等事,遣官鞫問,實無私罪,乞加獎諭。」命賜衣二襲。 晉王甘麻 沒入其男女。乙巳,中書省臣言:「廣東宣慰副使脫歡察而收捕盜賊,屢有勞績。 六年春正月癸卯, 韶千戶、百戶等自軍逃歸, 先事而逃者罪死, 敗而後逃者, 杖而罷之, 以雲南站戶貧乏,增馬及鈔以優恤之。中書省臣以朱淸、張瑄屢致人言,乞罷其 宣政院官徇情不公者,聽御史臺治之。 乙卯,築渾河堤長八十里,仍禁豪家毋侵舊河, 海道漕運船,令探馬赤軍與江南水手相參教習,以防海寇。 韶自今僧官、僧人犯罪,御史臺與內外宣 增諸王塔赤鐵木而歲賜銀二百五十兩、 帝語臺臣曰:「朕聞江南富戶侵占民田 令屯田軍及民耕種。 陝西旱,禁 近廉 增劉國傑 江南僧 然訪司 刺

本

紀第

= +

成

宗

出 從 小 臣 等 [己]未,公司以諸 之。 征 軍 ー, 其 皆體 仍 以 御 餘遇祖 令 大都、 史臺 覆。 屯 戍 平 父 廉 〈險隘, 由 王 母、 灤等路 是 訪 一真童 憲司 司 父母 ,體察、體覆 俟秋進師。 誣 去年 之事, 告濟南 喪, 被水, 依民官例, 積不 王, 命札忽而帶、 前 其軍 能 謫 後 行。 置 不 應 立 劉 同。 赴 請 限 國傑 自 上 奔 阿里等整治江南影占稅民地 1今除 都 初立 赴。 軍 駐 中 臺 夏 水旱災 自效。 禁畜養鷹、犬、馬、駝等人擾民。 一時,止 者, 発其 傷體覆, 壬 從 體 戌,鎭星犯太微 調 察。 遣 餘 後 年。 依 立. 舊 按 例 詔 土 (察司 垣 體 者。 軍 官除 Ŀ 察 將 爲 事 中 書 邊 宜 無 $\widehat{\mathbb{Z}}$ 遠 大

百 丞 章 劉 劉 餘 人備馬二匹, 錠 深 或 月 等官 傑 賑 演集午, 之。 將 湖廣 收 癸巳,帝 其符 軍,征 太陰 官給其直。 印 犯 、驛券。 有疾,釋 亦 昴 乞不 謪 丙戌, ·薛,一 京 以 諸 京 師 王 | 字羅 切 遣 師 重 囚 陜 民 軍 西省平 乏食, 務 於 三十八人。 並 四 ĴΙΙ 聽 命省、 章也速帶 八 也速帶而 刺 軍 臺委官 中自 而、參 劉 效。 計 國 政汪惟 口 癸酉, 傑節 驗 實,以 制。 勤 增 將 鈔十一 諸 罷 ĴΪ 征 王 陜 出 八百媳 軍 萬七千 伯 湖 軍 婦 廣 右 平

程 犯 地, 鈎鈴。 並 盆 經 月 脤 T 合祭昊天上帝、皇地祇 恤 酉, 者発一年。 壬寅, 以旱、溢 太陰 爲災, 今年 犯 興鬼。 詔赦 內 于 郡 南郊 泛天下。 包 命 銀、 僧 設 遣 大都、 俸 水 中 鈔, 書 陸 左 平灤被災尤甚,免其差稅三年,其餘 大會七 江淮 丞 相 已 晝夜。 答刺罕哈刺 南 夏稅,諸路 癸卯 哈孫攝事 滅歲 鄕 星 村 犯 井。 戶 散 甲寅 辨 門 災 太陰 傷 攤 課 Z

年,逃散 寅,太白犯輿鬼。 大水民饑,減 家 州、嘉興、杭州、廣德、饒州、太平 甲子,建文宣王廟 南路大水。 王令旨、 大同路、寧海州 來歸,賜金銀符、衣服。 秋 甲申,賜諸 六月癸亥朔, 五月乙巳,給貧乏漢軍地,及五丁者一頃,四丁者二頃,三丁者三頃。 七月癸巳朔,熒惑、鎭星、辰星聚井。 者招 諸王藥(忽木)[木忽] 揚州、淮安路蝗。 諭 價糶糧萬石賑之。 亦饑 復業。 王合答孫、脫歡、脫列鐵木而、 眞定、大名、河間等路蝗 於京師。 日有食之。 了 以 糧 戊申,太廟寢殿災。 戊午,太陰犯熒惑。 辛未,享于太廟。 萬六千石 一而発者, 歸德、徐州、邳州 太史院失於推策,詔 戊子,修盧溝上流 、婺州、慶元、 不遣。 賑 之。 癸丑,謫和林潰軍征雲南,其戰傷 丁巳,福 庚子,太陰犯心。 廣平路 紹興、 伯牙倫 乙亥,太陰犯斗。 辛酉、賜諸王八八刺、脫脫灰、 水。 石徑山 中書議罪以聞。 寧國 大水 州路饑,賑 完者所 [等路饑,賑糧二十五萬一千餘石。 河隄。 部 己酉,亦乞不薛土官三人棄 安南國 以糧 鈔四萬五千八百餘錠。 釋重囚。 塡星犯太微西垣上將。 二萬 以馴 其孤寡者存恤六 四千七百石。 車駕幸上都。 而 象二及 也只里、也滅 歸及嘗奉晉 朱砂來 湖 濟 庚

本

紀

第

__

+

成

宗三

四四四

民。

釋輕

重囚

三十八人,人給鈔五錠。

乙亥,濬永淸縣南

河。

戊寅、太陰犯心。

庚辰,上都

夏

四四

月乙丑朔,

太白犯東井。

丁卯,

詔曲赦雲南諸部蠻夷。

發通州倉粟三百石賑貧

干等鈔四萬三千九百餘錠。以江浙行省參知政事忽都不丁爲中書右丞。建康民饑, 以米

二萬石賑之。大都諸縣及鎭江、安豐、濠州蝗。 順德水。

已,熒惑犯輿鬼。辛已,太陰犯昴。 壬午,太白犯軒轅。 八月甲子,詔御史臺凡有司婚姻、土田文案,遇赦依例檢覆。 乙丑,熒惑犯歲星。

言:「羅里等擾民,宜依例決遣置屯田所。」從之。賜諸王八撒而等鈔八萬六千三百餘錠。 掌之。 甲午,至三賜諸王<u>兀魯思不</u>花所部鈔六萬錠。 丙午,熒惑犯軒轅。 巳、太白犯右執法。賜諸王捏苦迭而等鈔五千八百四十錠。 己酉,龍興民譌言括童男女,至有殺其子者,命誅其爲首者三人。癸丑,太陰犯與鬼。 九月乙未,遣阿牙赤、撒罕禿會計稱海屯田歲入之數,仍自今令宣慰司官與阿剌台共 丁未,中書省臣

省、臺官同鞫之。丙子,車駕還大都。壬午,熒惑犯太微西垣上將。 南人林都鄰告浙西廉訪使張珪收藏禁書及推算帝五行,江浙運使合只亦言珪沮撓鹽法,命 |續屯田。罷軍儲所,立屯儲軍民總管萬戶府,設官六員,仍以軍儲所宣慰使法忽魯丁掌之。 泰安、高唐州霖雨,米價騰湧,民多流移,發粟賑之,併給鈔三萬錠。 冬十月甲子,改浙東宣慰司爲宣慰司都元帥府,徙治慶元,鎭遏海道。 濟南濱、(隸)[棣]、[三] 置大同路黃花

十一月辛卯,填星犯左執法。甲午,劉國傑裨將宋光率兵大敗蛇節,賜衣二襲,仍授以

並輸租充役。戊午,籍河西寧夏善射軍隸親王阿木哥,甘州軍隸諸王出伯。己未,詔諸驛 西王阿難答、諸王忽剌出、脫脫、「八」不沙、「三」也只里、駙馬蠻子台、弘吉列帶、燕里干許 使輒枉道者罪之。 釀。辛亥,以同知樞密院事合答知樞密院事。詔江南寺觀凡續置民田及民以施入爲名者, 乙未,辰星犯房。癸卯,太陰犯昴。己酉,太陰犯軒轅。庚戌,禁和林軍釀酒,惟安

新,後難爲力。乞令中書省與老臣識達治體者共圖之。」復請禁諸路釀酒,滅免差稅,賑濟 災,民間乏食。陛下敬天愛民之心,無所不盡,理宜轉災爲福,而今春霜殺麥,秋雨傷稼。五 也先忽都魯來獻蛇節、羅鬼等捷。 澤、芍陂屯田,其脅從者招諭復業。乙丑,歲星犯輿鬼。乙亥,太陰犯輿鬼。丙子,劉國傑、 千餘人侵掠郴州,湖南宣慰司發兵討之,獲舜一及其餘黨,命誅其首謀者三人,餘者配洪 饑民。帝皆嘉納,命中書卽議行之。雲南地震。戊辰,又震。甲子,衡州袁舜一等誘集二 月太廟災,尤古今重事。臣等思之,得非荷陛下重任者不能奉行聖意,以致如此。若不更 **癸未,太陰犯房。保定等路饑,以鈔萬錠賑之。** 十二月庚申朔,熒惑犯塡星。辛酉,御史臺臣言:「自大德元年以來數有星變及風水之 庚辰,熒惑犯太微東垣上相。 命中書省更定略賣良人罪

是歲,斷大辟三人。

本紀第二十 点宗三

校勘記

- [1] 江浙河南[江]北兩省 據本書卷五九地理志補。
- (三) 乙巳熒惑犯五諸侯 按是月癸丑朔,無乙巳日。 本書卷四八天文志有「三月乙巳,熒惑犯五諸

侯」。疑此處錯簡,當繫三月。

- 庚子 按是月辛巳朔,庚子爲二十日。 此重出、當係衍文。
- 諸王木忽難 按上文大德三年十二月己酉條有「賜諸王岳忽難銀印」, 疑卽指此「木忽難」。 蒙
- 古語音「岳」「朮」互通。此處「木」字疑爲「朮」之誤。
- 万五 併會理泗川四州爲二 此建置、疑爲「四州」二字之衔誤。 按本書卷六一地理志,會理州隸雲南行省會川路;「泗川」,川、
- へない 參政張頤孫及其弟珪等伏誅于(隆)[龍]興市 據元與章卷四一 「胡參政殺弟」條改。 按本書卷
- 六二地理志,隆興至元二十一年改爲龍興。
- 罷檀景兩州(探)〔採〕金鐵冶提舉司 據本書卷八五百官志改。 類編已校。
- 辛酉 按是月壬寅朔,辛酉爲二十日,應在丙寅二十五日前。
- **八**元 ビ 藥(忽木)[木忽]而 按諸王藥木忽而一名本書多見、此處倒誤、今改正。下同。

- 醜斯 元典章卷三「明政刑」作「段丑厮」、此處「斯」當作「厮」。
- 己(酉)(丑) 按是月己巳朔,無己酉日。此「己酉」在丙戌十八日、壬辰二十四日間,爲己丑二十一日

之誤,今改。道光本已校。

- 乙(酉)(丑) 據本書卷四八天文志改。按是月丁酉朔,無乙酉日。
- 冬十月丙(辰)[寅]朔 按大德五年九月丁酉朔,小盡,終于乙丑;十月丙寅朔,此作「丙辰」誤,

今改。類編已校。

- 壬午 按是月丙寅朔,壬午爲十七日,當在癸未十八日前。 考異已校。
- 二吾 辛卯 按是月丙寅朔、辛卯爲二十六日、當在癸巳二十八日前。
- 省泌[陽]縣入唐州 據本書卷五九地理志補。本證已校。
- 選六(御)[衞]扈從漢軍習武事 按「六衞」一名本書屢見、「衞」「御」形近致誤、今改。
- 安陵 按元無「安陵」建置,此處上下文峽州、隨州、荆門皆屬河南省山南江北道,該道有安陸

府、江陵路,疑「安陵」爲「安陸」或「安陸、江陵」之誤。

- 二
 む (武陽)[陽武] 陽武,汴梁路屬縣。此處倒設,據本書卷五九地理志改正。
- (三)(元)(元)未 按是月丙申朔,無乙未日。此「乙未」在乙卯二十日、壬戌二十七日間,爲己未二十四日

之誤,今改。續通鑑已校。

本紀第二十

甲午 按是月辛卯朔,甲午爲初四日,應在乙未初五日前。

濟南濱(隸)〔棣〕 據本書卷五八地理志改。 道光本已校。

至言 〔八〕不沙 按上文元貞二年三月甲戌條有「造諸王亦只里、八不沙、亦憐眞、也里慳、甕吉刺帶

並駐夏于晉王怯魯刺之地」,與此處所載諸王名合,據補。八不沙,哈撒兒後,大德十一年封齊

法

元史卷二十一

本紀第二十一

成宗四

等郡 業者十人教軍前屯田。 **|朱清、張瑄妻子來京師,仍封籍其家貲,拘收其軍器、海舶等。** 百有七,從者減二等,再犯,從者杖與首同,爲首者流。 語重者誅之,輕者流配,首告人賞鈔有差,皆籍沒其妻子充賞。命御史臺、宗正府委官遣發 河泊之禁一年。賑那海貧乏戶米八千石。壬子,罷歸德府括田。乙卯,詔凡爲匿名書,辭 酸酒。 七年春正月戊戌,太陰犯昴。甲辰,太陰犯軒轅。丙午,定諸改補鈔罪例,爲首者杖一 益都諸處牧馬之地爲民所墾者,畝輸租一斗太重,減爲四升。 弛饑荒所在山澤 賜也梯忽而的合金五十兩、銀千兩、鈔千錠、幣帛百匹。 己酉,以歲不登,禁河北、甘肅、陜西 丁巳,令樞密院選軍士習農

二月壬戌,詔中書省汰諸有司冗員,仍令諭樞密院,除出征將帥外,掌署院事者,定其

本紀

第二十一

成宗四

北。 册 詭名買鹽萬五千引,增價轉市於人,乞遣省、臺官按問。」從之。 課 肯構等言太傅、右丞相完澤受

朱清、張瑄賄賂事、不報。 直糶糧以賑之。 史朶台爲中書參知政事。 仍令河南省賑恤流民,給北師鈔三十八萬錠。 六年更成,仍給鈔以周其乏。命西京也速迭而軍及大都所起軍,皆以四月至上都 財賦總管府及提舉司 右丞各一員,參知政事二員,定為八府。戊寅,太陰犯心。 經特旨用之,而於例未允者,亦聽覆奏。」甲戌,減杭州稅課提舉司冗員。 員數以聞。 以金銀絲線等物下番。 政 增羨希求爵賞者,此非掊刻於民,何從而 一申,詔:「樞密院、宗正府等,自今每事與中書共議,然後奏聞,諸司不得擅奏遷調 丁丑,命諸王出伯非急務者勿遣乘驛。 事,江南 辛未, 行臺御史中丞尚文爲中書左 庚辰,命陝西、甘肅行省賑鳳翔、秦、鞏、甘州、合迷里貧乏戶。 以平章 禁內 政事、行上都留守木八刺沙、陝西行省平章阿老瓦丁並爲中書平 罷江南都水庸田司、行通政院。 御史臺臣言:「江浙行省平章阿里、左丞高翥、安祐、僉省張祐等, ?外中書省戶部轉運司官? 一丞,江浙行省參知政事董士珍爲中書參知政事 出? 詔 以安南陳益稷久居鄂州,賜鈔千錠。 中書省設官自左右丞相以下,平章二員,左 自今除元額外,勿以增羨作正 不 壬午,帝語中書省臣曰:「比 得私買鹽引。 己卯,盡除內郡饑荒所在差稅, 併大都鹽運司入河間運司, 太原、大同、平灤路饑,並減 罷致用院。 丙子, 韶和林軍以 監察御史杜 ;官員雖 一罷江南 五月赴 禁諸 有 以侍御 其所 以歲

近 駙 掌 樞 京京 地 院 縱 師酒稅課,令戶部領之。 妃 獵 御史臺、宣政院依舊奏選,諸司毋得擅奏,其舉用 主部屬 擾民。 濫請錢糧者。 丙戌,詔除 征邊軍士及 禁諸人非奉旨毋得以寶貨進獻。 **真定路饑,**賑 兩都站戶外,其餘人戶均當徭役。 鈔五萬錠。 仍 人員,並經中書省 諭 諸 王 汰諸 小薛及鷹 色人冒 丁亥, 師等, 充宿衛及諸王、 毋於真定 詔自今除

賜 珠 遼東,並給二品銀印, 江 往 中 廉 史言其曩居宥密,以貪賄罷黜, 而 可 以黄 重 火者 札 訪 東,趙仁榮、岳叔謨往江南、湖廣, 江 司 **駱之,脫脫以聞。** 南、江北,日石珪往燕南、山東,耶律希逸、劉廣往 不章伯顏 魯忽赤。 子 金五五 月己丑 、張斯立等,受朱淸、張瑄賄賂,治罪有差,詔皆罷之。 |甘州。 十兩。 、梁德珪、段(真)[貞]、[三阿里渾撒里,右丞八都馬辛,左丞月古不花,參政迷 朔,保定路饑,賑鈔四萬錠。 河間路禾稼不登,命罷修建僧寺工役。 壬辰,定大都南北兵馬司姦盗等罪,六十七以下付本路,七十七以上付也 都城火,命中書省與樞密院議增巡防兵。 仍降詔戒飭之。 帝諭之曰:「朕以江南任卿,果能 乞別選賢能代之,不報。甲辰,詔定贓罪爲十二章。 木八刺、陳英往江西、福建,塔赤海牙、劉敏 江浙行省平章脫脫遺發朱清、張瑄家屬, 庚寅, 韶遣奉使宣撫循行諸道:以郝天挺、塔出 乙未,真定路饑,賑鈔六百六十餘錠。 河東、陝西、鐵里脫歡、戎益往 爾, 眞男子事也。 甘肅行省供軍錢糧多弊,詔 以洪君祥爲中書右丞,監察御 其益恪勤乃事。」 其家 中往 以金、 Щ 兩浙、 京朝 扎 徙

本

紀

問也,若言者不已,後當杖之。」甲寅,車駕幸上都。 癸丑,樞密院臣及監察御史言:「中丞董士選貸朱清、張瑄鈔, 調 收元降除免 刺帶 官月俸外,增給祿米,外任官無公田者,亦量給之。 民兵及 鄭祐,罷 取勘 和 雲南 軍民站戶家屬孳畜之數。 雇 和市 征 緬分省。 璽 書。 以脱歡 戊申,小蘭 誣告諸王脫脫,謫置湖廣省軍前 庚戌,以鐵哥察而 禧、三岳鉉等進大一 丙辰,賜諸王小薛所部等鈔六萬錠。 乙旦,以征八百媳婦 所收愛牙合赤戶 非義。」帝曰:「臺臣 一統志, 自效。 賜賚 喪師,誅劉深,答合 (有差。 仍隸諸王 罷甘肅行省差 稱貸不必 己酉。追 一脫脫 赈

瑄子 放還。 妻妾 **筠爲昭文舘大學士,皆同** 李陵臺等五站戶鈔一千四百餘錠。 五千守之,餘衆悉遣還各戍。 司當呈省者,命止關六部。 其餘諸司不得輒 孫于遠方, 殺夫者,皆指名釋之。 夏四 甲申,熒惑犯太微垣右執法。 .月癸亥,太陰犯東井。 仍給 行費。 召。 議 徵藩臣陳天祥、張孔孫、郭筠至京師,以天祥、 乙亥,歲星犯輿鬼。 生者苟免,死者負冤,於福 中書省 撥碉! 中書左丞相答刺罕言:「僧人修佛事畢,必釋 詔省、臺、樞密院、通政院,凡 事。 門 遼陽等路饑,賑鈔萬錠 丁亥, 匹 JII 丙寅、太陰犯軒轅。 軍 人一 歲星犯輿鬼。 太陰犯南斗。 千人鎮羅 何有。」帝嘉納之。 誅蛇 羅 庚午,以中書文移太繁,其二品 呼召大都總管府官 斯, 庚辰,蛇節 節 其 土軍 **衛輝路、辰州螟。** 孔孫爲集賢大學士, 修治道 降,令海 重囚。 辛未,流朱凊、張 路者) 吏,必用印 刺孫 有殺人及 將 悉令 兵

路隕霜殺麥。

其價。 河。 潛逃京師。」中書省臣言:「宜捕送其所,令省、臺、宣政院遣官雜治。」從之。甲寅,濬上都灤 使宣撫耶律希逸、劉廣言:「平陽僧察力威犯法非一,有司憚其豪强, 萬四千人還各戍。癸卯,詔和林軍糧,除歲支十二萬石,其餘非奉旨不得擅支。丁未,床兀 答,諸王脫脫、八不沙,駙馬蠻子台等各金五十兩、銀珠錦幣等物有差。 年戰功,賞北師銀二十萬兩、鈔二十萬錠、幣帛各五萬九千匹。賜皇姪海山及安西王阿難 出 依 兒來朝,以戰功賜金五十兩、銀四百兩,仍給其萬戶所隸貧乏軍鈔六十九萬餘錠。辛亥,奉 東、山西、河南嘗告饑者,仍悉禁之。詔雲南行省整飭錢糧。 遙 例還役。 一授中書省左丞,爲宣慰使都元帥。賜諸王納忽里鈔千錠、幣三十匹。 去。 乙卯, 五 益都蟲食麥。 |月己丑,給和林軍鈔三十八萬錠。 禁諸王八不沙部於般陽等處圍獵擾民。 禁諸王、駙馬,毋輒杖州縣官吏,違者罪王府官。 以昌童王五戶絲分給諸王塔失鐵木而。 韶中外官吏無職田者,驗俸給米有差,其上都、甘肅、和林諸處非產米地,惟給 太原、龍興、南康、袁、瑞、撫等路,高唐、南豐等州饑,滅直糶糧五萬五 開上都、 韶諸宿衞士,除官員子弟會經奏准者留,餘 令甘州站戶爲僧人、禿魯花等隱藏者, 大都酒禁,其所隸兩都州縣及山後、河 立和林宣慰司都元帥府,以忽刺 壬辰,辰星犯東井。 不敢詰問,聞臣等至, 丙申, 濟寧、東昌、濟南 遺征緬 以大德五 回

本紀

第二十

成宗四

千石。東平、盆都、濟南等路蝗。般陽路隕霜。

帶而入朝,以所獲軍中金五百兩爲獻。 朱清、張瑄貨財赴京師,其海外未還商舶,至則依 宣撫言, 禁諸王、駙馬等征北諸軍以奴爲代者罪之。辛巳, 犯心。己已,以諸王孛羅、眞童皆討賊有功,徵詣京師。完澤薨。 皮, 詔禁犯曲阜林廟者。丁卯, 平江等十五路民饑, 滅直糶糧三十五萬四千石。 戊辰, 太陰 依內郡禁酒。 十六萬三千餘錠、鹽引五千餘道,命省、臺官徵之。 閨 五月戊午朔,日有食之。 去歲被災人戶未經賑濟者,宜免其差役,從之。 丙戌、罷營田提舉司。 以也奴鐵木而、闊闊出、晃兀沒於軍,賜其家 汴梁開封縣蟲食 帝曰:「是金卿效死所獲者。」賜鈔千錠。 例籍沒。 詔僧人與民均當差役。 詔上都路、應昌府、亦乞列思、和林等處 甘肅行省平章合散等侵盜官錢 命江浙行省右丞董士選發所籍 庚辰,雲南行省平章也速 癸未, 鈔有差。 丁丑: 各道奉使 壬

挫來降。 邊外,非宜。乞以蒙古軍萬人分鎭險隘,立屯田以供軍 四川行中書省, 圖 路 六月己丑, 御史臺臣言:「瓜、沙二州, 自昔爲邊鎭重地, 減價糶 乙未,以亦乞不薜就平,留探馬赤軍二千人討阿永叛蠻,餘悉放還。 糧 以雲南行省平章脫脫、湖廣行省議事平章程鵬飛並爲平章 萬 石 以 賑之。 給欽察千戶等貧乏者鈔三萬七千 實,爲便。」從之。 今大軍 八百餘 屯駐甘州, 錠。 罷 政 四 事。 庚子,西京道 癸巳,叛贼 川宣慰司,立 使官民反居 壬辰, 武

本紀第二十一 戊宗四

行省修阿合潭、曲尤壕以通漕運。大寧路蝗。 罷行省愈省。 浙西淫雨,民饑者十四萬, 賑糧一月, 仍免今年夏稅幷各戶酒醋課。 命甘肅 者,與民官子孫同,儤直一年方許襲職,萬戶於樞密院,千戶於行省,百戶於本萬戶。 宣慰使法忽魯丁以瑟瑟二千五百餘斤鬻于官,爲鈔一萬一千九百餘錠。 外,餘未用者,宜悉還之。命阿伯、阿忽台等整飭河西軍事。癸卯,詔凡軍官子弟年及二十 有旨除御榻所用 乙巳,

壽以迭里迷失妄奏其被誣,復除福寧知州,並宜改正不敍,以戢姦貪。」從之。禁僧人以修建 寺宇爲名,齎諸王令旨乘傳擾民。汰宿衞士。丙寅,答刺罕哈剌哈孫爲中書右丞相、知樞 赤忽賽因、轉運使朮甲德壽皆坐賦罷。今忽賽因以獻鷹犬,復除大寧路達魯花赤,朮甲德 及百石者,所出亦如之,故官以鹽引助其不給。每馬一匹,貴州以北給鹽十七引,以南二十 朝政,其餘三品以下,年七十者,各陞散官一等致仕。立和林兵馬司。 密院事。 五百錠,其稅課依例輸官。御史臺臣言:「湖南輸糧百石者,出驛馬一匹,廣海地狹,所輸不 丑,中[書]省臣言:[尽]「大同稅課,比奉旨賜乳母楊氏,其家掊斂過數,擾民爲甚。」敕賜鈔 近立權鹽提舉司,官價增五之三,元給二十引者,宜與鈔十七錠,十七引者十五錠。」從 秋七月辛酉,常德路饑,滅直糶糧萬石以賑之。壬戌,御史臺臣言:「前河間路達魯花 戊寅、国歲星犯軒轅。丙子,給四川行省驛券十二道。詔除集賢、翰林老臣預議 罷遼東宣慰司。丁

之。 井。 諸王 安西 一所設 罷 乙 Ŧ 愼 酉 江 南 總管府。 飭 ,熒惑犯 白 軍 雲宗攝所,其田令依例輸租。 士, 房。 叛賊麻 安置驛傳, 賜諸王 你降,貢 以 曲 俟其來。 而魯等部鈔 金五 百 兩 戊寅,賜諸王 都哇、察八而、滅里鐵木而 幣有差。 、童男女二百 奴倫 人及馬牛羊,却之。 、伯顏、也 不干等鈔九萬錠。 等遣使請息兵,帝 己卯,太陰犯 命 能

萬六 花 戌, 官錢十 中 夜 - 書省 將 百 地 緬 餘錠。 甕吉 千 震 八 王遣 三萬 月己 五 ,平陽、太原尤甚,村堡移徙,地裂成渠,人民壓死 臣言:「 里 百餘錠,仍免太原、平陽 使 餘錠。 軍 H 獻 ·赴雲南,道卒,以其子 一,罷護國仁王寺元設江南營田提 法忽魯丁輸運 馴 黎四。 臣等議"遣官徵之,不足,則籍沒其財產。」從之。 辛亥,熒惑犯天江。 和林軍糧 今年差稅 普 而 其 耶代之。 马山 負欠計二十五萬餘石。 賜 場 舉 諸王 司。 河 甲午,熒惑犯東咸。 泊 一脫鐵木 給安西王所部貧民米二萬石。 聽 不 民採捕 可 而之子也先博怯所部等鈔六千 勝 計 癸已,太白犯氐。 近監察御史亦言 遣使分道 乙巳,歲星 太陰犯牽牛。 賑 犯 濟 軒 其侵匿 月 爲 轅 庚子, 辛 里 鈔九 卯, 庚

(新)[祁] 擾 民, 九 月戊 專權,行徵詣闕問罪。 仍 减 午,車駕還大都。 太原 歲 餇 馬之半。 丙寅,太白晝見。 辛未,熒惑犯南斗。 遣 刑 部尚書塔察而 以太原、平陽地震,禁諸王阿只吉、小薛所 、翰林 詔諭 諸司賑恤 直 學 土王王 平陽、太原。 約使高 麗, 以其 甲戌,太陰 國 相 吳

犯 東 井。 乙亥, 太白犯南斗。 丙子, 罷僧官有妻者。 壬午,辰星犯氐。 復木八刺沙平章 政

江浙 功。 遷之。 西行 任, 部 心 獄 者來京 臺 年穀 詔 吏 御 冬十月丁亥, 臣 諸 以 史 屢 臺。 員,以掌囚徒。 只 不 司 師,留蛇節養子阿闕于本境,以 凡錢糧 以爲言, 登 而 一 減 海 癸巳,御史臺臣及諸道奉使言::「行省官久任, 合忽知樞密院事。 不經 太白經天。 運糧 非所 中書省議者,勿奏。 以勸 安西 四十萬石。 轉運司 大臣 御史臺臣劾言江浙行省平章阿里 給大都文宣王廟酒掃 也。 於常課外增算五萬七千四百錠, 己丑,韶從軍醫工止復其 後有言者,朕當 撫其民。 庚子,改善定府爲路,隸 改平灤爲永平路。 戶五。 示 恕。」 與所 戊子,弛 乙未, 妻子,戶 不法, 隸 曲 編氓聯姻, 發 陛甘州 人賜衣 靖宣 如故。 太原、平陽 帝 雲南叛寇 曰:「阿里股所 慰 爲 司,以 辛卯,復立 害政。」 襲, Ŀ 酒禁。 路。 餘 故 以 黨未 設 詔 知 勸 府 其 刑 革 陝 以 耳

元 隸 湖廣省。 + 月甲寅朔、賜諸王阿只吉所部鈔二十萬錠、糧萬石。 併海 道 運糧 一萬戶府爲海道都漕運萬戶府,給印二。 命鷹 亦乞不 師圍獵 薛賊黨魏傑等降, 毋得擾民。

容苴

妻適姑

爲總管,佩

虎符。

以敍州宣慰司

爲敍南等處諸部蠻夷宣

撫

司

辛

H:

一、太陰

犯

東

ŏ

辛亥,

詔

軍

戶貧乏者,

存

井。

庚

茂,翰林國史院進太祖、太宗、定宗、睿宗、憲宗五朝實錄。

恤六年。

增蒙古國子生百員。

本

紀

第

+

成

宗

四

辰,太陰犯井。辛未,陞全寧府爲路。 和林。己未,太白經天。辛酉,木冰。 人賜衣一襲,遣還,俾招其首亂者。丁巳,詔大同、(静)[淨]州、云隆興等路運糧五萬石入 甲子,命依十二章斷僧官罪。丙寅,鎭星犯進賢。戊 己卯、太陰犯東咸。 遣諸王滅怯秃、玉龍鐵木而使察

淘 太陰犯天江。以轉輸軍餉勞,强思、播二州及潭、衡、辰、沅等路稅糧一年,常、澧三分之一, 皇姑魯國大長公主鈔一萬五千錠、幣帛各三百匹。加封眞武爲元聖仁威玄天上帝。丁未, 物有差,其軍士各賜鈔十錠,放歸存恤一年。丙申,太陰犯東井。辛丑,太陰犯明堂。 許貧民釀酒。丙戌,太白經天。熒惑犯壘壁陣。戊子,以平宋隆濟功,增諸將秩,賜銀、鈔等 諭 金、站戶無種佃者,免雜役一年。七道奉使宣撫所罷贓污官吏凡一萬八千四百七十三 順元諸司。免大德七年民間逋稅。 `贓四萬五千八百六十五錠,審寃獄五千一百七十六事。 十二月甲申朔、詔內郡比歲不登,其民已免差者,併蠲免其田租。乙酉,弛京師酒課, 命江南、浙西官田奉特旨賜賚者,許中書省迴奏。

八年春正月己未,以災異故,詔天下恤民隱,省刑罰。 雜犯之罪,當杖者減輕,當笞者 是歲,斷大辟十人。

諸路有馬者,十取其一,諸王、駙馬往遼東捕海東鶻者,毋給驛。」自榮澤至睢州,築河防十 榮爲中書參知政事。 知宣撫事宋阿重生獲其叔隆濟來獻,特陞其官,賜衣一襲。 彰德、眞定、河南、安西等路被災人戶,殆二年。 城父、姚、舞陽十縣。 掌其事。 太重,以十分爲率減二分,永爲定例。 有八所,給其夫鈔人十貫。 私鹽徒役者減一年。平陽、太原発差稅三年。 癸亥,禁錮朱淸、張瑄 陞教坊司三品。 丙寅,以御史中丞、太僕卿塔思不花爲中書右丞,江南行臺中丞趙仁 駙馬也列干住所部民饑,以糧二千石賑之。 族屬。 庚午,以輦真監藏爲帝師。 乙丑,復置遂平、新蔡、眞陽、太和、沈丘、潁上、柘城 仍弛山場河泊之禁,聽民採捕。 、大都、保定、河間路発一年。 隆興、延安及上都、大同、懷孟 置掌薪司,以供尙食,令宣徽院 辛巳, 韶:「諸王、妃主及 庚申,以雲南順元 是月,平陽地震不 江南佃 、衛輝 戶私租 同

嘉定州 順州。 憲。 繁冗者。 徙江東建康道廉訪司治于寧國,其建康路簿書,命監察御史鈎考。 二月丙戌,增置 辛卯,命諸王出伯所部軍屯田于薛出合出谷。甲午,詔父子兄弟有才者,許並 丙午, 甲辰,翰林學士承旨撒里蠻進金書世祖實錄節文一册、漢字實錄 車 駕幸上都。敕軍人奸盜詐偽悉歸有司。 「國子生二百員,選宿衞大臣子孫充之。 降莊浪路爲州。 賜太祖位怯憐口戶鈔萬八千二 丙申,分軍千人戍 八十册。 併隴 干縣 減宿 居 衛 風

止,已修民屋復

壞。

百錠、布帛萬匹。賜禿赤及塔刺海以所籍朱淸、張瑄田,人六十頃,近侍鷹坊怯憐口鈔二萬 七千三百錠、布帛萬二千匹。賜平章政事王慶端玉帶、半俸終身。

官及屯田者,視其動情,以爲賞罰。 陞分寧縣爲寧州。 罷廬州路椎茶提舉司。 灤城、〔10〕濟 其地有司給饋十五日,自餘重事八日,細事三日。命凡爲衙兵者,皆半隸屯田,仍諭各衞屯 宣政院督其郡邑捕之。給諸王出伯所部馬萬三千五百匹。庚辰,詔內外使以軍務行者,至 歷一考,準爲初階。無資濫進,降官二級,官高者量降。各位下再任者,從所隸用,三任之 言:「自內降旨除官者,果爲近侍宿衞,踐履年深,依已除敍。嘗宿衞未官者,視散官敍,始 罷之。」敕軍民逃奴有獲者卽付其主,主在他所者,赴所在官司給之,仍追逃奴鈔充獲者賞, 王、駙馬所分郡邑、達魯花赤惟用蒙古人、三年依例遷代、共漢人、女直、契丹名爲蒙古者皆 尺,在室十一度入紫微垣,至是滅,凡七十四日。戊辰,中書左丞尚文以疾辭,不允。詔:「諸 還翼,違者論如律。軍人不告所部私歸者,杖而還之。」乙丑,去歲十二月庚戌,彗星見,約盈 上,聽入常調。蒙古人不在此限。」從之。雲南黎州盜圾也速(而帶)「帶而」家屬貲產,「己命 逃及誘匿者,論罪有差。詔諸路牧羊及百至三十者,官取其一,不及數者勿取。中書省臣 三月丁巳,詔:「軍民官已除,以地遠官卑不赴者,奪其官不敍。軍官擅離所部者,悉遣

陽等縣隕霜殺桑。

勿徵。丁未,分敎國子生於上都。賜西平王奧魯赤、合帶等部民鈔萬錠,朶耳思等站戶鈔 今非鷹師而乘傳冒進者,罪之。」庚子,以永平、淸、滄、柳林屯田被水,其逋租及民貸食者皆 者、歸都護府、與民交訟者、聽有司專決。甲午、韶:「朝廷、諸王、駙馬進捕鷹鷁皆有定戶,自 夏四月丙戌,置千戶所,戍定海,以防歲至倭船。永寧路叛寇雄挫來降。 凡諸王、駙馬徵索,有司非奉旨輒給者,罪且罷之。詔諸路畏吾兒、合迷里自相訟 命僧道為商

二千二百錠、銀三百九十兩有奇。二三益都臨朐、德州齊河蝗。

白登大風雨雹傷稼,人有死者。 道士死傷者千餘人,命賑恤之。 之。追收諸王驛券。癸酉,定館陶等十七倉官品級: 諸糧十萬石以上者從七品, 五萬石以 運亦由是而出,宜於租戶役萬五千人濬治,歲免租人十五石,仍設行都水監以董其程。」從 併隸宣慰司。中書省臣言:「吳江、松江實海口故道,潮水久淤,凡湮塞良田百有餘里,况海 上者正八品,不及五萬者從八品。庚辰,以去歲平陽、太原地震,宮觀摧圮者千四百餘區, 理 已,以平宋隆齊功,賜諸王脫脫、亦吉里[帶],自己平章床兀而等銀、鈔、金、幣、玉帶,及大 金齒、曲靖、烏撒烏蒙宣慰等官銀、鈔各有差。壬申,罷福建都轉運鹽使司,以其歲課 五月(癸未)[壬子]朔,日有食之。[三]辛酉,以所籍朱凊、張瑄江南財產隸中政院。己 是月,蔚州之靈仙,太原之陽曲,隆興之天城、懷安,大同之 大名之濬、滑,德州之齊河霖雨。汴梁之祥符、太康,衞輝

本

紀第二十一

成

四

之獲嘉,太原之陽武河溢。日日

蒙、盆州、口思忙部、東川等路饑、疫,並賑恤之。 覺伏誅。 六月癸未,開和林酒禁,立酒課提舉司。丁酉,汝寧妖人李曹驢等妄言得天書惑衆,事 益津蝗、汴梁祥符、開封、陳州霖雨、蠲其田租。 扶風、岐山、寶鷄諸縣旱,烏撒、鳥

也孫鐵木而等鈔二十萬錠,戍北千戶十五萬錠,怯憐口等九萬餘錠,西平王奧魯赤二萬錠。 秋七月辛酉,罷江淮等處財賦總管府。癸亥,諸王合贊自西域遣使來貢珍物。 賜諸王

以順德、恩州去歲霖雨,免其民租四千餘石。

以大名、高唐去歲霖雨,免其田租二萬四千餘石 八月,太原之交城、陽曲、管州、嵐州,大同之懷仁雨雹隕霜殺禾,杭州火,發粟賑之。

月。 書右丞、迷而火者復爲中書參知政事。以江浙行省平章阿里爲中書平章政事。 詔諸王凡泉府規營錢,非奉旨毋輒支貸。給諸王出伯所部帛四百匹。 部尚書張祐爲中書參知政事。癸酉,諸王察八而、朶瓦等遣使來附,以幣帛六百匹給之。 居太原、平陽被災者,給鈔有差。 以冀、盂、輝、雲內諸州去歲霖雨,免其田租二萬二千一百石。 九月癸丑,車駕至自上都。庚申,伯顏、梁德珪並復爲中書平章政事,八都馬辛復爲中 潮州颶風起,海溢,漂民廬舍,溺死者衆,給其被災戶糧兩 四川、雲南鎭戍軍家 庚午,以戶

之, 徽 韶諸王、 那]及千戶石天(輔)[補]等,[l+]以(前)[祁]離間王父子,天(輔)[補]謀歸日 使、大都護長壽爲中書右丞,陝西行省右丞脫歡 歲給 冬十月辛卯、日以有事于太廟。 駙 五 馬毋乘驛以獵。 戶絲直鈔二千六百錠、 庚寅, 封皇姪海 幣帛各千匹。 辛巳, 給諸王阿只吉所部馬料價鈔三千九百錠。 山 爲懷寧王, 戊戌, 爲中書 命省、 |参知 賜 金印, 政事。 、臺、院官鞫高麗國 仍割瑞州戶六萬五千隸 丁亥,安南遣使 本, 皆笞之,徙 相吳(前) 入貢。 以宣

米 澅 謫 司 丁卯,復免僧人租。戊辰,以武備卿鐵古迭而 專決。 爲百七十萬石。 制 戍 湖廣; 用院 十一月壬子,韶三內郡、江南人凡爲盜黥三次者,謫戍遼陽;諸色人及高麗三次免黥, 使忽鄰、翰林直學士林元撫慰高麗。 寧遠王闊闊 盗禁籞馬者,初 出以馬萬五 犯謫戍,再犯者死。」 一百餘匹給軍, 爲御史大夫。 放遼陽民樂亦等三百九十戶為兵者還民籍 命 以平陽、太原去歲地大震,免其稅 以鈔五萬二千五百餘錠償其直。 壬申、詔 凡僧姦盜殺 人 課 者,聽有 增 一 年。 海漕

西王 阿難答,諸王阿只吉、也速不干等鈔一萬四千錠。 十二月庚子,復立益都淘金總管府。 辛丑,封諸王出伯爲威武西寧王,賜金印。 賜安

籍。己巳,太陰犯東咸。壬申,弛大都酒禁。甲戌,賜諸王完澤、撒都失里、別不花等所部 匹、鈔三千錠,仍建塔寺。甲子,太陰犯明堂。 鈔五萬六千九百錠、幣帛有差,鷹師等百五十萬錠。 九年春正月丁巳,太陰犯天關。戊午,帝師輦眞監藏卒,賻金五百兩、銀千兩、幣帛萬 以瓮吉剌部民張道奴等舊權為軍者復隸民

賦稅。 給半俸終其身。丙午,賜宿衞怯憐口鈔一百萬錠。 省、行臺、宣慰司、廉訪司各舉五人。 觅大都、上都、隆興差稅、內郡包銀俸鈔一年。 陽、太原地震,站戶被災,給鈔一萬二千五百錠。 南租稅及佃種官田者,均免十分之二。致仕官止有一子應承廕者,其儤使並觅之,家貧者 辛丑、詔赦天下。令御史臺、翰林、集賢院、六部、於五品以上,各舉廉能識治體者三人,行 賜金印。陞翰林國史院爲正二品。賜朶瓦使者幣帛五百匹。庚子,命中書議行郊祀禮。 除授賞罰皆無文記,懼有差違,乞自今傳旨者,悉以文記付中書。」從之。 甲午,免天下道士 二月癸未,敕軍匠等戶元隸東宮者,有司毋得奪之。 中書省臣言:「近侍自內傳旨,凡 乙未,建大天壽萬寧寺。丁酉,封諸王完澤爲衞安王,定遠王岳木忽而爲威定王,並 以歸德頻歲被水民饑,給糧兩月。平 江淮以

仍賜其所部鈔萬錠。 三月丁未朔,車駕幸上都。 敕遼陽行省毋專決大辟。 給還安西王積年所滅歲賜金五百兩、絲一萬一千九百斤, 以和林所貯幣帛給懷寧王所部軍。庚戌,

四六三

州饑,並賑恤之。河間、益都、般陽屬縣隕霜殺桑,撫之。宜黃、興國之大冶等縣火,給被災 脫脫鈔二千錠,奴兀倫、孛羅等金五百兩、銀千兩、鈔二萬錠。以濟寧去歲霖雨傷稼,常寧 寅,熒惑犯氏。戊午,歲星犯左執法。以樞密副使高興爲平章政事,仍樞密副使。賜親王 以吃刺(八思)[思八]斡節兒姪相加班爲帝師。[八]詔梁王勿與雲南行省事,賜鈔千錠。甲 者糧一月。

歲被災,潭州、郴州、桂陽、東平等路饑,並賑恤之。 以祖宗配享。臣等議:今始行郊禮,專祀昊天爲宜。」詔依所議行之。以汴梁、歸德、安豐去 以馬二百五十匹、金二百五十兩及方物來獻。壬辰,太白犯井。中書省臣言:「前代郊祀, 盡黑,漂出松柏朽木,遣使以鈔四千錠、米二萬五千餘石賑之,是年租賦稅課徭役一切除 酉,大同路地震,有聲如雷,壞官民廬舍五千餘間,壓死二千餘人。懷仁縣地裂二所,湧水 戊子,賜察八而、朶瓦所遣使者銀千四百兩、鈔七千八百餘錠。己丑,東川路蠻官阿葵 夏四月庚辰,太陰犯井。雲南行省請益戍兵,不許,遣使詣諸路閱其當戍者遣之。乙

戊午,改各道肅政廉訪司爲詳刑觀察(使)[司],口亞聽省、臺辟人用之。 建、兩廣官。大都旱,遣使持香禱雨。戊申,徵陝西儒學提舉蕭劇赴闕,命有司給以安車。 五月丁未,詔諸王、駙馬部屬及各投下,凡市傭徭役與民均輸。遣官調雲南、四川、福 立衍慶司,正二品。

紀

第二十一

成宗四

癸亥、歲星掩左執法。 [南]行省平章阿散領其事。CHO]省鬱林縣入貴州。以晉寧、冀寧累歲被災,給鈔三萬五千 寶慶路饑,發粟五千石賑之。以陝西渭南、櫟陽諸縣去歲旱,蠲其田租。 以地震,改平陽爲晉寧,太原爲冀寧。復立洪澤、芍陂屯田,令河(西) 道州旱。

隆與、撫州、臨江等路水,汴梁霖雨爲災,並給糧一月。桓州、宣德雨雹。鳳翔、扶風旱。通、 甲午,潼川霖雨江溢,漂沒民居,溺死者衆,敕有司給糧一月,觅其田租。 匹。孝子順孫堪從政者,量才任之。親年七十別無侍丁者,從近遷除。外任官五品以下並 減一資。諸處罪囚淹繫五年以上,除惡逆外,疑不能決者釋之。流竄遠方之人,量移內地。 |迭而告太廟。庚辰,立皇子||德||壽爲皇太子,詔告天下。賜高年帛,八十者一匹,九十者二 六月丙子朔,以立皇太子,遣中書右丞相答刺罕哈剌哈孫告昊天上帝,御史大夫鐵古 以瓊州屢經叛寇,

泰、靜海、武淸蝗。三三

寅、太白經天。庚申、陞太府監爲太府院。 員,協律郎一員,法物庫官二員。癸丑,以黑水新城爲靖安路。〔三〕陞祕書監、拱衞司 辛亥,築郊壇於麗正、文明門之南丙位、設郊祀署,令、丞各一員,太祝三員,奉禮郎二 罷福建蒙古字提舉司及醫學提舉司。 秋七月乙巳朔,禁晉寧、冀寧、大同釀酒。 壬戌,以金千兩、銀七萬五千兩、鈔十三萬錠,賜 賜安西王阿難答子月魯鐵木而鈔二千錠。 蠲晉寧、冀寧今年商稅之半。 丙午, 熒惑犯 並正三 甲

衡、雷、峽、滕、沂、寧海諸郡饑,滅直糶糧五萬一千六百石。 河溢、峄州水、赈米四千石。 馬辛並爲中書平章政事,參知政事合刺蠻子爲右丞,參知政事迷而火者爲左丞,參議中書 給大都至上都十二驛鈔一萬一千二百錠。丁卯,熒惑犯房。以大司徒段貞、中書右丞八都 省專也先伯爲參知政事。 興聖太后及宿衞臣,出居懷州。 給脫脫所部乞而吉思民糧五月。 揚州之泰興、江都、淮安之山陽水、蠲其田租九千餘石。潭、郴、 復置懷寧王王府官。 賜威(遠)[定]王岳木忽而鈔萬錠。[三] **沔陽之玉沙江溢,陳州之西華**

錠,及其所部三萬錠。 來獻,以鈔六萬錠給其直。癸巳,復立制用院。乙未,熒惑犯天江。賜寧遠王闆闆出鈔萬 卿丑閭、昭文舘大學士靳德進祭星于司天臺。辛巳,太陰犯東咸。丙戌,商胡塔乞以寶貨 掃戶,以尙珍署田五十頃供歲祀。 河溢,大名大水,揚州 至是存十二員,餘盡革之。丙子,給大都車站戶栗千四百七十餘石。丁丑,給曲阜林廟酒 八月乙亥朔,省孛可孫冗員。 饑 是月、涿州、東安州、河間、嘉興蝗、象州、融州、柳州旱、歸德、陳州 孛可孫專治芻粟,初惟數人,後以各位增入,**遂至繁**冗。 己卯,以冀寧歲復不登,弛山澤之禁,聽民採捕。命太常

賜威武西寧王 九月戊申,聖誕節,帝駐蹕于壽寧宮,受朝賀。 出伯所部鈔三萬錠。 丁巳、熒惑犯斗。 庚申,車駕至自上都。

耕種, 兩廣 者,令輸租賦。 以詳刑觀察司爲廉訪司。 諭 與答刺罕共議者,悉罷之。」戊戌,詔芍陂、洪澤等屯田爲豪右占據者,悉令輸租。 中書省、樞密院、御史臺臣曰:「省中政事,聽右丞相哈刺哈孫答刺罕總裁, 以南軍與土人同戍。 冬十月丁丑朔,

「

三陸都水監正三品。辛巳,有事于太廟。丙戌, 輸其租于官。 賜安南王陳益稷湖廣地五百頃。 御史臺臣請增官吏俸, 常州僧錄林起祐以官田二百八十頃冒爲己業施河西寺,敕募民 庚寅、駙馬按替不花來自朶瓦、賜銀五十兩、鈔二百錠。 命與 諸王忽刺出及昔而吉思來賀立皇太子,賜 中書省共議以 聞。 括兩淮地為豪民所占 太白經 自今用人,非 天。 己丑 辛丑,復 乙未,帝 一,命

家居大同爲地震壓死者戶鈔五錠。 乏,韶諸王、駙馬毋妄遣使乘驛。 鈔及衣服、弓矢等有差 舞,武舞日定功之舞。 寅,歲星晝見。 勝許反側不足信, 妃主驛券。置大都南城警巡院。 十一月丁未,以鈔萬錠給雲南行省, 庚午, 祀昊天上帝于 如其悔罪自至,則官可得。」命賜衣服遣之。 以攝太尉、右丞相哈剌哈孫、左丞相阿忽台、御史大夫鐵古迭而爲三 復立雲南屯田,命伯顏察而董其事。 南郊,牲用馬一、蒼犢一、羊豕鹿各九,其文舞日崇德之 庚戌,歲星、太白、鎭星聚於亢。 黃勝許遣其屬來獻方物,請復其子官。帝不 命與貝參用,其貝非出本土者同偽 以去年冀寧地震,站戶貧 癸丑 給四 一,歲 鈔論。 川征戍軍士其 星 犯亢。 允, 曰: 拘收諸

獻官。壬申、太白經天。

寅,熒惑犯壘壁陣。皇太子德壽薨。 十二月乙亥,賜冀寧路鈔萬錠、鹽引萬紙,以給歲費。 己亥、辰星犯建星。 丙子,太白犯西咸。 地震。

庚

部貧乏、給糧兩月。丁卯、命諸王、駙馬、妃主奏請錢穀者,與中書議行之。陸巡檢爲九品。 命近侍無輒驛召外郡官。弛大同路酒禁。封駙馬合伯爲昭武郡王。營國子學於文宣王廟 司,汰其民歸州縣,僧歸各寺,田悉輸租。壬戌,發河南民十萬築河防。丙寅,以沙都而所 河,令鹽商每引輸鈔二貫,以爲傭工之費。丁巳,太白犯建星。戊午,罷江南白雲宗都僧錄 增置甘肅行省王渾木敦等處驛傳。立福建鹽課提舉司,隸宣慰司。庚戌,濬眞、楊等州漕 「所在驛傳,舊制以各路達魯花赤氣督。今沿江水驛迂遠,宜令所隸州縣官統治之。」從之。 后、徽仁裕聖皇后儀範中外之政,以備紀錄。丙午, 濬吳松江等處漕河。四川行省臣言: 十年春正月壬寅朔,高麗王王匝遣使來獻方物。甲辰,詔詢訪莊聖皇后、昭睿順聖皇 詔各道禁沮擾鹽法。以京畿雷家站戶貧乏,給鈔五百錠。奉聖州懷來縣民饑,給鈔

月癸酉,太白犯牽牛。甲戌,賑合民所部留處鳳翔者糧三月。壬午,給諸王也先

本

第二十一

成宗四

地 爲 中 白 鐵 木而 書平 震 参 犯 壨 不 知 壁 所部米二千石。 止 章 政 陣。 事 政 事 子,行宣 是 甲午,以前 月,以曹之禹城去歲霖雨害稼,民饑,發陵州糧二千餘石賑之。 一政院使張閭、四川行省左 賑暗伯拔突軍屯東地者糧兩月。丁亥,**觅大都今年租** 中書平章政事鐵哥、江浙行省平章闍里、河南 丞杜思敬,並爲中書左 丞 ,參議中書省事 行省平章 賦。 晉寧 [] 散 己丑、太 並 劉源

辰,封 辛亥, 戊辰,車駕幸上都。 西福 廬舍,明日雨 三萬二千錠。 蠻子帶 者實多 建道奉使宣撫塔不帶坐贓遇赦,釋其罪,終身不敍。 二月壬寅, 一字羅爲鎭寧王,錫以金印。 中書省臣言:「近侍傳旨以文記至省者,凡一百五十餘人, 了

宜加遴選。」

制曰「可」。 以所部用度不足,乞預貸歲得五戶絲,從之。 沙陰霾,馬牛多斃, 鎮西武靖王搠思班 賑 金蘭站戶不能自贍者糧兩月。 賜安西王阿難答,西平王奧魯赤、不里亦鈔三萬錠,南哥班萬錠,從者 陞行 人亦有 所部民饑,發甘 朵瓦遣使來朝,賜衣幣遣之。 都水監 死者 |為正三品,諸路提控案牘爲 肅糧 **販遼陽千戶小薛干所部貧匱者** 遣六衞漢軍貧乏者還家休息 賑 之。 丁卯,以月古不花 是月, 戊午,太陰犯氐。 令臣擢 大同路暴 九品。 用。 其 風 爲 中 駙 大 中 犯 馬 己未, 糧三月。 ·書左 年。 雪,壞民 濟 法 寧 妄 丞 丙 主 進

三月戊寅,歲星犯亢。 己卯,腔古王遣使來貢方物。 乙未, 慮大都囚, 釋上都死囚三

租。 賜駙馬蠻子帶鈔萬錠。 以濟州任城縣民饑,賑米萬石。 道州營道等處暴雨,江溢山裂,漂蕩民廬,溺死者衆,復其田 給千家木思答伯部糧三月。柳州民饑,給糧一月。河

間民王天下奴弑父,磔裂於市。

州暴風雨雹,大若鷄卵,麥及桑棗皆損,蠲今年田租。眞定、河間、保定、河南蝗。 是月,以廣東諸郡、吉州、龍興、道州、柳州、漢陽、淮安民饑,贛縣暴雨水溢,賑糧有差。 等抵慶元貿易,以金鎧甲爲獻,命江浙行省平章阿老瓦丁等備之。賜梁王松山鈔千錠。 千成之,其從軍有功者皆加賞賚。癸亥,置崑山、嘉定等處水軍上萬戶府。甲子,倭商有慶 寶赤、亦(里吉)[吉里]帶等進壓賊境、宣送獲阿邦龍少斬之,餘衆皆潰。命也速帶而留軍二 退據越州。 壬戌,雲南羅雄州軍火主阿邦龍少結豆溫匡虜、普定路諸蠻爲寇,自己右丞汪惟能進討,賊 收多寡以爲賞罰。」從之。丁未,命威武西寧王出伯領甘肅等地軍站事。 及耕作者、悉如數徵之,人致重困。乞令軍官統治,以宣慰使玉龍失不花總其事,視軍民所 臣言:「太和嶺屯田,舊置屯儲總管府,專督其程。人給地五十畝,歲輸糧三十石,或佗役不 夏四月庚子朔,詔凡匿鷹犬者,沒家貲之半,笞三十,來獻者給之以賞。甲辰,樞密院 諭之不服,遺平章也速帶而率兵萬人往捕之。兵至曲靖,與惟能合,從諸王昔 辛酉,塡星犯亢。

五月辛未、大都旱、遣使持香禱雨。壬午、增河間、山東、兩浙、兩淮、福建、廣海鹽運司 紀 第二十 戍 宗 四

傷 王 阳 陽 訪 歲 \pm 稼 忽台 煮 出 王 昛 司 伯 官 鹽 還 賜 等整飭庶務, 鈔 或 以金印,公主忙 册 一十五 三萬 仍署 買 鹽引。 錠 萬 行省以鎮 餘 遼陽 引 凡銓 乙 酉 哥台 癸未, 選錢穀 撫 益 以 都民 之, 爲 詔 同 鄄 其 西 知 饑 等事 國 番 樞 國 大長 僉議 密院 僧往 賑 貸 聽 公公主 ?、密直 有差。 還者不 事 中 塔魯忽台 書 裁 1 司 許 決, 大 ·亥,韶· 等官 馳驛,給 都 塔 百 並授以宣敕。 命右 眞 言 刺 定、 勤 海 以 丞 怠者 舟 並 河 相 知 車。 間 哈剌 各 樞 蝗 以 密 禁 封 哈孫答刺罕 名 駙 院 平江 御 聞 馬脫 史臺 事 o 一、宣 嘉 賜威 鐡 遣 興 木 高 慰 諸 武 左 而 麗 司 西 丞 爲 國 水 遾 相 濮 廉 王

興、南 令其子 元 己未,歲星 一,誣 摭拾, 教化不 六 指 康 世 月癸卯,御史臺臣言::「 諸 行省等官 .堅來降, 死

元
。 郡 蝗 令檢覈案牘。 壬戌 賜 實溫 衣 來安路總管冷雄 物遣 省事 之。 .f |-|-|-江南行 中 詔省、臺及 書省 復 淮 臣 臺監察御史教化劾江浙行省宣 西 復言,敎化等不循 道 叛 也可 廉訪 湖 廣 札 司 行 魯忽赤 省 大名 遣宣 同 法 一慰副 益 訊 度, 都 之。 擅 使 易州 忽都 遣 癸丑 使 軍 大 李元 魯鐵 土 水。 守 太 陰 木 衞 不 景州 法,行 而 犯 其 門, 招 羅 霖 諭 堰 療掠 省 雨 之, <u>|-</u> 亦 雄 李 遣

稼。 大同 秋 Ë 之渾源隕霜 月庚辰 太陰 殺禾。 犯 牽 牛。 平江大風 辛 Ė, 海溢 釋諸路 漂民廬舍 罪 囚 常 赦 道州 所 不 (之)武昌 原 者 不 與。 水州、(之) 宣 一德等 興 處 國 酮 [41] 雹 害

黃州、沅州饑、減直賑糶米七萬七千八百石。

皇姪阿木哥鈔三千錠。丁巳,京師文宣王廟成,行釋奠禮,性用太牢,樂用登歌,製法服三 故秦王妃也里完等五千餘人,以鈔萬三千六百餘錠、糧四萬四千一百餘石賑之。 命翰林院定樂名、樂章。 八月壬寅、歲星犯氏。 熒惑犯太微垣上將。 成都等縣饑,減直賑糶米七千餘石。 開成路地震,王宮及官民廬舍皆壞,壓死 辛亥,賜

九月己巳,熒惑犯太微垣右執法。壬申,以聖誕節,朶瓦遣款徹等來賀。 壬午,熒惑

犯太微垣左執法。

卯,安南國遺黎亢宗來貢方物。 大水,民乏食,發米萬石賑之。 冬十月甲辰,太白犯斗。 丁未,有事于太廟。辛亥,太陰犯畢。甲寅,太陰犯井。丁 青山叛蠻紅光獠等來附,仍貢方物,賜金幣各一。吳江州

答、西平王奧魯赤所部皆乏食,給米有差。 亥,武昌路火,給被災者糧一月。戊子,熒惑犯氏。 十一月己巳,車駕還大都。 辛未,歲星犯房。 益都、

揚州、

辰州歲饑,減直賑糶米二萬一千 壬申,太陰犯虚。甲戌,熒惑犯亢。丁 辛卯,太陰犯熒惑。丙申,安西王阿難

餘石。

紀

第二十

成宗

四

十二月壬寅,太白晝見。乙巳,歲星犯東咸。 壬子,速哥察而等十三站乏食,給糧三

何等作亂伏誅。 班答部民潰散、詔諭所在敢匿者罪之。戊午,太陰犯氐。 乙卯,帝有疾,禁天下屠宰四十二日。 磁州民田雲童弑母,磔裂于市。 丙辰, 遣宣政院使沙的等禱于太廟。 癸亥, 瓊州臨高縣那蓬洞主王文 諸王 合而

是歲,斷大辟四十四人。

壽 廟號成宗。 (四十有二。乙亥,靈駕發引,葬起輦谷,從諸帝陵。 十一年春正月丙(辰)[寅]朔、曰公帝大漸, 國語曰完澤篤皇帝。 **死朝賀**。 是年九月乙丑、諡曰欽明廣孝皇帝、 癸酉, 崩于玉德殿, 在位十有三年,

事,內則決於宮壼,外則委於宰臣,然其不致於廢墜者,則以去世祖爲未遠,成憲具在故也。 成宗承天下混一之後,垂拱而治,可謂善於守成者矣。 惟其末年,連歲寢疾,凡國家政

校勘記

疑是。

以郝 區, 且下文復有「趙仁榮、岳叔謨往江南、湖廣」,但無一處提及河南。 天挺塔出 往江南江 北 按元 代設河南江北 行 中書省及河南江北道, 蒙史改「江南」爲「河南」, 河南、 江 北 爲 接 連 地

- 段(眞)[貞] 按本書多見皆作「段貞」,元文類卷十二有留守段貞贈諡制,據改。 續編已校。
- 小蘭禧 考異云「小當作卜」。元祕書監志作「孛蘭肹」。按本書同名異譯尚有「卜蘭奚」、「不蘭

(奚)等。此處「小」字當爲「卜」或「不」之誤。

- . 29 ∟∫ 丁丑 按是月戊午朔、丁丑爲二十日、應在己巳十二日後、庚辰二十三日前。
- 戊寅 本書卷四八天文志有「七月戊寅,歲星犯軒轅。」按是月丁巳朔,戊寅爲二十二日,應移

併於丁丑二十一日後之戊寅條。

- [八] 中[書]省 據前後多見之文補。續通鑑已校。
- [中] 吳(前)[祁] 據高麗史卷一二五吳潛傳改。下同。
- [《](静)[淨]州 見卷一校勘記[12]。
- [九] 也速(而帶)[帶而] 據前文屢見之「也速帶而」改正。
- 灤城 按元無「欒城」,真定路有欒城縣。疑此處「灤」當作「樂」。
- 杂耳思等站戶 思」一名本書屢見、疑「耳」爲「甘」之誤。 按上文大德元年十月戊午條有「以杂甘思十九站貧乏,賜馬牛羊有差」。「杂甘
- 五月(癸未)[壬子]朔日有食之 年六月四日,是日十四時一分三秒合朔,日環食。「癸未」誤,今改。 按是月壬子朔、無癸未日。大德八年五月壬子當公曆一三〇四

本

紀

- 亦吉里(帶) 據下文大德十年四月壬戌條補「帶」字。 參看卷一七校勘記□**己**。
- 太原之陽武 按太原路無陽武縣,陽武隸汴梁路,疑此處「陽武」爲「陽曲」之誤。
- (三三) 益州 本證云:「案益州疑當作霑益州或益良州。」
- 辛卯 按是月己卯朔,辛卯爲十三日。 此辛卯在辛已初三日前,疑爲己卯之誤或錯簡。
- (1七) 石天(輔)(補) 據高麗史卷三二忠烈王世家、卷一二五吳潛傳附石胄傳改。 下同。蒙史已校。
- 吃刺(八思)[思八]斡節兒 本書卷二〇二釋老傳所見「乞剌斯八斡節兒」改正。此名藏語,意爲「稱光」。 據上文成宗紀至元三十一年六月戊申條所見「合刺思八斡節 王圻續通考已校。 而」及
- 詳刑觀察(使)〔司〕 按下文十月辛丑條有「復以詳刑觀察司爲靡訪司」,據改。 續編已校。
- 令河(西) [南]行省平章阿散領其事 按元此時已無河西行省。下文大德十年閏正月甲午條有

「河南行省平章阿散」,據改。

- \subseteq 屬縣,與通州州治靜海爲兩地。 通泰靜海武淸蝗 按本書卷五〇五行志作「通、泰、靖海、 此處「靜」當作「靖」。 武清等州縣蝗」, 靖海係河間路清州
- 姚燧 靖安路 河內李氏先德碑銘,「靖安」皆作「靜安」,此處「靖」當作「靜」。 按本書卷二五、二六仁宗紀延祐元年十一月戊寅、 五年三月庚午條及元文類卷五五
- 威(遠)〔定〕王岳木忽而 據上文二月丁酉條及本書卷一〇八諸王表改。 本證已校。

豆溫匡虜普定路諸蠻 按元文類卷四一經世大典序錄招捕有「阿邦龍少、麻納布昌結廣西路豆

溫阿匡、普安路營主普勒」,「普安路有軍六圈子」等語。此處「匡廣」卽指阿匡」「普定路」疑爲

「普安路」之誤。

[1六] 亦(里吉)[吉里]帶 見卷一七校勘記[三]。

道州(之)武昌永州(之)興國 按本書卷六二地理志,此四路皆置於至元十四年,不相隸屬,

「之」字衍,今删。、本證已校。

[三六] 正月丙(辰) [寅] 朔 按大德十年十二月二十日爲丙辰,十一年正月無丙辰日,「辰」爲「寅」之

誤,今改。類編已校。

元史卷二十二

本紀第二十二

武宗一

武宗仁惠宣孝皇帝,諱海山,順宗答刺麻八剌之長子也。 母曰興聖皇太后,弘吉剌氏

至元十八年七月十九日生。

海都軍戰于闊別列之地,敗之。 成宗大德三年,以寧遠王闊 十二月,軍至按台山,乃蠻帶部落降。 闊出總兵北邊,怠於備禦,命帝卽軍中代之。四年八月,與 五年八月朔,與海都

戰于迭怯里古之地,海都軍潰。越二日,海都悉合其衆以來,大戰于合刺合塔之地。 利,親出陣,力戰大敗之,盡獲其輜重,悉援諸王、駙馬衆軍以出。 乘之,帝揮軍力戰,突出敵陣後,全軍而還。 海都不得志去,旋亦死。 明日復戰,軍少却,海都 師失

八年十月,封帝懷寧王,賜金印,置王傅官,食瑞州六萬五千戶。 武 十年七月, 自脫忽思

本 紀 第

二 十

_

宗

俘 批 卷 獲 一之地 里 其 的 家 踰 失 屬營 之地 按 台 一一受諸降 帳。 Щ 追叛 駐冬按台山 王禿滿 王 斡羅 思,獲其妻孥輜 Ó 明 降王禿曲 里 鐵 木兒、阿魯灰 滅復叛,與戰敗 重,執叛王 災等降。 也孫禿阿等及 海都 之,北邊悉 之子察八兒逃于都瓦 平。 駙 馬伯 顏。 八 八月,至

命仁 答 寧王 顏,中政院使怯烈、 鐵 刺哈孫之謀言于太后曰:「太祖、世 辭 誅 阿 忽 台 木兒等熒惑 與 勸 宗 話 在 進。 十 一 王 朔方,此 與. 明里 、怯 皇太后 帝謝 年春,聞成宗崩,三月,自按台山 列 鐵木 日 中宮,潛有異議,諸王也只 輩 等,而 出 潛 兒已於正月庚午先至。 居懷州。 吾母、吾弟在大 道興等潛謀 有異圖 遣使迎 一,變在 帝 至是,仁宗聞 推成宗皇后伯要眞氏 朝 祖 都,俟宗親 夕 創業 ノ,俟 里昔嘗與叛 懷 艱難,今大行晏駕 至於和林。 計 左丞相阿忽台 寧王 畢會,議之。」先是,成宗 以二月辛亥與太后俱 至,恐亂 王通,今亦 稱 諸王 制 生不 勳 平章 511 德壽 戚 測,不若先 難答輔之。 畢會, 預 八都馬辛, 已薨, 謀。 至京 違豫 皆日 既辭服伏誅,乃因 諸王皆疏 事 師 仁宗以右丞 日 今阿難答、 前 而發。」遂定計 久, 政出 中 安西 書 屬 平 王 中宫, 而懷 相 章 明 加 哈 難 闔 里

居東安州 五 受諸王文武 月 了, 至 賜 上都 死。 執安西 百官朝於大安閣,大赦天 乙 丑: ,仁宗侍太后來會,左右 王 阳 難 諸 王 明 (下) 韶 里 鐵 木兒至上都,亦皆 部 諸王 畢至會議, 賜 乃廢 死。 皇后伯 甲申 皇帝 要眞氏, 即位于 出

其與民更始,可大赦天下。 堅。 都,宗親大臣復請於朕。間者,姦臣乘隙,謀爲不執,賴祖宗之靈,母弟愛育黎拔力八 達禀命太后,恭行天罰。內難旣平,神器不可久虛,宗祧不可乏祀,合辭勸進,誠意益 |祖曾孫之嫡,裕宗正派之傳,以功以賢,宜膺大寶。 附,邊事以寧,遽聞宮車晏駕,迺有宗室諸王、貴戚元勳,相與定策於和林,咸以朕爲世 朕自先朝,肅將天威,撫軍朔方,殆將十年,親御甲胄,力戰却敵者**屢矣。方諸蕃內 朕勉徇輿情,於五月二十一日卽皇帝位。任大守重,若涉淵冰。屬嗣服之云初,** 昔我太祖皇帝以武功定天下,世祖皇帝以文德洽海内,列聖相承,丕衍無疆之祚 **朕謙讓未遑,至於再三。還至上**

宸樂院, 秩從二品。 壬辰, 加知樞密院事朶兒朶海太傅, 中書右丞相哈剌哈孫答剌罕太保, 是日,追尊皇考曰皇帝,尊太母元妃曰皇太后。丁亥,陞通政院秩正二品。陞儀鳳司爲玉 並錄軍國重事,知樞密院事塔刺海爲中書左丞相,預樞密院、宣徽院事,同知徽政院事床兀 馬,勿得擾民。諸處鐵冶,許諸人煽辦。勉勵學校,蠲儒戶差役。 年。被災之處,山場湖泊課程,權且停罷,聽貧民採取。站赤消乏者,優之。經過軍 優免。雲南,八番、田楊地面,免差發一年。 存恤征戍軍士及供給繁重州郡。 **免上都、大都、隆興差稅三年,其餘路分,量重輕** 其積年逋欠者,蠲之。逃移復業者,免三 存問鰥寡孤獨。

本

紀

氏爲壽國夫人, 書右丞、行御史中丞塔思不花爲御史大夫,平章政事床兀兒爲知樞密院事。 丞劉正爲中書左丞,遙授中書左丞欽察、福建道宣慰使也先帖木兒,並爲中書參知 兒、也可扎魯忽赤阿沙 左丞,脫脫御史大夫。以大都迤北六十二驛驛戶罷乏,給鈔賙之。 中書平章政 大雨雹。 眞定、河間、順德、保定等郡蝗。 事, 其夫燕家奴爲壽國公。以中書平章政事合散爲遼陽行省平章政事。 延慶使抄兒赤中書右丞,同知和林等處宣慰司事塔海中書右丞, 不花、江浙行省平章政事明里不花,並爲中書平章政事,江浙行省左 是月,封皇太子乳 特授乞台普濟 阿里 政 母|李 中書 ; 中

請諡 HH HH O 王朝會賜與,臣等議:憲宗、世祖登寶位時賞賜有數,成宗卽位,承世祖府庫充富,比先例 刺氏 睿宗西第 考大行皇帝同母兄也,大行皇帝祔廟之禮尚未舉行,二帝神主依兄弟次序 丞相塔刺海言:「臣等與翰林、集賢、太常老臣集議:皇帝嗣登寶位,韶追尊皇考爲皇帝,皇 甲午,建行宫于旺兀察都之地,立宫闕爲中都。丁酉,中書右丞相哈剌哈孫答剌罕、左 ! 皇考昭聖衍孝皇帝,廟號順宗,大行皇帝曰欽明廣孝皇帝,廟號成宗。 失憐答里宜諡曰貞慈靜懿皇后,祔成宗廟室。」制曰「可」。 六月癸巳朔,詔立母弟愛育黎拔力八達爲皇太子,受金寶。陞武備寺爲武備院,秩從二 一室,世祖西第二室,裕宗西第三室,順宗東第一室,成宗東第二室。先元妃弘吉 又言:「前奉旨命臣等議諸 耐廟爲宜。 太祖之室居中, 今擬

屯

九

Ŧ.

之。中 宣慰 言: 日二 以聞 五百 平章 壬寅 幹忽 干 儲 十斤、織幣金 金 使 舊 戊 入 班 和 五 政 軍 兩、銀十二萬 塔刺 · 書省 丙 八繕治 所害, 都 朝 十兩者增至二百五十兩,銀五 戌 事 民 制 林 午, 諸司 總管 ,皇太子官屬,省、 哈哈 元 之會,國 臣 海 上都 帥 太陰犯南 王: 言:「中 刺 請賜 加 I府達 憨刺合兒,通 子 哈孫答刺罕言:「比者、諸王 太保、錄軍 白 聽皇 鷹坊 ٠, 九千二 事 兩 以 封 魯 書字 斡忽所得 絹 方 太子各置 皇 及諸官廨,有旨:「自今非奉旨,軍勿輒役。」 花 斗杓星。徽 殷。 妹 赤 七百 百兩 臣 祥 怯 國 干 政使、武備 已賜者,其再賜 臺參用。 哥 里 重 歲 、鈔萬錠、幣帛二萬二千二百八十匹奉興聖宮,賜 四員,御史大夫四 二 人。 刺吉為魯國大長公主,駙馬瑪阿不刺 十 |事、太子太師。 木丁 賜。 政 呓。 使狐 $\dot{\oplus}$ 命以 以拱 請 十兩者增至百五 ·書右 戊申 卿鐵木兒不 頭 以羅羅 五 等言:「別不 衞 ,特 之。」己亥,御史大夫脫脫、翰林 駅 丞。 年 直都指 癸卯, 與之, 馬 授尙乘 斯宣慰使斡羅 辛亥, [員,前 會于 花, 揮使馬謀沙 爲銀 置 和林 並知 花 卿 制 以 十兩。 詹事 孛蘭奚、 以 所 中 ^福不 福 密院· 四千一百餘 無。」韶 一已蒙賜與 私 書平 院。 錢 思 有旨:「其遵成宗所賜 建寺,爲國 章 角觚 任 以平章政事、 床兀兒並平章政事, 甲辰,樞密院請以軍二千 事。 與 之中 政事脫虎脫爲江西 、翰林、集賢諸 爲 屢勝, 者, 兩、絲三萬一千二百 乙旦,以 書。」 今不 一
祝
釐
。 學 遙授平章政事 詔 土 鐵木兒不花 行 宜 皇太子 以爲 承旨三寶奴 金二千七百 一再賜 老臣 其父 和林等處 心之數 中書右 爲 議 亦 帝 諸 賜 擬 如

五.

賜

丞。

格。 署、典膳署。 阿沙 所職 高 旨:有司贓罪,不 者,勿聽 有受賕爲監察御史所劾者,獄具,夤緣奏請,託言事入覲,以避其罪。 得斜劾 福。 行。」帝曰:「其依例行之。」甲寅,敕內郡、江南、高麗、 世 其相襲,此 宜一遵世祖 憨刺合兒等言:「舊制 祖 不花 非便。」 中書 定制 王 乙卯,遣也可扎魯忽赤馬剌赴北軍,以印給之。 王 ?;病故者,必以告。 至京,待其對辨事竟,果有所言,方許奏陳。」皆從之。 **距爲瀋陽王,**[] 力且誤 勿妄言。 世 而下奏事者,必使隨之以入,不在奏事之列者,聽其引退,班朝百官朝會失儀者, 平章 成憲。」帝曰:「其遵前制,餘人勿輒有請。」又言:「軍官與民官不同,父子兄弟許 己未,封寧遠王闊闊出爲寧王,賜金印。 祖定制。 國事。 須刑部定議,受敕者從廉訪司處決,省、臺遣人檢覈 阿沙不花因言:「此省、臺同議之事,臺臣不宜獨奏。」 臺臣言是也,如所奏行之。」塔思不花、 ,樞密院銓調軍官,公議 比者,近侍有輒以萬戶、千戶之職請於上者, 在成宗時嘗有旨,輒奏樞密事 請如 加太子太傅、駙馬都尉。 、舊制。」又言:「舊制,內外風憲官有所彈 以聞。 置皇太子家令司、府正 者,許本院 比者. 丙辰,御史大夫塔思不花言:「殿中司 四川、一 庚申, ,近侍自擇名分, 脱脫 遙授左丞相、行御史大夫塔思 雲南諸寺僧誦 並遙授 再陳。 塔思不花又言:「皇太子有 內降聖旨,臣等未敢奉 廉訪司 左丞 帝曰 劾,諸人勿預。 臣等以爲自今用 臣等以爲 司 從 相。 藏經,爲三宮祈 「此御史臺事 文案,則 、延慶司 內降旨, 戊午, 今後有罪 私意沮 典 進封 而近

刺海 管府。 里遙 忽帶 事趙 以 鈔六萬錠、幣帛二萬匹。 拘 太保、少保、賓客,左、右諭 命仍 佩 王八不 人,校書,正 卽 院 花 隸 綜理 泛授宣 舊隸脫 位 仁榮爲太子 右 所部。」中書省臣言:「瓜州 秋 秩從二品。 中書平章政事 沙 祗 以 丞 七 太 鈔萬 中書庶務,韶 政使,鐵肐胆 相。 謝 月癸亥朔, 思麻 師 太 字等官。 辛酉、 月赤 錠。 廟 派宣慰司 詹事 賜阿剌 癸酉, 察 以安西、平江、吉州 対諸 **汴梁、南陽** 床 兒爲 ٠, 壬申,命 諭 遙授平章 兀 以阿保功,授明里大司 ,防守陝州 中 遣肥兒牙兒迷的里及鐵肐胆詣 王禿剌 見以即 納 罷和林宣慰司, 和 德,贊善,庶子,洗馬,率更令、丞,司經令、丞,中允,文學,通事舍 外。 八剌 林行 御史大夫鐵古迭兒、中書平章 雖諸王分 、歸德、江 一政事 己已,太陰犯亢。置宮師 爲越王。 鈔萬錠。 位告謝 省右丞相,中書右丞相哈剌哈孫答剌罕爲和 o 諸王、駙馬 以並命太傅右 南 西、湖廣水。 地,其民役於驛傳,出伯言宜勿從。」 路爲皇太子分地, 諸王 置行 甲 郊。 子, 中 徒,封其妻梅仙 出 丙寅,以 書省 命御 伯 入艱者,非奉旨不許給驛。 言 史臺大夫鐵古迭兒、 二、瓜州 保定屬縣 及 丞 府 相 西域取 稱海等處宣慰司 禮店蒙古萬戶屬 哈剌 ,設太子太師、少師、太傅、少傳、 政事 越 州 爲順國 沙州 佛鉢、 蝗 哈孫答剌罕、太保

夫人。

賜床

兀

兒

軍

士

以

中書

1參知

政

土番宣慰司

'非便,

知樞密院事

塔魯

舍利,

肥兒牙

見迷

的

左丞相塔

屯田

逋

戶漸成

T

者,

乞

| 陞章

佩

監

爲

童

林行

省

左

丞

四

路

爲越王禿刺

分地

賜諸

都元

帥

府

和

林

總

床

兀兒、樞密副使孛蘭奚,

本

紀

第

+

武

宗

辛巳, 卯 花所 務,同 院 監修 社 政 司 太師 並 以永 相 卿 稷。 大 犯 事 事 爲 、依 等言是。 以 南 也 使 法 部 平 或 月 中 僚 前 集 見吉尼 加 癸未, 路 斗。 火 忽 史, 赤察兒爲 書 太傅、 一二近侍,往往 封 賢 魯丁 平章 失 萬 爲 至 院 御 海 皇 命御 五. 自 陸利用監爲利用院,秩從二品。 聖 使 史大夫塔思不花 牙 並 千二 知 妹 政 銯 今庶政, 別 文宣王爲大成 、鐵木兒不花、敎 魯 史大夫鐵古迭兒、 爲中書平章 棋 事 樞密院 軍 不花 陽 百二十錠。 國 或 王。 1 長 重 爲 事,御 不俟 公主 事。 非 丑 中書 一,封 加平 公議 分 政 公議,即 江浙水,民饑,詔賑糧三月,酒醋、門攤、課程 諸王八 史中丞 平章 爲 至聖文宣王。 章 丙子, 事,平章政 地 者勿奏。」置行工部 中書 坊司 政 列租 知 政 事 不沙為 王壽、江浙行省左丞 賦 以 以 樞 左丞 一股虎 事。(七月)庚辰,[三] 達魯花赤沙 上聞,非 及 密院 江浙行省平章政事塔失海牙、 土 事 相, 脫 鐵木 產 齊王、杂列 事 太尉。 右 甲申, 江浙 悉賜之。 塔魯忽帶、 便。 丞 选兒 的, 相塔刺海、 於旺 行省平章政 遺贍思丁使西域,遙授福建道宣慰使。 今後 以 爲江 並 納爲 中 以御 賜越 遙 兀察都。 事 郝天挺,並 書左丞 授 西行省平章 中書平章政事床 無大小,請共議而後奏。」帝曰: 濟王,迭 平章 史中丞只 王 左 禿刺 事教化、河南江北行 丞相塔思不花言:「中書庶 相塔刺 政 以遙授左 彩鈔萬 事,爲玉宸樂院 里哥兒不花爲 爲 一政事。 見合郎爲 中 知 海 一錠,諸 書 樞 一悉免 爲 丞相 密院 左 兀兒,以卽位告 中書 丞。 戊寅, 一年。 王兀 同 御 事 右 史大夫。 壬午,熒 北 床 省平章 知樞 使。 以儀 都 丞 寧王, **兀**見, 乙亥, 思不 己 密 鳳

四八五

所部 魯言 萬 籍 部 乞 湖 馬 事 輒 臣 2 授 以官。 貧民 廣 帶 欽察 奏。 請 各部避役之人及冒匿者,皆有罪。發卒二千人爲晉王也孫鐵木兒治邸舍。是月,江浙 酉 八千石 比 亦 、江西、河南、兩淮屬郡饑,於鹽茶課鈔內折粟,遺官賑之。 賜壽寧公主鈔萬錠。 乞如甘 宜令遼陽 爲 舊制, 者,近臣請 鈔 難 如 保定、河間、晉寧等郡水。 1賑之。 四川 五萬錠。 往徵乞兒吉思部禿魯花、縣馬、鷹鷂。 此 則 肅省例,給鈔二千錠,歲收子錢,以佐 中書省、 行省左 紀 省臣醉誾干等往諭之,已拘之人悉還其主。」從之。 庚寅, 置延 綱不紊。」帝嘉納之。 以歸之諸王脫脫, 己丑,塔剌 丞。 樞密院、御史臺、宣政院許得自選其人,他司悉從中書銓擇,近臣不得 江浙 丙戌,以內郡歲歉,令諸王衛士還大都者東汰以入。 福 海、塔思不花言:「前乃顏叛,其繫虜之人,奉世祖旨俱隸版 司,秩正三品。辛卯,詔唐兀禿魯花戶籍已定,其入諸王、駙 、湖廣、江西屬郡饑、詔行 德州 彼卽遺人拘括。臣等以爲此事具有先制, 以同 蝗。 知宣徽院事孛羅答失為中書左丞, 山東、河北蒙古軍告饑,遣官賑之。 一供給,仍以網罟賜貧民。 :省發粟賑之。丁亥,使完澤偕乞兒 詔富家能以私粟賑貸者,量 安西等郡旱饑,以糧二 御史大 中書參知政 今已歸脫脫 從和林省 賜晉王 大夫月兒

請 自 今越奏者 八 月甲午, 本 紀 第 「勿與。」帝曰:「卿等言是。 中書省臣言:「內降旨與官者八百八十餘人,已除三百, + _ 武 宗 自今不由中書奏者,勿與官。」又言:「外任官帶相 未議者猶五 百餘

辛丑,迤北之民新附者,置傳輸粟以賑之。癸卯,改也里合牙營田司爲屯田運糧萬戶府。甲 行。」浙東、浙西、湖北、江東郡縣饑、遣官賑之。賜山後驛戶鈔、每驛五百錠。 鐵木兒爲中書右丞。 中書(右)[左]丞孛羅鐵木兒以國字譯孝經進,[5] 詔曰:「此乃孔子之微言,自王公達於庶 辰,以納蘭不刺所儲糧萬石,賑其旁近饑民。丙午,建佛閣於五臺寺。 三千七百兩。以治書侍御史烏伯都刺爲中書參知政事。戊戌,御史大夫脫脫封秦國公。 五品、設令、丞各一員。乙未、賜諸王按灰、阿魯灰、北寧王迭里哥兒不花金三百五十兩、銀 勿奏。」御史臺臣言:「中書省、樞密院、御史臺、宣政院得自選官,具有成憲。 今監察御史、 未給猶百八十萬,兩都所儲已虛。自今特奏乞賞者,宜暫停。」有旨:「自今凡以賞爲請者, **衡非制也,請勿與。」制可。又言:「以朝會應賜者,爲鈔總三百五十萬錠,已給者百七十萬,** 事乞台普濟、床兀兒、別不花並加太尉、中書右丞塔海加太尉、平章政事、 栗賑之。丙辰,陞闌遺監秩三品。丁巳,以中書左丞王壽爲御史中丞。 民,皆當由是而行。 司所儲贓罰鈔賑之。己酉,從皇太子請,陞詹事院從一品,置參議斷事官如樞密院。 廉訪司官非本臺公選,而從諸臣所請,自內降旨,非祖宗成法。」帝曰:「凡若此者,卿等其勿 其命中書省刻版模印,諸王而下皆賜之。」癸丑,唐兀禿魯花軍乏食,發 東昌、汴梁、唐州、延安、潭、沅、歸、澧、興國諸郡饑,發粟賑之。 江南饑,以十道廉訪 戊午,中書平章政 以 中書 置掌儀署,秩 左丞孛羅 辛亥, 冀寧

路 地震。 河貫、真定等郡蝗。隆平、文水、平遙、祁、霍邑、靖海、容城、東鹿等縣水。

海攝太尉行事。 侍儀司秩正三品。丙子,置皇[太]子位典牧監, [四] 秩正三品。中書省臣言:「內外選法,向 陞尙舍監秩正三品。癸酉,太白犯右執法。甲戌,改太常寺爲太常禮儀院,秩正二品。 陞 海奉玉册、玉寶,上皇考及大行皇帝尊諡、廟號,又上先元妃弘吉烈氏尊諡,祔于成宗廟室。 等已嘗銓擇奉行。第中書政務,他人又得輒請,責以整飭,其效實難。 及未嘗入仕者,亦復請自內降旨。臣等奏請禁止,蒙賜允從。是後所降內旨復有百餘,臣 者有旨一遵世祖成制。兩宮近侍遷敍,惟上所命。比有應入常調者,夤緣驟遷,其已仕廢黜 鈔二萬八千錠,今河流已通,宜移以賑饑民。杭州一郡,歲以酒糜米麥二十八萬石,禁之 九月先輸三分之一,以備賑給。又兩淮漕河淤澀,官議疏濬,鹽一引帶收鈔二貫爲傭費,計 仍許市引九萬。臣等竊謂,所市寶貨,旣估其直,止宜給鈔,若以引給之,徒壞鹽法。」帝曰: 如前制,非由中書議者,毋得越奏。」制從之。又言:「比怯來木丁獻寶貨,敕以鹽萬引與之, 「此朕自言,非臣下所請,其給之。餘勿視爲例。」江浙饑,中書省臣言:「請令本省官租,於 九月半子,車駕至自上都。乙丑,請諡皇考皇帝、大行皇帝于南郊,命中書右丞相塔剌 河南、盆都諸郡,亦宜禁之。」制可。塔剌海言:「比蒙聖恩,賜臣江南田百頃。 庚午,陞御史臺從一品。辛未,加塔刺海、塔思不花並太尉。 自今銓選、錢穀,請 壬申,命塔刺 今諸王、

紀

第二

塔失海 萬錠。 言,中 書省,事敗又併入中書。粤自大德五年以來,四方地震水災,歲仍不登,百姓重困,便民之 御 常年所支止二百七十餘萬錠。 郡 脱、 戊 可給晉王 衞 爲 [史臺臣言: [至元中阿合馬綜理財用,立尚書省,三載併入中書。 其後桑哥用事,復立尙 子, 尉 參 刺刺 山澤之禁。 教化、 ?院,秩從二品。甲申,詔立尚書省,分理財用。 知 海 ·書省臣言:「帑藏空竭,常賦歲鈔四百萬錠,各省備用之外,入京師者二百八十萬錠, 陞延慶司秩從二品。 臣等慮財用不給,敢以上聞。」帝曰:「卿之言然。自今賜予宜暫停,諸人毋得奏請。 政 矛 左 為平章 事。 一鈔千錠,餘移陝西省給之。」以中書平章政事別不花爲江浙行省平章政事。 法(魯忽)[忽魯]丁任尚書省, 至 仍俾其自舉官屬。 丞 一相荅思不比,平章末兀兒、乞台普濟如故,餘令臣等議。臣等請以阿沙不花 丙戌, 陞掌謁司秩三品。 皇太子建佛寺, 請買民地益之, 給鈔萬七百錠有奇 其 ,班朝諸司冗員,並宜柬汰。」從之。己卯,太白犯左執法。 壬午,改尚 政事、孛羅答失、劉正爲右丞、郝天挺、也先鐵木兒爲左丞、于璋、兀伯 己丑,遣使錄囚。晉王也孫鐵木兒以詔賜鈔萬錠、止給八千爲 自陛下卽位以來,已支四百二十萬錠,又應求而未支者一百 命塔剌海、塔思不花仍領中書。以脫虎 命鑄尚書省印。 敕弛 乘 江浙諸 辛卯, 都刺 寺爲

四八九

職, 廣 事。 佩 陞 飭 從 中書 書 忠 也。 政 悉追 集 度 臺 於 還所降制 正在 江 《賢院 、舊省、 右 딞 綱 其 卿言 壬子 1-且 西 納 丞 地 月 綜 今日。 各 7,從中 封 布告中 字羅 ·· 云 秩 了 乞涓吉徙中書令位,仍請皇太子一至 良是。此 宜,裕宗 理 乙未, 陞 輸 知知 從 財 書及 樞密院事床兀 五十萬石,並 中 用, 一品,將作院秩從二品。 鐵木兒領之。 書省臣言, 頃又聞爲總理財用立尚書省,如是則必增置所司,濫設官吏,殆非益民之事 外。 ·書省奏:「常歲海漕糧 印。 爲 三臣 典寶署 在人爲之,若止命 中書令, 封御史大夫鐵古迭兒為 是月,杭州 願 任 爲 凡事 由 其事 典寶監,秩正三品。 見爲容國公。癸卯,以舊 乙巳,太白 嘗 海道 不由 至省署 ,姑聽其行焉。」是月,襄陽 平江 達京師。」從之。 中 中 百四十五 敕。 書, 書整飭, 水,民饑,發粟賑 丙辰,以行 犯亢。敕方 輒 其後 造使纤 鄆國公。 中書。 未見 萬 庚子,中書 (桑哥遷立尙書省, 不四載 省 石, 士、日者毋游諸王、駙 己未, 不可。 移文者,禁止之。 平章總督 制諸王、 今江浙歲儉,不能 以中衛親軍都指揮使買奴 制 之。 可。 塔思不花 省奏:「初置 霖雨、民饑、敕河南省 臣等隱而 駙馬事務皆內侍宰臣 軍 壬寅、陞典瑞 ·馬,得佩虎符,其左 上疏言 不言, 中書省時,太保劉 **甲寅,太陰犯** 馬之門。丙午,詔 如數,請仍 而 1政事, 監爲 懼 罷。 將 典瑞 發粟賑 知 且辭 獲 今復 舊 所 樞 罪。 丞等所 例,湖 明堂。 院,秩 領, 密 太尉 遷 院 帝 整 命 中 秉

十 月癸亥,封諸 王牙忽都爲楚王,賜金印,置王傅。 建佛寺於五 臺山。 乙 丑,中書省

本

紀

第

+

武

宗

江爲分地,租稅悉以賜臣。臣恐宗親昆弟援例,自五戶絲外,餘請輸之內帑。其陝西運司 祖宗舊制、悉令均當。或輒奏請者、亦宜禁止。」制可。皇太子言:「近蒙恩以安西、吉州、平 浩繁,概於屬郡取之。其軍、站、鷹坊、控鶴等戶,恃其雜徭無與,冒占編氓。請降璽書,依 集賢、翰林諸老臣集議以聞。己巳,中書省臣阿沙不花、孛羅鐵木兒言:「臣等與闊兒伯牙 匹。此國重務,臣等敢以上聞。」有旨:「不當給者勿給。」丙寅,帝朝隆福宮,上皇太后玉册、 是年十月終,馬駝九萬三千餘,至來春二月,闕芻六百萬束、料十五萬石。此又增馬五萬餘 司、視其資級、授之散官、不可超越。其閑冗職名官高者、遵舊制降之。」建康路屬州縣饑、詔 捕之,玉宸樂院長謂玉宸與刑部秩皆三品,官皆榮祿大夫,留不遣。 中書以聞,帝曰:「凡諸 歲辦鹽十萬引,向給安西王,以此錢斟酌與臣,惟陛下裁之。」中書計會三路租稅及鹽課所 水,民饑,給鈔千錠以賑之。辛未,以塔刺海領中政院事。乙亥,中書省臣言:「大都路供億 虎脫仍領宣政院,敎化留京師,其餘各任以職。」庚午,盧龍、灤河、「中」遷安、昌黎、撫寧等縣 里面論、折銀鈔、銅錢、非便。」有旨:「卿等以爲不便,勿行可也。」詔:「中書省官十二員,脫 玉寶。丁卯,太白犯房。 關兒伯牙里言:「更用銀鈔、銅錢,便。」命中書與樞密院、御史臺、 臣言:「宿衞廩給及馬駝芻料,父子兄弟世相襲者給之,不當給者,請令孛可孫汰之。 今會 入,鈔四十萬錠。 有旨:「皇太子所思甚善,歲以十萬錠給之,不足則再賜。」樂工殿人,刑部

及鈔母,非宜。 歸典瑞院。 自後除官及奉使應給者,非由 本 紀 第 今出 4. 鹽引向從運司 入多不由中書,下至商 武 宗 、與民爲市,今權時制宜,從戶部鬻鹽引八 中書省勿給。」從之。 人,結託近侍奏請,以致泛濫,出而 又言:「今國 用 甚多,

覈之, 「今歲姑從 用 復 月壬辰朔,中書省臣言:「舊制,金虎符及金銀符典瑞院掌之,給則由中書,事已則 所請,後勿復行。」又言:「太府院爲內藏,世祖、成宗朝,遇重賜則取給中書,今所 十萬,便。」 無歸。 帑 藏已乏, 臣等請 有旨:

折收米

,賑饑民。今商

免今年酒醋課。丙子,太陰犯東(斗)[井]。[<]丁丑,中書省臣言:「前爲江南大水,以茶、鹽課

人輸米中鹽,以致米價騰湧,百姓雖獲小利,終爲無益。臣等議,茶、鹽

己卯,以皇太子受册禮

之課當

如舊。」從之。

戊寅,授皇太子玉册。

王、百官朝賀。

亢。

制

自達魯花赤之外,悉從常選,其常選宜速擇才能。」有旨:「其擇人任之。」乙酉,太陰犯

庚辰,中書省臣言:「皇太子謂臣等曰,吾之分

地安西、平江、吉州三路、遵舊

成,帝御大明殿,受諸

韶:「皇太后軍民人匠等戶租賦徭役,有司勿與,並隸徽政院。」 陞太僕院秩從二品。

御

·史臺檢覈詹事院文案。

後所賜,合百頃與之。」仍敕行省平章別不花領其歲入。

頃。時賜田悉奪還官,中書省爲言,有旨:「月赤察兒自世祖時積有勳勞,非餘

亥,杭州、平江等處大饑,發糧五十萬一千二百石賑之。

庚寅、賜太師月赤察兒江南田

四十

T

辛卯,辰星犯歲星。從皇太子請,

人比,宜以前

皆 守 功 後 賜 來 法 可 事 戶 員 事 檀 內 1 從 疲乏, 分餘 Ė, ', 領 所 律 孙 府 偏 有 延 加 之。 行 者 今請 民 所 踰 重 者 驛 以 鎭 春 Т. 條格,校讎 用 千 參酌 中 閣 近 宜 國 部 世 ____ 數 錠至 凡 叉言:「 ·書省 侍 量 員。 祖 前 事 1 强 内 奏除 古 0 將 多 事 已 取米 萬 外)有定制 者, 今, 給 敕 言 軍 庚 癸 律 犯 錠 歸 官 驛。 戌 諸 卯 國 栗 從 令 者 仍 法之人,悉歸 陞 丐 王 用 六六百 者 了,皆 新 取 以 , 遵 六公主、 陞 賞 皇 **今經** 浩 定 治 自 漢 之中 行 寝,民 太子 者,皆自 取 而 制 或 元貞 軍 餘 泉 費浩 之太府。 ,至今尚 之急務 萬 石 書。」帝 行之。」制 府 駙 典醫署 貧歲 遣官 以 人 司 有司 大, 馬 來, 內 屯 爲 當當 降 其 使 歉 比 田 日 泉 訊 爲 未行。 依 以 旨, 者 收 可 臣 (府院) 和 詔宣 之。 以 法 典 作 ·,太府 售 給 此 O 林 醫 請 時 裁 佛 股 寶貨 聖書驛券,不 辛 庚 政院併省 監 決。 今不 臣 損 事 秩 特 申 命 丑: 等謂 取五 益 之故, 秩 一, 幸 旨 正 留 權宜 叉, 經 韶 正 ___ 守司 大聖 萬 後 日 律 世 r 三品。 品 各處民饑 錠, 令 祖 放 書 停 佛 當 以 許 壽 嘗 省 罷 從 重 釋 事 來 已支二萬 以 **所奏。**] 0 有 輒 萬安寺 事: 有 勿 蒙 Щ 歲 , 罪, 旨, 行。 叉, 用 大 東、 īE. 古 未 都 除 圓 陛下 月 萬 乙未,公 金 失於 田 上上 。 授 叉, 符 河 行 + 矣, 戶 輕 }泰 南、 宫 乘 禿 卽 五. 吏 刑 議) 外 太寬, 都 驛 }和 今復以 部 江 堅 位 H 二驛 律 法 貴」 中 浙 鐵 起 尙 請 韶 勿 者 」赤塔 書省 書祭 役請 故 書 燈 饑,禁民 木 自 | 譬之 用 乏告 設 兒 山 世 不 有 塔 許 敕 有 悉停 乃 祖 令 司 臣 於 權 授官 請 老 平 大 平 兒 刨 越 無 衡 窿 等 位 罷 膱 明 章 自 臣 所 內 酒 4 驛 難 擾 後 通 奏 殿 政 以 遵

二十二 武宗一

本

紀

第

式 事之統 股 共享治安之化,邇寧遠肅,顧不韙歟。 爲 導 版 急 (学永固之休。 承 耳目 務。 詒 仰 訓 ,在予一人。 惟 大臣,思所以盡瘁贊襄嘉猶,朝夕入告,朕命惟允,庶事 間者,歲比不登,流民未還,官吏並緣侵漁, ·)恪慕洪規,祗惕畏兢,未 祖宗應天撫運、肇啓疆宇、華夏一統、罔不率從。 放自卽位以來,溥從寬大,量能 知攸濟。 可改大德十二年爲至大元年。 永思創 授官,俾勤乃職,夙夜以 業艱難之始, 上下因循, 逮朕嗣服丕圖,續膺景命, 和氣 克諧,樂與 乖戾。 誕布惟新之令, 率土之民, 永 是以責任 康 兆民

蠻,並依舊制納稅。 百百 旌賞 姓、招誘流移人戶。禁投屬怯薛歹、鷹房避役、濫請錢糧。 存 恤 、孝弟力田 征 一戊蒙古、漢軍,拯治站赤消乏。 , 懲戒游惰。 凡選法、錢糧、刑名、造作一切公事,近侍人員毋得隔越聞奏。 政令得失,許諸人上書陳言。 弛山場、河泊、蘆蕩禁。 僧、道、也里可溫、答失 勸農桑, 圍獵 興學校,議貢 飛 放毋得搔

敕內庭作佛事,毋釋重囚,以輕囚釋之。

發六衛軍萬八千五百人,供旺兀察都建宮工役。甲子,授中書平章政事阿沙不花右丞相、行 至大 元年春正月辛酉朔,曲赦御史臺見緊犯贓官吏,罪止徵贓、罷職。 癸亥,敕樞密院

餘。 秩並正五品。丁卯,以中書右丞也罕的斤爲平章政事,議陝西省事。己巳,紹興、台州、慶 敷,敕遺怯列、應童括民間車馬。 鐵木兒不花等摘漢軍萬人,別立衞。甲戌,中書省臣言:「進海東靑鶻者當乘驛,馬五百不 世祖立五衞,以應五方,去一不可,宜各翼選漢軍萬人,別立一衞。」帝以爲然,敕知院事 **暄物貨隸徽政院者,鬻鈔三十萬錠賑之。特授乳母夫壽國公楊燕家奴開府儀同三司。(己已)** 元、廣德、建康、鎭江六路饑,死者甚衆,饑戶四十六萬有奇,戶月給米六斗,以沒入朱淸、張 御史大夫。丙寅、從江浙行省請、罷行都水監,以其事隸有司。立皇太子位典幄署、承和署, 中書省臣言:「阿失鐵木兒請遣教化的詣河西地采玉,馱攻玉沙需馬四十餘匹,采玉人千 千兩、鈔二千錠。 百兩、銀一萬七百兩、鈔三萬九千一百錠。甲申,敕床兀兒除登極恩例外,特賜金五百兩、銀 百一十五斤,賜金千五百兩、銀二萬兩、鈔萬錠,從人四萬錠,寬闊、也先孛可等,金二千三 人匠總管府爲繕珍司,秩正三品。己卯,陞中尚監爲中尚院,秩從二品。 緬國進馴象六。[10]辛未,樞密院臣言:「先奉旨以中衞親軍隸皇太子位,皇太子謂臣等曰, 臣等以爲不急之務勞民, 乞罷之。」又言:「近百姓艱食, 盗賊充斥, 苟不嚴治, 將至滋 宜遺使巡行、遇有罪囚、即行決遺、與隨處官吏共議弭盜方略、明立賞罰、或匿盜不聞、 戊子,皇太子請以阿沙不花復入中書,脫脫復入御史臺。己(酉)[丑]、三 兵部請以各驛馬陸續而進,勿括爲便。」從之。改徽政院 豳王出伯進玉六

本

第二十二

斑

宗一

爲至重,宜卽議行之。」封諸王也先鐵木兒爲營王。以乳母夫斡耳朶爲司徒。 例合結案待報,宜從中書省、也可札魯忽赤遣官,同行省、行臺、宣慰司、廉訪司審錄無冤, 或期會不至,或踰期不獲者,官吏連坐。」又言:「江浙行省海賊出沒,殺虜軍民。其已獲者, 棄之於市。 其未獲者,督責追捕,自首者原罪給粟,能禽其黨者加賞。」有旨:「弭盜安民,事

饑,從河南行省言,以兩浙鹽引十萬貿粟賑之。戊戌,以上都衞軍三千人,赴旺兀察都行宮 奏請。」陞尙舍監爲尙舍寺,秩正三品。丙申,立甄用監,秩正三品,隸徽政院。淮安等處 者或遇匱急,奏支鈔本。臣等固知鈔法非輕,曷敢輒動,然計無所出。今乞權支鈔本七百 今和林、甘肅、大同、隆興、兩都軍糧,諸所營繕,及一切供億,合用鈔八百二十餘萬錠。往 書省臣言:「陛下登極以來,錫賞諸王,恤軍力,賬百姓,及殊恩泛賜,帑藏空竭,豫賣鹽引。 增泉府院副使、同僉各一員。益都、濟寧、般陽、濟南、東平、泰安大饑,遣山東宣慰使王佐 同廉訪司覈實賑濟,爲鈔十萬二千二百三十七錠有奇、糧萬九千三百四十八石。乙未,中 也 一十餘萬錠,以周急用,不急之費姑後之。」帝曰:「卿等言是。 泛賜者,不以何人,毋得蒙蔽 可扎魯忽赤月里赤,並爲仁虞院使。汝寧、歸德二路旱、蝗,民饑,給鈔萬錠賑之。 二月癸巳,立鷹坊爲仁虞院,秩正二品。以右丞相脫脫、自己遙授左丞相禿刺鐵木兒、 壬寅、中書省臣言:「貴赤擾害檀州民、敕遣人往訊,其辭伏者宜加罪,有旨勿問。臣 甲午,

之,仍 筝 七 前 事 秩 以 丞 以爲 網 者 五 相 百 副 尙 罟給 赤 五. 地 於 飾 詹 因 + 震 非宜,已辭伏者,先爲決遣。」帝曰:「俟其獵畢治之。」從皇太子請,改詹事院使爲詹 六奉 事 大同、隆 和林 兩 鐵木兒,爲鈔萬 爲 民 少詹 力重 御、秩五品、凡四十八員、隸尙服院。 饑民。 立皇太子衞 興等處羅 困 事 了 院 判 戊午,遣 已発賦二年,請 九千四百錠。 率府。 爲丞。 ·糧以賑,就令屯田。 不達達思等送爪哇使還。 發軍 立尙服院,秩從二品。 再発今年。」從之。甲辰,賜國王和童金二百五 千五百人修五臺山佛寺。 丁未,用丞相 諸內侍、太醫、 甲寅、和林貧民北來者衆,以鈔十萬錠濟 (頭言, 設尙冠、尙衣、尙鞶、 中書省臣言:「陝西行省言,開成 己未,以皇太子建佛寺,立營繕署, 陰陽、樂人,毋援常選散官 命有司市邸舍一 尙 沐、 尚 區,以 十兩、銀 賜

索所 匹,也先不花、牙兒昔金各二百五十兩、銀七百五十兩、鈔二千錠。乙丑,太陰犯井。以北來 帝曰:「彼奏誤 叉莊 失 三月 〔等路言:「百姓 人 戶,成宗慮其爲例,不許。 聖 庚 皇后及諸王忽禿禿 申 ·朔,中書省臣言:「鄃王拙忽難人戶散失, 詔有司括索。 也、卿等速追以還。」賜與南王老章金五百兩、銀五千兩、鈔二千錠、幣帛八百 均 了在國家版籍,今所遣使,輒奪軍、驛、編民等戶,非宜。」中書省臣以聞, 人戶散入他郡,阿都赤、脫歡降墾書,俾括索。 今若括索,未免擾民。 且諸 王必多援例,乞寢其事。」從 臣等議: 昔阿只吉括 陝西行省及

本紀第二十二 武宗一

赤察兒 金 音 四 寺 金 卯 千 밁 於 尺 政 五 建 五. 事 百 八十六萬八千戶,仰食於官,非久計,給鈔百 大 成宗實錄。 興聖宮,給 都 , 封 百 兩 太傅哈剌哈孫 加 兩 中 城 くこ言銀五 大 書 南。 司 銀三萬 右 徒。 丞 鈔五 立 壬午, 賜 驥 千 相、行平章 兩、 晉王 萬 用、資 兩 分給 嗣 復 錠、絲二萬斤。 鈔萬錠; 漢天師 所部五 立 芝, 武 白雲宗攝所,秩從二品 政 二庫,秩正五 罷 事 張 百四十七人,鈔五 以其廩 阿沙 衞 與材 士五 給 不 遣 來朝, 花 使祀五 十三人, 一品,隸 賜諸 爲 康 加 金紫光 王 國 府 嶽 五十萬錠、 鈔萬 八亦忽 四四 萬二千九百六十錠,定王 公。以甘肅 正 ,設官三員。 司。 瀆、名山、 一六百錠。 禄 金百 陞 大夫,封 幣帛準鈔五十萬錠, 太 行省右丞 五. 史院秩從二品,司 大川。「賜 己卯 + 戊寅, 留 兩 國 ٠, 脫 車 銀 命翰 公。 ·駕幸 脫 」諸 七 薬木 木 百 林 王(賜) 兒 國 上 五. 命 忽兒 + 史院纂修 爲 天 太師月 八不沙 臺 兩。 中 ·書平 秩 建 Ĕ 1 佛

保、太尉、平章 護 坊 股 買住 公主, 累有旨 鈔二 夏 四 中 中 書 十 月 止之,又 ·書省 /戊戌, 萬 右 軍 錠。 丞 臣 國 復蒙 執 中書省臣言:「請依 重 立 (戊戌) 不 皇 事 可 蔽 魏 太子 以請, 封三寶奴 ,從 之。 國公。 位 人 自 匠 賜諸 1今縦 甲辰,陞典瑞監爲典瑞院,秩從二品。 爲 總管府, 元降 渤 有旨, 王 國公,日長 木 詔 南子 敕,勿 秩 卿 E 等其覆奏罪之。」 金 三品。 超 香山 五. 越 十兩、銀千 授官,泛 爲 癸卯, 賓國 公。 濫賜 兩、鈔 加 詔 授 以永 加 平 賚。」帝 千錠。 鐵 章 平路鹽 木 政事 知 迭 曰:「卿等言是。 樞 賜 兒 教化 密院 皇 課 右 太子 賜 丞 太子 事也兒 祥 相, 位 哥 太 鷹 都 刺

舊制 吉尼 土,則民 言:[12] 陛 遙授 量 ,速遣使往 不 其 右 勝 下 馬數,降 丞 令臣還國,復設官行征 其 相 罷 困 之。 且非世 以璽書。」奏可。 辛亥,樞密院臣言:「諸 祖舊制。」 乙卯, 東行省事 帝曰:「先請立者以卿言, 王各用其印符乘驛, 遣米楫等使蘇 ō 高麗歲數 魯國。 不登,百姓乏食,又數百 使臣 今請罷亦以卿言,其準 丙辰, . 旁 午, 高麗國王王(章)[璋] 驛 戶 困乏。 仰 宜準 食 其

宗朝 都指 六。 禁之。 饑,給糧一月。 普濟太子 頭、三寶奴所居,餘 中書省 各官營私宅。 揮 建國子監學,迄今未成,皇太子請畢其功。」 乙亥,知樞 五. ī 奏聞 使司 禁白蓮社 月丙寅,降英德路 、太傅。 遷調 以丞 臣等以爲俟旺兀察都行宮及大都、五臺寺畢工,然後從事 真定、大名、廣平有蟲食桑。 密院事 一、毁其 辛巳,中書省臣言:「舊 相赤因鐵木兒 宜申嚴告諭。」 悉罷之。」授(右)[左]丞相塔思不花 祠字,以其 憨剌合兒遙授左丞相。 爲州。 為使, 知樞密院事塔魯忽台遙授左丞相。 制可。 人還隸民籍。 摘通 制 癸未, 樞密院、御史臺、 惠 寧夏府水。 河 丙子 濟南 漕卒 制 御史臺臣言:「比奉旨罷 ,以諸王及西番 可。 九 上柱國、江巴監修國 般陽 百餘 己巳, 晉寧等處蝗。 雨雹 宣政 人 管城縣 隸 院得 之, 甲 僧從駕上都,途中 丁卯,御史臺 漕 申, 大 自選官 東平、 事 爲宜。」有旨:「除 雨 不急之役,今復爲 一史。加 雹。 如 立 東昌 大同 故 諸 緬國 左 益都蟓。 侍 官 丞 渭 臣言:「 相 源 府 進 衞 - 擾民, 乞台 縣早 馴 親 必 由 成 軍 瓜

紀第二十二 武宗一

本

加 台普濟錄軍國重事。 禮儀院官二十七員爲八員。河南、山東大饑,有父食其子者,以兩道沒入贓鈔賑之。 益都水、民饑、采草根樹皮以食、兔今歲差徭,仍以本路稅課及發朱汪、利津兩倉粟賑之。 七千錠、鹽折直爲引五千。」令行省、行臺遣官臨視。內郡、江淮大饑,免今年常賦及夏稅。 委官監臨,以防不均之弊。中書省臣言:「江浙行省管內饑,賑米五十三萬五千石、鈔十五萬 封藥木忽兒爲定王,駙馬阿失爲昌王,並賜金印。以司徒、平章政事、領大司農李邦寧遙授 四千錠、麵四萬斤。又,流民戶百三十三萬九百五十有奇,賑米五十三萬六千石、鈔十九萬 丞相。 平章軍 雲南烏撒、烏蒙,三日之中地大震者六。戊戌,大都饑,發官廩減價糶貧民,戶出印帖, 六月己丑,渤國公三寶奴加錄軍國重事、中書右丞相,應國公、太子詹事、平章軍國重 ,農曲出加太子太保,左丞相脫脫加上柱國、太尉,遙授參知政事、行詹事丞大慈都 辛丑,以沒入朱清、張瑄田產隸中宮,立江浙財賦總管府、提舉司。己酉,減太常 國重事。甲午,改太子位承和署爲典樂司,秩正三品。丁酉,鞏昌府隴西、寧遠縣地 是月,保定、真定蝗。 加乞

來京師,今後非奉朝命毋赴闕。雲南、湖廣、河南、四川盜賊竊發,諭軍民官用心撫治。立廣 自今毋問何人,以金銀爲請奏及托之奏者,皆抵罪。又,各處行省、宣慰司等官,多以結托 秋 1.七月庚申,流星起自勾陳,南行,圓若車輪,微有銳,經貫索滅。 敕以金銀歲入數少,

寧路 之。 民。 省 武 於 外 撫 天 賑 所 者 臣 寸. 下 使 請 總 康 **1**6 高 妄 追 ,文德懷遠 諸 都 管 朔 辛 築 興 里 民 設 其 稱 方, 未,立 王 己巳, 總 府 侍 呼 總 解 屬 省 立 寬闍 管 鷹 領 今遺少中大夫、禮部尚書阿里灰, 其 衞 官 望於下, 券 委 爲宗室諸 府。 親 臺 事 眞 府 御 括 提 造 於 0 軍 方議 人,乃 定 香 地,蠶食 舉 都指 郭州 爲 中 丙 淫 月魯等十二人 局, 司 [寅、復] 人心 害 其罪,遇赦 書 四、括 雨, 王 眷安南,自 澤 省 揮 秩正 不 二、貴 ·細。」帝 所共,神器 中, 其民,以有主之田 使司,以中書平章政事阿沙不花爲都指揮使。 臣 水溢 置 言::[] 河 成 Ŧī. 泰安州 發軍 南 一,入 元 元 딞 獲免,今乃 瀕河 歸德、 曰:「安用 使諸 **万**祖 自 于 勳之所推戴, 王: 之新 有 南 五. 之地,出 申, 歸。 王 汝寧境內 功 肖, 百 一脫脫。 父,世 泰縣。 一人助其役。 太白 獻 多言,其止勿行 朕俯 下及藁城, 俱 朝請大夫、吏部侍郎李京, 其 為荒 沒 犯 地于皇子。 修方貢, 癸酉, 以謂 無常 瀕 徇 辛 左 奧情,大德十一年五月二十一日 卯、江江濟寧大 地 河 執 荒 淚 , 旺 法。 所 遇 溺 詔 乃世 地約六萬 朕 兀 有 死者 諭 至 察都 」禁鷹坊於大同、隆興等處 甚 香山 且 退 安南 騷 嘉之。 祖 (灘,則 河南 百 動。 嫡孫, 行 加太子太傅。 國 七十七人,發米 水入城,詔遣官以 "宫成。 餘 連歲水災,人方闕食,若 曰:「惟 民高榮等六百 頃, 爲之主。 邇 裕皇 者, 歲收 朝列大夫、 壬戌, 立中都留 我 正 先皇帝 國家, 派,宗藩效順 其 先是, 遺塔 皇子 租 萬 人, 晏駕,朕 以 守 兵部侍郎 刨 察兒等 七 鈔 有 令 和 五. 縦 武 訴 皇帝: 百 司 亦 世 河 功定 -瑓請 于 石 兼 獵 馬 南 都 位 於 九 從 賑 錠 擾 省 開

外大 外諸 發 思 午,置 册 師 員,成宗時 侍 高 得 爲 、官稅並 淇 郎 復 八小事 、陽王 擅 衙 監察 禮 皇太子 杂兒只 門,毋得 諭 自 予務並聽 郊史。 一月赤察兒請置王傅,中書省臣 旨。 離職、乘驛 一行除 增至十三員。今署 司 爲 **尙體同仁之視,益堅事** 趸。 隔 議 兵部 是月,以左丞相塔思不花為 中書省區 越聞 郎, ,赴京,營幹私 侍 秩 奏。 郎 正 使緬 虚, 五 各處行省、宣慰司及在外諸衙門等官,非奉 品。 諸王、公主、 事 國 者三十二員,乞省之。」 事。 封乃蠻帶爲壽王。 遣 脱里不花等二十人使諸王合見 大之誠,輯寧爾 江南、江北水旱饑荒,已嘗遣使賑恤 謂 異姓 駙馬、勢要 中書右丞 王無置 邦, 癸未,樞密院臣言:「世祖時 博例, 人等,毋得攪擾沮 相,太保乞台普濟爲 敕罷塔思帶等一 以稱股意。」 不許。 乙酉, 班答。 又以管祝思監 ·聖旨幷中書省明文, 壞。 --- 中 以豢虎 者,至大元年差 弛上都酒 近侍臣 · 書左 人。 丞相 樞密臣 人徹兒怯 甲 員及內 爲 ·申,太 禁。 禮 0 六 壬 部 內

宗 可。 綱 事 之際 迄 益 於陛 辛 振 。今撒 諸 月戊子,大寧 11: 下,累 一,以 人 中 册 都 得 都 T 有 被逮 行宮 與焉。邇 明 ·雨雹。 旨,監察御史乃朝廷耳目,中外臣 成, 同 賞官吏有勞者,工部尚書黑馬而下並陞二等,賜塔刺兒銀二百五 者 列 丙 皆懼 了鞫問 (中,御史臺臣言:「奉敕逮監察御史撒 ,所繋非 刑 部尚書烏刺 小 ``乞寢是命``申明臺憲之制 沙) 贓罪 僚 作姦犯 ,蒙玉音獎諭 科,有不 都丁赴上都。 ,諸御史皆被錫賚,臺 **,諸人毋得** 職者,聽 其糾劾,治 與聞。」 世 祖、成 制

本

紀

第

+

武

宗

者,小則輒行,大則以聞。」從之。 揚州、淮安蝗。 中書省臣言:「外臺、行省及諸人應詔言事,未敢一一上煩聖聽。請集朝臣議,擇其切於事 麟大司徒。 軍人金二百兩、銀八百兩,死於木石及病沒者給鈔有差。癸卯,加中書右丞、領將作院呂天 頭太師。賜諸王脫歡金三百兩、銀二千五百兩、鈔二千錠,阿里不花金百兩、銀千兩、鈔千 十兩,同知察乃、通政使塔利赤、同知留守蕭珍、工部侍郎答失蠻金二百兩、銀一千四百兩, 己酉,大同隕霜殺禾。甲寅,李邦寧以建香殿成,賜金五十兩、銀四百五十兩。乙卯, 戊申,立中都萬億庫。寧夏立河渠司,秩五品,官二員,參以二僧爲之。特授低

即刺進異木沉檀可構宮室者。」敕江浙行省驛致之。 司, 秩正五品, 設官四員。 高麗國王王距卒。 任,雖欲竭盡心力,而聞見淺狹,思慮不廣,以致政事多舛,有乖陰陽之和,百姓被其災殃, 政院秩從一品。辛酉、遺人使諸王察八兒、寬闍所。 願退位以避賢路。」帝曰:「災害事有由來,非爾所致,汝等但當愼其所行。」 立怯憐口提舉 餘,疫癘大作,死者相枕籍。、父賣其子,夫鬻其妻,吳聲震野,有不忍聞。臣等不才,猥當大餘,疫癘大作,死者相枕籍。、父賣其子,夫鬻其妻,吳聲震野,有不忍聞。臣等不才,猥當大 之間,鞏昌地震,歸德暴風雨,泰安、濟寧、眞定大水,廬舍蕩析,人畜俱被其災。江浙饑荒之 九月丙辰〔朔〕,以內郡歲不登,諸部人馬之入都城者,減十之五。 中書省臣言:「夏秋 命雪尼台鐵木察使薛迷思干部。己未,陞中 癸亥,萬戶也列門合散來自薛迷思干 壬戌,太尉脫脫奏:「泉州大商合只鐵

沙資善大夫、行泉府院使。 以一年者上進。」並從之。癸未,太陰犯熒惑。立中都虎賁司。特授承務郎、直省舍人藏吉 城,三年民賦以輸縣官。今因薛尼台鐵木察往彼,宜令以二年之賦與寬闊,給與元輸之人, 滿爲陽翟王,賜金印。中書省臣言:「奉旨:連歲不登,從駕四衞,一衞約四百人,所給芻粟自 及實帶、西域馬。庚辰,以高麗國王王(章)〔璋〕嗣高麗王。諸王禿滿進所藏太宗玉璽,封禿 史院,秩正二品。乙亥,車駕至自上都。弛諸路酒禁。戊寅,泉州大商馬合馬丹的進珍異 等城,進呈太祖時所造戶口靑册,賜銀鈔幣帛有差。丙寅,蕭縣地震。癸酉,陞內史府爲內 如常例,給各部者減半。臣等議:大都去歲飼馬九萬四千匹,今請減爲五萬匹,外路飼馬十 萬九千餘匹,今請減爲六萬匹,自十月十五日爲始。」又言:「薛迷思干、塔刺思、塔失玄等

者、聽運司以聞。」禁奉符、長淸、泗水、章丘、霑化、利津、無棣七縣民田獵。甲辰,從帝師 揚州,江西、江浙海漕三十萬石,內分五萬石貯朱汪、利津二倉,以濟山東饑民,從之。敕: 罷大都榷酤。賜皇太子金千兩。辛丑,太白犯南斗。癸卯,中書省臣請以湖廣米十萬石貯於 不花知樞密院事。丁酉,以大都艱食,復糶米十萬石,減其價以賑之,以其鈔於江南和糴。 「凡持內降文記買河間鹽及以諸王、駙馬之言至運司者,一切禁之。持內降文記不由中書 冬十月庚寅、爲太師低頭建第、給鈔二萬錠。癸巳、蕭縣、陵縣地震。日む甲午,以阿沙

紀第二十二

武

宗一

管府爲會福院,秩從二品。丙午,立興聖宮掌醫監,秩正三品 魯,河南江北行省右丞也速,內史脫孛花,並知樞密院事。 教瓦班爲翰林承旨。 請,以釋教都總管朶兒只八兼領囊八地產錢物,爲都總管府達魯花赤總其財賦。 左丞相、知樞密院事鐵木兒不花加錄軍國重事。 乙巳,改護國仁王寺昭應規運總 中書右丞、司 以西番僧 徒禿忽

降文記及傳旨至中書省,其執之以來,朕將加罪。」以也兒吉(兒)[尼]爲御史大夫。[10]已已, 營私第,軍民不得休息。邇者用度愈廣,每賜一人,輒至萬錠,惟陛下矜察。」又言:「銓選、 舊秩出官,果應例者,自如選格。」從之。 庚申,太白晝見。 以軍五千人供造寺工役。 不改舊而官日增。請依大德十年已定員數,冗濫者從各司自與減汰。 錢糧,諸司乞毋干預。」帝曰:「已降制書, 令諸人毋干中書之政。 韶発紹興、慶元、台州、建康、廣德田租、紹興被災尤甚,今歲又旱,凡佃戶止輸田主十分之 更俸,以至元鈔依中統鈔數給之,止其祿米,歲該四十萬石。 丁卯,中書省臣言:「今銓選、錢糧之法盡壞,廪藏空虛。 有旨併省。 山場、河濼、商稅、截日発之。諸路小稔、審被災者免之。乙丑、賜諸王南木忽里金印。 十一月己未,中書省臣言:「世祖時,省、院、臺及諸司皆有定員,後略有增者,成宗已嘗 **邇者諸司遞陞,四品者三品,三品者二品,二品者一品,一司甚至二三十員,事** 中都建城,大都建寺,及爲諸貴人 吏員以九十月出身,如 他日或有乘股忽忘,持內 衙門旣陞、諸吏止從 舊制 增官

本紀第二十二 武宗一

宣德、雲州工役,供億浩繁,其賦稅除前詔已免三年外,更免一年。」辛巳,罷益都諸處合剌 太后造寺五臺山,摘軍六千五百人供其役。 赤等狩獵。以銀七百五十兩、鈔二千二百錠、幣帛三百匹施昊天寺,爲水陸大會。癸未,皇 往,與行省、宣慰司親履其地,可興者興,可廢者廢,各具籍以聞。」並從之。詔:「開寧路及 所,由所用者多非其人,以致廢弛,除四川、甘州、應昌府、雲南爲地絕遠,餘當選習農務者 省者,委官裁省。又,行泉院專以守寶貨爲任,宜禁私獻寶貨者。又,天下屯田百二十餘 相 以 乞台普濟爲右丞相,脫脫爲左丞相。旣又從脫脫言,以塔思不花與乞台普濟俱爲右丞 中書省臣言:「國用不給,請沙汰宣徽、太府、利用等院籍,定應給人數。其在上都、行

所宜,乞一概追之。」制可。 進沙糖。止富民輸粟賑饑補官。丁酉,禁江西、湖廣、汴梁私捕駕鵝。己亥,罷遼陽省進雕 頃,從之。 有司爲贖之。乙未,賜故中書右丞相完澤妻金五百兩、銀千五百〔兩〕。〔三〕丙申,罷江南 ``復邀回賜,似此甚衆。 臣等議:虎符,國之信器,驛馬,使臣所需,今以畀諸商人,誠非 貴赤衛受烏江縣達魯花赤獻私戶萬,令隸縣官。壬寅,乞台普濟乞賜固安田二百餘 閏十一月己丑,以大都米貴,發廪十萬石,減其價以糶賑貧民。北來民饑,有鬻子者, 乙巳,中書省臣言:「回回商人,持璽書,佩虎符,乘驛馬,名求珍異,旣而以一豹 罷順德、廣平鐵冶提舉司,聽民自便,有司稅之如舊。丁未,復

立汴梁路之項城縣。 、準先朝定制,從軍輸稅,一與民同。 以杭州、紹興、 建康等路歲比饑饉,今年酒課免十分之三。 甲寅,答刺罕哈剌哈孫卒。 敕河西僧

以大同 省臣 監察御史宴服。 子賓客 體均當。 議 十二月庚申,封和郎撒爲隴王,賜金印。 路 發還 王太亨行太子詹事,平章軍國重事、太子少詹事大慈都爲太子詹事。 隸 中都留守司,冀寧、晉寧二路隸 爲是,從之。 雲南畏吾兒一千人居荆襄,雲南省臣言:「世祖有旨使歸雲南,以佐征討。」中書 中都立開寧縣、降隆興為源州、陞蔚州為蔚昌府。 中書省。 平江路民有隸謹的里部者,依舊制,差賦與民 甲戌,以平章政事、商議中書省事、太 省河東宣慰司, 賜御史臺官及

校勘記

進封 瀋陽 王、紀當云封高麗王王阻之世子源爲瀋陽王、不得云封 高 麗王王昛爲瀋陽王 考異云:「案高麗傳, 王謜成宗初年尚寶塔實憐公主, 十一年進封 眶也。 又案朝鮮史。忠烈王 順三十

(七月)庚辰 **考** 云:「案上書七月癸亥朔,庚辰爲月之十八日,不當重書七月。」從删

匹

年,王

薨

于神孝寺,遺教機務委付瀋陽王,則

瀋陽王爲謜之封明矣。」

中書(右)[左]丞孛羅鐵木兒 按下文戊午條有「以中書左丞幸羅鐵木兒爲中書右丞」、據改。續

通鑑已校。

置皇[太]子位典牧監 從北監本補

二五二 以行省平章總督軍馬得佩虎符其左丞等所佩悉追納 法(魯忽)[忽魯]丁 據上文七月丁丑條及本書卷一一二宰相年表改正。 按沅代右丞位在左丞上,僅次于平章, 類編已校。

蒙史改「左丞」作「右丞」、疑是。

てもし 灤河 按元無「灤河」縣、此處史文有誤。

太陰犯東(斗)〔井〕 據本書卷四八天文志改。

(元)(貴)赤塔塔兒等擾檀州民 按下文至大元年二月壬寅條有「貴赤擾害檀州民」,所指爲一事,

據補

(己已)緬國進馴象六 按上文已有「已已」,此重出,今删。

己(酉)(丑) 按是月辛酉朔,無己酉日。此「己酉」在戊子二十八日後,爲己丑二十九日之誤,今改。

類編已校。

右丞相脫脫 本證云:「案脫脫以去歲六月遙授左丞相,是年六月亦稱左丞相,此作右誤。」

[賜]諸王(賜)八不沙 從道光本改正

本 定王藥木忽兒 紀 第二十二 本證云:「當稱威定王、六月方封定王。」 校 勘 記

- [三] (戊戌)封三寶奴爲渤國公 按上文已有「戊戌」,此重出,今從道光本删
- □台 王(章)〔章〕 本書卷一○八諸王表、卷一○九諸公主表、卷一一六后妃傅及高麗史卷三三忠宣 王世家、元文類卷一一姚燧高麗國王封曾祖父母父母制、「章」皆作「璋」、據改。

'下同。考異已

按王璋即王颙改名、王旺子、此時在元廷、北監本、殿本改作「王旺」、誤。

- [14](有)[左]丞相塔思不花 相」,下文本年七月條有「以左丞相塔思不花爲中書右丞相」,據改。 按上文大德十一年七月丁丑條有「以御史大夫塔思不花爲中書左丞
- 按是月丁巳朔、無辛卯日。此「辛卯」在丙寅初十日、己巳十三日間、當爲丁卯十一日之誤。

辛卯

- 癸巳蒲縣陵縣地震 寧路隰州屬縣有蕭縣,霍州屬縣有靈石縣,疑「陵縣」、「靈縣」皆「靈石縣」之誤。 本書卷五〇五行志作「十月癸巳,瀟縣、靈縣地震」。按卷五八地理志,晉
- 也兒吉(兒)[尼] 月己卯條皆作「也兒吉尼」,據改。 按也兒吉尼一名本書屢見, 蒙史已校。 上文大德十一年七月辛已條及下文至大三年三
- 銀千五百八兩〕 從北監本補。

元史卷二十三

本紀第二十三

武宗二

德六年至至大元年所出,凡六千三百餘道,皆干田土、戶口、金銀鐵冶、增餘課程、進貢奇 罪賜死。禁日者、方士出入諸王、公主、近侍及諸官之門。辛卯,皇太子、諸王、百官上尊號曰 貨、錢穀、選法、詞訟、造作等事、害及於民、請盡追奪之。今後有不由中書者,乞勿與。」制 統天繼聖欽文英武大章孝皇帝。乙未,恭謝太廟。丙申,詔天下弛山澤之禁,恤流移,毋令 思不花、乞台普濟言:「諸人恃恩徑奏,璽書不由中書,直下翰林院給與者,今覈其數,自大 有出身人考滿者,加散官一等。己亥,封知樞密院事容國公床兀兒爲句容郡王。乙巳,塔 見戶包納差稅,被災百姓,內郡免差稅一年,江淮免夏稅,內外大小職官普覃散官一等, 一年春正月己丑,從皇太子請,罷宮師府,設賓客、諭德、贊善如故。 庚寅,越王禿剌有

本

紀第二十三

武

宗二

歲以幣帛千匹、鈔千錠與之。 丙午,· 定制大成至聖文宣王春秋二丁釋奠用太牢。戊申,迭里帖木兒不花進鷹犬,命

中都酒禁。 里合赤、兀魯帶、朶來等軍九千五百人赴和林。壬申,令各衞董屯田官三年一易。甲戌,弛 其宣慰司官吏、部校、軍士、給賞有差。己巳、太陰犯亢。辛未、太陰犯氐。 皇太子幸五臺佛寺。 二月戊午,鑄金印賜句容郡王床兀兒。賑眞定路饑民糧萬石,搭搭境六千石。癸亥, 。罷行泉府院,以市舶歸之行省。乙丑,以和林屯田去秋收九萬餘石, 調國王部及忽

杭州白雲宗攝所。 車駕幸上都。摘五衞軍五十人隸中都虎賁司。封諸王也〔速〕不干爲襄寧王。〔〕辛卯,罷 風疾,以諸王老的代梁王鎭雲南,賜金二百五十兩、銀七百五十兩,從者幣帛有差。庚寅, 臣請令重喜與高麗王辯對。敕中書毋令辯對,令高麗王從太后之五臺山。梁王在雲南有 命汰其求芻粟者,而宣徽院孛可孫竟不能行,視去歲反多三十萬石,請用知錢穀者二三員 「國家歲賦有常,頃以歲儉,所入曾不及半,而去歲所支,鈔至千萬錠,糧三百萬石。陛下嘗 亥,熒惑犯歲星。 三月己丑,遼陽行省右丞洪重喜訴高麗國王王(章)[璋]不奉國法恣暴等事,[]中書省 封公主阿刺的納八刺爲趙國公主,駙馬注安爲趙王。甲辰,中書省臣言: 立湖廣頭陀禪錄司。丙寅,三賜雲南王老的金印。戊戌,太陰犯氐。己

陞掌醫署爲典醫監。乙巳,中書省臣言:「中書爲百司之首,宜先汰冗員。」帝曰:「百司所 出、刺馬甘禿刺亦各增一員,非舊制。 臣等以爲皇太子位所增宜存,諸王者宜罷。」並從之。 汰,卿等定議;省臣去留,朕自思之。」己酉,濟陰、定陶雹。 於宣徽院佐而理之。又,中書省斷事官,大德十年四十三員,今皇太子位增二員,諸王闆闆

名、汴梁、衛輝、泰安、高唐、曹、濮、德、揚、滁、高郵等處蝗。 外。癸亥,摘漢軍五千,給田十萬頃,於直沽沿海口屯種,又益以康里軍二千,立鎮守海口 依驛遞,其商人因有所獻者,令自備資力。」從之。辛酉,立興聖宮江淮財賦總管府,詔諭中 建新寺,鑄提調、監造三品銀印。益都、東平、東(遠)[昌]、[四]濟寧、河間、順德、廣平、大 百姓艱食,乞依前旨罷其役。」帝曰:「皇城若無角樓,何以壯觀! 先畢其功,餘者緩之。」以 屯儲親軍都指揮使司。壬午,詔中都創皇城角樓。中書省臣言:「今農事正殷,蝗蟓徧野, 丁等進獅、豹、鴉、鶻,留二十有七日,人畜食肉千三百餘斤。請自今遠方以奇獸異寶來者, 夏四月甲寅,中書省臣言:「江浙杭州驛,半歲之間,使人過者千二百餘,有桑兀、寶合

北幸,而京師工役正興,加之歲旱乏食,民愚易惑,所關甚重,乞留一丞相鎭京師,後爲例。」 丁酉,以陰陽家言,自今至聖誕節不宜興土功,敕權停新寺工役。 甲辰,御史臺臣言:「乘輿 五月丁亥,以通政院使憨刺合兒知樞密院事,董建興聖宮,令大都留守養安等督其工。

紀第

= +

Ξ

浜

宗二

制可。

「宣政 蒙古、色目之有閥閥者,餘皆革去。 水、上元等處蝗。 谷、盤西、神川等處大雨雹。 宣政院一體 省言,宣 斷 太子請,改典樂司提點、大使等官爲卿、少卿、丞。 陽三路,寧海 費公帑,勞驛 奉 其舌,此法昔所未聞, 旨既停新寺工役,其亭苑鷹坊諸役,乞幷罷。又,太醫院遣使取藥材於陝西、 六 院 月癸亥, |政院奏觅僧、道、也里可溫、答失蠻租 一文案不檢覈,於憲章有礙, 奏発,非制。」 傳。 州屬宣慰司,餘並令直隸省部。 選官督捕蝗。 臣等議,事干錢糧,隔越中書省徑行,乞禁止。」並從之。 有乖 有旨,依舊制徵之。是月,金城、崞州、 覇州、檀州、涿州、良鄉、舒城、歷陽、合肥、六安、江寧、句容、溧 國典, 從皇太子言,禁諸賜田者馳驛徵租擾民。 遵舊制爲宜。」並從之。 且於僧無益。 皇太子言:「宣政院先奉旨、殿西番僧者截 税。 以大都隸儒籍者四十戶充文廟樂工。 僧俗相犯, 甲戌、以宿衞之士比多冗雜、遵舊制 臣等議,田有租,商有稅,乃祖宗成法,今 乙亥,中書省臣言:「河南、江浙 已有明憲, 乞更其令。」又言: 源州 雨雹。 庚午,中書省臣言: 以益都、濟南、般 延安之神木碾 以其手,詈之者 四川、雲南, 從皇 "; 存

松潘疊宕威茂州等處安撫司管內,西番、禿魯卜、降胡、漢民四種人雜處,昨遣經歷蔡懋昭 秋七月癸未, 河決歸德府境。 壬辰, 宣政院臣言:「武靖王搠思班與朶思麻宣慰司言: 本

紀

第

+

 \equiv

武

宗

大辟獄 **遂廢。** 卯, 政事 以 告天下。 立尚 下,敢有沮撓尙書省事者,罪之。眞定、保定、河間、順德、廣平、彰德、大名、衞輝、懷孟、汴 至者有之,未歷仕者有之。此皆素習於事,旣已任之,乞勿拘例,授以宣敕。」制可。 省臣言:「中書省尙有逋欠錢糧應追理者,宜存斷事官十人,餘皆併入尙書省。」又言:「往者 右 不修,慮 其 右丞,忙哥鐵木兒爲左丞,王羆爲參知政事,中書左丞劉楫授尚書左丞、商議尚書省事,詔 阿速 衞 城 `三寶奴言:「尙書省立,更新庶政,變易鈔法,用官六十四員,其中宿衞之士有之,品秩未 ,郝彬爲尚書省參知政事。甲戌,賜太師低頭名脫兒赤顏。丁丑,永平路隕霜殺禾。己 率府,「尽」秩正三品,命尚書右丞相脫虎脫、御史大夫不里牙敦並領右衞率府事。尚書 書省,以乞台普濟爲太傅、右丞相,脫虎脫爲左丞相,三寶奴、樂實爲平章政事,保八爲 池。 今乞仍舊遣軍屯種,選知屯田地利色目、漢人各一員領之。」皆從之。癸(酉)[丑],[吾] 具,尚書省議定,令中書省裁酌以聞,宜依舊制。」從之。以江西等處行中書省參知 衛 啓寇心。 甲寅、敕以海刺孫昔與伯顏、阿朮平江南、知兵事,可授平章政事、商議樞密院事。 軍五百人隸諸王怯里不花,駐和林,給鈔萬五千錠,人備四馬。己未,立皇太子 近撒的迷失擅興兵甲,掠豳王出伯輜重,民大驚擾。今撒的迷失已伏誅,其城若 又,沙、瓜州摘軍屯田,歲入糧二萬五千石,撒的迷失叛,不令其軍入屯,

行臺劾:「平章政事敎化,詐言家貧,冒受賜貨物,折鈔二萬錠。且其人素行,無一善可稱。 收至大銀鈔,以一當五。頒行至大銀鈔二兩至二釐,定爲一十三等,以便民用。」壬午,江南 年爲滿。中統交鈔,詔書到日,限一百日盡數赴庫倒換。茶、鹽、酒、醋、商稅諸色課程,如 栗麥米穀,值青黃不接之時,比附時估,減價出糶,以遏沸湧。金銀私相買賣及海舶興販 逮今又復二十三年,物重鈔輕,不能無弊,迺循舊典,改造至大銀鈔,頒行天下。至大銀鈔 切逋欠,並行蠲免,仍除差稅三年。田野死亡,遺骸暴露,官爲收拾。」頒行至大銀鈔,詔曰: 利害,臣民有上言者,皆得實封上聞,在外者赴所屬轉達。各處人民,饑荒轉徙復業者,一 省務壅塞,朝夕惟署押文案,事皆廢弛。天災民困,職此之由。自今以始,省部一切,皆令 魏國公尊爵也,豈宜授之。請追奪爲宜。」制可。癸未,尚書省臣言:「古者設官分職,各有攸 金、銀、銅錢、綿絲、布帛下海者,並禁之。平準行用庫、常平倉設官,皆於流官內銓注,以二 民間絲綿布帛,赴庫回易,依驗時估給價。隨處路府州縣,設立常平倉以權物價,豐年收糴 「昔我世祖皇帝旣登大寶,始造中統交鈔,以便民用,歲久法隳,亦旣更張,印造至元寶鈔。 司。方今地大民衆,事益繁冗,若使省臣總挈綱領,庶官各盡厥職,其事豈有不治。 一兩,準至元鈔五貫、白銀一兩、赤金一錢。隨路立平準行用庫,買賣金銀,倒換昏鈔。或 九月庚辰朔,以尚書省條畫詔天下,改各行中書省爲行尚書省。詔:「朝廷得失,軍民 頃歲

本

紀第二十三

武

宗二

賑之,獲濟者衆。今山東大饑,流民轉徙,乞以本臺沒入贓鈔萬錠賑救之。」制可。丁酉,御 寺,所須皆直取於民,宜発今年租稅。」從之。 丙申,御史臺臣言:「頃年歲凶民疫,陛下哀矜 權豪畜鷹犬之家不得占據山場,聽民樵采。三寶奴言:「冀寧、大同、保定、眞定以五臺建 建,請買大第徙之。」制可。壬辰,賜高唐王注安金五千兩、銀五萬兩。 删除繁冗,使歸於一,編爲定制。」並從之。以大都城南建佛寺,立行工部,領行工部事三 衆,古所未有。 累朝格例前後不一,執法之吏輕 錠,今乞罷中統鈔,以至大銀鈔爲母,至元鈔爲子,仍撥至元鈔本百萬錠,以給國 史臺臣言:「比者近幸爲人奏請,賜江南田千二百三十頃,爲租五十萬石,乞拘還官。」從之。 臣言:「翰林國史院,先朝御容、實錄皆在其中,鄕置之南省。 從宜處置,大事或須上請,得旨卽行,用成至治,上順天道,下安民心。」又言:「國家地廣民 立資國院,秩正二品;山東、河東、遼陽、江淮、湖廣、川漢立泉貨監六,秩正三品,產銅 人,行工部尚書二人,仍令尚書右丞相脫虎脫兼領之。丙戌, 舊行之。 立提舉司 己亥,尚書省臣言:「今國用需中統鈔五百萬錠,前者嘗借支鈔本至千六十萬 三千一百餘 **儻於大事有害,則復奏請。」帝是其言。** 十九,秩從五品。 尚書省臣言:「三宮內降之旨,曩中書省奏請勿行,臣等謂 重任意、請自太祖以來所行政令九千餘條、 又言:「中書之務,乞以盡歸臣等。 今尚書省復立, 倉卒不及營 車駕至大都。戊子,尚書省 癸巳,以薪價貴,禁 用。 至元二 之地

達、亦刺思等地耕種。 察罕、亦不刺金、楊忽答兒、阿里使占八。以陝西行臺大夫、大司徒沙的爲左丞相、行土蕃 等奏請遣人使海外諸國。以禿堅、張也先、伯顏使不憐八孫,薛徹兀、李唐、徐伯顏使八昔, 等處宣慰使都元帥。 甲辰,尚書省言:「每歲芻粟費鈔五十萬錠,請廢孛可孫,立度支院,秩 之。占八國王遣其弟扎剌奴等來貢白面象、伽藍木。合魯納答思、秃堅鐵木兒、桑加 十四年,凡宣敕亦尚書省掌之。今臣等議,乞從尚書省任人,而以宣敕散官委之中書。」從 二品,設使、同知、僉院、僉判各二員。」從之。乙巳,以盜多,徙上都、中都、大都舊盜於水達 。丁未,三寶奴言養豹者害民爲甚,有旨禁之,有復犯者,雖貴 幸 亦

知。 地稅 之。」辛酉,弛酒禁,立酒課提舉司。 移其半入京師以養御士,半留於彼以備凶年。富國安民,無善於此。」帝曰:「如樂實言行 敕牒宜令尚書省給降,宣命仍委中書。」制可。丙辰,樂實言::「江南平垂四十年,其民止輸 錢法詔天下。辛亥,皇太子言:「舊制,百官宣敕散官皆歸中書,以臣爲中書令故 乞自今有歲收糧滿五萬石以上者,令石輸二升於官,仍質一子而軍之。其所輸之糧 、商稅,餘皆無與。 其富室有廠占王民奴使之者,動輒百千家,有多至萬家者,其力可 冬十月庚戌朔,以皇太子爲尚書令詔天下,令州縣正官以九年爲任詔天下,又以行銅 尚書省以錢穀繁劇,增戶部侍郎、 員外郎各一員; 叉增 也。 自今

本紀第

十 三

武宗

繁碎,民猶未悟,而又兼行銅錢,慮有相妨。」又言:「民間(抱)〔拘〕銅器甚急, [+] 弗便, 乞與 言:「常平倉本以益民,然歲不登,遽立之,必反害民,罷之便。」又言:「至大銀鈔始行,品目 丁爲右丞、行中書省左丞,參議中書省事鐵里脫歡、賈鈞並中書參知政事。戊寅,御史臺臣 相 弗給。」從之。加知樞密院事禿忽魯左丞相。丁丑,以遼陽行尚書省平章政事合散爲左丞 癸酉,尚書省臣言:「比來東汰冗官之故,百官俸至今未給,乞如大德十年所設員數給之,餘 大夫只兒合郎及中書左丞相脫脫、尙服院使大都,並知樞密院事。 壬申,太陰 犯 「臣詳議。」又言:「歲凶乏食,不宜遽弛酒禁。」有旨:「其與省臣議之。」 、行中書省平章政事,中書參知政事伯都爲平章政事、行中書右丞,商議中書省事忽都不 士承旨不里牙敦為御史大夫。乙丑,以皇太后有疾,詔天下釋大辟百人。丁卯,以 部侍郎、郎中各一員,凡言時政者屬之。立太廟廩犧署,設令、丞各一員。癸亥,以翰林 左執法。 御史

道軍千五百人護送入境。而算只兒威受谷保賂金銀各三錠,復進兵攻劫,谷保弓弩亂發, 大徹里、小徹里作亂,威遠州谷保奪據木羅甸,詔遣本省右丞算只兒威往招諭之,仍令威楚 言:「比年衞士大濫,率多無賴,請充衞士者,必廷見乃聽。」從之。雲南行省言:「八百媳婦、 各一員,令考功以行黜陟。東平、濟寧荐饑,免其民差稅之半,下戶悉免之。尚書省臣 十一月庚辰朔,以徐、邳連年大水,百姓流離,悉兔今歲差稅。增吏部郎中、員外郎、主 孛蘭奚貴爲國族,乞杖之,流北鄙從軍,從之。 丁未,擇衞士子弟充國子學生。 **糧儲,歲費浸廣,而所入不足。今歲江南頗熟,欲遣使和糴,恐米價暴增,請以至大鈔二千** 舉行。今年冬至祀天南郊,請以太祖皇帝配,明年夏至祀地北郊,請以世祖皇帝配。」制可。 則聽以各省錢足之。」制可。丙午,諸王孛蘭奚以私怨殺人,當死,大宗正也可扎魯忽赤議, 錠分之江浙、河南、江西、湖廣四省,於來歲諸色應支糧者,視時直予以鈔,可得百萬;不給 監修國史。己亥,太陰犯右執法。庚子,太陰犯上相。辛丑,尚書省臣言:「臣等竊計,國之 丁亥,以湖廣行省左丞散朮帶爲平章政事、商議樞密院事。丁酉,太尉、尚書右丞相脫虎脫 酉,尚書省及太常禮儀院言:「郊祀者,國之大禮。今南郊之禮已行而未備,北郊之禮尙未 算只兒威雖遇赦,可嚴鞫之。」甲申,賜寧肅王脫脫金印。 陞皇太子府正司 為從二品。乙 遂以敗還。 匪惟敗事,反傷我人,惟陛下裁度。」帝曰:「大事也,其速擇使復齎璽書往招諭

和林鞫之。」武昌婦人劉氏,詣御史臺訴三寶奴奪其所進亡宋玉璽一、金椅一、夜明珠二。 出入不復關聞,予奪失當,而右丞襲家帶反相凌侮,輒託故赴京師。」有旨:「其鎖襲家帶詣 帝尊諡、廟號及莊聖皇后尊諡,執事者人陞散階一等,賜太廟禮樂戶鈔帛有差。 丞相、太師月赤察兒言:「臣與哈刺哈孫答刺罕共事時,錢穀必與臣議。 十二月乙卯、親饗太廟、上太祖聖武皇帝尊諡、廟號及光獻皇后尊諡,又上睿宗景襄皇 自哈剌哈孫沒,凡 和林省右

五一九

紀

第二十

Ξ

炬

氏爲妄。 增為至· 不答。 丑,詔 往諸路分揀逋負,合徵者徵之,合兒者免之。庚申,太陰犯參。尚書省臣言:「鹽價每引宜 稱故翟萬戶妻,三寶奴謫武昌時,與(留)[劉]往來,[5]及三寶奴貴,劉託以追逃婢來京師 之。 漢 謁三寶奴於 者,許其家具本官平日勳勞、政績、德業、藝能,經由所在官司保勘,與本家所供 吏部考覆呈都省,都省準擬,令太常禮儀院驗事蹟定諡。若勳戚大臣奉旨賜諡者, 人執弓矢、兵仗。 若六品七品死節 忿恨 大銀鈔四兩,廣西者如故。 增百官俸,定流官封贈等第。 有旨,斬 而 其家,不答,入其西廊,見榻上有逃婢所竊寶鞍及其手縫錦帕,以問,三寶奴又 出,即求書狀人喬瑜爲狀,乃因尹榮往見察院吏李節,入訴於臺。 喬瑜,笞李節,杖劉氏及尹榮,歸之元籍。丙辰,併中書省左右司。 壬戌,陽曲縣地震,有聲如雷。封西僧迷不韻子爲寧國公,賜金印。 死事者, 驗事特贈官。 其煮鹽工本,請增爲至大銀鈔四錢。」制可。 應封贈者,或使遠死節,臨陣死事,於見授散官上加 封贈內外百官,三品以上者許請諡。 辛酉, 獄成,以劉 相 同, 凡請諡 不在 申禁 遣使 轉 1 申

三年春正月癸未,省中書官吏,自客省使而下一百八十一員。賜諸王那木忽里等鈔萬

此例。」

庚寅,立司禋監,秩正三品,掌巫覡,以丞相釐日領之。辛卯,立皇后弘吉列氏,遣脫**虎**脫攝 物有妨經制。 政事、集賢大學士、同知徽政院事。丁亥,白虹貫日。戊子,禁近侍諸人外增課額及進他 爲滿。定稅課官等第,萬錠之上,設正提舉、同提舉、副提舉各一員,一千錠之上,設提領、 爲正額,折至元鈔作數。自至大三年爲始恢辦,餘止以十分爲率,增及三分以上爲下酬,五 甲午,太陰犯右執法。乙未,定稅課法。諸色課程,並係大德十一年考較,定舊額、元增,總 太尉持節授玉册、玉寶。壬辰,陞中政院爲從一品。癸巳,立中瑞司,秩正三品,掌皇后寶。 思、播土兵併力討捕。 提舉司。戊戌、詔湖廣行省招諭叛人上思州知州黃勝許。辛丑、降詔招諭大徹里、小徹里。 員。丙申,立資國院泉貨監。命以歷代銅錢與王大錢相參行用。復立廣平順德路鐵冶都 分以上爲中酬,七分以上爲上酬,增及九分爲最,不及三分爲殿。所設資品官員,以二周歲 樞密院臣言:「湖廣省乖西帶蠻阿馬等連結萬人入寇,已遣萬戶移剌四奴領軍千人,及調 大使、副使各二員,五百錠之上,設提領、大使、副使各一員,一百錠之上,設大使、副使各一 詔諭 賜宣徽院使拙忽難所隸酒人鈔萬五百八十八錠。乙酉,特授李孟榮祿大夫、平章 八百媳婦,遣雲南行省右丞算只兒威招撫之。癸卯,改太子少詹事爲副詹事。 營五臺寺,役工匠千四百人、軍三千五百人。己丑,以紐隣參議尚書省事。 臣等議,事勢緩急、地里要害,四奴備知,乞聽其便宜調遣。」制可。

本紀

軍都指揮使司,秩正三品 密院遣 員。汰廣武康里衞軍,非其種者還之元籍,凡隸諸王阿只吉、火郎撒及迤南探馬赤者,令樞 史臺官二員,御史大夫、御史中丞、侍御史、治書侍御史各二員。省通政院官六員,存十二 乙巳,令中書省官吏如安童居中書時例存設,其已汰者,尚書省遷敍。 密院七員、同 千兩、鈔四百錠。 人卽其處參定爲籍。 .知樞密院事二員、樞密副使二員、僉樞密院事二員、同僉樞密院事一員。 增御 丙午, 韶令知樞密院事大都、 魚院合刺合孫復職。 去歲朝會,諸王伯鐵木兒、阿刺鐵木兒並賜金二百五十兩、 。丁未,立右衞阿速親 省樞密院官,存知樞 銀

便。」又言:「今夏朝會上都供億,請先發鈔百萬錠以往。」並從之。 尚書省臣言:「官階差等,已有定制,近奉聖旨、懿旨、令旨要索官階者,率多躐等,願依世 五百 海牙董其役。遣商議尚書省事劉楫整治鈔法。 左執法。 舊制,次第給之。」制可。 兩。己未,沒會通河,給鈔四千八百錠、糧二萬一千石以募民,命河南省平章政事塔失 二月庚戌,以皇后受册,遣官告謝太廟。辛亥,熒惑犯月星。 今既行至大銀鈔,乞以至元鈔輸萬億庫,銷毀其板,止以至大鈔與銅錢相 甲子,以上皇太后尊號,告祀南郊。乙丑,復以僉樞密院事賈鈞爲中書參知政事 丁卯,尚書省臣言:「昔至元鈔初行,即以中統鈔本 增大都警巡院二,分治四隅。壬戌,太陰犯 楚王牙忽都所隸戶貧乏, 賜鷹坊馬速忽金百兩 權 供 通行為 、億及 銀 祖

本紀第二十三 武宗二

賜之。」帝曰:「世祖謀慮深遠若是,待諸王朝會,頒賞旣畢,卿等備述其故,然後與之,使彼

分地五戶絲爲幣帛,俟彼來降賜之,藏二十餘年。今其子察八兒向慕德化,歸覲闕廷,請以

覺,闊闊出下獄,賜其妻完者死,竄阿剌納失里及其祖母、母、妻于伯鐵木兒所。以畏吾兒 以米萬石、鈔六千錠賑之。己已,寧王闔闊出謀爲不軌,越王禿剌子阿剌納失里許助力,事 那木忽里蒙古軍,給鈔七萬錠。庚寅,太陰犯氐。尚書省臣言:「昔世祖有旨,以叛王海都 密院事只見合郎爲陝西行尚書省平章政事。遣刑部尚書馬見往甘肅和市羊馬,分賚諸王 事,吳元珪樞密副使,塔海姑令爲副樞。」有旨,令樞密院如舊制設官十七員。乙酉,以知樞 顏、床兀兒、也速、脫脫、也兒吉尼、脫不花、大都知樞密院事,撒的迷失、史弼同知樞密院 尚書省弗遵成憲,易置本院官,令依大德十年員數聞奏。臣等議,以鐵木兒不花、脫而赤 中書省平章政事合散商議遼陽行省事。甲戌、太白犯月星。以上皇太后尊號、告祀太廟。 千五百兩、鈔四百錠。壬申,樂實爲尚書左丞相、駙馬都尉,封齊國公。癸酉,以左丞相、行 用。辛未、脫兒赤顏加錄軍國重事。賜故中書右丞相塔剌海妻也里干金七百五十兩、銀一 兩、銀七千五百兩。三寶奴賜號答刺罕,以闆闆出食邑淸州賜之,自達魯花赤而下,並聽舉 僧鐵里等二十四人同謀,或知謀不首,並磔于市。鞫其獄者,並陞秩二等。賞牙忽都金千 三月己卯朔,樞密院臣言::「國家設官分職,都省治金穀,樞密治軍旅,各有定制。 邇者

知愧。」辛卯、發康里軍屯田永平、官給之牛。 二品。丙申,太陰犯南斗。丁未,太白犯井。 壬辰、車駕幸上都。 立興聖宮章慶使司, 秩正

品,並隸章慶使司。 都], 日 秩正五品;江浙等處財賦提舉司,秩從五品;瑞州等路營民都提舉司, 日 秩從四 正五品,割左都威衞軍匠八百隸之,備興聖宮營繕。增國子生爲三百員。 辰,太白晝見。 己巳,立怯憐口諸色人匠都總管府,秩正三品,提舉司二,分治大都、〔上 管府爲崇祥監。 安撫副使梓材爲使往招之。賜高麗國王王(章)[璋]功臣號,改封瀋王。 **酋**,殺千戶及戍卒八十餘人,俘掠良民;改永順保靖南渭安撫司為水順等處軍民安撫司,以 夏四月己酉,興聖宮鷹坊等戶四千分處遼陽,建萬戶府以統之。 庚戌,以鈔九千一百五十八錠有奇市耕牛農具,給直沽酸棗林屯田 辛未,賜角觝者阿里銀千兩、鈔四百錠。 丙子,立管領軍匠千戶所,秩 容米洞官田墨糾合蠻 改大承華普慶寺總 靈壽、平陰二縣 軍。戊

雨雹。 鹽山、寧津、堂邑、在平、陽穀、高唐、禹城等縣蝗。

王羆大司徒。 五 月甲申,封諸王完者爲衞王。癸巳,東平人饑,賑米五千石。 是月、合肥、舒城、歷陽、蒙城、霍丘、懷寧等縣蝗。 乙未,加尚書參知政事

並從尙書省奏行。 六月丁 ·未朔, 戊申,省上都留守司官七員。 韶太尉、尚書右丞相脫虎脫, 以行中書左丞忽都不丁爲中書右丞。己 太保、尚書左 丞相三寶奴總治百司庶務,

者, 戶以四口爲率給之粟。丁巳, 敕今歲諸王、妃主朝會, 頒賚一如至大元年例。甲子,以 庚戌,立規運都總管府,秩正三品,領大崇恩福元寺錢糧,置提舉司、資用庫、大益倉隸之。 水,死者五十二人。沂州、莒州、兖州諸縣水沒民田。威州、洛水、肥鄉、鷄澤等縣旱。 居二萬一千八百二十九間,死者三千四百六十六人。汝州大水,死者九十二人。六安州大 分地。乙亥,陞晉王延慶司秩正二品。是月,襄陽、峽州路、荆門州大水,山崩,壞官廨民 諸王察八兒等來朝,告祀太廟。賜脫虎脫、三寶奴珠衣。封三寶奴爲楚國公,以常州路爲 王月赤察兒清州民戶萬七千九百一十九,安吉王乞台普濟安吉州民戶五百。 壬申,以西北 太子詹事斡赤爲中書左丞、集賢使,領典醫監事。戊辰,遣使諸道,審決重囚。賜太師淇陽 網三千、農具二萬。」詔尙書、樞密差官與和林省臣覈實,給賜農具田種,俾自耕食,其續至 乙卯,太陰犯氐。 和林省言:「貧民自迤北來者,四年之間靡粟六十萬石、鈔四萬餘錠、魚 處產銀,自己令往試之,得銀六百五十兩。」詔立提舉司,以別都(忽)「魯」思爲達魯花赤。自己 酉,立上都、中都等處銀冶提舉司,秩正四品。尚書省臣言:「別都魯思云雲州(朝)[潮]河等

稱海也可扎魯忽赤。 韓國長公主。丙戌,循州大水,漂廬舍二百四十四間,死者四十三人,發米賑之。 秋七月戊寅,太陰犯右執法。己卯,太陰犯上相。庚辰,封皇伯晉王長女寶答失憐爲 定王藥木忽兒乞如例設王府官六員,從之。癸巳,給親民長吏考功印 庚寅,罷

未, 駙 亥, 曆 省客省使、副 馬降 中都 令監治官 禁權 香者。 立 要商 光祿寺。 歲 各 販挾聖旨、 磁州、威州 終驗其行蹟,書而 貝 介直 丁酉、汜 省舍 懿旨、 諸縣旱、蝗。 水、長林、當陽、 人十四員。 令旨阻 上之,廉訪司、御史臺、尚書禮部考校以爲陞黜。 一碗會通 立河 夷陵、 南 河民 打捕鷹 宜城 八船者。 坊、 遠安諸縣水,令尚 壬寅、詔禁近侍奏降 魚 課 都 提舉 司 書省 秩 御 賑 正 恤之。 香及諸王 四 增尙 品 己

腦兒之地 中 外。 凡 八 各位 月 甲寅,白 。自己已已,以諸王只必 T 下奉聖旨、懿旨、 未 以江 虹貫 浙 日。 行 陞尙 尚書省 令旨 服院 左丞 鐵木兒貧,仍以 賜財物者, 從 一品。 相忽刺出、遙授中書右丞相釐日,並爲御史大 丙辰,以行用 請 分汰。」 西 涼府田賜之。 有旨:「卿等但具名以進,朕 銅錢詔 尚書省臣言:「今歲頒 諭 中外。 甲子,獵于昴 大,詔 自 1分汰 賚已 兀 諭

廪。 慰司 蘭 思 奚 誠 汴梁、懷孟、衛輝、彰德、 都元 爲 九 王 事屬 安撫使,佩金虎符。 月已卯,平伐蠻酋不老丁遣 帥 不敬。」 皇太子言:「司徒劉夔乘驛省親江南, 府於察罕腦兒之地。 詔 遭 使詰問之。 御 歸德、汝寧、南陽、河南等路蝗。 史臺 丙戌 其姓 內 臣言:「江浙省丞相答失蠻於天壽節日毆其平章 郡 饑 車駕至大都。 與甥十人來降,陞 詔 尚書省 大擾平民,二年不歸。」詔罷之。 如 保八遙授平章 例 平伐等處蠻夷軍民安撫司 脤 The state of the s 辛巳,太陰犯建 ·政事。 辛卯,太陰 星。 庚子,以 政 同知 立宣 犯 事 陳

今聞 潭州隸中宫。 濫設者,毋給月俸。詔諭三寶奴等:「去歲中書省奏,諸司官員遵大德十年定制,濫者汰之。 員冗如故,有不以聞而徑之任者。有旨不奏而擅令之任及之任者,並逮捕之,朕不輕 上都民饑,敕遣刑部尚書撒都丁發粟萬石,下其價賑糶之。壬寅,敕諸司官

驛,取贓吏紹興獄中釋之。」敕臺臣遣官往鞫,毋徇私情。山東、徐、邳等處水、旱,以御史臺 乞烈思爲文國公,賜金印。御史臺臣言:「江浙省平章烏馬兒遣人從 使臣昵匝馬丁枉道馳 差徭,已嘗禁止。自今違者,俾充軍驛及築城中都。郡縣官不覺察者,罷職。」封僧亦憐眞 庚戌、恭謝太廟。癸丑、熒惑犯亢。甲寅、敕諭中外、「民戶託名諸王、妃主、貴近臣僚、規避 帝率皇太子、諸王、羣臣朝興聖宮,上皇太后尊號册寶曰儀天興聖慈仁昭懿壽元皇太后。 有旨:「所用儀物,其令有司速備之。」又言:「太廟祠祭,故用瓦尊,乞代以銀。」從之。 戊申, 祀圜丘,尊太祖皇帝配享,來歲夏至,祀方丘,尊世祖皇帝配享,春秋朝日夕月,實合祀典。」 舉行南郊配位從祀,北郊方丘、朝日夕月典禮。臣等議,欲祀北郊,必先南郊。今歲冬至, 沒入贓鈔四千餘錠賑之。丁巳,尙書省臣言:「宣徽院廪給日增,儲侍雖廣,亦不能給,宜加 分減。」帝曰:「比見後宮飲膳,與股無異,有是理耶!其令伯答沙與宣徽院官覈實分滅之。」 冬十月甲辰朔,太白經天。丙午,太白犯左執法。三寶奴及司徒田忠良等言:「爨奉旨

本

紀第二十三

武宗二

等皆有舟,且深 浙東、福建等處和 千錠賑其部貧民。 土、金銀、銅冶賜臣,後以成宗拘收諸王所占地土民戶,例輸縣官,乞回賜。」從之,仍賜鈔三 卯,封諸王木八刺子買住韓爲兖王。□□壬申,晉王也孫鐵木兒言:「世祖以張鐵木兒所獻地 則抱饑而還,稽誤公事,今則無以爲資,乞各賜鈔二百錠,規運取其息錢以爲食。」制可。 病者、杖罷不敍。」又言:「故丞相和禮霍孫時、參議府左右司斷事官、六部官日具一膳,不然 閣 依上蠲免。內外不急之役,截日停罷。至大二年已前民間負欠差稅、課程,並行蠲免。 册 庚申,敕:「尚書省事繁重,諸司有才識明達者,並從尚書省選任,樞密院、御史臺及諸有司 少,顧直 不肯勤恪署事,敕:「自今晨集暮退,苟或怠弛,不必以聞,便宜罪之。 如軍官例承襲,寬恤漕戶,增給顧直,庶有成效。」尚書省以聞,請以馬合謀但的爲遙授右 出餘黨未發覺者,並原其罪。隨處官民田土各有所屬,諸人勿得陳獻。三寶奴言省部官 一都、中都比之他郡,供給煩擾,與兔至大三年秋稅。 《輒奏用,違者論罪。 一均平。 比歲賦斂橫出,漕戶困乏,逃亡者有之。 知漕事,乞以爲海道運糧都漕萬戶府官,各以己力輸運官糧,萬戶、 顧,百姓騷動。 江浙省臣言:「曩者朱淸、張瑄海漕米歲四五十萬至百十萬。 其或私意請托,罷之不敍。」辛酉,以皇太后受尊號,赦天下。 本省左丞沙不丁,言其弟合八失及馬合謀但的、澉 其餘去處,今歲被災人戶,曾經體覆, 今歲運三百萬, 漕舟不足, 其到任或一再月辭以 時 船 遣 千 浦 多 戶並 楊家 人於 1 闊 糧

太后旨貸免,令復職。 丞、海外諸蕃宣慰使、都元帥、領海 、千戶三、副千戶二、百戶四。 以丞相鐵古迭兒爲陝西行御史臺御史大夫,詔諭陝西、四川、 制 可。 .道運糧都漕運萬戶府事, 設千戶所十, 雲南省 丞 相鐵木迭兒 擅離 職 赴都, 每所設達魯花赤 有旨詰問 以皇

詔諭

大司農司

勸課農桑。

中都 給槥 禁約 太子 言復 所 經 軍 至大鈔本一百萬錠,乞增二十萬錠,及銅錢兼行,以備侍衞及鷹坊急有所須。」又言:「上都、 人給馬一,漢軍十人給馬二, 隸 赈 得新 部曲 妃怯憐口 銀冶提舉司達魯花赤別都魯思,去歲輸銀四千二百五 · · 漂廬舍者給鈔,驗口賑糧兩月。 恤者、量減 十一月甲戌朔,太白犯亢。戊寅,濟寧、東平等路饑, 免曾經賑恤諸戶今歲差稅, ,以俟秋成。 壬午,改大崇恩福元寺規運總管府爲隆禧院,秩從二品。 , 自己連結蠻寇,殺掠良民,諭之不 ·礦,銀當增辦,乞加授嘉議大夫。」並從之。 都總管府爲典內司。 其半。 尚書省臣言:「雲南省臨安、大理等處宣慰司、麗江宣撫司及(晉)[普]定路 詔諭釐日移文尚書省,凡憲臺除官事,後勿與。 計直與之,乞賜鈔三萬錠。」又言:「四川 以益都、寧海等處連歲饑、罷鷹坊縱 **発今年租賦,停逋責。** 服,且方調兵討八百媳婦,軍 加脫虎脫爲太師、錄軍國重 一十兩, 辛巳,尚書省臣言:「今歲已印 丁亥,太陰犯 今秋復輸三千五百兩,且 庚辰, 行省紹慶路所隸容 力消耗。 獵,其餘獵 畢。 河南 戊子,改皇 事 今擬蒙古 水, 了,封義 地,並 死者 其未 令 國

米洞 賞之。江浙省左丞相答失蠻、江西省左丞相別不花來朝。 子老章,出入導衞,僭竊上儀。 漕,以所籍宅一區、田百頃給之。 尚書省臣言:「昔世祖命皇子脫歡爲鎭南王居揚州。 來寧州判官, 立黃沙寨,以田墨施什用爲千戶,塔朮爲河東陝西等處萬戶府千戶所達魯花赤,廖起龍 叔仁等十七人並正典刑,籍沒其家。 省以武衞親軍都指揮使鄭阿兒思蘭與兄鄭榮祖、段叔仁等圖爲不軌,置獄鞫之,皆誣服,詔 運土,令各部衞士助之,限以來歲四月十五日畢集,失期者罪其部長,自願以車牛輸運者別 兩、銀二千五百兩、鈔六百錠。丙申,有事於南郊,尊太祖皇帝配享昊天上帝。己亥,尚書 田墨,連結諸蠻,攻劫麻寮等寨,方調兵討捕,遣千戶塔朮往諭田墨施什用等來降。 田思遠爲懷德府判官,賞賚遣還。」皆從之。以朱清子虎、張瑄子文龍往治海 敕遣官詰問,仍以所僭儀物來上。」從之。 賜世祖宮人伯牙倫金七百五 敕城中都,以 牛車 今其 + 宜

行 充軍驛。 一部事。 十二月甲辰朔,以建大崇恩福 鎭南王老章僭擬儀衞,究問有驗,召老章赴闕 立崇輝署,隸中政院。 戊申、冀寧路地震。己未、諭中外應避役占籍諸王者、俾 元寺,乞失剌遙授左丞,曲列 、劉良遙授參知 政事,並領

四年春正月癸酉朔,帝不豫,免朝賀,大赦天下。 庚辰,帝崩于玉德殿,在位五年,壽三

十一。壬午,靈駕發引,葬起輦谷,從諸帝陵。

夏五月乙未,文武百官也先鐵木兒等上尊諡曰仁惠宣孝皇帝,廟號武宗。 國語日曲律

皇帝。是日,請諡南郊。

閏七月丙午, 祔于太廟。

武宗當富有之大業,慨然欲創治改法而有爲,故其封爵太盛,而遙授之官衆,錫賚太

隆,而泛賞之恩溥,至元、大德之政,於是稍有變更云。

校勘記

〔一〕王(章)〔璋〕 見卷二二校勘記□台。下同。

〔三〕也〔速〕不干 據本書卷一〇七宗室世系表、卷一〇八諸王表補。 蒙史已校。

丙寅 按是月甲申朔、無丙寅日。此「丙寅」在辛卯初八日、戊戌十五日間、當是丙申十三日之誤。

東(滄)[昌] 據本書卷五○五行志改。按元無「東滄」建置。 本證已校。

| 五 癸(酉)[丑] 按是月辛亥朔,癸酉係二十三日。 此「癸酉」在壬子初二日、甲寅初四日間,爲癸丑

初三日之誤,今改。

本

紀

第二十三

校勘記

(六) 右衞率府 按本書卷二六仁宗紀延祐四年五月戊寅、五年正月戊午、六年七月壬戌條及卷八六

百官 温志. 卷九 儿 八兵志, 右衞 率府置于延祐五年; 至大元年所置者爲衞率府, 延祐六年改左衛率

府。此處「右」字當是衍文。下同。

[中] 民間(抱)[拘]銅器甚急 從北監本改。

[八]與(留)[劉]往來 從北監本改。

Jυ 提舉 司二分治大都(上都) 按本 ·書卷八九百官志, 管領怯憐口諸色民匠都總管府,下設大都、

上 都 兩 怯 憐 口諸 色人匠提舉司。 今補「上都」二字。 本證已校

瑞 所」、「管民總管府」等,疑此處「營民」當作「管民」,「營」「管」形 州 等路營民都提舉 司 按本 書卷八八百官志有 「管民提舉司」, 近致誤 卷八九百官志有 「管民提領

雲州(朝)[潮]河 按潮 加 名本書屢見、元一統志亦作「潮 河一, 據 續通鑑

别 都(忽)[魯]思 據本條上文及下文十一月辛巳條改。

獵于 呼 昂 古腦 昴 芁 腦兒之地 見者,即金之鴛鴛泊 按金史卷二四地理志,撫州有「昂吉濼,又名鴛鴦濼」。 也。 蒙古言昂古立。」疑此處「昴」爲「昂」之誤。 }□ 北三 廳志云:「今

封 諸 王木 八剌子買住韓為兖王 蒙史云:「舊作封諸王木八剌子買住韓爲兖王。 按諸 公主表魯

卒, 國 公主 子 进不 位,大長公主拜塔沙 刺嗣 进不 刺卒, 適按陳裔孫買住罕。」「又按特薛 子買住罕嗣, 買住罕尚拜答沙 公主。 禪 傳 有 叉云, 脫憐者,亦按陳之裔 武宗宣慈惠聖皇后眞 孫也,

記

哥,脫憐子迸不剌之女,泰定皇后諱必罕、諱速哥答里者,皆脫憐孫買住罕之女。據此知買住

[韓]本翁吉剌氏,旣爲駙馬,又爲海山汗正后眞哥可敦之兄弟,故受此一字之王封。 究爲魯地,

故拜塔沙列魯國公主位。惟特薛禪舊傳失載買住〔韓〕封究王事,世系舊表遂以究王買住韓爲

察合台大王位下八刺大王之子,蓋誤認武宗舊紀之諸王木八刺爲察阿万曾孫八剌合也。

其實

舊紀之木八刺乃本八刺之脫誤,亦即进不刺之異文。」

(晉)[普]定路 據本書卷六一地理志改。 按忨無「晉定路」。

二吾

元史卷二十四

本紀第二十四

仁宗一

仁宗聖文欽孝皇帝,諱愛育黎拔力八達,順宗次子,武宗之弟也。 母曰興聖太后,弘吉

刺氏。至元二十二年三月丙子生。

l州,所過郡縣,供帳華侈,悉令撤去,嚴飭扈從毋擾於民,且諭僉事

王毅察而言之,民皆 大德九年冬十月,成宗不豫,中宫秉政,詔帝與太后出居懷州。十年冬十二月,至懷

感悅。

寅、至衞輝、經比干墓、顧左右曰:「紂內荒於色、毒痛四海、比干諫、、紂刳其心、遂失天下。」 令嗣比干於墓,爲後世勸。至<u>漳河,值大風雪,田</u>叟有以盂粥進者,近侍卻不受。帝曰:「昔 十一年春正月,成宗崩,時武宗爲懷寧王,總兵北邊。戊子,帝與太后聞哀奔赴。 庚

本

紀第二十

四

仁宗

作威覬 會武宗 漢光 食之。 孫,三 乃命 求經籍 執之,鞫問 至,恐變生不測,當先專 答刺罕稱疾, 左 一治天下 丞 相 Ē. 武 一識以玉 宜早正 嘗 於 望 傅巡行察之。 別 賜 ·, 此 一 上都。 神器 夏綾 為 忽台等潛謀推皇后伯要眞氏稱制,安西王阿難答輔之。 辭 冦 服 書足矣。」因命與圖象孝經、列女傳並刊行,賜臣下。 天 兵所迫,食豆粥。 III 刻印章 ! 匹, 位。」帝曰:「王何爲出 守宿掖門凡三月,密持其機, 甲申、武宗卽位。 灾 戊辰,伏誅。 慰遣之。 二月辛亥,至大都,與太后入內,哭盡哀,復 寧王 , 命近侍掌之。 而發。」三月丙寅, [吾兄也,正位爲宜。]乃遣使迎武宗於北邊。 行次邯鄲 大丈夫不備嘗艱阻, 往往不 諸王 六月癸巳〔朔〕,詔立帝爲皇太子,受金寶。 時有進大學衍義者, 闊 此言也! 諭 閣 帝率衛 出 縣官曰:「吾慮 陽許之, 牙忽都等曰:「今罪人斯 彼惡人潛結宮壼, 士入內,召阿忽台等責以 夜遣人啓帝曰:「懷寧王遠, 衞 命詹 士不 知稼穑 事 法,胥吏科斂,重 出居舊邸,日朝夕入哭奠。 時(左)[右]丞相哈剌哈孫 搆亂 王約等節 艱 難, 五月乙丑,帝與太后 我家,故誅之、豈 得, 月戊寅,受玉册,領 以致 亂 太子 而譯之, 遣使四 祖宗家 驕 實世 一爲民 惰。 不能 方,旁 帝 法,命 祖 困 命 欲 之 猝 取

行及典故所無者,慎 至 大 元 年七月,帝諭 [勿行。]二年八月,立尚書省,詔太子兼尚書令,戒飭百官有司 詹事 曲出 曰:「汝舊 事吾,其與 同 僚協議,務遵 法度,凡 世 ,振紀綱 祖 所

中書省、樞密院

耳。」帝然之。九月,河間等路獻嘉禾,有異畝同頴及一莖數穗者,命集賢學士趙孟頫繪圖, 生民膏血,不可輕耗。汝等當廣進賢才,以恭儉愛人相規,不可以奢靡蠹財相導。」言者慚 用焉。若此者,後勿復聞。」先是,近侍言賈人有售美珠者,帝曰:「吾服御雅不喜飾以珠璣, 而退。淮東宣慰使撒都獻玉觀音、七寶帽頂、寶帶、寶鞍,却之,戒諭如初。詹事王約啓事, 重名器,夙夜以赴事功。詹事院臣啓金州獻瑟瑟洞,請遣使采之,帝曰:「所實惟賢,瑟瑟何 二宦者侍側,帝問:「自古宦官壞人家國,有諸。」約對曰:「宦官善惡皆有之,但恐處置失宜

藏諸秘書。

南。 董士選,太子少傅李謙,少保張驢,右丞陳天祥、尚文、劉正,左丞郝天挺,中丞董士珍,太子 營造及守護私第。丁酉,以雲南行中書省左丞相鐵木迭兒爲中書右丞相,太子詹事完澤、 馬,給傳詣闕,同議庶務。 事纖木兒不花等參鞫。丙戌、脫虎脫、三寶奴、樂實、保八、王羆伏誅,忙哥怙木兒杖流海 保八,左丞忙哥怗木兒,參政王羆,變亂舊章,流毒百姓,命中書右丞相塔思不花、知樞密院 賓客蕭劇,參政劉敏中、王思廉、韓從益,侍御趙君信,廉訪使程鉅夫,杭州路達魯花赤阿合 壬(子)[辰], [三]日赤如赭。罷城中都。召世祖朝諳知政務素有聲望老臣平章程鵬飛、 四年春正月庚辰,武宗崩。壬午,罷尙書省。以丞相脫虎脫、三寶奴,平章樂實,右丞 甲午,宥阿附脱虎脱等左右司、六部官罪。乙未,禁百官役軍人

本紀第

二 十

四

仁宗

集賢大學士李孟 禁鷹坊馳驛擾民。 敕中書,凡傳旨非親奉者勿行。 里衞,追還印符、驛券、璽書,及其萬戶等官宣敕。辛丑,以塔失鐵木兒知樞密院事。 行尚書省爲行中書省。庚子,減價糶京倉米,日千石,以賑貧民。 十八匹。 兩、銀百八十四萬九千五十兩、鈔二十二萬三千二百七十九錠、幣帛四十七萬二千四百八 並平章政事。 戊戌,以塔思不花及徽政院使沙沙並爲御史大夫。 以諸王朝會,普賜金三萬九千六百五十 停各處營造。 罷廣武康 己亥、改 壬寅,

諸司擅奏除官者,毋給宣敕。」御史臺臣言:「白雲宗總攝所統江南爲僧之有髮者, 母,避役損民,乞追收所受璽書銀印,勒還民籍。」從之。 司爲典內院,秩從三品。 寅,遣使檢覈 馬、權豪擅 左丞相,餘省唯置平章二員,遙授職事 百司禁錮之。 國 二月,復玉宸樂院爲儀鳳司,改延慶司爲都功德使司。 [學課試諸生,勉其德業。」敕:「諸王、駙馬戶在縉山、懷來、永興縣者,與民均 據 小雲石不花所獻河南荒田。 Щ 還中都所占民田。罷江南行通政院、行宣政院。甲子,太陰犯塡星。 場,聽民樵採。 命中書平章李孟領國子監學,諭之曰:「學校人材所自出, 罷阿老瓦丁買賣浙鹽,供中政食羊。 ·勿與。 司徒蕭珍以城中都徼功毒民,命追奪其 戊申,罷運江南所印 罷福建綉匠、 乙旦,命和林、江浙行省依前設 佛經。 禁宣政院違制度僧 河南魚課兩提舉司 辛亥,禁諸王、駙 、符印, 服徭役。 不 卿等宜 陞典內 養父 甲

等五人來朝,賜金帛有差。立淮安忠武王伯顏祠於杭州,仍給田以供祀事。 載無虞者、民官減一資,軍官陞一階,著爲令。思州軍民宣撫司招諭官唐銓以洞蠻楊正思 關里吉思爲甘肅平章、塔失帖木兒爲河南參政、萬僧爲江浙參政,各人前任,皆受重贓,或 省宣徽院參議、斷事官。丙寅、監察御史言:「比者尚書省臣蠹國亂政,已正典刑,其餘黨附 次擢用、則小人自知激厲矣。」旌表漳州長泰縣民王初應孝行。 臣曰:「郡縣官有善有惡,其命臺官選正直之人爲廉訪司官而體察之,果有廉能愛民者,不 悉歸有司。罷仁虞院,復置鷹坊總管府。庚(子)[午],回命廣西靜江、融州軍民官,鎮守三 勿輒至京師,仍戒黃河津吏驗問禁止。罷總統所及各處僧錄、僧正、都綱司,凡僧人訴訟, 挾勢害民,成乞罷黜。」制曰「可」。丁卯,命西番僧非奉璽書驛券及無西蕃宣慰司文牒者, 之徒布在百司,亦須次第沙汰。今中書奏用字羅鉄木兒爲陝西平章、烏馬兒爲江浙平章、 是月,帝謂侍

寅、卽皇帝位於大明殿、受諸王百官朝賀。 太陰犯太微上相。罷五臺行工部。己丑, 三月庚辰,召前樞密副使吳元珪,左丞拜降、兀伯都剌至京師,同諸老臣議事。 命毋赦十惡大逆等罪。 詔曰: 復典瑞院爲典瑞監。 丙戌, 庚

嫡, 加有削平內難之功,於其踐作會未踰月,授以皇太子寶,領中書令、樞密使,百揆機 惟昔先帝,事皇太后,撫朕眇躬,孝友天至。 由股得託順考遺體,至重以母弟之

務,聽所總裁,于今五年。 聖賓天而始徵集宗親議所宜立者比, 司庶政,悉歸中書,命丞相鐵木迭兒、平章政事李道復等從新拯治。〔六〕可大赦天下,敢 日,於大都大明殿卽皇帝位。 誠有未忍,是用 經時。 先帝奄棄天下,勳戚元老咸謂大寶之承,旣有 今則上奉皇太后勉進之命,下徇諸王勸戴之勤,三月十八 凡尚書省誤國之臣,先已伏誅,同惡之徒, 當稽周、漢、晉、唐故事,正位宸 極。 成 亦已放殛,百 股 命, 以 國 非 恤 與前 方

幷山場、窰冶及中寶之人,並禁止之。 諸王、駙馬經過州郡,不得非理需索,應和顧、和 諸衙門及近侍人等,毋隔越中書奏事 0 諸上書陳言者、量加旌擢。 其僥倖獻地 土

以赦前事相告言者,罪以其罪

買,隨卽給價,毋困吾民。

敕百司改陞品級者、悉復 以糶,賑貧民。丁酉,命月赤察兒依前太師,宣徽使鐵 辛卯,禁民間製金箔、銷金、織金。 旅。 月,帝諭省臣曰:「卿等裒集中統、至元以來條章,擇曉法律老臣,斟酌 天下,俾有司 自今雖一繒之微,不言於朕,毋輒與人。」以陝西行尚書省左丞兀伯都刺爲中書右丞, 遵行,則抵罪者庶無寃抑。」又論 至元舊制。己亥,增置左翼、右翼指揮各一員。 以御史中丞李士英爲中書左丞。 太 府 監臣 哥爲太傅,集賢大學士曲 日 財 用足, 壬辰,發京倉米,減價 則可 重輕,折衷歸 寧夏路地震。 以養萬民, 出 一,頒行 爲太保 是

赤拔 事兼 事月魯鐵木兒,並知樞密院事。 昭文舘大學士察罕參知政事;中書平章政事、知樞密院事床兀兒, Щ 都兒,中書右丞相、知樞密院事 東 河北蒙古軍都萬戶也先鐵木兒, 賜大都路民年九十者二千三百三十一人,人帛二匹;八十 鐵木兒不花,錄軍 遙授左 述相、 國 重事、 仁虞院使也兒吉[尼],任立太子詹 知樞密院事也速,知 欽察親軍都指揮使脫 樞密院 火

者八千三百三十一人,人帛一匹。

往。 知樞密院 鈔二十四萬二百 品級、雖布衣 之。丁巳,罷中政院。 甲寅、太陰犯亢。 戌,拘收下番將校 朝會者,賞銀有差。 旦 司 民爲邦本、無民 天臺。 夏四月壬寅〔朔〕,詔分汰宿衞士,漢人、高麗、南人冒入者,還其元籍。 事 鐵木兒不花爲宣寧王 以卽位,恩賜太師、太傅、太保,人金五十兩、銀三百五十兩、衣四襲。 亦選用。」癸亥,敕:「諸使臣非軍務急速者,毋給金字圓牌。」定四宿衞士歲 Ħ. 不典兵者虎符、銀牌。 熒惑犯壘壁陣。 錠。 何以爲國。 丁未,以太子少保張驢爲江浙平章,戒之曰:「以汝先朝舊 戊午,以卽位告于太廟。辛酉,敕三國子監師儒之職,有才德者,不拘 罷中都留守司, 汝其上體朕心,下愛斯民。」戊申,以卽位告天地于南郊。庚 ,賜銀印。 丙辰, 復置隆興路總管府, 癸丑,韶:「路、府、州、縣官,三年爲滿。」罷 詔諭宣徽使亦列赤,諸蒙古民有貧乏者,發廪濟 丁卯,詔曰:「我世祖皇帝, 凡 創置司存悉罷之。 參酌古今, 立中統 癸卯,榮星于回 人,故命汝 行省臣預 乙丑,封 典醫監 賜

本

紀

第

安 者, 治 卿 御 以 鄉 道、 期 大 至 司 了, 庶 了,其 甚 銀 元 政, 極 其 州 也 買 赴 重 事 鈔 鈔 寧鄉 弊滋 幾 汝 里 行 物 賣 法 歸 茲 其詳 又 天 可 銅 價 用 兵部 言言 甚。 縣六萬五千戶。 溫 鑄 心克享。 器 頓 庫 謬 非 、答失蠻、頭陀、 大元、至大銅 下 減, 倒 聽民 所 爱咨 流 [換。] 以進,仍諭 增置尚書員外郎各一 賴 方 行,公私蒙利,五十年于茲矣。 自便。 也。」孟 至於 知聖 延議. 仍 発大都 秋 人 允協 中書 應尙 錢。 愧謝。 成, 神化之速,敢 拘還甘肅、 白雲宗諸 鈔以 悉 書省已發各處至大鈔本及至大銅 與言,皆願變通,以復 尙 上都、 心舉行。」南陽 未敢必。 帝諭 倍 員。 陝西、遼陽 司。 數太多,輕重 隆興差稅三年。 集賢學士忽都魯都兒迷失曰:「向召老臣十人,所言 以爲 改封 罷 今股 回 [賀。]帝蹙然曰:「卿等能 親王迭里哥兒不花爲湘寧王 等處風 回 踐 省 比者尚書省不究利病, 合的 阼 失宜. 臣 舊制 曾未踰 所佩 司屬。 雹 一,錢以鼓鑄 命中書省賑 虎符。 其罷 月, 帝 錢 寧有 資國院 御便殿, 禁鷹坊擾民。 弗給,新 濟甘肅 截 物價頓減 悲 H 及各處泉貨 輒意 一力贊襄,使兆 李孟進曰:「陛下 封 過 舊恣用 一,賜金印,食湘 貯, 變更, JII 之理。 罷 軍 民 通 監 曾 旣 間 政院, 罷 股托 民 提 未 創 行 义 使 舉 再 至

院 雲 南 纂修先 王 五 及 月 帝實錄及累朝 右 1 丞 申[朔], क्षा 忽台以 以宦者 皇后、功臣列傳,俾百司悉上事蹟。 兵討之。 鐵昔里 改封乳母 爲利用 監卿。 夫壽 國公楊 癸酉, 德榮爲 八百媳婦蠻與大、 丁丑,禁毋以毒藥釀酒。 雲國公。 丙子, 小徹里蠻寇邊,命 命翰林國史 庚辰,

乃職。 諸國獻馴象。癸未,太陰犯氐。賜國師板的答鈔萬錠,以建寺于舊城。 院與樞密院遣兵討之。乙巳,命侍臣咨訪內外,才堪佐國者,悉以名聞。 各一員。拘諸王、駙馬及有司驛券,自今遣使,悉從中書省給降。置祥和署,掌伶人。金齒 大長公主祥哥刺吉鈔二萬錠。壬午,制定翰林國史院承旨五員,學士、侍讀、侍講、直學士 敕中書省裁省冗司。置高昌王傅。復度支院爲監。罷泉府司、長信院、司禋監。辛巳,賜 方物。甲午,復太常禮儀院爲太常寺。是月,禁民捕駕鵝。 置湘寧王迭里哥兒不花王傅。丁未,太陰犯太微東垣上相。 六月癸卯,敕宣政院:「凡西番軍務,必移文樞密院同議以聞。」 吐蕃犯永福鎮, 敕宣政 丙午,以內侍楊光祖爲祕書卿,譚振宗爲武備卿,關居仁爲尚乘卿,並授弘文舘學 戊子,羅鬼蠻來獻

宣寧縣民家產犢而死,頗類麒麟,車載以獻,左右曰:「古所謂瑞物也。」帝曰:「五穀豐熟,百 須殿中侍御史侍側。 祭太祖、太宗、睿宗御容,歲以爲常。命和林行省右丞孛里、馬速忽經理稱海屯田。大同路 戌,太陰犯氐。壬子,敕甘肅省給過川軍牛種農器,令屯田。癸丑,復太府院爲太府監。省 姓安業,乃爲瑞也。」己未,復置長信寺。封樞密臣孛羅爲澤國公。 上都兵馬指揮爲五員。甲寅,封亦思丹爲懷仁郡王,賜銀印。丁巳,敕翰林國史院春秋致 癸亥,賜晉王也孫鐵木兒鈔五千錠,幣、帛各二千匹,太尉不花金百 庚申,敕自今諸司白事, 己酉,詔存恤軍人。庚 仍戒敕諸王,恪恭

宗

本紀第二十四

賑之,仍觅其今年租。 諸王塔刺馬的遣使進馴象 之。」濟寧、東平、歸德、高唐、徐、邳諸州水,給鈔賑之。 宣 (政 F 兩 曰:「朕 (要)論: 一供酒。 復雲 皇帝,廟號武宗。 與阿木哥同父而異母,朕不撫育,彼將誰賴。 翰林侍講阿林鐡木兒曰:「此書有益於國家,其譯以國語刊行,俾蒙古、色目人誦 「州銀場提舉司,置儀鸞局,秩皆五品。甲子,請大行皇帝諡于南郊,上尊諡 戊辰,敕諸王朝會後至者,如例給賜。 丙寅,拘收泉府司元給諸商贩璽書。 己巳、(衛)[魏]王阿木哥入見,(公) 其賜鈔二萬錠,他勿援例。」帝覽貞觀 河間、陜西諸縣水、旱傷稼、命有司 丁卯, 罷只合赤八刺合孫 帝諭省臣 日仁惠 所造

江 敕御史臺 甲午,置經正監,掌蒙古軍牧地,秩正三品,官五員。丁酉,太陰犯鬼距星。 日 五. 宿 陵屬縣水,民死者衆,太原、河間、眞定、順德、彰德、大名、廣平等路,德、濮、恩、通等州霖 ···「朕前戒近侍毋輒以文記傳旨中書,自今敢有犯者,不 一十兩、幣帛三千匹。乙酉,賜湘寧王迭里哥兒不花所部鈔三萬二千錠。 衞士貧乏者鈔十三萬九千錠。 秋 癸未,甘州地震,大風,有聲如雷。以朝會,恩賜諸王禿滿金百 七月辛未朔,拘還遼陽省官提調諸事圓符、 臣, 選更事老成者為監察御史。 丁丑,鞏昌寧遠縣暴雨,山土流涌。 超授中散大夫、 **墾書**、 驛券。 須奏聞,直捕其 典內院使孛叔榮祿大夫。 裁減虎賁司 五 敕內外軍官並覃官 十兩、 癸巳,太陰掩畢。 人付刑部究治。」 己亥,詔諭省臣 職員。 銀五千二百 賜上 是月, 都

雨傷稼,大寧等路隕霜,敕有司賑恤。

餘戶來降。 以違制論。」壬戌、命賑興嶺北流民。 百三十錠、幣帛各有差。 仕,始聽子弟承襲。 真等討之。辛亥,以西僧藏不班八為國 廟。 生額爲三百人,仍增陪堂生二十人,通一經者,以次補伴讀,著爲定式。」 敕:「軍官七十致 曰:「國子學,世祖皇帝深所注意, 會,恩賜月赤察兒、床兀兒金二百兩、銀二千八百 「可」。禁五星於司天臺。以故魯王刁斡八刺嫡子阿禮嘉世禮襲其封爵、分地。 十有三,軍吏防守之處僅十有三,舊置千戶,位輕賣重,請置隆鎭萬戶府,俾嚴守備。」制 稼方盛,勿令鷹坊、駝人、衞士先往,庶発害稼擾民,敕禁止之。 戊申、封李孟秦國公。命亦憐眞乞剌思爲司徒。己酉、吐番寇禮店、文州、命總帥亦憐 乙丑,魯國大長公主祥哥剌吉進號皇姊大長公主。 閏七月辛丑,命國子祭酒劉廣詣曲阜,以太牢祠孔子。 丙寅、太陰犯軒轅。 其有未老卽託疾引年,令幼弱子弟襲職者,除名不敍,其巧計求遷者, 丁卯,完澤、李孟等言:「方今進用儒者, 而老成日以凋謝, 四方儒 賜諸王阿不花等金二百兩、銀七百五十 如平章不忽木等皆蒙古人,而敎以成材。朕今親定國子 上都立通政院,領蒙古諸驛,秩正二品。甲子,寧夏地 師,賜玉印。 兩、幣帛有差。 丙午,奉武宗神主祔于太 戊午,復置司禋監。 遣使招諭黑水、白水等蠻十二 甲辰,車駕將還大都,太后以秋 樞密院奏:「居庸關古道 兩、鈔一萬三千六 己未,詔諭省臣 乙巳,以朝 萬

本紀第

十四四

仁

宗

差遣。 是也。 士成才 者,請擢任國學、翰林、祕書、太常或儒學提舉等職,俾學者有所激勸。」帝曰:「卿言 禁醫人非選試及著籍者,毋行醫藥。大同宣寧縣雨雹,積五寸,苗稼盡殞 自 今勿 限資級,果才而賢,雖白身亦用之。」敕直省舍人以其半給事殿庭,半聽中書

飛 萬錠, 衞 曰:「陛下踐祚,誕告天下,凡非宣索,毋得擅進。 誠取此舟,有乖前詔。」詔止之。 復置中宮 典,其以至大五年爲皇慶元年。」都水監卿木八剌沙傳旨,給驛往取杭州所造龍 遑,任賢 歸,宜厚其賜,以懷遠人,其進勳爵、受田如故。」戊申,禁民彈射飛鳥、殺馬牛羊當乳者。 終餘年。 大長公主鈔萬錠。 士不得私衣侍宴服,及以質於人。庚戌,命樞密院閱各省軍馬。 賴 臣 九 出粟五千石賑之。 自 月己巳朔, 月己亥朔,遙授左丞相不花進太尉。 使能,興滯補闕,庶其臻茲斂時五福,用敷錫厥庶民,殷之志也。 、地祖宗之靈,纂承聖緒,永惟治古之隆,羣生咸遂,國以乂寧。 世 今臣 一祖朝來歸,妻子皆爲國人所害,朝廷授以王爵,又賜漢陽田五百頃, ·年幾七十,而有司拘臣所受田,就食無所。」帝謂省臣曰:「安南 丙戌,安南世子陳日簑奉表,以方物來貢。 敕西番軍務隸宣政院 裁定京朝諸司員數,並依至元三十年舊額。楚王牙忽都所部乏食,給鈔 賜環衞圉人鈔三萬錠。以近侍曲列失爲戶部尚書。 丙午,遙授湖廣平章、安南國王陳益稷入見, 壬子,改元皇慶,詔曰: 股夙 踰 年改元,厥 興夜寐,不敢怠 甲戌,賜 國王慕義來 舟, 俾自贍以 省 臣諫 有舜

本紀第二十四 仁宗一

永平路歲入,除經費外,悉賜魯國大長公主。給雲南王老的部屬馬價一萬二千錠。丙寅, 位下怯憐口諸色民匠打捕鷹坊都總管府,秩正三品。乙卯,太陰犯畢。丁巳,奉太后旨,以 敕省部官,勿托以宿衞廢職。罷西番茶提舉司。是月,江陵路水漂民居,溺死十有八人。

秩正三品,掌興聖宮位下畜牧。癸巳,詔置汴梁、平江等處田賦提舉司,掌大承華普慶寺貲 元,紹興沿海萬戶府鎭處州,宿州萬戶府兼鎭台州。 百間。丁丑,禁諸僧寺毋得冒侵民田。辛巳,罷宣政院理問僧人詞訟。 未,賜大普慶寺金千兩,銀五千兩,鈔萬錠,西錦、綵段、紗、羅、布帛萬端,田八萬畝,邸舍四 人犯盜詐者,命所隸千戶鞫問。壬辰,詔收至大銀鈔。敕諸衞漢軍練習武事。 七所。特授故太師月兒魯子木刺忽榮祿大夫、知樞密院事。 給雲南增戍軍鈔二萬五千錠。丙申,太白犯壘壁陣。 冬十月戊辰朔,有事于太廟。己巳,敕繪武宗御容,奉安大崇恩福元寺,月四上祭。 。戊子,省海道運糧萬戶爲六員,千戶爲 辛卯,罷諸王斷事官,其蒙古 以蘄縣萬戶府鎭慶 置羣牧監,

又土木營繕百餘處,計用數百萬錠,內降旨賞賜復用三百餘萬錠,北邊軍需又六七百萬錠, 孟奏:「錢糧爲國之本,世祖朝量入爲出,恒務撙節,故倉庫充切。 陜西屯田。敕:「商稅官盜稅課者,同職官贓罪。」立乖西府,以土官阿馬知府事,佩金符。李 十一月戊戌〔朔〕〕,封司徒買僧爲趙國公。辛丑,命延安、鳳翔、安西軍屯田紅城者,還 今每歲支鈔六百餘萬錠,

悉罷 今 帑 州 政事合散 寅,太陰 納 藏見 之。 里于湖廣,太那于江西,班出 犯 為中 辛亥,諸王不 貯 興鬼。 止 書 + **平章** 戊午,禁漢 萬 一政事。 餘錠、若 里牙屯 甲子, 人、回 等誣 此安能周給。 八不沙 回 兀 敕 那 術者出入諸王、駙馬及大臣家。 增置京城米肆十所, 于雲南。 以 不 自今不急浮費, 法,詔竄不里 壬子, 賑飲察衞糧五千七百五十三石。甲 日 牙屯、秃干于河南,因忽乃于揚 宜悉停罷。」帝納 平糶八百石以賑貧民。丙寅, 己未,以遼陽省平章 其言, 凡營繕

院使暗 敕:「創設邊遠官員,俟 運, 甲 寸。 加徽 司 隸 一選法 中, 已裁 人,并流 紅 輸京 城 政使羅源 太陰 萬 普 而復置者有之。今春以內降旨除官千餘人,其中欺偽,豈能悉知。壞亂選法,莫此 **陞降**,以示激勸 一月辛 師 I為秦 戶 以下 犯 府。 太微 占城 國 未,增置 爲 罪。 壬午, 大司 公。 西垣 遣使奉表 辛 增置兵部侍郎、 徒。 到 卯,裁宗正 經 上將。 韶曰:「今歲不登,民何 任方降 今官未及考, 正監官爲八員。 **販諸軍糧七千六十石** 貢 浙西 (方物。 敕牒。 一府官 1水災, 郎中 」乙未,命李孟 庚寅, 爲二十八 或無故更代, 置尙牧所, 発漕 各一員。 申 江浙糧 以 員。 ·禁漢入持弓矢兵器田 堪。 庚辰,太白經天。 `秩五品,掌太官羊。 癸酉,封宣政、會福 或躐等進階,僭受國公、丞相等職,諸 整飭 遣官監 春 四分之一,存留赈濟,命江西、湖廣補 蒐其勿令供億。」癸未,太白經天。 國 子 視焚至大鈔。 壬辰,太白經天。 監 學。 復以陝西屯田軍三千 獵。 中書省臣言:「世祖定 曲赦大都大辟囚

國世子陳日食 五年爲皇慶元年。 爲甚。」帝曰:「凡內降旨, 人時,益修臣職,毋替爾祖事大之誠,以副朕不忘柔遠之意。」 上賓,殷以王侯臣民不釋之故,於至大四年三月十八日卽皇帝位,遵踰年改元之制,以至大 日:「惟我祖宗,受天明命,撫有萬方,威德所加,柔遠能邇。 乃者先皇帝龍 今遣禮部尚書乃馬台等齎詔往諭, 一切勿行。」賜濟王朶列納印。 仍頒皇慶元年曆日一本。卿其敬授 以和林稅課建延慶寺。 詔諭安南 馭

重 諭省臣 也里牙秦國公。 員。 東垣 樞密 樞密院事脫兒赤顏開府儀同三司,嗣淇陽王。戊申,改隆鎭萬戶府爲隆鎭衞。 裁之。」癸卯,敕諸僧犯奸盜、詐偽、闕訟,仍令有司專治之。甲辰,授太師、 御史臺是一 院 上將。 皇慶元年春正月庚子,帝窳御史大夫塔思不花曰:「凡大臣不法,卿等劾奏毋避, 朕自 改封濟王朶列納爲吳王。 曰:「翰林、集賢儒臣、股自選用、汝等毋輒擬進。 事醜漢爲安遠王,出總北軍。 旌表廣州路番禺縣孝子陳韶孫。戊午,制諸王設王傅六員,銀印,其次設官四 時 己未,陞崇祥監爲崇祥院,秩正二品。壬戌,陞翰林國史院秩從一品。 公論 ,國史院實萬世公論。」 賜(衞)[魏]王阿木哥慶元路定海縣六萬五千戶。 壬子,敕軍不滿五千者,勿置萬戶。 人言御史臺任重,朕謂國史院尤 癸丑,太陰犯太微 錄軍國重事、知 庚戌,封知 加崇福使 帝

午,西北諸王也先不花遣使貢珠寶、皮幣、馬駝,賜鈔一萬三千六百錠。 西、江浙省整治茶、鹽法。賜韓國公主普達實憐鈔萬錠。 卯,置衞龍都元帥府,秩正二品,以(古)[右]阿速衞隸之。[10]八百媳婦來獻馴象二。 木兒之子泉州路南安縣、愛牙赤之子邵武路光澤縣,戶並一萬三千六百有四,食 爲嶺北省。 千兩、銀二萬五千兩、幣帛三萬九千九百匹。甲戌,制定封贈名爵等級,著爲· 奉元路,吉州路爲吉安路。壬申,以霸州文安縣屯田水患,遣官疏決之。 斷 太陰犯亢。封孛羅爲永豐郡王。置德安府行用鈔庫。罷莊浪州唐兀千戶所。 [忽哥赤之子] 也先鐵木兒福州路福安縣、[亞] 脫歡之子不答失里福州路寧德縣、忽都魯鐵 事官爲八員。庚寅,敕嶺北省賑給闕食流民。 月丁 丙子,給稱海屯田牛二千。賜晉王也孫鐵木兒南康路戶六萬五千,世 卯朔,徙大都路學所置周宣王石鼓于國子監。 敕兩淮民種荒田者,如例輸 詔勉勵學校。 敕稱海屯內漢 賑山東流民至河南 辛未, 軍存 遣使 令。 税。 丙戌, 改安 賜 恤二年。 | 其歲 祖諸 遣官同 改和 西 省樞 西 僧 壬午, 賦。已 林省 皇子 路爲 金 五.

丞 曰「可」。省女直水達達萬戶府冗員。敕:「諸王脫脫所招戶,其未藉者,俾隸有司。」己亥, |相鐵木迭兒言:「自今左右司、六部官,有不盡心,初則論決,不 三月丁酉朔,熒惑犯東井。 陞給事中秩正三品。 罷諸王、大臣私第營繕。 悛, 則 朏 而 不 戊戌, 敍。」制

通、漷州饑、賑糧兩月。

奚為 河驛。 書馬 典內院 敕二 兩、口三銀一千二百五十兩、鈔三千五百錠。 經 犯 以 歷 東 生 兒經 趙國 北邊 井 H 司, 爲 甲寅 秩 置 理河南 公。 正 使者,非 天壽節。 敕 經 二品。 ,西北諸王也先不花等遣使以橐駝、方物入貢。 歸 歷、都事各一 庚申、敕簡汰大明宮、興聖宮宿衞。甲子、給北軍幣帛二十萬匹。 德亳州, 屯田。 軍機毋給驛。」丁未,置內正司,秩正三品,卿、少卿、丞各一員。戊申,陞 庚子,加御史大夫火尼赤開府儀同三司。 以前河南行省平章政事塔失海牙爲御史大夫。 以憲宗所賜不憐吉帶地一千七十三頃還其子 乙丑,命 員。 河南省建故丞相阿朮祠堂。 置五臺寺濟民局,秩從五品。賜安王完澤及其子金三百 賜汴梁路上方寺地百頃。 封諸王塔思不花爲恩平王。 丙辰,封同知徽政院事常不闌 罷衞龍都元帥府。 改翰林國史院司直司爲 孫。 遼陽省增置灤陽、寬 丙(子)[午],二 遣戶部尚 壬寅,太陰

子,太. 餘悉 壬午, 品。 汝安(郡)[部]告饑,[三] 賑糧八百 庚午,命浙 夏 白 炎 租 四 畫見。封鄄 惑 . 月 丁 如 犯 制 興鬼。 卯, 。」阿速 東都元 簡汰控鶴還本籍。 國大長公主忙哥台爲大長公主,賜金印。增也可扎魯忽赤爲四十二員。 衞指揮那懷等冒增衞軍六百名,盜支糧七千二百石、幣帛一千二百 敕皇子碩德八剌置四宿衛。敕 帥鄭祐同江浙軍官教練水軍。辛未、給鈔萬錠修香山永安寺。 ·石。陞保定路萬戶府爲上萬戶。癸酉,車駕幸上都。 以都水監隸大司農寺。 「僧人田除宋之舊有幷世祖所賜 置察罕腦兒捕盗司,秩從七 趙王 外, 丙

本

紀

第

__

+

四

仁

ΙE 五二

氣。 匹、 鈔二 庚 寅, 百 八 太白 錠 經 敕 天。 \downarrow 書 大崇恩 樞 密按治。 福 元 寺成, 封 知樞密院事木刺忽爲廣平王 置 隆 禧 院。 龍 興新建縣霖 雨 癸未, 傷 禾。 熒 惑 彰德安陽 犯 積尸

縣 蝗

三百 麻 宿 敕 事 禁 ้๐ 思 衞 匹。 等各千 士 止 纫 五 糧 之, 樞 月 己未, 密 丙 自今十 萬 錠。 院 申 朔, 事 石 縉 以蒙 也 Щ · 月方 以 先鐵 型 縣 中 占 口 行宮建涼 許 書平章政事合散爲中書左丞相, 驛 木 回 見授開 出 隸 司 獵。 天臺秩 通 政院。 殿。 改和 府 儀 IE. 己未,公司以西寧州 林路 四品。 置 同三司 濮 爲 陽 和寧路。 王 ō 彰德、 脫脫木兒王傅官 壬寅 河南 諸 賜 隴 田 王脫 江浙行省平章張驢爲中書 諸 租、稅課 \pm 西 忽思海迷失以農 阿木哥 雹 四 員。 賜大長公主忙古台 **沙萬錠**, 給上 都、 時 速 速迭兒、按 出 灤陽 獵 平 擾 章 驛馬 民, 政 賑

÷ 上 河 任 南 職 六 官 翰 月 地 林 Z 百 丑: 朔, 給 頃 羊 H 馬 Ţ 有 亥 鈔價, 食之。 敕 濟嶺 龍 1 封 贈 11 卯, 誠 H 天 左右守法度,勤 肅 阿 戍軍 毛。 己巳,太陰犯天 之貧者。 職 壬申 業, 勿妄僥倖加官。 ٠, 關 減 o 匹 Ш 敕李孟博選中外才 翩 額 五. 千 賜安遠 引 王 賜 崇福 醜 學之 漢

金 枫 銀 五. 百 兩 鈔干 錠。 鞏昌 河州 等路饑,冤常賦二分。

賜 秋 新 -1 店諸驛鈔三千八百錠,充使者餼廪。 月 辛 丑: 一定內 正司 官為六 員。 禁諸 王徑宣旨於各路 癸卯, 詔獎勵御史臺。 徙 中 都內帑 丙午, 陞大司 金 銀器 農司 歸 太府 秩

從 品。 垣 縣民田。 帝諭司農曰「農桑衣食之本,汝等舉諳知農事者用之。」敕諸王小薛部歸晉寧路 中書參政賈鈞以病詩告,賜鈔三百錠,給安車還鄉。 戊午,太陰犯東井。

午,辰星犯右執法。 南國王陳益稷來朝。 八百媳婦蠻。濱州旱,民饑,出利津倉米二萬石,減價賑糶。 兩、鈔二百錠。乙酉,太白犯右執法。 星。 丁丑,罷司 八月丁卯,敕探馬赤軍羊馬牛,依舊制百稅其一。戊辰,太白犯軒轅。辛未,太陰犯塡 **裡監。** 置少府監,隸大都留守司。 己卯,以吏部尚書許師敬爲中書參知政事。 。辛卯,敕雲南省右丞阿忽台等,領蒙古軍從雲南王討 甲申,賜諸王闆闆出金束帶一、銀百五十 寧國路涇縣水,賑糧二月。 庚辰,車駕至自上都。壬 安

巳,太(陰)[白]犯亢。[lē]壬戌,瓊州黎賊嘯聚,遺官招 及方物。 諭之。辛丑,命司徒田忠良等詣眞定玉華宮,祀睿宗御容。 九月丁酉,增江浙海漕糧二十萬石。 甲辰,陞參議中書省事阿卜海牙爲參知政事。 戊戌,罷征八百媳婦蠻、大、小徹里蠻,以璽書招 諭 拘火者等所佩國公、司徒印。 八百媳婦、大、小徹里蠻獻馴象

參知政事察罕爲中書平章政事,商議中書省事。丁亥,太陰犯平道。 罪,國師捌思吉斡節兒奏請釋之,帝斥之曰三僧人宜誦佛書,官事豈當與耶!癸未,以中書 冬十月甲子,有事于太廟。 改隆興路爲興和路,賜銀印。 雲南行省右丞算只兒威有 戊子,太陰犯亢。 翰

本紀

第

十四四

仁宗

林 士承 玉 連 赤不花等進順宗、成宗、武宗實錄。 **能造船提舉** 司。 辛卯, 赦天下 賜

孟潞州田二十頃。

帛有 脱脱 捕 滄 木兒 洲 十 羣 爲 盜 月戊戌,調汀、漳畲軍代亳州等翼漢軍於本處屯田。 岐王。 311 · 失答兒等,擒之,支解以 庚申,賜諸王寬徹、忽答迷失金百五 徇。 丙午,諭六部官毋 十兩、銀 踰越中 己亥,太陰犯壘 千五. 書奏事 百 兩、 鈔三千錠、幣 一壁陣。 丙辰? 封駙 甲辰, 馬

|列請 變罷。 有司 臣言:「中 分道決囚。 一詔體 差。 往 十二月癸亥,中書平章政事李孟致仕,以樞 ,仍拘還先降 省海 河 世祖 南 書 占城國 職在總挈綱 道運糧萬戶一員,增副萬戶爲四員。 壬申、江江晉王也孫鉄木兒所部告饑,賑 、湖廣括取孔雀、珍禽、敕以擾民,不允。 立 進犀象。 中書初 璽 書。 維,比者行省六部諸 意,定擬程式 戊子,太陰犯熒惑。 緬國主遣其婿及雲南 以聞, 俾遵行之。 司 己丑,宗王女班丹給驛取江南田 應決 密副使張珪 不農蠻酋長 甲申、熒惑、塡星、辰星聚斗。 鈔 不決者,往往 丁亥,遣官祈雪于社稷、嶽鎮 敕 萬五千錠。 回回 爲中書平章政 岑福來朝 合的 作疑 庚辰,知樞 如 舊 咨 祈福,凡 呈, 事。 以致 租 鷹坊不 密院事 癸酉 命拘還驛 詞 海 文繁 訟 瀆。省 悉 答失 遣使 花 事 歸

券。

是月、諸王春丹叛。

皆由 井。 寶 史中丞郝天挺上疏論時政,帝嘉納之。賜西僧捌思吉斡節兒鈔萬錠。丙辰,以皇后受册寶, 使亦憐眞等以佛事奏釋重囚,不允。 帝諭左右曰:「回回以寶玉鬻於官。朕思此物何足爲 千四百四十,敕遵舊制,易以蔬食。命張珪綱領國子學。庚辰,冀寧路饑,禁釀酒。 玉。丁亥,敕:「外任官應有公田而無者,皆以至元鈔給之。」以乖西府隸播州宣撫司。功德 及 大同、大寧、四川、鞏昌、甘肅饑,禁酒。丙午,册立皇后弘吉刺氏,詔天下。丁未,彗出東 台普濟爲安吉王。 (`唯善人乃可爲寶。善人用則百姓安`茲國家所宜寶也。」 以錢糧、造作、訴訟等事悉歸有司,以淸中書之務。 壬午,西北諸王也先不花進馬、駝、璞 |太廟。丁丑,日赤如赭。己卯,免徵||盆都饑民所貸官糧二十萬石。各寺修佛事日用羊九 壬子, 禿忽魯言:「臣等職專變理,去秋至春亢旱,民間乏食,而又隕霜雨沙,天文示變, [不能宣上恩澤,致茲災異,乞黜臣等以當天心。」帝曰:「事豈關汝輩耶? 其勿復言。」御 [三月]丙申、[1+]以御史中丞脫歡答刺罕爲御史大夫。庚子,熒惑犯壘壁陣。以晉寧、 |月壬戌,改典內院爲中政院,秩正一品。 甲子,以皇后受册寶,遣官祭告天地於南郊 年春正月甲午,以察罕腦兒等處宣慰使伯忽爲御史大夫。辛丑,封前尚書右丞相乞 己未,置遼陽行省儒學提舉司。 丙午,寧王闊闊出薨。 丁未,以太府卿禿忽魯爲中書右丞相。戊申,太 辛巳,

本

遣官恭謝 太廟。 以亢旱旣久,帝於宮中焚香默禱,遺官分禱諸祠,甘雨大注。 詔敦諭勸課

免罪。 貢 不急之役。 託 史。 子,高麗王辭位,以其世子王燾爲征東行中書省左丞相、上柱國,封高麗國王。辛巳,加御 史大夫伯忽開府儀同三司、太傅。 壬午,置中瑞司,秩正四品。 甲申,詔遴選賢士,纂修國 〈方物。 爲貧乏,互奏恩賞。西僧以作佛事之故,累釋重囚。外任之官,身犯刑憲,輒營求內旨以 乙酉,御史臺臣言:「富人夤緣特旨,濫受官爵。徽政、宣徽用人,率多罪廢之流。 夏四月甲子,榮星于司天臺。癸酉,賜壽寧公主橐駝三十六。乙亥,車駕幸上都。 諸王、駙馬、寺觀、臣僚土田每歲徵租,亦極爲擾民。 請悉革其弊。」制曰「可」。 真定、保定、河間、大寧路饑,並**発今年田租十之三,仍禁**釀酒。 安南國遣使來 詔罷 近侍 丙

仍禁釀酒。 牙 左丞、參議中書省事禿魯花鐵木兒爲參知政事。 五 月辛丑、陛中書右丞兀伯都刺爲平章政事、左丞八剌脫因爲右丞、參知政事阿卜海 檀州及獲鹿縣輔。 順德、冀寧路饑、辰州水,賑以米、鈔,

未, 以參知政事許(思)[師]敬綱領國子學。[15]乙亥,詔諭僧俗辨訟,有司及主僧同問,續置 六月己未朔,京師地震。癸亥,禿忽魯等以災異乞賜放黜,不允。 丙寅、京師地震。

鹽課。 本 紀 丁未 第 二 十· ,赐諸王 1/9 仁 宗 五五七

脹 杖、 史檢 興興 廣海 聽。 己 土 卯 田, 察監學官 王南忽里等軍士之貧乏者。 及雲南、甘庸地遠、遷調者憚弗肯往、乞今後加一等官之。」制曰「可」。 從之。 河 呂 如 東 祖謙及故中書左丞許衡從祀孔子廟廷。 例輸稅。 廉訪使趙簡言:「請選方正 御史臺臣言:「比年廉訪司多不悉心奉職, **,考其殿最。** 丙子,賜諸王按灰金五十兩、銀七百五十兩、金束帶一、幣帛各四十匹。 癸未,命委官簡汰衞 以宋儒周敦頤、程顥、顥弟頤、張載、邵雍、司馬光、 一博洽之士,任翰林侍讀、 士。 上都民饑,出米五千石減價賑糶。 甲申,建崇文閣於國子監。 宜令監察御史檢覈名實而 侍講學士,講明治道,以廣聖 壬午,命監察御 給 黜 馬萬匹 陞之。 河決

陳、亳、睢州、開封、陳留縣,沒民田廬。

ᇤ 歲 此 宣 鈔二千錠、幣帛 鸾 置権茶批 命所 王鐵 敕 秋 (衛)[魏]王阿木哥歲賜外,給鈔萬錠。 七月己丑 在 木兒不花幣帛百二十匹,安遠王、亦思丹等各百匹。これ以保定、眞定、河間民流 有 驗所幷茶由局官。 司 給糧 五 | 朔,歲星犯東井。 辛卯,太白晝見。 癸巳,以作佛事,釋囚徒二十九人。 賜 十匹。 兩月,仍悉觅今年差稅,諸被災地並弛山澤之禁,獵者毋 |火羅思迷、脫歡、南忽里、駙馬忙兀帶金二百兩、銀一千二百兩、鈔| 辛丑,復立四川等處儒學提舉司。 乙未,太白晝見。庚子,立長秋寺,掌武宗皇后宮政,秩三 賜駙馬脫鐵木兒金百 壬寅,京師地震。 五十兩、銀七百五 免大寧路今 入其境。 十兩、 甲 不

敕守令勸 千六百錠、幣帛各有差。 課農桑, 勤者陞遷,怠者黜降,著爲令。 己酉,改淮東淮西道宣慰司爲淮東宣慰司,以淮西三路隸 丙辰, 太白晝見。 丁巳,太白經天。 河南省。

州蒙古軍乏食,戶給米一石。興國屬縣輔,發米賑之。

井。 丁卯,車駕至自上都。 八月戊午朔,太白晝見。 庚午,以侍御史薛居敬爲中書參知政事。 揚州路崇明州大風, 海潮泛溢,漂沒民居。 壬午,太陰犯輿鬼 壬戌, 歲星 一犯東

鉅夫 定王 一,賜金印。 九月,以相兒 舉湯禱桑林 敕鎭江路建銀 事 加思巴爲帝師。 ,帝獎諭之。 山寺,勿徙寺傍塋冢。 癸巳,以宣徽院使完澤知樞密院事。 京師大旱,帝問弭災之道,翰林學士程 戊申,封脫歡 爲安

酉,旌表高州民蕭乂妻趙氏貞節,免其家科差。 治于太倉,昌平縣治於新店。 冬十月己卯,敕中書省議行科舉。 癸未,以遼陽路之懿州隸遼陽行省。復置蒙陰縣,隸莒州 封不答(破)[失]里爲安德王。[10]辛未,[11]徙崑 Щ 州

此。 天下以皇慶三年八月,天下郡縣興其賢者、能者,充貢有司,次年二月,會試京師,中選者 ,廷,賜及第出身有差。 設科取士,庶幾得眞儒之用,而治道可興也。」 [十一月]壬寅、[三]敕漢人、南人、高麗人宿衞,分司上都,勿給弓矢。 甲辰,行科舉 帝謂侍臣曰:「朕所願者,安百姓以圖至治,然匪用儒士,何以致 親

以久旱,民多疾疫,帝曰:「此皆朕之責也,赤子何罪。」明日,大雪。以嘉定州、德化縣民 |哇屬戶內附,敕所在給衣糧。 丙子,定百官致仕資格。 甲申,詔飭海道漕運萬戶府。 京師 十二月辛酉,可里馬丁上所編萬年曆。 發米五千石, 賑阿只吉部之貧乏者。 海都、都

校勘記

災,發粟賑之。

- [1](左)[右]丞相哈剌哈孫答刺罕 據本書卷二一成宗紀大德七年七月丙寅條、卷一一二宰相年
- 太子實世祖之孫 表、卷一三六哈剌哈孫傳改。按當時左丞相爲阿忽台。 按太子指元仁宗,據本書卷一〇七宗室世系表,元仁宗爲元世祖會孫,蒙史 道光本已校。
- 壬(子)[辰] 據本書卷四八天文志改。 按是月癸酉朔,無壬子日。 道光本已校。

改「之」爲「曾」,是。

- 庚(子)[午] 按是月癸卯朔,無庚子日。此「庚子」在丁卯二十五日後,爲庚午二十八日之誤,今改。
- 道光本已校。
- 由股得託順考遺體 同 爲答刺麻八刺之子,疑作「同託」是。 按元典章卷一及元文類卷九卽位韶、「得託」皆作「同託」。元武宗、元仁宗

本

- 平章 政 事 李 道復等從新拯治 按元典章卷一、元文類卷九卽位韶,「李道復」之上有「完澤」, 此
- 處疑脫。
- 也兒吉(尼) 據本書卷二二武宗紀大德十一年七月辛巳條補。 新元史已校。
- (衛)[魏]王阿木哥 據本書卷一〇七宗室世系表、卷一〇八諸王表、卷一一五順宗傳改。下同。

新元史已校。

- . Уч. Ш 世祖諸皇子「忽哥赤之子」也先鐵木兒 忽哥赤之子,非元世祖皇子,以下文例,顯脫「忽哥赤之子」五字,今補。 按本書卷一〇七宗室世系表, 也先鐵木兒為元世祖子 考異已校
- (古)[右]阿速衞 據本 書卷八六百官志改。 道光本已校。
- 丙(子)(午) 按是月丁 酉朔, 無丙子日。此「丙子」在壬寅初六日、丁未十一日間,爲丙午十日之誤,

今改。

道光本已校

- 安王完澤 王,至大三年進封 按本書卷一〇八諸王表,安王爲兀都思不花,延祐二年封,完澤,大德九年封衞安 衛王。 此處「安王」當作「衞安王」或「衞王」。 本證云:「當作 衛安王。
- 二言 趙王汝安(那)[部]告饑 按本書諸王投下又稱「部」,此作「郡」誤,今改。 考異已校
- 己未 二日,己酉爲十四日,己未則爲二十四日。 此處「己未」迭見、北監本 前見者作「丁未」, 此處有衍誤。 後見者作「己酉」。按是月丙申朔,丁未爲十

安遠王亦思丹等 神道碑,許師敬爲許衡子。 本證云:「繼培案: 本證已校。 至大四年六月封亦思丹為懷仁郡王,安遠王則丑漢也,

此誤。」疑「安遠王」下脫「丑漢」、「亦思丹」上脫「懷仁郡王」。

據本書卷一○八諸王表改。按「不答失里」梵語,意爲「覺吉祥」。

辛未 按是月丁巳朔、辛未爲十五日、當在己卯二十三日前。

不答(滅)[失]里

「十一月」壬寅 失書「十一月」,今補。 按皇慶二年十月丁巳朔,無壬寅日。 殿本考證已校。 依干支推之。壬寅爲十一月十六日,此處

元史卷二十五

本紀第二十五

仁宗二

年。庚戌,中書省臣禿(魯忽)[忽魯]等以災變乞罷觅,[1]不允。 改元延祐。 逸, 苟得其人, 先以名聞, 而後致之。以江浙行中書省左丞高昉爲中書參知政事。丁未, 詔 興元、鳳翔、涇州、邠州歲荒,禁酒。 庚子,敕各省平章爲首者及漢人省臣一員,專意訪求遺 延祐元年春正月丁亥,授中書右丞劉正平章政事,商議中書省事。丙申,除四川酒禁。 釋天下流以下罪囚,殆上都、大都差稅二年,其餘被災會經賑濟人戶,免差稅一

錠,賑濟良鄉諸驛。 侍御史趙世延爲中書參知政事。 二月庚申,立印經提舉司。戊辰,(太)[大]寧路地震。[三癸酉, 熒惑犯東井。甲戌, 以 壬午,以合散爲中書右丞相、監修國史。 癸未,以中書參政高防爲集賢 韶冤蒙古地差稅二年,商賈勿免。 己卯,給鈔六千三百

本

紀第

十五

仁

宗二

學士。

饑 死,帝嘆曰:「彼一家不幸而有是事,其擇情輕者一人杖之,俾養父母,毋絕其祀。」 趙世延綱領國子學。 戊申,車駕幸上都。 平,劍浦縣日南平。 給糧兩月。 三月壬辰,太陰掩熒惑。 己亥,白暈亘天,連環貫日。癸卯,暹國王遣其臣愛耽入貢。改南劍路曰延 己酉,敕一「奸民宮其子爲閹宦,謀避徭役者,罪之。」辛亥,命參知政事 乙巳,以僧人作佛事,擇釋獄囚,命中書審察。丙午,封阿魯禿爲趙王 癸丑,中書平章政事察罕致仕。 賜諸王塔失蒙古鈔千錠、衣二襲。戊戌、眞定、保定、河間民 晉寧民侯喜兒昆弟五人, 並坐法當

隕霜殺桑果禾苗,歸州告饑,出糧 饑,賑鈔七千五百錠。汴梁、濟寧、東昌等路,隴州、開州,青城、齊東、渭源、東明、長垣等縣, 至 一上都駐蹕之地,有侵民田者,計畝給直。丙寅,太陰犯太微東垣。 里 . 三月甲寅朔,敕减樞密知院冗員。辛酉,太陰犯輿鬼。 減價賑糶。 馬八兒國主昔刺木丁遣其臣愛思丁貢方物。 罷呪僧月給俸。遺人視大都 丁丑,畿內及諸衞屯軍

常寺臣請立北郊,不允。 王脫脫薨,以月思別襲位。 耗,赈鈔八百七十三錠。 夏四月甲申朔,大寧路地震,有聲如雷。 陞延慶寺秩正二品。西番諸驛貧乏,給鈔萬錠。 己(酉)[丑],[三廢眞陽、(舍)[焓]光二縣,[四入英德州 己酉,敕二郡縣官勤職者,加賜幣帛。」以鐵木迭兒錄軍國重事, 丁亥,敕儲稱海、五河屯田栗,以備 曲魯部畜 賑 壬辰,諸 牧斃 太

監 修 國 史。 立回 回國子監。 帝以資治通鑑載前代興亡治亂, 命集賢學士忽都魯都兒迷失

及 李孟 擇 其 切要者譯寫 以進。 武昌路饑,命發米減價賑 糶

之。 月。 旌之。 乏者米三千石。 二十八頃。 膚施 武陵 五. 庚辰, 盧陽、麻陽二縣以土賊作耗, 蠲 月 縣 縣 甲寅朔 禁諸 霖雨,水溢,溺死居民,漂沒廬舍禾稼,潭州、漢陽、思州民饑,並發廪減價糶 大風、雹,損禾幷傷人畜。 丁丑,徙滄州治於長蘆鎮。 王支屬徑取 ,賜營王也先鐵木兒鈔萬錠。 分地 租賦擾民。 戊寅, 其地稅賦。 敕嶺北行省瘞陣沒遺骼。乙亥,賑怯魯連 戊午, 京兆 辰星犯輿鬼。 爲故儒臣許衡立魯齊書院, 營王也先鐵木兒支屬貧乏,賑糧 丁卯, 賜李孟孝威縣地 降璽 地 貧 書 賑 兩

夏 置 糧 相 减 時 卜憐吉帶爲 兩 一歲,仍俾屯田以自贍。 浙 六月 價 獨牧至 賑 鹽運司 戊 耀 上都,毋輒入京師,有事則遣使奏禀。」衡州、 子,敕一內侍今後止授中官,勿畀文階。」置雲南行省儒學提舉司。 判官一員。 河南王。 宣平、仁壽、白登縣雹損稼,傷 壬辰,增置畿內州縣同知、主簿各一員。 甲辰,国拘河西 發軍 增墾河南芍陂等處屯田。 [僧免輸租賦璽書。敕:「諸王、戚里入覲者,宜趁 人畜。 |郴州、 乙未, 熒惑犯右執法。 興國、永州路、耒陽州饑,發 諸王察八兒屬戶匱乏,給 封河南省 戊申, 增 丞

秋 Ł 本 月 紀 第 乙卯,答卽乃所部匱乏,戶給糧二石。 = + Ŧi. 仁 宗 庚午,命中書省臣議復封贈。 五六五 賜晉王也

孫鐵木兒部鈔十萬錠。 福院越制奏旨除官,敕自今舉人,聽中書可否以聞。 詔開下番市舶之禁。 賜(衛)[魏]王阿木哥等鈔七千錠。ほ己玄,會 申飭私鹽之禁。沅陵、盧溪二縣水、武

清縣渾河隄決,淹沒民田,發廪賑之。

及武安、涉縣地震、壞官民廬舍、武安死者十四人、涉縣三百二十六人。台州、岳州、武岡、 八月戊子,車駕至大都。癸卯,陞太常寺爲太常禮儀院,秩正二品。丁未,冀寧、汴梁

罷陝西諸道行御史臺。降儀鳳卿爲儀鳳大使。肇慶、武昌、建德、建康、南康、江州、 常德、道州等路水、發廩減價賑糶。 建昌、赣州、杭州、撫州、安豐等路水,發廪減價賑糶 九月壬戌,改提點教坊司事爲大使。己巳,復以鐵木迭兒爲右丞相,合散爲左丞相。

儲總管萬戶府, 秩正三品。 乙巳,置恩平王塔思不花傅二人。 庚戌, 辰星犯東咸。 注授。」申飭內侍及諸司隔越中書奏請之禁。敕:「下番商販須江衙省給牒以往,歸則征稅 史言:「乞命樞密院設法教練士卒,應軍官襲職者,試以武事而後任之。」制曰「可」。 如制,私往者沒其物。」遣官括淮民所佃閑田不輸稅者。 冬十月癸巳,陞潁州萬戶府爲中萬戶府。乙未,敕「吏人轉官,止從七品,在選者降等 丙申,復甘肅屯田,置沙瓜等處屯 遺張驢 監察御

經理江南田糧。

中書右丞相禿忽魯知樞密院事。 震,有聲如雷。戊寅,鐵木迭兒言:「比者僚屬及六部諸臣,皆晚至早退,政務廢弛。今後有 丞。辛未,以翰林學士承旨答失蠻知樞密院事。癸酉,敕:「吏人賊行者黥其面。」大寧路地 司爲中都威衞使司。置保安軍于麻陽縣以禦徭蠻。戊辰,以通政院使蕭拜住爲中書右 如此者,視其輕重杖責之。臣或自惰,亦令諸人陳奏。」帝曰:「如更不悛,則罷不敍。」以前 十一月壬子,陞司天臺爲司天監,秩正三品,賜銀印。乙卯,改大同侍衞親軍都指揮使 靜安路饑,發糧賑之。詔檢覈浙西、江東、江西田稅。

政事。 豐等處饑,發米賑之。 衍聖公者以名聞。 官員士庶衣服車輿制度。甲午,太陰犯輿鬼。己亥,敕中書省定議孔子五十三代孫當襲封 兒不花部米五千石,禿滿部二千石。辛卯,禁諸王、駙馬、權勢之人增價鬻鹽。 十二月壬午,汴梁、南陽、歸德、汝寧、淮安水,敕禁釀酒,量加赈恤。癸未,賑諸王鐵木 癸卯,太陰犯房。甲辰,太陰犯天江。乙巳,敕經界諸衞屯田。沔陽、歸德、汝寧、安 庚子,遣官浚揚州、淮安等處運河。以翰林學士承旨李孟復爲中書平章 壬辰,詔定

癸亥,太陰犯軒轅。丙寅,霖雨壞渾河隄堰,沒民田,發卒補之。 二年春正月乙卯,歲星犯輿鬼。 戊午,懷孟、衞輝等處饑,發米賑之。 己未,太白晝見。 禁民煉鐵。發卒浚漷州漕

民饑、給鈔、米賑之。 至。 府, 明言其事當行者 買爲驅。 撫使分十二道問民疾苦,黜陟官吏,並給銀印。 河。 秩正三品。 或近侍蒙蔽,賞罰失當,或獄有寃濫,賦役繁重,以致乖和。 丁卯 御史臺臣言:「比年地震水旱,民流盜起,皆風憲顧忌失於糾察, 太陰犯進賢。 以聞。 庚午, 立行用庫於江陰州。 諸王脫列鐵木兒部闕食,以鈔七千五百錠給之。 戊辰, 晉寧等處民饑,給鈔賑之。 敕以江南行臺贓罰鈔賑恤 命中書省臣分領庶務。 己巳,置大聖壽萬安寺都 宜與老成共議所由 饑民。 禁南 益都、般陽、 宰臣變理 人典質 乙亥,詔 妻子販 有 晉寧 一。」詔 所未 造宣 總管

米、鈔賑之。 兵捕之。 班藏卜爲帝師,賜玉印,仍詔天下。壬寅,雲南王老的 丙申,賜諸王納忽答兒金五十兩、銀二百五士兩、鈔五百錠。 二月己卯朔,會試進士。戊子,太白晝見。 乙巳,賜諸王月魯鐵木兒鈔萬錠。丙午,太白經天。 眞州 揚子縣 火,發米減價賑 糶。 癸巳, 太白經天。 來朝。 庚子,詔以公哥羅古羅 辰、沅洞蠻吳干道爲寇, 是月,晉寧、宣德等處饑,給 甲午, 詔禁民轉鬻養子 思監藏 敕調

赤 以中書平章張驢爲江浙行省平章政事 如 赭。 三月乙卯,廷試進士,賜護都沓兒、張起巖等五十六人及第、出身有差。 庚午,帝率諸王、百官奉 玉册、玉寶、加上皇太后尊號、詔天下蠲逋欠稅課。 丙辰, 太陰色 丁珙,

德, 敕 花赤。 貯庫,秩七品,置官三員,並隸壽福院。 教授,餘並授山長、學正,後勿援 司。 察八兒爲汝寧王。 軍 ·,有後期及逃還者 庚子,太陰犯壘壁陣。 夏 以 四月戊寅 命李孟 其擾民,特罷之。 |等類集累朝條 朔, 潭州、江州、建昌、沅州饑、發廩賑 r, 並斬 日有食之。 以徇。 加授特進上卿、玄教大宗師張留孫開府儀 辛丑,賜 ,格,俟成書,聞奏頒行。 例。 辛巳, 甲午,諭晉王也孫鐵木兒,以先朝所賜 會試下第舉人七十以上從七流官致仕,六十以上府、州 敕諸王分地仍以流官爲達魯花赤,各位所辟爲副達魯 賜進士恩榮宴於翰林院。 乙巳, 車駕幸上都。 糶。 立規運提點所,秩 宣徽院以 癸巳,敕亦思丹等部 同 三司。 供 五品,置官四員 惠州 尚膳 銀礦洞 造 丙午,封諸 人獵 歸還 於 H 廣 有 歸 征

天江。 安、南康 府,隸中 千,勒還民籍。 土阜,高者二三丈,陷沒民居。 五 乙丑,秦州 月戊 政院。 臨江 乙亥, 申 一、袁州 ·朔,改給各道廉訪司銀印。 壬申, 日赤 御史中丞王毅乞歸養親,不許。 成紀縣 如 無州 諸王撒都失里薨。 赭。 山移。 江州 是月 敕遣官覈驗 、建昌、贛州、南安、梅州、辰州、與國、潭州 是夜,疾風電雹,北山南 ,發粟三百石,賑 甲戌, 復立陝西諸道行御史臺。 賑 恤。 日赤 庚申,賜公主燕海 諸王按鐵 庚午,太白晝見。 如赭。加授宦者中尚 移至 木兒等部貧民。 夕河川, 牙 貴赤 立海西、遼東鷹 鈔干錠。 次 日再移; 張 卿 岳州 奉元 小厮等招戶六 續元 辛酉,太陰犯 平 暉昭 常德、 龍 防萬 地突出 興、 文館 戶

本

紀

第

+

Ŧ

仁

宗

_

昌等路,南豐州 、澧州等處饑,並發廪賑

州 **徙陝西肅政廉訪司于鳳翔。戊戌,豳王南忽里等部困** 白犯東井。丙午,辰星犯輿 己亥、置汝寧王察八兒王傅官。 六月辛巳,察罕腦兒諸驛乏食,給糧 鬼。 緬國主遣其子脫剌合等來貢方物。 辛丑,以濟寧、益都亢旱,汰省宿衞士芻粟。 脈之。 甲申, 乏, 太白晝見,是夜太陰犯平道。 給鈔俾買馬羊以濟 之。 癸卯, 河決鄭

舊制。」從之。 府。 縣。四省兩淮 也 玉具、鞍勒、幣帛。壬子,增尚舍寺官六員爲八員。雲需總管府增同 總宣政院事,詔諭 種、耕具、於連怯烈地屯田。甲子,江南湖廣道奉使溫迪罕言:「廉訪司公田 (金)[全]州、[10]永州路)孫鐵木兒 乙卯,贛州土賊蔡五九聚衆作亂,敕遣兵捕之。 秋七月庚戌,增興和路治中一員。戊申,「ギ〕賜宣寧王鐵木兒不花及其二弟鈔萬錠,幷 惠州銀鐵洞。 乙丑,陞崇福院秩正二品。 屯田總管府官四員。 中外。 ,茶陵州霖雨,江漲,沒田稼,出米減價賬 是月,畿內大雨,漷州、昌平、香河、寶坻等縣水,沒民田 甲寅、置諸王斡羅溫孫王傅官四員。 併提領所入提舉司。 癸酉,賜(衞)[魏]王阿木哥鈔萬錠。 敕阿(宿)[速]衛戶貧乏者, 日 改只合赤八刺合孫總管府爲尚供 復陳州商水鎭爲南(屯)[頓] 知二員。癸丑,復賜晉王 多取民租,宜復 命鐵木迭兒 廬 潭州 給牛、

八月丙戌,赣州賊蔡五九陷汀州寧花縣,

僭稱王號,

韶遺江浙行省平章張驢等率兵討

乞罷 加 歲貢 酷暴,逼 (伴讀 經 己丑,車駕至自上都。 理 四 及冒括田]抑至此。(新)[信]豐一縣,(三)撤民廬千九百區,夷墓揚骨, .員。 詔江浙行省印農桑輯要萬部,頒降有司遵守勸課。 租。 制曰「可」。庚子,改遼陽省泰州爲泰寧府。 乙未,臺臣言:「蔡五九之變,皆由昵匝馬丁經理田糧,與郡縣橫 旌表貴州達魯 虚張頃畝, 壬寅,增國子生 流 花赤相 毒居民 百員,

官其死事者子孫。 日 色 如 九 赭。 月丁未,張驢以括田逼死九人,敕吏部尚書王居仁等鞫之。 辛酉、太白犯左執法。壬戌、蔡五九衆潰伏誅、餘黨悉平、敕賞軍士討捕功、幷 己已,徙曲尤倉於赤斤之地。 賜諸王別鐵木兒永昌路及西涼州田 己酉,太陰犯房。 甲寅, 租。

妻脫脫眞死節,仍俾樹碑任所。

花 司 公田。 爲趙國公。庚辰,以淮西廉訪使郭貫爲中書參知政事。 丁酉,加授鐵木迭兒太師。癸卯,八百媳婦蠻遣使獻馴 乙未,陞同 知樞密院事鐵木兒脫知樞密院事。 授白雲宗主沈明仁榮祿 壬午,有事于太廟。 象二,賜以幣帛。 給雲南廉訪 大夫、司

·月丙子朔,客星見太微垣。

丁丑,封脫火赤爲威寧郡王,賜金印,忽兒赤鐵木兒不

星之異,由臣等不才所致,願避賢路。」帝曰:「此朕之愆,豈卿等所致,其復乃職。 星 |變赦天下,減免各路差稅有差。 + 月丙午,客星變爲彗,犯紫微垣,歷軫至壁十五宿,明年二月庚寅乃滅。 甲戌,封和世球爲周王,賜金印。 左丞相合散等言:「彗 茍政有過 辛未,以

本

紀

第

+

. Æ

仁

宗二

差,勿憚於改。 凡 可 以安百姓者,當悉言之,庶上下交修,天變可弭 也。

給 · 鈔買羊馬,賑北邊諸 十二月戊寅,賜 雲南行 軍。 省參政汪長安虎符,預軍 命省臣定擬封贈通 例,俾高 政。 F 適宜以聞。 庚 寅 ,增置平江路行用 旌表汀州 寧化縣民賴 庫。 癸巳,

祿孫

孝行。

密院 都 大夫、太尉,仍給 一萬錠 水 事 太監二員 三年春 買閭 正月乙巳,漢陽路饑,出米賑之。 知 院 一省卿 削。 事 o 丙午,對前 壬戌,賜上都開元寺江浙田二百頃,華嚴寺百頃。 員。 以眞定、保定荐饑,禁畋獵。 中書左丞相忽魯答兒壽國公。三三增置晉王部斷 特授昔寶赤八刺合孫達魯花赤脫歡 改直沽爲海津 鎭。 賜 趙王 辛酉、陞同 別 事 魯禿部 金紫光祿 官四 知 員, 鈔 樞

常侍七員、中尉四員、諮議、記室各二員。 命湖廣 甲寅,敕蕭 三月辛亥, 月丁 行省諭安南,歸占城 拜住 丑,調 及陝西、四川省臣 特授高麗王世子 海 口屯儲漢軍千人,隸臨淸運糧萬戶府,以供轉漕,給鈔二千錠。 國 主。 王暠開府儀 各一 置安遠王 員,護送周王之雲南。 置 一打捕鷹坊民匠總管府,設官六員,斷事官八員, 醜漢王傅。河間 同三司、 籓王。 、濟南、濱棣等處饑,給 置 加授將作院使呂天麟 周王常侍府,秩 Œ 二品品 大司 糧 戊寅, 兩 徒。 月。

本紀第二十五 仁宗二

延 福 司、飲饍署官各六員,並隸周王常侍府。 壬申 · 鷹坊字羅等擾民於大同,敕拘還所奉璽書。 禁天下春時畋獵 辛酉、陞太史院秩正二品。 癸亥,車駕幸上

省 戊子,陞印經提舉司爲廣福監。己丑,陞會福院秩正二品。癸巳,賜安遠王醜漢金各五百 民農桑,賜衣一襲。庚子,以上都留守憨刺合兒知樞密院事。 兩、三一鈔千錠、幣帛二十匹。己亥,增置周王斷事官二員。 與御史臺、翰林、集賢院集議封贈通制,著爲令。 歲給(衛)[魏]王阿木哥鈔萬錠。敕衞輝、昌平守臣修殷比干、唐狄仁傑祠,歲時致祭。 命行臺、廉訪司以見貯贓鈔賑之。橫州徭蠻爲寇,命湖廣省發兵討捕。 夏四 月癸酉朔,賜皇姊大長公主鈔五千錠、幣帛二百匹。河南流民羣聚渡江,所過擾 遼陽蓋州及南豐州饑,發廪賑之。 以淮東廉訪司僉事苗好謙善課 陞殊祥院秩正二品。 壬午, 諭中書 命中書

政 留 郭貫 日守伯鐵 從 五品。 潭、水、寶慶、桂陽、澧、道、袁等路饑,發米賑糶 五 爲 月甲辰至戊申,日赤如赭。 木兒爲中書平章政事。 左丞,參議不花爲參知政事。 賜諸王迭里哥兒不花等金三百五十兩、銀一千二百兩、鈔三千二百錠、幣帛有 陞中書右丞蕭拜住爲平章政事,左丞阿卜海牙爲右丞,參 辛亥,以江西行省右丞相斡赤爲大司徒。 庚午,置甘肅儒學提舉司、遼陽金銀鐵冶提舉司,秩 庚申,以大都

六月乙亥,制封孟 軻父爲邾國公,母爲邾國宣獻夫人。 改諸王、功臣分地郡邑同知、縣

政。 廣 四 盗 丞 十萬錠。 册 行省遣官督兵捕之。丁丑,敕:「大辟罪,臨刑敢有橫加刲割者,以重罪論。凡鞫囚,非强 爲副達魯花赤,中、下縣及錄事司增置副達魯花赤一員。丙子,融、賓、柳州徭蠻叛,命湖 加酷 甲申,給安遠王醜漢分樞密院印。 刑。」戊寅,吳王朶列納等部乏食,賑糧兩月。己卯,詔諭百司各勤其職,毋隳廢大 河決汴梁,沒民居,遼陽之蓋州饑,並發糧賑之。 丁亥,封床兀兒爲何容郡王。 丁酉,賜周王從衞鈔

院 鐵木兒爲保恩王,賜金印。 事。 秋 以七月壬子,命御史大夫伯忽、脫歡答剌罕拯治臺綱,仍降詔宣諭中外。 乙卯,封玉龍 庚午、發高麗、女直、漢軍千五百人、於濱州、遼河、慶雲、趙州屯田 辛酉,賜普慶寺益都田百七十頃。丙寅,復以燕鐵木兒知樞密

八 月癸酉,以兵部尚書乞塔爲中書參知政事。 己卯,車駕至自上都。 戊戌,置織佛像

工匠提調所,秩七品,設官二員。

丞。 特命改焉。 庚戌、割上都宣德府奉聖州懷來、縉山二縣隸大都路。 九月辛丑,復五條河屯田。 癸丑,太白晝見。己未,冀寧、晉寧路地震。 以中書左丞郭貫爲集賢大學士,集賢大學士王毅爲 丙寅、太白 改縉 山縣爲龍慶州,帝生是縣, 經 天 中書左

一千人、雲南軍三千人烏蒙等處屯田,置總管萬戶府,秩正三品,設官四員,隸雲南省。 冬十月辛未,以江南行臺侍御史高昉爲中書參知政 事。 壬申,有事于太廟。 調 几 川軍 壬

等路饑,兎田租。 午,河南路地震。甲申,太白犯斗。 里部鈔四萬錠。丁酉,修甘州城。申禁民有父在者,不得私貸人錢及鬻墓木。 庚寅,

敕五臺靈鷲寺置鐵冶提舉司。 乙未,賜豳王南忽 甘州、 肅州

案牘各一員。 所佩國公印移文有司,紊亂官政,敕禁止之。乙巳,增集寧、砂井、淨州路同知、府判、提控、 司,澧州路安撫司爲安定軍民府。 十一月壬寅,命監察御史監治嶺北鈎校錢糧,半歲更代。 。乙卯,改舊運糧提舉司爲大都陸運提舉司,新運糧提舉司爲京畿運糧提舉 大萬寧寺住持僧米普雲濟以

諸王按灰部乏食、給米三千一百八十六石濟之。 嗣成太玄輔化體仁應道大眞人,主領三山符籙,掌江南道教事。丁亥,立皇子碩德八剌爲 皇太子,兼中書令、樞密使,授以金寶,告天地宗廟。 十二月庚午,以知樞密院事禿忽魯爲陝西行省左丞相。 陞同知樞密院事床兀兒知樞密院事。 壬午,授嗣漢三十九代天師脹

校勘記

秃(魯忽)[忽魯] 據上文皇慶二年正月丁未、三月壬子、六月癸亥條及本書卷一一二等相表改

正。

記

元

- [二](太)[大]寧路 據本青卷五〇五行志改。續編已校。
- , = U 己(酉)(丑) 按是月甲申朔,己酉爲二十六日,已見下文壬辰初九日後。 此「己酉」在丁亥初四日、

壬辰問,爲己丑初六日之誤,今改。 道光本已校。

- r:si (含)[焓]光 據本書卷一六世祖紀至元二十七年八月辛未條及宋史卷九○地理志改。
- $\overline{}$ 35. 甲辰 按是月癸未朔,甲辰爲二十二日,當在乙未十三日後、戊申二十六日前。
- [六](衞)[魏]王阿木哥 見卷二四校勘記[公]。下同。
- -----戊申 按是月丁未朔,戊申爲初二日,應在庚戌初四日前。
- 南(屯)[頓]縣 據本書卷五九地理志改。 道光本已校。
- 阿(宿)[速]衞 按阿速一名本書屢見,又作「阿思」,爲部族名。 阿速衛係元一支親軍。 此處誤

爲「宿衞」,今改。

- (金)[全]州 據本書卷五○五行志改。 按全州與上下文所列各路州皆隸湖廣省。
- (新)[信]豐 據本書卷六二地理志改。 按元無一新豐縣」,信豐爲赣州屬縣。 道光本已校。
- 忽魯答兒 疑卽本書卷六、七世祖紀至元三年十一月辛亥、四年六月乙丑、七年正月丙午、八年

二月甲辰諸條所見之「忽都答兒」。蒙史改「魯」爲「都」,疑是。

賜安遠王醜漢金各五百兩 本證云三案金下當脫銀字,或醜漢下有等字。」

万里卷二十六

本紀第二十六

仁宗三

豈政有過差以致然歟。向詔百司務遵世祖成憲,宜勉力奉行,輔朕不逮,然嘗思之,唯省刑 薄賦,庶使百姓各遂其生也。」乙卯,諸王脫脫駐雲南,擾害軍民,以按灰代之。丙辰,以知 辰,給諸王也速也不干、明安答兒部糧三月。 樞密院事完者爲雲南行省平章政事。己未,給帝師寺廪食鈔萬錠。壬戌,冀寧路地震。 四年春正月庚子,帝謂左右曰:「中書比奏百姓乏食,宜加賑恤。 股默思之,民饑若此, 戊

租稅有差。賜諸王、宗戚朝會者,金三百兩、銀二千五百兩、鈔四萬三千九百錠。 別鐵木兒爲汾陽王。 閏月庚辰,封諸王孛羅爲冀王。 丙戌,以立皇太子詔天下,給賜鰥寡孤獨鈔,滅觅各路 壬辰、給豳王南忽里部鈔十二萬錠買馬。汴梁、揚州、河南、淮安、重 辛卯,封

本紀

第二十六

仁宗

=

慶、順慶、襄陽民皆饑,發廪賑之。

千錠、米萬石賑之。曹州水、兔今年租 陛蒙古國子監秩正三品,賜銀印。丙寅,以諸王部值脫火赤之亂,百姓貧乏,給鈔十六萬六 者不花翰林侍讀學士、知制誥、同修國史。癸亥、陞泰寧府爲泰寧路,仍置泰寧縣。 二月庚子,賜諸王買閭部鈔三萬錠。 甲辰,敕郡縣各社復置義倉。戊申,特授近侍完 乙丑,

三月丁卯朔,陞靖州爲路。庚午,給趙王阿魯禿部糧四千石。乙酉,太陰犯箕。

車駕幸上都。

州 失、劉廣等譯大學衍義以進,帝覽之,謂羣臣曰:「大學衍義議論甚嘉,其令翰林學士阿憐鐵 時,奈何。」蕭拜住對曰:「宰相之過也。」帝曰:「卿不在中書耶。」」拜住惶愧。頃之,帝露香默 帶、黃金、幣帛有差。己未,諸王紐憐薨。乙丑,禁嶺北酒。 太常禮儀院使拜住大司徒。賜趙王阿魯禿金五十兩、銀五百兩、鈔千錠。 旣而 甲辰,以太寧路隸遼陽省。日及申,答合孫寇邊,吳王朶列納等敗之于和懷,賜金玉束 夏四月戊戌,給安王工都思不花部軍糧三月。己亥,德安府旱,觅屯田租。 大雨,左右以雨衣進,帝曰:「股爲民祈雨, 何避焉」翰林學士承旨忽都魯都 帝嘗夜坐,謂侍臣曰:「雨暘 割懷來縣隸龍慶 壬寅,加授 兒迷 示

木兒譯以國語。」

罪之,餘並給糧遣婦。」以翰林學士承旨亦因鐵木兒爲中書平章政事,中書平章兀伯都剌爲 府。壬午,黃州、高郵、眞州、建寧等處,流民羣聚,持兵抄掠,敕所在有司:「其傷人及盜者 集賢大學士。己丑,陛中書(左)[右]丞阿卜海牙爲平章政事,[三]參政乞塔爲右丞,高防爲 鈔幣有差。乙亥,加封大長公主忙哥台爲皇姑大長公主,給金印。戊寅,改衞率府爲中翊 王桂爲中書參知政事。安遠王龍漢、趙王阿魯禿爲叛王脫火赤所掠,各賜金銀、幣帛。丙 罷,以左丞相合散爲中書右丞相。己酉,兀伯都刺復爲中書平章政事。壬子,以工部尚書 左丞、參議中書省事換住、張思明並參知政事。 六月乙巳,太陰犯心。內外監察御史四十餘人劾鐵木迭兒姦貪不法。戊申,鐵木迭兒 五月辛未,授上都留守闆闆出開府儀同三司、大司徒。 壬申,賜出征諸王醜漢等金銀、

錠、雜綵五萬匹。癸亥、禁總攝沈明仁所佩司空印毋移文有司。 辰,敕:「諸王、駙馬、功臣分地,仍舊制自辟達魯花赤。」丁巳,安南國遣使來貢。戊午,置冀 王孛羅王傅二員,中尉、司馬各一員,都總管府秩正三品。己未,給嶺北行省經費鈔九十萬

幣帛、鈔各有差。 主忙哥台金百兩、銀千兩、鈔二千錠、幣帛各百匹。賞討叛王有功句容郡王床兀兒等金銀、 秋七月乙亥,李孟罷,以江浙行省左丞王毅爲中書平章政事。〔三〕庚辰,賜皇姑大長公 壬午,敕赤因鐵木兒頒賚諸王、駙馬,及賑濟所部貧乏。特授中衞親軍都

紀

第二十

六

仁宗三

部 地 指 久勞于 揮 帝 使 外,留 孛 出 帝 崩 諭 見 省 奚 守臣未常以聞, 衞 臣 太 士 日 尉 有 . --弊衣 比 己 聞 丑: 者, 蒙古 一,成紀 非股 駐 馬 諸 縣 親 間 部 111 見,何 之,對 困 崩,土石 乏, 日 由 往往 知 潰徙,壞田 之! 戍守 鬻子 邊鎭 自 女 今 於 稼 有 餘 民 廬舍, 類 + 家 此 五 爲 者 年 婢 壓死 ٠, 僕 以 必言於朕。」因 故 居民。 其 貧 命有 耳。 辛 司 帝 卵, 贖 命 日 之 冀 賜 還 此 寧 之 錢 各

帛。

弛 天 雖 日 民 下 加 治 宗 卿 慢,怨言並 八 者。 遺 等 月 訓 H 丙 使人 中, 所行 朝廷 興、欲求 車 君 者 法令,皆不遵 ·駕至· 制 何 法,宰相 事 了?]合散 自 治安,豈不 上都。 能 守。 對 守 熒惑犯 日 難 而 夫法 哉 勿 臣等第 失, 輿 者,所以辨 鬼。 則 下民 奉行 壬子, 詔 知 上下,定民志,自 旨而 所 太陰犯昴。 畏 避,綱 已。」帝 紀 日 庚申, 可 :「卿等何 Ē 古及今, 一,風 合散 俗 未 嘗 可 奏事 厚。 奉 有 法 行 畢, 其 不 股 帝問 或 <u>J</u>. 旨,

法

丽

宣 太 陰 徽 犯斗。 使 九 伯 月 答 丙 寅, 壬: 沙 一辰,詔 爲 合散 中書右 戒 言:「故事 飭 丞相 海漕 丞 合散 諭 相 諸 爲 司 必 左 用 册: 丞 蒙古勳臣, 得 相 沮 撓。 己 Ē, 嶺 合散 北 大 地震三日 都 回 南 回 城 人,不厭人望。」遂 產 嘉 禾 莖十 懇辭。 穗。 庚 制 以

尙 書 舉 冬十 林 柏 月 甲 監 大都 午 朔 兵馬 有 事 司] 于 防 太 過盜 廟。 敗 戊 戌 仍 嚴衡軍 給諸 E 校 晃 火 制 鐵 其 (出入。 木 見等部糧 遺御 五. 史大夫伯忽、參 千石。 壬寅, 知政 敕 刑

濤, 職田。壬子,給鈔五萬錠、糧五萬石,賑察罕腦兒。 惑,請禁止以絕僥倖。惟朝廷者舊特旨起復者,不在禁例。」制曰「可」。給兩淮屯田總管府 王桂祭陝西嶽鎭、名山,賑恤秦州被災之民。己酉,監察御史言:「官吏丁憂起復,人情驚 存者十四人漂至溫州永嘉縣,敕江浙省資遣還鄉。改潮州路所統梅州隸廣東道宣 戊午,海外婆羅公之民往賈海番,遇風

品,太子詹事四員了副詹事、詹事丞並二員,家令府、延慶司設官並四員,典寶監八員。 遣官 內史按攤出金紫光祿大夫、魯國公。辛酉,改怯憐口民匠總管府爲繕用司 安王王傅。丁巳,賜諸王禿滿鐵木兒等及駙馬忽剌兀帶各部,金一千二百兩、銀七千七百 即興和路及淨州發廪賑給北方流民。己酉,盧溝橋、澤畔店、瑠璃河並置巡檢司。壬子,置 次,非有旨不得上殿,闌入禁中者坐罪。大臣許從二人,他官一人,門者譏其出入。」 兩、鈔一萬七千七百錠、幣帛二千匹。以內宰領延福司事禿滿迭兒知樞密院事。 十二月丁酉,復廣州採金銀珠子都提舉司,秩正四品,官三員。乙巳,置詹事院,從一 十一月己卯,復浚揚州運河。己丑,併汧源縣入隴州。 壬辰,諭:「諸宿衞入直,各居其 特授晉王

五年春正月辛未,賜諸王禿滿鐵木兒等所部鈔四萬錠。甲戌, 懿州地震。 丙子,安南

國 其臣 湖 廣 尹世才等以方物來貢。乙酉,敕諸王位下民在大都者,與民均役。丁亥, **平章**買 住加魯國公、大司農。 賑晉王也孫鐵木兒等部貧乏者 會試進

甲寅 忠武王伯顏祠。 權豪商 晃 弟 司 民 火鐵木兒爲嘉王,禿滿鐵木兒爲武平王,並賜印。丁未,敕雲南、四 ·姪五 地。 置寧昌府。 販貨物,並輸稅課。戊午,以者連怯耶兒萬戶府爲右衞率府。給書西天字維摩經金 月癸巳朔,日有食之。 庚申,罷封贈。賞討叛王脫火赤戰功,賜諸王部察罕等金銀幣鈔有差。 戊申、陞內史府秩正二品。建鹿頂殿于文德殿後。 人者,三人留,四人三人者,二人留,著爲籍。」秦州(泰)[秦]安縣山崩。四封諸王 王子諸王答失蠻部乏食,至敕甘肅行省給糧販之。賜諸王察吉兒鈔萬錠。 乙卯,命中書省汰不急之役。增置河東宣慰司副使一員。敕上都諸寺、 和寧路地震。 丁酉,敕:「廣寧、開元等萬戶府軍入侍衞,有兄 辛亥、敕杭州守臣春秋祭淮安 川歸還所侵順元宣 撫

司、錄軍國重事、知樞密院事。戊寅,以湖州路爲安王兀都思不花分地,其戶數視(衛)[魏] 靜安路爲德寧路,靜安縣爲德寧縣。癸酉,晉王也孫鐵木兒部貧乏,賑米四千一百五十石, 王八都兒金印。 仍賜鈔二萬錠買牛羊孳畜。 三月戊辰,御試進士,賜忽都達兒、霍希賢以下五十人及第、出身有差。 庚午,立諸王斡羅溫孫部打捕鷹坊諸色人匠怯憐口總管府,秩從四品。改 乙亥,增給兩淮運司分司印一。特授安遠王醜漢開府儀同三 己巳,賜寧海 本紀第二十六 仁宗三

罪。」 鞏昌 員。 王 王 内 河 制 等 木哥。CKJ癸未,和寧、淨州路禁酒。 賜 史 拾得 處經 唨 曰「可」。 驢答剌罕平江路 閭 賑 濟者差 加 己丑,敕 樂 禄 税 大 鹽課。 夫, 以紅 田百頃 封 城 桓 乙酉,御 屯 國 田 公。 米賑淨州、 史臺臣言:「諸司近侍隔 給金 賜鈔萬錠, 九百 平地等處流民。 兩 命晉王也孫鐵木兒賑濟遼東 銀 百五 + 越中 兩, 置汾陽王別鐵木兒王傅四 書金字藏經 書聞 奏者,請 貧民。 如 甲 舊 ·申, 制 趸 論

奴、 困乏, 等處 是。 流 縣 民 耽羅 汀 食陝西 給 夏 給 調 州 濟以馬五 中 四 度軍 並爲 者 捕 糧 翊 月壬辰,安吉王乞台普濟薨。 三縣, 獵 賑 府閣 紅 戶成 濟。 馬,惟長官二人領其事。 中書平章 鹽,後以地遠,改 千匹。 臺順州屯田 達魯花赤聽其自辟。」陞印經提舉 金等為寇,敕征東行省督兵捕之。 発懷孟、河南、 南陽 政事,侍御史敬儼爲中書參知 遼陽饑,海漕糧十萬石於 鈔萬錠、置牛種農具。 食滄鹽,而 居民所輸陝西鹽課。 今四川 丁 仍輸課陝 酉,諸王雍吉剌〔帶〕部乏食,[+] 賑米三千 省諸臣皆預, 義 。錦州, 司為延福 庚戌,敕三安遠王 西,民不堪命,故発之。 、政事。 庚子 ,賜諸王察吉兒部鈔萬錠,布帛 是時 以赈 戊午,車駕 非 監, 便,請 解州 貧民。 秩正 鹽 三品。 一醜漢 如舊 池 幸上都。 甲寅, 爲 制。」 分 木鄰 水所 遣官 地 樞 一從之。 隸 密院 鐵 壞,命懷 分汰 濟 寧者七 里干驛 石。 臣言: 各部 稱 己

五 一月辛 酉朔,順元 等處軍民宣撫使阿畫以洞蠻會黑冲子子昌奉方物來觀 丁卯,賜安

聞禮部奉旨鑄太尉、司徒、司空等印二十有六,此輩無功於國,載在史册,貽笑將來。 察御史言:「比年名爵冒濫,太尉、司徒、國公,接跡于朝。昔奉詔裁罷,中外莫不欣悅。近 政事王毅榮星于司天臺三晝夜。諸王按塔木兒、不顏鐵木兒部乏食,賑糧兩月。壬申,監 王兀都思不花金五百兩、銀五千兩。以御史中丞亦列赤爲中書右丞(相)。[3] 戊辰, 遣平章 己卯,德慶路地震。鞏昌隴西縣大雨,南土山崩,壓死居民,給糧賑之。 今門閥貴重、勳業昭著者存留一二,餘並革去。」制曰「可」。 癸酉,遣官分道减決笞以下罪。 請自

趙子玉等七人伏誅。時(衞)[魏]王阿木哥以罪貶高麗,子玉言於王府司馬曹脫不台等曰: 駙馬者,給資糧遣還各部。 癸卯,賜諸王桑哥班金束帶一、銀百兩、鈔五百錠。 制曰「可」。癸巳,以典瑞院使斡赤爲集賢大學士、領典瑞院事、大司徒。 行次利津縣,事覺,誅之。西蕃土寇作亂,敕甘肅省調兵捕之。丁巳,賜安王兀都思不花等 已嘗奉旨俟三年徵租。今及其期,若江浙、江西當如例輸之,其河南請視鄉例減半徵之。」 金束帶及金二百兩、銀一千五十兩、鈔二千二百錠、幣帛二百八十匹。 士乏食、給糧賑之。庚子,遣阿尼八都兒、只兒海分汰淨州北地流民,其隸四宿衞及諸王、 阿木哥名應圖讖。」於是潛謀備兵器、衣甲、旗鼓、航海往高麗取阿木哥至大都,俟時而發。 六月辛卯,御史臺臣言:「昔遣張驢等經理江浙、江西、河南田糧、虛增糧數,流毒生民, 己亥,北地諸部軍 乙巳, 術者

諸王 午,罷 秩正 含江西, 義。 寅, 石, + 錠、幣帛 米萬石、 大夫屈原爲忠節清烈公。 兩 命晉王 調 八品,隸上都留守司。 不里牙敦 今李銓侍東宮說書,未諳 秋 軍 河南省左丞陳英等所括民田,止如舊 鈔二千錠、幣帛二百匹。 七月己未朔,李邦寧加開府儀同三司。 失列吉湖廣、杂帶 五千,烏蒙等處屯 一百匹,仍給鈔萬錠、米萬石,分資其所部。 鈔萬錠。 分贅所部 之叛、諸王也舍、失列吉及衞士朶帶、伯都坐持 己卯, 宿衞士。 諸王雍吉剌帶、曲春鐵木兒來朝,賜金二百兩、銀一千兩、鈔五千 **衡州,伯都潭州。** 田、置總管萬 豐州石泉店置巡檢司。 經史、請別求碩學、 壬申, 御史中 甲子, 給欽察衞馬羊價鈔一 戶府, 丞趙簡言:「皇太子春秋鼎盛,宜選者儒敷陳道 例輸稅。 癸酉,拘(衞)[魏]王阿木哥王傅印。 一秩正三品,給銀印。丁卯,給鈔二十萬錠、糧萬 癸亥,賜諸王八里帶等金二百兩、銀八百五 分進講讀,實宗社無疆之福。」制曰「可」。 賜諸王別失帖木兒等金、銀,幷賑其部 辛巳,立受給庫,秩九品, 戊子, 鞏昌路寧遠縣山崩。 十四萬五千九百九十二錠。 |兩端,不助官軍進討, 敕流||也 隸工 置餼廪司, 加封楚三 部。 丙

月戊子,云 車駕至自上都。 乙卯,併翁源縣入曲 江縣。 閭

甚善。」命刊 九 月 癸亥,大司 即 千 帙, ,農買住等進司農丞苗好謙所撰栽桑圖說,帝曰:「農桑衣食之本,此圖 散 之民 間。 丙寅,廣西 兩江龍州萬戶趙清臣、太平路總管李興隆率土

本

紀

第 =

+

六

仁

宗

Ξ

給 官 儀院 總管府,秩三品。 左 三人,輕 黄 丞, 法 事 吏部 狗兒為 1 扶 囚 卯 五. 尙 何 了, 中 十三人。 凱 書燕只干 中 書 -書參知 並 右 壬午,敕:[一以方 丞 己卯, 爲參知 、宣徽使 物來貢、賜以幣帛有差。 政 事。 軍 以江浙 政 官犯罪,行省咨樞密院議擬, 丁 亦列赤為中 事。 亥, 省所印大學行義五十部賜朝臣。 壬申,以鈔給北邊軍爲馬價。 立行宣 書平章政 政院于杭州, 豳王南忽里等部貧乏,命甘肅省市 事,左丞高昉爲右丞,參知政事換住 毋擅决遣。」丙戌, 設官八員。 甲戌、以作佛事, 辛巳, 大同路金城縣 置大永福 以愈太常禮 釋 馬萬 寺都 重 大 囚 爲 匹

甲午, 田 丽 壬 人 辰 雹 以 免 方 租 冬十月己丑,以大寧路隸遼陽省,宣德府隸大都路。 有 建 物 稅, 招 事 帝 來 諭 于 餘 師 觐 之。 太 巴思八 田 廟 與 罷膠、萊、莒、 民 癸 、殿於 體 丑 赣 科徵。」播州 大興教寺, 州 密 路雩都縣里胥劉景周,以有司徵括田新租,聚衆作亂, 鹽使司,復立濤洛場。 給 南寧長官洛熙作亂, 鈔萬錠。 癸巳, 辛卯,禁大同、冀寧、晉寧等路 改中翊府爲羽林親軍都指揮 敕「僧人除朱舊有及朝廷撥賜土 思州守臣換住哥招諭之, 洛壓遣 ;使司 釀酒

徵 官 四四 新 員。 租 + 月 山後民饑, 辛 酉 開 成、莊 增 海漕 浪等處禁酒。 四十萬石。 增置大都南、北兩兵馬司指揮使,色目、漢人各二 壬戌,改黃花嶺屯儲軍民總管府爲屯儲總管府,設

本 紀 第 = + 六 仁 宗 Ξ

事忠嘉 書,有益 冒籍貫 員,給分司印二。丁卯,用監察御史乃蠻帶等言,追奪建康富民王訓等白身濫受宣敕,仍禁 (宿衞及巧受遠方職官、不赴任求別調者,隱匿不自首者罪之。 己巳, 陞同知樞密院 知樞密院事。丙子,集賢大學士、太保曲出言:「唐陸淳著春秋纂例、辨疑、微旨三 一後學,請令江西行省鋟梓,以廣其傳。」從之。 敕大永 福寺創殿,安奉順宗皇帝御容。 癸未,敕江西茶運司歲課以二十五萬

都歲漕萬二千石。 十二月壬辰,特授集賢大學士脫列大司徒。 甲寅、敕樞密院覈實蒙古軍貧乏者、存卹五年。 辛亥、置重慶路江津、巴縣等處屯田、省成

錠爲額。

答刺罕 立詹 江 軍官致仕還家,官給驛傳如民官例。」戊辰,賑晉王部貧民。癸酉,特授同知徽政院事醮驢 事 制 無 西行省發兵捕之。 曰可可。 大小,必謀諸同僚。 事院以總家政,宜擇年德老成、道義崇重者爲師保賓贊,俾盡心輔導,以廣緝熙之學。」 六年春正月丁巳朔、暹國遣使奉表來貢方物。丁卯、敕:「福建、兩廣、雲南、甘肅、四川 金紫光祿大夫、太尉、給銀印。甲戌、監察御史孛朮魯翀等言:「皇太子位正東宮、旣 戊寅、太陰犯心。己卯、榮星于司天臺。廣東南恩、新州徭賊龍郎庚等爲寇、命 帝御嘉禧殿,謂扎魯忽亦買閭曰:「扎魯忽亦人命所繫,其詳閱獄辭。 疑不能決者,與省、臺臣集議以聞。」又顧謂侍臣曰:「卿等以朕居

帝位爲安邪? 朕惟太祖創業艱難,世祖混一疆宇,**兢業守成,恒懼不能當天心**, 繩祖武,使

萬 雲南闍里愛俄、永昌蒲蠻阿八刺等並為寇, 命雲南省從宜剿捕。 輒 爲 署 方 河 事 東 百 陝西 ,者悉罷之。」特授僧從吉祥榮祿大夫、大司空,加榮祿大夫、大司徒僧文吉祥開 月丁亥朔, 姓樂得其所、朕念慮在茲、卿等固不知也。」 |都轉運鹽使司,直隸省部。己亥,太陰犯靈臺。乙巳, 日有食之。改釋奠于中丁,祀社稷于中戊。榮星于回回司天臺。 戊戌,改陝西轉運 敕:「諸司不由 中 書奏官 鹽使司 府儀

同

端 八兒 制 上 爲法,否則將墜汝家聲,負朕委任之意矣。」丙寅,改懷孟路爲懷慶路。 日 食鈔二萬錠。 都、與和、大同 領 地有 思不花開府儀同三司、大司徒。己巳,太陰犯明堂。敕:「諸王、駙馬、宗姻諸 御史大夫職任至重,以卿勳舊之裔,故特授汝。當思乃祖乃父忠勤王室, 於內八 三月丁巳,以天壽節,釋重囚一人。(乙)[己]未,[10]給鈔賑濟上都、四番諸驛。 叛者入寇,遣鎮西武靖王搠思班率兵討之。詔以御史中丞禿禿合爲御史大夫,諭之 府官,勿徑移文中書。」封諸王月魯鐵木兒爲恩王,給印,置王傅官。 禁甘肅行省所屬郡縣釀酒。 今歲租稅。癸酉,太陰犯日星。 甲戌、太陰犯心。 壬午,賜大興教寺僧齋 特授翰林學士承旨 仍以古名臣 事, 辛酉、斡 **発大都、** 依舊

京師諸司官吏運糧輸上都、興和,賑濟蒙古饑民。庚子,車駕幸上都。 太師。 頑獷難制,必任土人,可以集事。今或闕員,宜從本俗,權職以行。」制曰「可」。丙辰,〔11〕命 夏四月壬辰,中書省臣言三雲南土官病故,子姪兄弟襲之,無則妻承夫職。 內外監察御史四十餘人,劾其逞私蠹政,難居師保之任,不聽。 諸王**合**贊薨。丙午, 以鐵木迭兒爲太子 遠方蠻夷,

命宣政院賑給西番諸驛。壬子,伯顏鐵木兒部貧乏,給鈔賑之。

五月辛酉,太陰犯靈臺。丁卯,太陰犯房。丙子,太陰犯壘壁陣。 加安南國王陳益稷

儀同三司。

署,以角觝者隸之。庚戌,大同縣雨雹,大如雞卵。 子,自己陞廣惠司秩正三品,掌回回醫藥。丁丑,自己以濟寧等路水,遣官閱視其民,乏食者 錠, 賬諸位怯憐口被災者, 諸有俸祿及能自贍者勿給。 費,仍陞其提點所爲總管府,給銀印,秩正三品。 徼者,俾牧養蕃息以自贍,仍命議興屯田。 總管府,隸內史府,設達魯花赤、總管、同知各一員,副總管二員,秩從三品。 主所隸貧民。甲午,改繕珍司爲徽儀使司,秩二品。己亥,歲星犯東咸。 六月戊子,以莊浪巡檢司爲莊浪縣,移巡檢司於比卜渡。癸巳,以米五千石賑大長公 壬子,賜大乾元寺鈔萬錠,俾營子錢,供繕修之 給鈔四十萬錠,賑合劇赤部貧民,三十萬 韶以駝馬牛羊分給朔方蒙古民戍守邊 癸丑,以羽林親軍萬 辛丑、置河南田賦 人隸東宮。 戊申,置勇校 丙

本紀第二十六

仁宗

大水。 雹。「国沙汴梁、益都、般陽、濟南、東昌、東平、濟寧、(恭)〔泰〕安、「馬」高唐、 賑之, 仍禁酒,開河泊禁, 聽民採食。 晉陽、西涼、鈞等州、(楊)[陽]翟、新鄭、密等縣 濮州、 淮安諸處 大雨

當流配者加等杖之。庚辰,賜木憐、麥該兩驛鈔一萬二千一百二十錠,俾市馬給驛。 宮、置右衞率府、秩正三品。丁卯、詔諭江西官吏、豪民毋沮撓茶課。 賜左右鷹坊及合剌赤等貧乏者鈔一十四萬錠。 經剽掠災傷,爲盜者衆,敕扎魯忽赤囊加帶往,與晉王內史審錄罪囚, 命分簡奴兒干流囚罪稍輕者,屯田肇州。乙亥,通州、漷州增置三倉。 之。 右執法。 祥哥刺吉作佛事、釋全寧府重囚二十七人,敕按問全寧守臣阿從不法, 諸王闊慳堅部貧乏,給糧賑之。壬戌,太陰犯心。 秋七月丙辰,緬國趙欽撒以方物來覲。 增置上都(巡警) [警巡]院、日志開平縣官各二員。 來安路總管岑世興叛,據唐興州,賜璽書招諭 以者連怯耶兒萬戶府軍萬 己卯,晉王也孫鐵木兒所部民, 甲戌,皇姊大長公主 丙子,太白犯太微垣 重者就啓晉王誅之, 仍追所釋 囚 人 還 辛巳, 隸 東

以授皇太子玉册,告祭于南郊。 八月甲申,以河東山西道宣慰使張 庚子,車駕至自上都。丁未,告祭于太廟。 思明爲中書參知政事。 乙酉, 熒惑犯 是月,伏羌縣 輿 鬼。 甲午,

Ш

崩。

本紀第二十六 仁宗三

隨朝。」 置 興 浚 深縣 會 興和 入奉聖州 通 閨 敕 路 河。 八月丙辰, 辰星犯太微垣右執法。 旣備 :「諸司 壬 申,以太傅、御史大夫伯忽爲太師。 倉,秩正 '有受命不之官及避繁劇託故去職者,奪其宣敕。」乙亥,太白犯東咸。 併 八品; 陞廣盈庫從八品。 賜嘉王晃火鐵木兒部羊十萬、馬萬匹。 癸亥, 癸酉,敕:「河東山西道宣慰司官,給俸同 熒惑犯軒轅。 甲子,太陰 犯 庚申, 壘壁陣。 增 永

路。 覬倖 浚鎮 及當 言:「比者官以倖求,罪以賂免。 囚六人。 二十八驛被災,給鈔賑之。 庚子, 名 鞫 江 九 練湖 爵, 月甲申,以徽政使朶帶爲太傅。 而 戊戌, 幸免者 併順德、廣平兩鐵冶提舉司爲順德廣平彰德等處鐵冶提舉司。 宜斥逐之。」帝皆納其言。 發栗賑 增海漕十萬石。 ,悉付元問官以竟其罪。 濟寧、東平、東昌、高唐、德州、濟南、益都、般陽、揚州等路饑。 壬辰, 榮星于司天臺。 乞凡內外官非勳舊有資望者,不許驟陞。 置雲南縣,隸雲內州。以故昌州寶山 詔謂 陞參議中書省事欽察爲參知政事。 其貪污受刑,奪職不敍者,夤緣近侍,出入內庭, 四宿衞嘗受刑者,勿令造禁庭。 癸巳,以作佛事,釋大辟囚七人,流以下 .縣置寶昌州,隸興和 諸犯贓罪已款伏 癸卯,御史臺臣 辛卯,鐵里干等 山東諸路禁酒。

十石。 + 中 月甲寅,省都 書 省 臣言:「白雲宗總攝沈明仁,强奪民田二萬頃,誑誘愚俗十萬人,私賂近侍,妄 功德使四員,止存六員。 乙卯,東平、濟寧路水陸十五 一驛乏食,戶給麥

河。 井。 設 浙 兒不花爲御史大夫。癸亥,熒惑犯太微垣左執法。 受名爵,已奉旨追奪,請汰其徒,還所奪民田。其諸不法事,宜令覈問。」有旨:「朕知沈明仁 二,增管勾各二員,罷漉鹽戶提領二十人。濟南濱、棣州、章丘等縣水, 觅其田 姦惡,其嚴鞫之。」 戊午, 遣中書右丞相伯答沙持節授皇太子玉册。 辛酉,以扎魯忽赤鐵木 **|監運一員,正八品。罷檢校所。乙丑,太陰犯昴。丁卯,賑北方諸驛。** ·鹽倉六所,秩從八品,官二員,惟杭州、嘉興二倉設官三員,秩從七品; 鹽場三十四 庚午,太白晝見。辛未,太陰犯軒轅。丙子,以皇太子受玉册,韶天下。 增河東、陝西鹽運司判官一員、給分司印二、置提領所二、秩從八品、官各二員、 上都民饑,發官粟萬石減價賬糶。 戊辰, 太陰犯東 己卯,浚通惠 租 .所,場

禁民匿蒙古軍亡奴。帝諭臺臣曰:「有國家者,以民爲本。 察御也、廉訪司審察以聞。」河間民饑,發粟賑之。 其部阿魯忽等出獵,恣索於民,且爲姦事,宜令宗正府、刑部訊鞫之,以正典刑。」 分司印。中書省臣言三曩賜諸王阿只吉鈔三萬錠,使營子錢以給畋獵廪膳,毋取諸民。 於大司徒。庚子,Cl+D敕晉王部貧民二千居稱海屯田。 十一月辛卯,熒惑犯進賢。木邦路帶邦為寇,敕雲南省招捕之。乙巳,以秘書卿苫思丁 增京畿漕運司同知、副使各一員、給 比聞百姓疾苦銜冤者衆,其令監 制 曰「可」。

十二月壬戌,命皇太子參決國政。 封宋儒周惇頤爲道國公。甲子,遣宗正府扎魯忽赤

罕丁山場、完者不花海舶稅,會計其鈔,皆數十萬錠,諸王軍民貧乏者,所賜未嘗若是,苟不 卯,葬起輦谷,從諸帝陵。 未,太陰 萬餘錠,旣已辭伏,今遣其徒沈崇勝潛赴京師行賄求援,請逮赴江浙併治其罪。」從之。乙 王、百官朝賀。 撙節,漸致帑藏虛竭,民益困矣。」中書省臣進曰:「臺臣所言良是,若非振理朝綱,法度愈 夏設食于路,以食饑者。 與卿等居暖室,宗戚、昆弟遠戍邊陲,曷勝其苦。歲賜錢帛,可不徧及耶。」敕上都、大都冬 平章政事王毅,以親老辭職,從之,仍賜其父幣帛。癸酉,是夜風雪甚寒,帝謂侍臣曰:「朕 大都、上都、興和延祐七年差稅。 授等官百二十四員。丙寅,太陰犯軒轅。已巳,復吏人出身舊制,其犯贓者止從七品。觅 一員,審決興和、平地等處獄囚。省雲南大理、大、小徹里等地同知、相副官及儒學、蒙古敎 臣等乞賜罷黜,選任賢者。」帝曰:「卿等不必言,其各共乃事。」癸未,帝御大明殿,受諸 七年春正月辛巳朔,日有食之。帝齋居損膳,輟朝賀。壬午,御史臺臣言:「比賜不兒 犯明堂上星。 辛卯,江浙行省丞相黑驢言:「白雲僧沈明仁,擅度僧四千八百餘人,獲鈔四 丁亥,帝不豫。江公辛丑,帝崩于光天宫,壽三十有六,在位十年。癸 五. 月乙未,羣臣上諡曰聖文欽孝皇帝,廟號仁宗,國語曰普顏篤 河西塔塔刺地置屯田,立軍民萬戶府。 、壬申,太陰犯心。

本

紀第二

-|-

皇帝。

之成憲云。 老、時加恩齊、太官進膳、必分賜貴近。 事遊畋,不喜征伐,不崇貨利。 國,儒道爲切。」又曰:「儒者可尙,以能維持三綱五常之道也。」平居服御質素,澹然無欲,不 仁宗天性慈孝,聰明恭儉,通達儒術,妙悟釋典,嘗曰:「明心見性,佛敎爲深,修身治 事皇太后,終身不違顏色,待宗戚勳舊,始終以禮。 有司奏大辟,每慘惻移時。 其孜孜爲治, 遵世祖 大臣 親

校勘記

太寧路 按元有「大寧路」及「泰寧路」,無「太寧路」,此處「太」字有誤。

中書(左)(右)丞阿卜海牙 據上文延祐三年五月庚 申條 及 本書卷一一二宰相年表改。 蒙史

已校。

左」當作「右」。

以江浙行省左丞王毅爲中書平章政事 按清容集卷二七王氏先塋碑銘「左丞」作「右丞」, 疑

29 秦州(泰)[秦]安縣山崩 從殿本改。 按本書卷五〇五行志作「秦安縣山崩」。 秦安 秦州屬縣。

五. 王子諸王答失蠻部乏食 「王子」「諸王」同義重複、疑「王子」二字衍

- [六](衛)[魏]王阿木哥 見卷二四校勘記云。下同。
- 雍吉剌(帶) 據下文七月己卯條補

以御史中丞亦列赤為中書右丞(相)

據下文九月丁卯條及本書卷一一二字相年表删。

續編已

校。

[元] 八月戊子 按是年八月己丑朔,無戊子日。戊子爲七月三十日,已見上文七月,此誤。 續通鑑

作庚子十二日。

(10) (元)(己)未 按是月丙辰朔,無乙未日。此「乙未」在丁巳初二日、辛酉初六日間,爲己未初四日之

誤、今改。

丙子

按是月甲申朔、無丙子日。

丙辰 按是月丙戌朔,無丙辰日。此「丙辰」在壬辰初七日、庚子十五日間,當是丙申十一日之誤。 此「丙子」在癸丑三十日後,疑七月之丙子二十三日誤書於此。

〇一一丁丑 按是月甲申朔、無丁丑日。疑七月之丁丑二十四日誤書於此。

[IE] 晉陽西涼鈞等州(楊)[陽]翟新鄭密等縣大雨雹 陽翟、新鄭、密三縣皆鈞州屬縣,疑當作「晉陽、西涼等州,鈞州陽翟、新鄭、密等縣大雨雹」。 據本書卷五九地理志改。 道光本已校。 叉按

[三] (恭)[秦]安 據本書卷五○五行志改。本證已校。

上都(巡警)[警巡]院 據本書卷五八地理志、卷九〇百官志改正。 本證已校。

本

第二十

六

校

勘

記

丁亥帝不豫

口也 庚子 按是月辛巳朔,庚子爲二十日,應在辛卯十一日後、乙巳二十五日前。

酉十七日之誤。 本書卷二七英宗紀作「七年春正月戊戌,仁宗不豫」,戊戌爲十八日。

按是月辛已朔,丁亥爲初七日,此「丁亥」在乙未十五日後、辛丑二十一日前,疑爲丁

